


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<http://books.google.com>







38. T. 4.


MENTEM ALIT ET EXCOLIT



K.K. HOFBIBLIOTHEK  
ÖSTERR. NATIONALBIBLIOTHEK

38.T.4











AD  
RELIQVA LIBRORVM  
FRIDERICI II.

ET  
ALBERTI MAGNI CAPITA  
COMMENTARII,

QVIBVS  
NON SOLVM AVIVM, INPRIMIS RAPACIVM, NATVRALIS,  
SED ETIAM SECVLI TERTII ET DECIMI LITTERARIA  
HISTORIA ILLVSTRATVR.

---

CVM  
AVCTARIO EMENDATIONVM ATQVE ANNOTATIONVM  
AD AELIANI  
DE NATVRA ANIMALIVM LIBROS.

AVCTOR  
I O. G O T T L. S C H N E I D E R, S A X O.  
ELOQVENT. ET PHILOLOG. PROFESSOR.

---

TOMVS II.

---

LIPSIAE,  
IMPENSIS I. G. MÜLLERI HEREDVM  
1789







## LECTORI.

**V**ltra fines primo consilio definitos euexit me studium augusti eiusdemque in sua arte eruditissimi scriptoris, amor historiae naturalis, et magis etiam copia librorum de arte falconaria, quam plane attingere nolueram, scriptorum paulatim succrescens, vnde artis dignitatem non eam quidem, qua magnates et principes superbiunt cum damno ciuium suorum, sed qua iure suo etiam inter litteras censei debet, ferro agnoui. Auctus ita labor comparandorum singulorum librorum sensim me ad multa historiae et naturalis et litterariae argumenta deduxit accuratius inuestiganda, quam a quopiam hucusque factum esse reperi. In quo quidem studio nisi me nimis saepe librorum veterum copia defecisset, plura etiam argumenta rerum delibata ad liquidum potuissim perducere. Ex mutato paulatim consilio natum est incommodum illud, de quo lectores bene multos conquesturos esse sentio. Per multa enim loca

ca dispersae et disseminatae sunt disputationes, nec eae sibi omnes consentiunt vbique; quoniam non omnium eodem mihi tempore librorum copia erat; saepe etiam quod aliena antea tradideram auctoritate, multo grauiore ipsius naturae cultro anatomico inuestigatae deinde oppugnaui et refutaui. Cui malo vt aliquo tamen modo mederer, ipse operam conficiendi indicis rerum et verborum, quaecunque in his annotationibus explicantur, lubens suscepi; cui ipsi adeo intertexui quaedam antea omissa, aut quae in libris sero acceptis repereram. Accedunt tandem additamenta quaedam, anatomicis quibusdam annotationibus contexta, quibus supersedere poterunt, qui naturalem historiam ex specie corporum quorumcunque discunt, docent et iudicant.

Dab. Francof. Calendis Augustis MDCCLXXXVIII.



ANI-



# ANIMADVERSIONES

## AD RELIQUA LIBRORVM

### FRIDERICI II.

PAG. 3.

**L***incos, Lincas.* Quam ob rem sexum distinxerit, non video; contra suspicor, Lincas esse varietatem scripturae rectiorem pro *Lyncas*. Deinceps *Furetti* sunt Gallorum *Furets*, cuius vocabuli vestigia seruauit nostrum cum Britannico idiomate.

\* *Modos leopardorum — Lincos, Lincas, Furettos.* Furetti sunt, quos furunculos appellat Gallicus libri de natura rerum auctor apud VINCENTIVM XIX. c. 57, putorio valde consimiles, mustela paulo ampliores, inter album et buxeum colorem. Commemorata deinde cuniculorum venatione, addit, coire prostratos dici; foeminam, si marem non habeat, quando luxuria stimuletur, tumescere et mori, partu foecundo septem vel octo foetus simul edere, vterum gerere 40 diebus, et cum nati fuerint, catulos coecos esse 30 diebus, a tempore vero, quo videre incipiant, vsque ad 40 dies venari incipere. De coitu quod tradit ex aliena relatione, VINCENTIVS ibidem sub ARISTOTELIS auctoritate ponit his verbis: furonum foeminae sunt obediens valde ad coitum, clamantque mares ad coitum tempore luxuriae. Nec coeunt mares cum foemina retro, sed mas eleuatur, et femina aequatur subiucendo. Sed haec ARISTOTELES eadem de felibus tradit H. A. V. cap. 2; vides igitur, quam multi ex vetustis ARISTOTELIS interpretationibus illati fuerint in historiam naturalem animalium errores. — Modi leopardorum qui intelligantur, difficile est definire. Sunt enim in hoc rapacium animalium genere plures colore et magnitudine parum diuersae species, quas eo nomine comprehendunt scriptores recentiores; nec hodieque omnes felium species nouimus, quibus Asiatici in venatione vtuntur. Praeter eam speciem, quam illustris BUFFONVS *P Once* appellauit, duae aliae ad eundem venandi usum cicuratae adhibentur, quarum vnā *Guepard*, alteram *Caracal* appellauit. De lynce proprie dicta ad usum venandi cicurata desidero adhuc scriptorum veterum

Frider. Rel. Tom. II.

A

rum

rum testimonia; quare suspicor, in vocabulis *Lincos*, *Lincas* vitium latere, cum praeterea ratio repetiti vocabuli eiusdem non appareat. Suspicio igitur, in his duobus vocabulis latere vestigia nominis alicuius ferae ad usum venandi cicuratae, ex quo Buffonianum *Once* factum est. *Lauzani*, bestiam aliquam crudelem, quae et ipsum leonem aggreditur, nominat Gallicus libri de natura rerum auctor apud VINCENTIVM XIX. cap. 65. Nescio, an idem sit, quod *unciam* appellat non edito auctore VINCENTIVS ibid. cap. 114.: *uncia*, inquit, est animal saeuissimum, non altius cane, sed longius corpore, canibus inimicum valde. Praedam non comedit, nisi eam in altum portet, sed quando ad arborem venit, ad supremum eam ramum desert, eamque pendendo comedit. Cum autem in calore coitus existens aliquem vulnerauerit, mures super ipsum conueniunt, ac super eum mingunt et moritur. Vnde quidam ab ea vulneratus se per cymbam in mare portare fecit, et mures ad mare venerunt, ut ad eum accederent, sed propter mare non poterant. — De leopardis quaedam tradit Gallicus libri de natura rerum scriptor apud VINCENTIVM XIX. cap. 76., quae apud illustrem BUFFONVM non reperiatur, seu falsa, seu vera; de quo nunc quidem non iudico. Domesticatur, inquit, ad venandum; itaque cum ad praedam in venatione ducitur, relaxatur; quam si quarto aut quinto saltu capere nequiverit, ferociter iratus subsistit, et, nisi statim venator furenti bestiam aliquam obtulerit, cuius sanguine placetur, in ipsum venatorem vel in quoslibet obuios irruit. Impossibile enim est, eum placari, nisi in sanguine. Sed in hoc prouidi sunt venatores, ut agnos penes se vel alia animalia semper habeant, quibus iratos placant. Huic autem furenti qui resistere vult, inter manus alia fricet, et statim ille resiliet, quia odorem alii sustinere non valet. — Leones Indicos iuba nigra erecta ad venationem mansuefactos et odoratu praestantes memorat AELIANVS XVII. c. 26.

PAG. 5. sq.

*Modi mergorum* videntur esse Colymbi LINNAEI. *Corui* vero *marini* Pelicani carbones, Gallis *Cormorans*, corui quasi marini, dicti. *Cinni* sunt cycni. *Pellicani* appellantur *Cofani* nomine Apulico, quod alibi non reperi. Sunt LINNAEI Pelicani Onocrotali. *Coriales* digiti sunt corio iuncti.

PAG. 6.

*Ad hoc aquilae piscatrices.* Videtur voluisse ab hoc scribere. *Pluerii* sunt Gallorum *Pluviers*; *Vanelli* eorundem *Vanneaux*; *Liuercini* dicti videntur aues ex eodem genere, quod circa Neapolin *Leverfina* appellari reperio in CHARLETONI Onomastico p. 110. Nocte etiam et singulos passum euolare, scarabaeos, bruchos et huiusmodi comedere, digito posteriore carere cum plueriis et bistardis, infra tradit auctor; atque ex his indiciis referre has aues licet ad genus *Charadriorum* LINNAEI,

*Genera*

*Genera gruum, maiorum et minorum.* Quae praeter vulgarem minor hic intelligi grus debeat, difficile est coniectu. Ardeam tamen LINNAEI, Antigonom et virginem, intelligi suspicor, quas in Asiae paludibus habitare passim refert Cl. PALLAS Itinerar. Russici III. p. 220. Virginem vulgari grue paulo minorem a Mauris *Bukottaia* appellari, tradit REDI *Esperienze intorno agli Insetti* p. 174. Duplex gruum genus iterum Noster infra cap. 21. p. 24. memorat. — Ciconiam nigram nuper accurate descripsi marem in Promptuario Lipsiensi historiae naturalis anni 1786. p. 484. De eadem ALBERTVS p. 228. b., inuenitur, inquit, etiam genus ciconiae totum in dorso nigrum et in dorso (voluit ventre) subalbum. Sed hoc non nidificat in hominum habitationibus, sed in paludibus deserti.

## PAG. 7.

*Picorum, quae dicuntur ossa frangentes.* Intelligit ossifragas, quarum nomen infra p. 16. post vultures truncatum occurrit. Sed ad picorum genus inapte reuocantur hic, errore librarii, vt puto, cum aquilarum scribere voluisset.

## PAG. 8.

Pedes breues palmipedibus auibis cum collo longo ad natandum et piscandum datos annotauit etiam ARISTOTELES de Partibus Animal. IV. 12. Contra idem ibidem palustres aues longipedes facit. Recte. Sunt eae, quas LINNAEVS Grallas appellauit, cum Grallatores deberet. Sed recte praeterea de toto hoc genere admonuit ARISTOTELES: *μακροσκελῆ καὶ μακροδάκτυλα καὶ τὰς καμπὰς ἔχουσι πλείους ἐν ταῖς δακτύλοις οἱ πολλοὶ αὐτῶν.* Digitos scilicet longiores pluresque adeo digitorum articulos habere plurimum genus. Veram hanc annotationem, contra ac putabat nuperus Philosophi interpretes gallicus, CAMVS, in plurimis grallatoribus reperi; extimus enim digitus quinque phalangibus seu articulis componitur, cum in reliquis terrestribus quatuor flecti soleat. In Pelicani genere, in scolopace arquata, laro hirundine atque aliis extimus digitus 5 articulis componitur, et numerus in sequentibus ad intimum vsque decrescit ad ternarium. In hirundine rupestri aliaque specie numerus solito minor reperitur. Si praeterea aues quaedam aquaticae habent pedes longos, vt fulicarum genus, et si quae sunt his similes, meminisse debemus, eas magis super aquis currere, quam natare. Eaedem etiam fulicae in terra celerrime currunt, sed tum metatarso ad terram horizontaliter deflexo insistent, quod etiam a charadrio oedicnemus longipede fieri vidi.

## PAG. 9.

Post verbum *rationabiliter* redit oratio Imperatoris parenthesi filii regis interrupta. *Ralli* sunt Gallorum *Rasler*, LINNAEO etiam in genere auium palustrium

strum aliquo dicti, iidemne, an diuersi, nescio. Infra cap. 9. modus rallo-  
rum terrestrium nominatur, qui dicuntur duces coturnicum; unde apparet, ral-  
lum ortygometræ intelligi. *Ayrones*, *Airones* sunt Gallorum *Hérons*, Ardeae  
LINNAEI. *Maneries* (ex gallico *manières*) *cinnorum* indicant vtramque cycni spe-  
ciem, quam nuper accuratius distinxit in Promptuario Lipsiensi 1787. Quod ve-  
ro cycni dicuntur grana et fructus prius, quam comedant, in aqua emollire, ve-  
reor, ut ratio addita *propter teneritatem rostri* vera sit. Rostrum enim eiusdem  
plane structurae et naturae est cum anserino. In ciconia nigra femina, quam  
cicurem in corte saepe vidi, eundem morem obseruabam; quidquid enim illi in  
corte obijcitur esui, aqua prius perlutum comedit.

*Modi picarum*, quae sunt aquaticae, neque natant, neque comedunt pisces,  
referri possunt ad genus Haematopodis Linnaeanum; sed praeter ostralegam  
species vernaculae aliae non sunt notae, quas tamen verba *multi modi* arguunt.  
Haec avis Gallis *Pie de mer* dicitur.

## PAG. 10.

*Circellae* sunt Gallorum *Cercelles*, anates minores, Querquedulae LINNAEO.  
Confer CANGII Glossarium sub voce *Cercella*.

## PAG. 11.

*Bernecelae*. Anserum genera plura commemorat ALBERTVS p. 79. b. An-  
seres, inquit, magni et parui, quorum 4 genera sunt apud nos; magni videlicet  
cinerei, et parui cinerei, et anseres albi, qui anseres grandinis siue niuis vocau-  
tur. Et sunt quarti habentes maculas nigras in vultu et cinerei sunt, qui anseres  
arborum vocantur, et omnes habent hoc, quod in grege volant. Idem de mi-  
grationibus earum VII. p. 81. a.: expertus sum, quod anseres secundum genus  
suum quadruplex recedunt a terra nostra, et veniunt in Slauiam ad loca humida  
harundinosa et paludosa, et pullificant ibi. In hiemis autem principio reuertun-  
tur ad nos propter pascua et aërem magis temperatum et tunc volant in grègibus  
maximis, ita quod milleni vel amplius videntur, et quando ventus est a septen-  
trione, volant ad meridiem, quando autem est a meridie, volant ad aquilonem,  
ita quod semper portantur flatu venti in volatu. Et ideo vulgus dicit, quod vo-  
latus anseris indicat ventum. Quatuor ab ALBERTO nominata genera definire  
non ausim, sed hoc mihi satis constare videtur, in eo numero esse etiam *Ber-  
necelas*, quas a *Blenetis* distinguit Imperator. Scriptura apud nostrum variatur  
inter *Bernicla*, *Bernicha*, c. 19 et 21. CANGIVS aliunde laudat *Bernacae* et *Bar-  
nates*; CHARPENTERIVS vero *Bernechae* et *Bernestae*. Eisdem ALBERTVS libro  
XXIII. p. 228. a. *Barbates* appellat, quas, inquit, mentiendo quidam dicunt  
sues, quas vulgus *bonugas* (GESNERVS p. 108. recte legit *Bomgans*, *Baumgans*,  
i. e.



i. e. arborum anseres) vocat, eo quod ex arboribus nasci dicuntur, a quibus stipite et ramis dependent et succo, qui inter corticem est, nutritae: dicunt etiam, aliquando ex putridis lignis haec animalia in mari generari et praecipue ex abietum putredine, asserentes, quod nemo vnquam vidit has aues coire vel ouare. Et hoc omnino absurdum est: quod ego et multi mecum de sociis vidimus eas coire et ouare et pullos nutrire, sicut in antehabitis diximus. Haec auis caput habet quasi pauonis, pedes autem nigros, vt cignus, et sunt membrana coniuncti digiti ad natandum et sunt in dorso cinereae nigredinis et in ventre subalbidae aliquantum minores anseribus. Apud VINCENTIVM XVI. c. 40. *Barthlathes* et *Bernatae* audiunt, cum eiusdem fabulae mentione. Idem ALBERTVS p. 227. b.: anser siluestris apud nos quinque specierum inuenitur. Est enim magnus anser, qui cinerei coloris est, et apud germanos *Gragans* (i. e. *Graugans*) vocatur: et est alius minor illo eiusdem coloris et eiusdem figurae, sed altius et longius volans propter corporis sui leuitatem: et est tertius totus albus praeter alarum extremas 4 vel 5 pennas, quae sunt nigerrimae, et hoc genus est paruum, late et alte et longe volans: et est quartum genus illo minus habens rostrum anseris, sed colorem capitis pauonis, praeter hoc, quod cristam de pennis non habet, et in dorso quidem est cinereus, declinans ad nigredinem. In struma autem nigrum et in ventre cinereum, quod vulgus dicit nasci de arbore. Quintum autem genus anseris ponit Plinius vocans ipsum comage. — Aliud autem genus addunt quidam, quod praeter strutionem maior est auis, vt dicunt, et hoc habitare in alpinis perhibent — anseres siluestres volant extento collo, et in hoc differunt ab ardea, quae volat collo contracto. — Apud nos anser, qui est sicut pavo, cum anseri domestico concubuit et pullificauit: sed omnes pulli patrem in colore secuti sunt, sed in quantitate erant maiores — vidimus enim anserem nutritum domesticum, qui plus habuit quam 60. annos. Ex hoc specimine cognoscent illi, qui fabulas crepare ALBERTVM clamant, non parum etiam bonae frugis inter steriles auenas et lolia latentis inde posse colligi. ADELINVM ille, IORACH vel IORATH et SOLINVM saepe ineptiarum arcessit, vbi experimentis suis confidit. — Ceterum de anserum migrationibus et reliquarum aquaticarum auium egregiae exstant obseruationes Cl. PALLAS in Spicileg. Zoolog. VI. p. 15 seqq. De exitu et reditu aquaticarum ad pascua raras reperio virorum doctorum annotationes. De anate mollissima OTHO FABRICIVS in Fauna Groenl. p. 69., pro more, inquit, habet mane de sinibus euolare, mari propiora petens, vespere autem reuertens.

PAG. 12.

Ex Gallico *Flaque* pro voce *Plasteriae* legendum censebat CANGIVS *Flasteriae*, i. e. loca coenosa, stagnantia aquis. Dicitur etiam *Flastra*. Cf. CANGIVS sub h. v.

A 3

PAG.

## PAG. 13.

*Modus hirundinum maiorum.* ARISTOTELIS locus, quem laudat, est in Histor. Animal. I. c. 1.: καὶ τῶν ὀρνίθων εἰσὶ τινες κακόποδες, οἱ διὰ τῆτο καλεῖν-  
ται ἀποδες· ἔστι δὲ εὐπτερον τῆτο τὸ ὀρνίθιον, σχεδὸν δὲ καὶ τὰ ὅμοια αὐτῷ  
εὐπτερα μὲν, κακόποδα δὲ ἴσθιν, οἷον χελιδῶν καὶ δρεπανίς. ὁμοιότροπά τε γὰρ  
καὶ ὁμοιόπτερα ταῦτα πάντα καὶ τὰς ὄψεις ἐγγὺς ἀλλήλων. Φαίνεται δὲ ὁ μὲν  
ἀπες πᾶσαν ὥραν, ἡ δὲ δρεπανίς, ὅταν ὕσῃ τῇ θέρει. τότε γὰρ ὀρεῖται καὶ  
ἀλίσκεται· ὅλως δὲ καὶ σπάνιον ἐστὶ τῆτο τὸ ὄρνεον. Ita enim in postremis recte  
Codex Medicus pro ἄλλως habet; vbi male Gallicus Interpres: *ils volent très*  
*vite*: cum deberet: alas bene longas et fortes habent interpretari. Iterum ARI-  
STOTELES IX. 3. apodes κυψέλλας etiam appellari ait, hirundinibus similes, a  
quibus nisi tibiis hirsutis non distingui: habitare in loculis luteis longo aditu et  
angusto contra ferarum insidias praemunitis, sub petris et speluncis: νεοττεύουσιν  
ἐν κυψελίσσιν ἐκ πηλῆ πεπλασμέναις μακράς ὅσον εἰσδύσιν ἐχέσαις. ἐν σενῶ δὲ  
ποιεῖται τὰς νεοττίας ὑπὸ πέτραις καὶ σπηλαίοις. Vbi Codex Medicus habet  
μακράς ὅσον εἰσδύσεις ἐχέσαις. Recte. Sed praeterea ad ἐχέσαις retrahendum  
est sequens ἐν σενῶ; deinde continuanda oratio: ποιεῖται δὲ etc. Ita enim AL-  
BERTVS hunc locum interpretatur: *in tempore veris facit nidum longum et graci-*  
*lem et parvissimae latitudinis, et collocat in parietibus sub prominentibus lapidibus.*  
Cypsellos ARISTOTELIS PENNANTVS etiam in Itinerario Scotico I. p. 378. vers.  
germanicae interpretatur Procellariam pelagicam LINNAEI, PLINII scilicet erro-  
re X. cap. 39. inductus, qui apodes in toto mari cerni et naues semper circum-  
uolare tradit sua auctoritate. Gallicus contra Philosophi Interpres in ipsa ver-  
sione pro δρεπανίς posuit *Martinet*, nomen hirundinis rupestris gallicum, deinde  
vero in Commentario apodem cum drepanide confusam gemino nomine ab ARI-  
STOTELE indicari putabat; in quo me consentientem non habet. Apodem enim  
hirundinem ripariam LINNAEI esse puto, alteram vero hirundinem apodem  
LINNAEI, omnium congenerum facile maximam, eandem cum SCOPOLII rupe-  
stri, Gallis *Martinet* dictam, alarum flexura arcuata, a qua nomen δρεπανίς,  
i. e. falcula, sortita est, quod, ut ait Imperator, alas longas ad modum falcis  
habet. EUSTATHIUS ad Odysseam p. 176. ed. Basil.: καὶ παρὰ τοῖς Λυκίοις καὶ  
μέχρι νῦν, οἱ χελιδόνας τινὰς, ἃς οἱ ἰδιῶται πετροχελιδόνας φασιν, ἐκείνοι καλεῖ-  
σιν ἀποδας. Ex quo loco possit aliquis suspicari, hirundinem apodem LINNAEI  
seu Gallorum *Martinet* in Lycia dictam fuisse apoda, a vulgo vero rupestris hi-  
rundinem. Apodem etiam vespertilionem dictam fuisse licet suspicari ex loco  
PHILOPONI ad ARISTOTELEM de Anima Littera M. 6.: ἔτω καὶ ἀποδα φαρμὴν  
ζῶα, ἣ τὰ μὴ ἔχοντα πόδας, ἀλλὰ τὰ μικρὰς ἔχοντα. ἐστὶ δὲ πτηνόν τι τοιοῦτον  
ἰοκὸς χελιδόνι, καὶ ἔσπέραν πτάμενον, ὃ καλεῖται νυκτερίς. Sed hirundinum  
ripariarum et rupestrium plures esse videntur species, nec omnes adhuc satis di-  
stinctae. Facile esset decernere de specie, si digitorum structuram positionem-  
que

que annotasset ARISTOTELES. Pluuio tempore vel post pluuias inprimis appa-  
rere ripariam, et in regionibus quibusdam pullos ad menfarum vsum conquiri,  
confirmavit illustris BVFFONI socius MONTBEILLARD. De hirundinum cibatu  
iam olim PLINIVS X. 24., eadem, inquit, demum sola auium non nisi in volatu  
pascitur. De coitu locus obscurus est AELIANI H. A. II. 3., vbi vide notam.  
Quidam etiam in volatu coire tradiderunt recentiores.

## PAG. 14.

*Syrenae — sturnelli — starnae — franquillini — facha.* Primum vo-  
cabulum ex Gallico *Serin* formatum esse facile apparet; sed non item, cui gene-  
ri auium h. l. recte tribui possit. *Sturnelli* sunt Gallorum *Estourneaux*. *Starnae*  
Italicum perdicum nomen est, sed perdici h. l. iunctum dubitare licet cinereae an  
rubrae speciei proprium sit. Similis romanorum nominum confusio obtinet in  
hodiernis virorum doctorum libris de natura auium. COLVMELLA VIII. 12: ce-  
terum siluestres gallinae, quae rusticae appellantur, in seruitute non foetant; et  
ideo nihil de iis praecipimus, nisi vt cibus ad satietatem praebeatur, quo sint  
conuiuorum epulis aptiores. VARRO III. 9.: gallinae rusticae sunt in vrbe rarae,  
nec fere mansuetae sine cauea videntur Romae, similes facie non his villaticis  
gallinis nostris, sed Africanis, aspectu ac facie incontaminata. In ornatibus  
publicis solent poni cum psittacis ac merulis albis, item aliis id genus rebus in-  
usitatis. PLINIVS semel tantum atque obiter meminit rusticulae X. sect. 54.  
Currunt, inquit, vt perdices, rusticulae. Vbi HARDVINVS, auctore CONR.  
GESNERO aliisque, rusticulam interpretatur ARISTOTELIS scolopacem, Gallo-  
rum *bessam*. MARTIALIS XIII. 76.: rustica sim, an perdix, quid refert, si  
sapor idem est? Carior est perdix, sic sapit illa magis. Vbi lemma habet rusti-  
cula inscriptum. Idem XIII. 62.: ponitur aufoniis perdix rarissima mensis.  
Hanc in lautorum condere saepe soles. Quae quidem omnia de perdice vulgari  
nostra grisea dici non possunt; ea enim Italiae non ignota nec rara fuit; sed  
graeca rubro rostro pedibusque insignis, dimidio maior, in Italia non fuit, teste  
ATHENAEO IX. p. 390., vbi de perdice graeca seu rubra agit: τῶν δὲ περδικῶν  
ἔστιν ἕτερον γένος ἐν Ἰταλίᾳ ἀμαυρόν τῇ πτερῶσει καὶ μικρότερον τῇ ἔξει, τὸ ὀύγχος  
ἐχὼ κινναβερίον ἔχον. De hac rubra Graeciae indigena, Italiae vero ignota lo-  
quitur vbique ARISTOTELES, et, vbi eum transtulit, PLINIVS X. §. 51., vbi recte  
etiam de ea re admonuit HARDVINVS. Recte vero, vt puto, AVG. NIPHVS in  
Commentariis ad ARISTOTELEM, rusticulae, inquit, PLINIO dictae sunt nostrae  
perdices; etenim proprie perdices sunt maiores, vt Hispanicae et Chienfes  
et Siculae. Contra vero CONR. GESNERVS p. 484. eandem facit σκολόπακα cum  
Romanorum rustica perdice vel rusticula. Scilicet p. 461. dixerat: alia videri  
potest gallina rustica, cuius COLVMELLA et VARRO meminerunt, alia vero rusti-  
ca perdix, cuius MARTIALIS, eadem, ni fallor, PLINIO rusticula dicta. Recte  
hoc

hoc GESNERVS. MARTIALIS rusticula, quae in lemmate dicitur; est eadem cum PLINII rusticula; sed nulla est perdix rustica, quae a gallina rustica distinguatur possit. Nam in MARTIALIS loco Codices rectius habent *rustica sim an perdix*, nec, ut olim GESNERVS in suis editionibus legerat, *rustica sim perdix*. Praeterea ipse hic locus prodit cognationem perdicis cum rusticula, quam et PLINII locus arguit. Idem GESNERVS p. 461. suspicatur, gallinam rusticam esse gallinam nigram (*Moorhuhn*), sed in eam ipse suspicionem inciderat, quod gallinam rusticam a perdice rustica falso distinxit. Recte vero idem ipse p. 461. vidit, gallinam rusticam COLVMELLAE non esse scolopacem, quod ea plane est dissimilis villaticae. Deinde cibus scolopaci non praebetur, sed ipsa eum sibi quaerit in palustribus et limosis locis. Cf. omnino BOWLES Introduction à l'histoire naturelle de l'Espagne, p. 446. Denique ipse VARRO perdicem distinguit a rustica; nam infra cap. XI. 4. post aues aquaticas plures commemoratas addit: sic perdicēs, quae, ut superiores, neque propter foecunditatem neque propter suauitatem saginantur, sed sic pascendo fiunt pingues. Rustica COLVMELLAE per aucupem decipitur. Sed haec puto sufficere ad demonstrandum, perdicem romanis scriptoribus graeco nomine dictam esse rubram seu graecam intelligendam; alteram vero Italiae indigenam, griseam, rusticam gallinam, ut nostris hominibus *Feldhuhn*, appellatam fuisse. Mansit itaque hodieque perdicis nomen graecae proprium; alteram proprio nomine Itali *starnam*, ut puto, dicunt. *Franquillini* sunt, qui vulgo *Francolini* audiunt, ex Tetraonum genere. *Fasha*, alibi apud Nostrum *facheta*, *fakcha*, ex graeco *Φάσσα*, ut vult CANGIUS, est palumbus. ARISTOTELES H. A. IX. 7. turturibus similiter iungit *Φάσσας*, ubi Codex Mediceus *Φάβας*. Iterum VI. 4., ubi ALBERTVS: turtures, columbas nigras, quae *vehiche* dicuntur. VIII. 3. *Φάψ*, *Φάρτα* continuae leguntur, sed Mediceus cum regio Parisiensi Codice *Φάψ* omittit; similiter etiam versiones vetustae. Ibidem cap. 12. vetus Interpres *fatgae* habet, alibi *fassa*.

\* *Rallum terrestrem seu campestrum et aquaticum* etsi definire nondum audeo, reperio tamen, Imperatorem secutum esse etiam hic nomina Gallica. Nominat enim CAROLVS D' ARCVSSIA saepenumero le ralle d'eau et ralle des champs, quas regem Galliae ope sparueriorum cepisse tradit. Idem etiam *syrenam* bis nominat, ut in excerptis inde locis monui, quam Imperatoris syrenem esse puto.

#### PAG. 15.

*Anates campestris.* Gallorum *Canards des prés*, Otis tetrax LINNAEI. Contra *Bistarda* vulgaris Auis tarda, Gallorum *Outards*, est. Anates campestris ipse noster infra colore et forma membrorum et pluribus rebus similes bistardis, sed multo minores, tradit; bistardas cum liuercinis et plueriis digito posteriore pedum

dum carere. Capite 55, sunt, inquit, etiam aues, quae cum pedibus saltant super terram, vt aues rapaces sub se comprimant, vt bislardae et anates campestres. Similes sunt bislardis, sed longe minores et in aestate turpem sonum faciunt ad desiderium coitus. De qua quidem voce minoris tardae coitum desiderantis nullo traditum aliquid legi. Sed aequè memorabile est, quod Imperator habet cap. 26.: grossum, inquit, collum habent multae auium, quemadmodum masculi et feminae bislardae; sed masculis ingrossatur multo amplius tempore coitus, vt, quicumque viderit, possit iure admirari; nam aliis temporibus ad consuetam grossitiem reuertitur; feminis vero tempore coitus et aliis temporibus est eadem grossities. De qua quidem re nullam recentiorum scriptorum similem obseruationem reperio, nisi quod KLEINVS noster marem incalescentem amore aut iratum barbam cutemque sub collo extentam inflare refert. Barbam in timore iraque erigere marem testatur etiam, qui otidem maiorem Hungariae incolam descripsit et pinxit in *Promptuario Hungarico* Vol. I. Parte I. p. 466. seqq. Saccum gularem primus annotauit et pinxit in Otide vulgari EDWARDS, Britannus; eundem deinde in mare vidit aquaeque recipiendae dicauit Cl. PALLAS Itinerarii Russici T. III. p. 220. Sed nuper demum exstitit vir doctus, EL. BLOCH, qui feminae otidi eundem saccum communem assereret, in *Scriptis Societ. Berolin. Amicorum Naturae curios.* Vol. III. p. 376. Doleo, me nondum potiri potuisse hac aue satis in his regionibus frequenti, sed captu difficili, quo ipse oculis meis de dubitatione hac virorum doctorum decernerem. Si mas solus sacco gulari gaudet, potest tum in amore eum forte inflare, vt collum intumescat. Contra si femina eundem habet, quod vix credo, alium tum eidem vsum excogitare debemus. Illustri BÜFFON etiam in Otidis historia obseruationibus alienis atque altercationibus immorari quam naturam ipse inspicere maluit. Refert tamen ex obseruatione SALERNI, anatem campestre sub tempus coitus nocte inprimis sonitum *Prout* alta voce repetere; quem num Imperator intelligi voluerit, incertum est. Easdem directe aërem ascendere in volatu, annotauit Imperator cap. 55, quod quidem falconariam exercenti facile fuit obseruare; vt reliqua etiam, quae de otidum variis generibus tradit memorabilia, potuit certa fide ipse cognoscere, cum falcones otidem maiorem minoremque insectantes comitaretur. Rationem otidum, qua se defendunt a falconum aggressu, posuit cap. 56.: speciales, inquit, defensiones insunt auibus et propriae, vt bislardis et anatibus campestribus est propria defensio emittere longe a se sterces suum in aues rapaces, quae sequuntur eas. Rursus bislardae et anates campestres contra aues rapaces horripilant plumas agrifando se (i. e. ungues ad impetum faciundum expedientes, ex gallico *s'agrif-fer*) et eleuant alas deponendo caput ad modum gallorum pugnantium, quod propter timorem faciunt; sed tamen bislardae percutiunt alis in pectore aues rapaces. Similiter Arabs DAMIR apud BOCHARTVM Hieroz. II. p. 283. otidi, quae Arabice *hubâra* appellatur, sterces pro telo esse annotat; et ALKAZVINVS,

Frider. Rel. Tom. II.

B

cum,

cum, inquit, eam insequitur accipiter, non cessat cum accipitre ascendere et descendere, donec in eius pupillam incidens sterco in eam coniecerit. Quo facto constrictus manet accipiter, ut qui manibus pedibusque victus est. Tum vero conuenientes otides accipitris plumas vellicant, unde illi certa mors. Postrema orationis pars num vera sit, dubito. Eandem otidem moestam esse, cum plumae post defluuium tarde recrescant, et aliena suis omissis oua fouere, ibidem tradunt Arabes et pag. 251. Sed postremam annotationem proprie ad mares pertinere, vult Arabs DAMIR. Ovis masculinis utebantur Arabes ad capillos denigrandos, et filo inserto mascula oua dignoscere sibi videntur, quod nigrum inde educi dicitur. Auctor ASSARIPH otidem auem esse ait magni colli, cinerei coloris, rostri utunque longi, carnis inter gallinaceam et anserinam. Volatum celerrimum otidi Arabicae contra Graecorum narrationem scriptorum tribuit proverbium arabicum, et narrat DAMIR, eam longe euagari volando, quod, cum circa Baforam ad Euphratis ostia capitur, in eius ingluvie reperiatur granum viride, ex arbore terebinthi, quae in finibus Syriae Damascenae crescit, decerptum. Minor otis seu Tetrix LINNAEI in Hispania *Sison* vel *Sisa* audit, ut tradit Introductio in Oryctographiam Aragoniae p. 79. In Austriae regione aliqua sub nomine gallinae ericetorum (*Heidehühnchen*) offendit Cl. DE MOLL in Epistolis Itinerariis ad histor. natural. Austriae pertinentibus, Vol. I. Reliquam auis historiam disces ex CETTI Histor. natur. Sardiniae, T. II. p. 120. seqq.

*Piconum.* Scribere voluit *picorum*.

PAG. 16.

Post *alaudas* reliquiae vocabuli *couar...* videntur indicare *cozardos* vel *coffardos*, quos alaudis iungere solet Noster cum aliis. De ipso vocabulo infra dicitur.

De sturnorum societate PLINIUS X. 24., sturnorum, inquit, generi proprium cateruatim volare et quodam pilae orbe circumagi, omnibus in medium tendentibus. Auctor libri de natura rerum Gallicus apud VINCENTIUM Bellouacensem, Speculi naturalis XVII. cap. 140., sturni, inquit, sunt aues paruae ad volandum extentae fusco nitentes colore. Cateruatim volant, et quodam orbe circumaguntur, omnibus in medium tendentibus, et hoc propter accipitres, qui eis insidiantur. Vespere quidem aggregantur etiam immensis turbis et murmurant, nocte silent, aurora rubente murmur excitant; demum vero diuisae per turmas ad cibum volant. ALBERTVS M., libro XXIII. p. 239. b., gregatim, inquit, volant et compresse, quasi ad aciei centrum, propter timorem accipitris contententis. Accipitrein enim superius vel a latere accedentem alis euentant et subtus volantem stercoreibus opprimunt. In arenis et paludibus assidue sedent, et



et cum armentis vaccarum etiam sunt propter pascua, quae de stercorebus colligunt. Paulo longior sed praeclarus eiusdem ALBERTI locus est libro I. p. 4. a. de auibus in societatem coeuntibus. Imitantur, inquit, ciuilitatem in habitatione congregata et defensione communi, sicut grus, anas et sturnus. Propter quod decipiuntur ab aucupibus talia animalia; positis enim quibusdam suae speciei auibus vel imaginibus auium iuxta retia statim adueniunt ad colabundum illis, et in retibus concluduntur. Sed simul existentia defendunt se ab accipitribus et aquilis, et a quibus solitaria existentia se defendere non possunt. Sicut videmus anates et aues aquaticas latos et membranales pedes habentes visa aquila congregari simul in aquas, et cum impetum facit ad rapiendum, demerso capite spargentes aquam in faciem aquilae prohibent accessum. Similiter autem sturni ad quemlibet impetum accipitris comprimuntur in aëre et vento alarum coniunctarum remouent accipitrem, et super ipsos (legendum *infra*) ascendens accipiter comprimitur stercorebus ipsorum et illuitur, itaque appropinquare non potest. Haec omnia de sturnis vere tradita mirabitur mecum lector. Contra in ordine volatus explicando nimis ingenium luxuriatur illustris BUFFONI, nulla PLINII aut alius auctoris facta mentione, Tom. VIII. p. 10. version. Berolin.

## PAG. 17.

Vultures non odoratu sed visu sentire cadauera, fere credo Imperatoris experimentis. In vulture grypho praeter nares transuersas, quae in reliquo genere rotundae sunt, nervos olfactorios multo etiam tenuiores, quam in reliquis auibus esse solent, repertos mirabatur iam PERRALTVS T. II. p. 370. Modum deuorandi cadauera alibi annotatum nondum legi, vere tamen traditum esse ab Imperatore, eo magis credo, quod ita perspicere mihi videor consilium naturae, quae caluum caput collumque (inter romanos scriptores a solo MARTIALE velut insigne vulturum annotatum) vulturibus dedit cadaueribus immittendum impuris. MARTIALIS IX. epigr. 28.: cum depilatos Chreste coleos portes, et vulturino mentulam parem collo.

## PAG. 18. CAP. II.

*Ciconiae mediae* quae sint, dubito. De duabus reliquis iam dixi.

## IBID. CAP. 12.

*Tari.* Forte eadem planta cum ea, quam Barbam Aaronis, vel Serpentariam minorem, vel *iarum* appellari tradit MATTHAEVS Syluaticus in Pandeotis Medicis.

*Corlinorum.* CANGIVS sub hac voce videtur legendum censuisse *Corliuorum* ex Gallico *Corlieu*. Gallicum vocabulum idem significat cum *Courier*, ex quo deflexum

deflexum et corruptum *Corlieu* pro cursore posuit CHARPENTIER in Supplemento Glossarii Cangiani.

PAG. 19. CAP. 15.

*Columborum* modus rostro croceo, reliquis minor, qui dicatur, aliis decernendum relinquo, qui genera peregrina plura viderunt.

PAG. 22.

*Cardilli* sunt, puto, qui scriptoribus eius aevi *Carduelli*, i. e. Cardueles, etiam dicuntur, *Chardonnerets*. Deinceps *meruli* sunt, quae Latinis merulae; *maluitii seu turdi*, ex gallico *mauvis*, ut monuit etiam CANGIVS. Post grues nominantur *aprones*, quas nullas in Gallorum aut Italorum lingua reperio aues; igitur *ayrones* legendum puto. Easdem plane aues eodem ordine commemorat infra p. 24. linea 5.

PAG. 23.

Species anserum hic nominatas, *roferas* — *Carboneras* — et ultimam *Iantabum* ignoro; nec in Glossariis auxilium vllum lectori paratum est. Sed postremam speciem eandem puto, quae pagina sequente cap. 21. iterum cum *Bernichis* nominatur. Sed ibi est *Iancarum*. Suspicio legendum *Gantarum*. Vox *ganta*, PLINIO X. 22. auctore, Morinis anserem significabat. Atque ita FORTVNATVS VII. Poëm. 4.: aut Mosa dulce sonans, quo grus, ganta anser olorque. Anseres agrestes gantas proprie dici, alio nomine Feles et Miletas, si vera est lectio, docent loca scriptorum allata a CANGIO sub voce Ganta. Sed auctore GYRALDO in Topograph. Hiberniae I. 18. anseres minores albi *Gantes* dicuntur. Ut breuiter dicam, gantae vbique ab anseribus distinguuntur; speciem definire non licet.

\* *Roferas* germanicus interpres Rothgänse, *carboneras* Graugänse, *Bernichis* Baumgänse explicat.

IBID. CAP. 20.

*Statim, quod venti.* Legendum esse *si venti*, sensus admonet.

PAG. 24.

*Aristoteles.* Hic de coturnicibus H. A. VIII. cap. 12.: διὸ καὶ βοῶντες πέρωνται πονῶσι γάρ. Ceterum de auium peregrinatione totum illud philosophi caput cum disciplina Imperatoris conferendum est, semperque cogitandum, Imperatorem in Italia, illum in Graecia scripsisse.

IBID.

## IBID. CAP. 21.

De migratione auium ALBERTVS VII. p. 81., ex his auibus, inquit, quae sunt apud nos, expertus sum, quod aues, quae dicuntur anseres, secundum omne genus suum, quod quadruplex esse diximus, recedunt a terra nostra, quae est latitudinis 47 graduum, et veniunt in Sclauiam ad loca humida harundinosa et paludosa et ibi pullificant. In hiemis autem principio reuertuntur ad nos propter pascua et aërem magis temperatum, et tunc volant in gregibus maximis, ita quod milleni vel amplius videntur, et quando ventus est a septentrione, volant ad meridiem; quando autem est a meridie, volant ad aquilonem; ita quod semper portantur flatu venti in volatu: et ideo vulgus dicit, quod volatus anseris indicat ventum. Similiter autem dicit AVICENNA, quod iam expertus est in terra sua, quod aues quaedam aquaticae veniunt in vere ad mare mortuum, quod falsius et calidius est alio mari, quod magnum vocatur, et hoc mare apud Arabes vocatur Ihemene, et abinde recedunt ad intus, qui de more vocantur: et deinde pertranseunt Nilum et vadunt ad lacum dictum Decantefine: et quaedam earum etiam perueniunt ad lacum dictum de Terrabesten, et quaedam perueniunt ad lacus alios, qui sunt in locis illis. — Inaequaliter autem recedunt; quoniam a nobis prius recedunt ciconiae, quam hirundines, et hirundines citius recedunt, quam coturnices. Cuculus autem recedit ante omnes istas aues. Ficedula vero a quibusdam terris Germaniae nunquam recedit. In Suevia enim semper reperitur; sed a Germania inferiore aquilonari, quae multum est aquosa, recedit in aestate, et redit in fine autumnii. (Scolopacem intelligit.) Similiter autem cornix varia, quae ex parte cinerea est, et in parte a Germania inferiori recedit in aestate et redit in autumnio et stat per hiemem; sed a superiori Germania versus meridiem nunquam recedit: et causa est, quod in inferiori parte Germaniae sunt loca aquosa, ex quorum vaporibus aër hieme temperatur. In superiori vero est aër purissimus et loca sunt alta valde, et ad illa veniunt in aestate. — Haec omnia memineris ALBERTVM Ratisbonae scriptorē mandasse.

## PAG. 25.

*Aristoteles*, quem hic Imperator improbat, ducem sequi grues annotat H. A. IX. 10.; quanquam vnum semper eundemque sequi non addit, licet tamen aliquo modo suspicari de vno duce ex loco H. A. I. c. 1., vbi grues apesque sub duce viuere aliquo dicuntur.

## PAG. 26. CAP. 23.

*Natalitium.* Legendum est *natatiliū*.

## PAG. 27.

*Nec est opinandum, quod propter operationes.* Voluit sine dubio reprehendere philosophiam ARISTOTELES, quam tamen, vt homines, in iudicandis natura

turae operibus et miraculis sequi cogimur. Alia et difficillima est quaestio de consilio summi opificis, de quo cum iudicare audet humana ratio, fere semper per varias argumentationum ambages eodem, unde progressa et orsa erat, redire cogitur humanaeque imbecillitatis meminisse.

*Lumbi, branchiae.* Vocabulum *branchiae* alieno sensu interpretabatur CAN-GIVS sub voce *Branca*. Non viderat, ordinem membrorum sensumque hic postulare vocem *anchae*, de quibus infra.

PAG. 28.

*Galeranus.* Videtur noster duas numerare vulturum familias; vbique enim vulturum et galeranorum genera separatim nominat. Nomen ipsum alibi non reperi, nec, cui linguae peculiare sit, reperire potui. Galeranos autem caluo capite colloque videtur distinguere a vulturibus, qui caput lanulis tectum gerunt. Galeranorum species nominat quatuor. Prima h. l. dicitur nigra, campestris, rostro cruribusque nigris. Alteram appellat variam ex albo nigroque, Syriae Aegyptique indigenam. Deinde infra, ubi galerani campestris et aquatici raro alas mouere in volando dicuntur, tertiam aquaticam nominat. Quartam paulo postea non nominat, sed indicat: quidam, inquit, modus auium comedentium cadauera, quae sunt albae, habentes extremitatem alarum nigram, croceum colorem secundum rostrum, usque ad medium capitis, hae carent plumis et lanulis. Vulturum notas ibidem clarissimas posuit has: aliae vero carent plumis supra caput, verumtamen habent illic lanas, ut sunt genera vulturum, praecipue alborum. Similiter supra cap. 10. de vulturibus: caput et collum eorum est sine pluma, ut in pluribus. Ut a postrema quarta specie ordiar, clarum est, intelligi vulturem percnopterum, quem HASSELQVIST accuratissime descripsit in Itinerar. Palaestinae p. 286. seqq. Arabicum ille nomen edit *Râchaeme*. Contra RAVWOLFVS noster ex AVICENNA seu ABENSINA posuit *Rachame* in Itinerar. p. 140. In loco ALCAMI ap. BOCHARTVM Hieroz. II. p. 305. *Anuk* aquilae genus, quae et *rachama* dicitur, avis est nigra, quae habet tanquam iubam. Sed de nostra aue magis valet, quod statim sequitur: alii, avis nigra, calui capitis, flauo rostri. Fateor tamen, in istis ineptiis Arabum notam certam non reperiri: nec ausim statuere, an species Imperatori varia dicta plane sit ab hac diuersa. *Galeranus* niger est vultur ater Veterum, quem illustris BVFFONVS cum grypho Africano vulture eundem putabat, sed recte distinxit variis notis CETTI in Histor. natur. Sardin. T. II. p. 9. seqq. vers. germ. Sed illud tamen miror, quod CETTI cutis, qua caput, orbita, tibiae pedesque teguntur, alba esse dicitur, cum crura nigra Imperator commemoret. Hunc *αἰγυμίων* appellat AELIANVS II. 46. *Galeranum* aquaticum ignoro, qui dicatur. Vultures albi sunt, ut videtur, iidem, qui a CETTI l. c. p. 13. describuntur, a percnopteris LINNAEI plane diuersi. Albus

bus enim caput lanulis albis tectum habet, percnopterus vero plane caluum. Vulturem barbatus LINNAEI post Cl. ANDREAE descriptum a CETTI l. c. p. 17. seqq. OPIANVS Ixeutic. l. c. 2. sub harpae nomine satis accurate descripsit, vt docui ad AELIANVM XII. c. 4. p. 375., ARISTOTELIS vero harpa plane diuersa ex mari viuit. Vulturem barbatus esse ARISTOTELIS γυπαίετον, posuit etiam CETTI; in quo tamen eum falli docet habitatio timiditasque ab ARISTOTELE commemorata. Vulturum turmas fretum Gaditanum quouis fere traiicientium pedibusque ad caudam contractis volantium commemorat CARTER Itinerar. Gaditan. l. p. 116. vers. gerinanicae. ARISTOTELES gypaieto suo caput album, alas breuissimas et vropygium, i. e. caudam longam, magnitudinem corporis omnium maximam tribuit; colorem vero alarum voce περηνόπτερος signat, a colore vuarum maturitatem contrahentium; sed ALBERTVS et vetus versio apud VINCENTIVM XVII. c. 141. alas malas pro colore eo ponunt, adeo vt κακοπτερος legisse videantur.

De forma cranii in corlinis, vanellis plueriisque rotunda aliisque scolopacini cranii notis copiose dixi in Promptuario Lipsiensi anni 1787., vbi simul picturam cranii scolopacis gallinaginis addidi, qua non solum forma capitis rotunda, sed situs foraminis occipitalis singularis sub medio cranio, vt in homine, auriumque non ordinarius, denique ossis maxillaris communis, quod quadratum audit HERISSANTO, a posteriore cranii parte ad anteriorem contra morem reiecti explicatur. Ceterum auium cranium iuniorum, cum coquitur futuraeque adhuc apparent, nouem ossibus contignari, recte quidem admonuit Cl. VICQ D'AZYR in Mémoires de l'Acad. 1773. p. 583, verum is in enumeratione apophysium epiphysiumque partes aliquot omisit, quas alibi curatius tradam. Huc pertinet os vnguis, quod magnum adesse video in meleagridis iunioris cranio cocto, vbi futuras seu potius harmonias omnes facillime distinguo.

PAG. 29. CAP. 23.

*Anates de Faraone.* Quod ex Aegypto afferebantur. Interpretabar olim anates moschatas; nunc vt dubitem de veritate coniecturae, facit caro rubea, tenuis, inter nares et frontem, eleuata ad modum cristae, non tamen incisa, cum tubercula carnosia rubra faciem totam anatis moschatae occupent. Inter anates et anseres plures tubercula carnea ante frontem sita habent.

*Masculi cuiusdam modi cinnorum.* Speciem hanc cycni non solum globulus carneus in fronte situs, quem glandulam conglomeratam esse reperi, sed sterni etiam cum tracheae structura aliaeque differentiae, inprimis magni et singularis structurae sinus frontales, ab altera fecernunt, quam canoram, illam vero cum PENNANTO mutam appellare interim licebit. Descriptionem vtriusque anatomi-

cam

cam dedi nuper in Promptuario Lipsiensi historiae naturalis anni 1787. An globulus carneus frontis mari proprius sit, ignoro; sed credo Imperatori affirmanti. Praeterea illud etiam nescio, num similes globuli in anserum, anatum auiumque quarundam gallinacearum ex America generibus quibusdam ante frontem siti glandulis compositi sinibus frontalibus assideant, odoratum adiuuantes; quod fere suspicor. De cynis generatim ALBERTVS p. 233. b.: post coitum, sicut et ceterae aues aquaticae, immergunt se aquis, tam mas, quam femina, eo quod concupiscentiae vapor discurrit per carnes eorum et illum quaerunt abstergere; et huius signum est, quod aues omnes post coitum horripilationem habent et eleuatis pennis et diuaticatis se excutunt; et similiter faciunt alia animalia pilosa. Haec auis tertio anno ouat. Eadem fere ARISTOTELES H. A. VI. 2., qui de anseribus: οἱ χῆνες ὀχευθέντες κατακολυμβῶσι. PLINIUS X. sect. 79.: anseres in aqua coeunt. COLVMELLA: ineunt non insistentes humi, nam fere in flumine aut piscinis id faciunt. Ita denique VARRO III. 10. §. 3.: saliant fere in aqua; tum se mergunt in flumine aut piscina. Ita enim legendum esse censeo.

*Modus quidam psittacorum.* Albus an cristatus LINNAEI intelligatur, dubius haereo; in hoc enim psittacorum genere paucae admodum species mihi notae sunt.

*Omnes modi ayronum.* Confirmatur ita opinio PENNANTI in Itinerario Scotico T. I. p. 20. vers. germ. asserentis, cristatas ardeas omnes esse mares, nec specie a reliquis differre.

*Modus bisfardarum.* Haec species otidis Arabica an Africana sit, discernere non licet. Cum Arabica crista longa non plane conuenit. Vocabulum *trizae* positum pro gallico *treffes*, aut *trees*, ex latino *treca*, *trica*, *tricia*: de quo vide CANGIVM.

*Fagiani.* Sine dubio legendum *Fasiani*. Hos enim geminas ex pluma aures (alibi cornicula appellat XI. c. 37) summittere subrigereque, ait PLINIUS X. c. 38. Sed haec cornicula oestri demum venerei prorumpentis vi educuntur foras, nec ea hucusque in maribus, quos per mediam hiemem mortuos tractauimus, videre potui.

*Genus quoddam mergorum.* Colymbum cristatum intelligi, clarum est. Minores vidi; non aequè mihi notus auritus. De eodem genere loquitur ARISTOTELES de Partibus IV. 12.: τὰ δὲ τεργανόποδα καὶ διηρημέναις μὲν ἔχοντα τὰς πόδας, σεσιμωμέναις δὲ, ὡς ἐν τῷ αὐτῷ γένει ὄντα τοῖς τεργανόποσι, τὸν μὲν αὐχένα μακρὸν ἔχειν, τὰ δὲ σκέλη πρὸς τὴν νεῦσιν βραχέα. Et paulo post: οἱ δὲ διηρημέναις



μένην μὲν ἔχουσι τὴν καθεύκασα τῶν δακτύλων φύσιν, πρὸς ἐκάστῳ δ' αὐτῶν συμπίφυκεν οἷον πλάτω (lego πλάτῃ) καθόλου συνεχῆς. De colymbo cristato intellexit SVLPITIVS in vita Martini, vbi mergorum speciem a re cornutam vocat, eo quod rubeas plumas in capite instar cornuum habeat, et contra genus omne auium pedes in cauda, ita vt, cum in terra stant, sicut homo gestu pectoris erigantur. Apud VINCENTIVM XVI. c. 105.

*Eleuatum ad modum cornu.* In cranio iunioris meleagridis, quod coram habeo, video ossa bregmatis in vertice attolli et cornu speciem istam praebere.

*Gallinae de India.* Meleagrides intelligi, in propatulo est. De nominibus earum variis plura tradam in Auctario Emendationum ad AELIANVM in fine libri addito.

*Duo cornua.* Manifestum est, intelligi species duas Bucerotis; quarum alteram indicauit etiam AELIANVS XVII. 10. Cf. MARSDEN descriptio insulae Sumatra p. 135. vers. germ. Cranium rhinocerotis egregie pictum dedit HERISSANTVS in Mémoires de l'Acad. des Scienc. de Paris, 1748. Tab. IV. — *Simile speroni*, i. e. calcari, ex gallico *éperon*.

## IBID. CAP. 24

*Dictum est in libro animalium.* Quis ille liber sit, ignoro. ARISTOTELEM enim laudare non poterat, qui de oculi humoribus tunicisque in animalium historia nuspiam distinctius tradidit. Septem tunicas numerat etiam CONSTANTINVS Africanus in Pantechno, vnde excerptam descriptionem posuit VINCENTIVS Spec. nat. 28. cap. 49., vbi septima numeratur aranea tela dicta, quam RVFVS Ephesus, Galeno antiquior paulo, a quibusdam lenticularem, ab aliis ab humore contento crystalloiden dictam esse refert, I. cap. 23. Eandem VEGATIVS Artis veterin. II. 16. membranulam, qua contineatur lumen, appellat, eamque ruptam platycoriam efflicere ait. Pupillae contractionem et dilatationem lucis quantitati attemperatam memorat Imperator infra p. 90. Eiusdem motus notitiam ex ALEXANDRO ACHILLINO, multo recentiore, refert MORGAGNI Aduers. Anatom. I. p. 34. ed. Lugd. — Motum palpebrarum in auibus distinxit etiam accuratissimus ARISTOTELES H. A. II. 12, vbi aues ad volatum grauiiores, gallinaei igitur generis, omnes palpebra inferiore sola conuiuere ait, contra vero noctuarum genus omne vtramque claudere palpebram. (οἱ δὲ γλαυκώδεις τῶν ὀρνίθων καὶ τῶ ἄνω βλέφαρον.) In libro de Partibus II. cap. 13. rationem huius moris edit et pro noctuis nominat genus columbaceum. — *Lacrymale* scriptoribus huius aevi, vt etiam ALBERTO de falconibus, appellatur angulus oculi seu canthus anterior. De utroque ita ARISTOTELES H. A. I. 9.: οἱ ἄνω

Fridr. Rel. Tom. II.

C

ἀν

ἀν μὲν ὥσι μακροί, κακοηθείας σημεῖον· ἀν δ' οὖν οἱ κτένες κρεῶδες ἔχωσι τὸ πρὸς τῷ μυκτῆρι, πονηρίας. Vbi primum veriorē lectionem pro vulgata κακοηθείας restitui ex Codicibus et GALENO, qui h. l. laudauit multo integriorem, T. V. p. 435. ed. Charterii. Ibi igitur comma aliud additur: εἰς δὲ βραχεῖς, ἥθες βελτίονος. ὧν δὲ οἱ κτένες οὖν κρεῶδες ἔχοντες πρὸς τῷ μυκτῆρι. Sed commatis illius vestigia nulla apparent in Codicibus, nec vetere versione apud VINCENTIVM. TROGVs apud PLINIVM: oculi quibuscunque longi, maleficos esse moribus indicant: qui carnosos a naribus angulos habent, malitiae nota praeuēnti. In lectione postremi commatis Codices mire variant. Nuperus interpret edidit, nescio quo auctore, ἔχωσιν οἱ πρὸς τῷ μυκτῆρι, et totum locum ita vertit: de petites chairs, comme des petoncles, dans les angles du côté du nez et cet. In notis profert lectionem libri Canisiani καὶ ἰκτῖνες, et veteris interpretis locum hunc ponit: si autem velut crepetem carnositatem habeant: cum glossa addita: dicuntur maiores carnositates, quae sunt circa principium volae manus et circa calcaneum pedis. Sed ex hac versione non intelligitur, quam lectionem sit secuta, nec vocabulum *crepetes* in Glossariis reperio. Contra lectionem Canisiani καὶ ἰκτῖνες expressit vetus versio apud VINCENTIVM XXI. cap. 12.: cum lachry, male et quod sequitur angulum oculi fuerit paruum et subtile, signat malitiam dispositionis et consuetudinis et figurae scilicet oculi. Quando vero locus ille fuerit multae carnis, sicut accidit oculis milui, significatur astutia et formidatio mala. Atque ita plane etiam habet versio ALBERTI p. 8. a., sed paulo integrior: cum ergo lacrymale siue cilium et hoc quod sequitur angulum oculi fuerit valde paruum subtile, significatur malitia dispositionis et malitia consuetudinis et figurae. Et quum idem locus fuerit multae carnis, sicut accidit oculis milui, significatur astutia siue calliditas mala. Atque ex hoc specimine cognosci potest, quam diuersa sit versio vetus, SCOTO quae adscribitur, quaque sola VINCENTIVS cum ALBERTO vsus est, ab altera ex graeco facta, quam CAMVS solam in hoc loco consuluit, omissa, nescio quam ob causam, versione SCOTI. Rationes vero, quare SCOTI versio ex Arabico facta sola fuerit adhibita ab ALBERTO et VINCENTIO, nondum exputaui. Sed ad rem. Qui in ARISTOTELE nunc κτένες dicuntur, SCALIGERO iam olim suspecti, sine dubio intelliguntur, quae GALENO aliisque ἐγκανθίδες, carunculae in angulo anteriori oculorum exstantes. Hippiatrica graeca in equo ἐπικανθίδας p. 119, alibi vero p. 121. παραγναθίδας appellant.

## PAG. 30.

Color oculorum indicia certissima habet generositatis sic dictae in auium rapacium genere, vt recte admonet Imperator. Copiose hanc varietatem colorum explicuit auesque omnes rapaces ex ea in classes digessit Cl. HUBER *Essai sur le vol des oiseaux de proie*. Plura de hac re infra. Iridem glaucam in strigum specie

cie videmus, quam Graeci inde *γλαῦκα* appellarunt; miluorum iris flauet pupilla nigra, vt in ictericis, auctore anonymo apud SVIDAM in voce *ἰκτερίκος*.

*Carent palpebrae pilis.* Errauit, si de vniuerso auium genere dixit augustus auctor. Vide, quae infra in Auctario moneo ad AELIANVM IV. c. 50. In Meleagride, quam coram habeo, cilia etiam in vtraque palpebra adfunt. Sed recte annotauit, in quibusdam auibus oculos palpebra superiore claudi, quod confirmat PETITVS in Mémoires de Paris, 1736. pag. 130.

*Pelliculam palpebralem.* Intelligit, quam aliqui palpebram internam, alii membranam nictitantem dicunt, animalibus quadrupedibus plerisque communem. De superciliis bene augustus auctor tradere videtur; ipse enim hanc partem nondum curatius inspexi. Verum oculi pars singularis et auibus propria, primum a PERRALTO descripta, est *bursa* ab eo dicta, varie plicata et colorata pellicula, hinc *peñen* Cl. BLUMENBACHIO audit, in humore vitreo iuxta neruum opticum sita, de qua vide PERRALTI *Oeuvres de Physique*, Vol. II. p. 543., et Dissert. Cl. BLUMENBACHII de Oculis Leucaethiopum, imprimis tamen PETITVM in Mémoires de l'Acad. de Paris, 1735. p. 145.

IBID. CAP. 25.

*Vhan.* Nomen est gallicum *Huant*, *Huette*, *Hulotte*, ex quo corruptum puto *Vhan* a CANGIO omissum, qui ex libro II. c. 54. *Huanum* laudat, vt auem, quae in altum subuolat. Vide ibi notam. Liber de natura rerum ap. VINCENTIVM XVI. cap. 117.: othus est auis, quae vulgariter *huans* dicitur a sono vocis; nocte namque *huhu* horrifce clamat, improprie vocem humanam similans — bubone minor, noctua maior — et eminentibus plumis habere videtur aures. Cf. CANGIVM sub voce *Cauanna*. — Auriculae miram in strigibus structuram conspiciendam exhibet satis accurata pictura in tab. X. proposita in KLEINII *Stemmatibus Auium*.

PAG. 31.

*Porfirae* quae sint, nescio; nec formam hanc narium vllibi annotatam reperi. Sed in vniuersum odoratus instrumenta nariumque forma accuratam adhuc anatomi indagacionem requirunt, vix in paucis obiter descripta. In illis quidem auibus, quas eo consilio secui, magnam structurae neruorumque varietatem reperi; praesertim in aquaticis. Sed haec disputatio sine picturis recte tractari atque explicari non potest, praeterea ab hoc loco aliena.

*Perfractae* nares sunt peruiaae; aquaticis auibus plerisque communes; septum narium in terrestribus plerisque adesse videtur. Caruncula prominens in falconibus,

nibus, aliquo modo apparet etiam in cuculo. Lineares atque angustae sunt in Pelecanis; tubuli modo prominentes in Procellariis et Caprimulgis. Accipitrum nares nondum omnes inspexi, sed dignae hac opera, ut certius etiam hinc argumentum specierum diuersarum possit deduci. *Porfirae* fortasse sunt phoenicopteri a colore rubro dicti. Sed narium structuram nescio an viri docti iam propius in iis inspexerint. Nec varietatibus omnibus enarrandis suffecit diligentia Cl. MERREM.

*Locus inter nares et oculos mollis est*, qui parte postrema rostri superioris, initio zygomatici et osse lacrymali concluditur, in latere ante et paulum subtus oculum situs. Cf. PETIT in Mémoires de l'Acad. de Paris, 1735. p. 133.

*Sic et in psittaco.* Legendum puto *sicut in psittaco*. Praeclare vero angustus auctor contra ARISTOTELEM admonuit, plurimas aues rostrum superius etiam deorsum mouere; quem quidem motum in psittacis obuium, in reliquis obscuriorem, egregie descripsit et pinxit HERISSANTVS in Mémoires de l'Acad. de Paris, année 1748., ubi etiam rostri mollitiem sensibilitatemque ex neruorum copia simul in auibus aquaticis explicuit. Mobilitatem rostri superioris in psittaco explicauit PETITVS ibidem, 1736. p. 125., adiecta pictura.

\* Mobilitas maxillae superioris nititur iunctura ossium nasalium frontaliūque cum coruualibus media cartilagine, ut demonstrauit PETITVS; qui recte etiam admonuit, eandem mobilitatem adiuuante synchondrosi reperiri in lacerta *Tōc-kai* dicta et descripta a legatis Iesuitis. Sed miror, eosdem viros doctos nihil de reliqua cranii structura annotasse, nec articulationem maxillae inferioris docuisse, ex qua suspicare liceret, quem illa mobilitas usum habere possit. In auium genere mobilis apophysis ossis inter cranium inferioremque maxillam collocata, quam ossis quadrati nomine HERISSANTVS, communis maxillaris, quasi antea nisi CORTERO non notam, indigitauit MERREM, superioris maxillae motum adiuuat. Sed in ipso etiam auium genere multas reperi, ubi nec leuissimum vestigium iuncturae mobilitatisque maxillae superioris aderat, quanquam eae quoque os quadratum mobile habebant. Sed hae fere omnes aues ossa palatina multo firmiter inuicem et cranio iuncta habent, nec tam mediis cartilaginibus mobilia, quam quae motum maxillae superioris habent. Igitur circumscribenda est suis finibus opinio doctissimi HERISSANTI, qui motum superioris maxillae omnibus auibus communem esse assererat. Qualis vero ossium structura in lacerta *Tōc-kai* adsit, nunc prorsus ignoramus, ut et ipsam lacertam aliunde accuratius cognitam nondum habemus. Proxime illam toto corporis habitu accedere ad lacertam Gecko vidit etiam Cl. HERMANN in Comment. Tabul. Affinit. p. 252.

*Faecha.*

*Faecha.* Videtur etiam hic vt in pagina sequente *facha* legendum.

*Pellicanis.* Eandem auem ita describit ALBERTVS M. p. 4. b.: et quaedam auis est alba maior, quam cignus, cuius extensio alarum excedit quantitatem extensionis brachiorum hominis in vtraque parte. Et haec habet papam (ingluuiem) rubeam exterius prominentem perimaximae quantitatis, sicut sit magnus faccus, et continuatur ad radicem linguae eius, et est auis aquatica longi valde rostri. Idem p. 79. a.: apud nos sunt anser et anas, mergus varius, et merguli nigri, et mergus magnus niger, qui a quibusdam carbo aquaticus vocatur, et cignus et auis magna, quam quidam *volmarum* vocant, quae habet saccum rubeum ante guttur et pectus. Denique p. 238. b.: *Ofina* auis est alba cigno maior vel aequalis, quam nostri quidam *volinarum* vocant. Rostrum autem habet valde longum et forte, et saccum magnum ex rostri inferiori parte ante pectus pendentem, in quo cibos piscium congerit, donec paulatim glutendo digerat: in aquis amplis et piscosis habitat. Euacuat autem, si copiam piscium habeant. *Ofinam* nominat etiam et copiosius pingit VINCENTIVS XVI. c. 116. Nomen *volmarum* aut *volinarum* CONR. GESNER de Avibus p. 606. ex Italico *Grotto molinaro* corruptum esse suspicatus est. Reliqua duo aequae ignoro. Nomen *Apul* abbreviatum, quod supra Imperator post vocabulum *Cofanos* posuit, CANGIVS de APVLEIO interpretatus est; in quo eum falsum esse puto. Rostrum pellicani Imperator longum et latum, asperum de intus supra et infra, deinde vero non dentatum neque incisum in alterutram partem ait esse; vbi quas rostri asperitates inferiores dicat, non video, nisi costulas quinque quatuorque sulcos intellexerit, quibus rostrum superius per longitudinem exaratum est; inferioris etiam margo duplex est, vt annotauit PERRALTIVS in anatomia Pellicani T. II. p. 346. Reliquas partes cranii egregie pictas dedit HERISSANTVS in Mémoires de l'Acad. de Paris, 1748. tab. VII. fig. 1. Americana species praeter rostrum dentatum colore etiam differt ab Africana. An vero Chilensis Alcatraz, quam Pelecanum *Thagum* MOLINA indigitauit, diuersa sit, definire non ausim; neque enim omnino Historiae eius Chilensi confido, quam sub nomine VIDAUVRE editam antea, licet multo breuiorem, multis in locis plane contrariam reperi. Sed de hac re alibi diligentius disputavi. — Ad idem genus pertinet coruus marinus, quem supra Imperator nominauerat. De quo ALBERTVS M. p. 79. b.: vocamus nos carbonem aquaticum, quem vulgo *Scalvern* vocant. Idem p. 64. a.: est tamen in nostris climatibus auis aquatica nigra, quae est venans pisces in fluminibus et maribus, et facit magnum nocumentum in eis; sed est cinericia in pectore et ventre, et est tardi volatus et diu manet sub aqua, quando mergitur, et habet rostrum dentatum, sicut dentata est falx messorum, et ipso retinens pisces lubricos, sicut anguillam: et habet hoc, quod, quando in arbore sedet, rami, quos saepius inficit sterco eius, arescunt; et hoc facit etiam sterco ardeae et fere omnium

omnium auium aquaticarum. Et hanc quidam vocant coruum aquaticum, sed in germanica lingua *Schaluchorn* vocatur, et non pullificat in hieme, sed in vere cum aliis auibus. Nidum autem facit in arbore alta et magna iuxta aquam piscosam. *Κόραξ* dicitur etiam ARISTOTELI H. A. VIII. 3, qui magnitudine fere ciconiae nigrumque ait esse. Rostrum dentatum ALBERTVS sine dubio ab acutis marginibus dixit. In icone tamen cranii, quam dedit HERISSANTVS l. c., video lineam a naribus per rostrum medium excurrentem veluti ferratam. Eadem praeterea bene pingit appendicem osseam singularem cranii in postica parte supra foramen magnum additam, quam praeter SCHWENKFELDIUM descripsit et pinxit BACHMUND de aue Diomedea, Amstelod. 1674. pag. 47. Memorauit eandem COLLINS Anatomy p. 969, Cl. CAMPER Opuscul. II. p. 11. et denique FERRALTUS in Anatomia Corui Tom. I. Linguam cum larynge pinxit etiam CASSERIVS de vocis auditusque organis, Tab. VIII. fig. 1. Nomen ab ALBERTO commemoratum, quod hodieque in Pomerania obtinet, est *Scalusher*, *Scholucher*, *Schalucher*, *Scholver*, *Schulver*, *Scalver*. Belgarum *Schollevaar* habet Cl. CAMPER. Ex altero *Scharb* latinum *Carbo* et *Scarba* factum est. Conferatur FRISCHII Dictionar. germanic. sub hac voce. Eandem auem ALBERTVS p. 238. alio nomine repetit. *Morfex*, inquit, auis est aquatica, quae *Scolucherem* vocatur. Nigra est et rostrum habet ferratile et forte — gregatim nidificat in arboribus iuxta aquas. — Haec auis saturata expandit alas ad solem insidens palis et arboribus, ut siccentur, et quando incipit volare, vix eleuatur, et caudam diu in aqua ducit: unde a quibusdam *humidus culus* vocatur. Nuperrime descriptionem cum anatomia dedit Cl. WALLBAYM in Scriptis Societatis Berolin. Natur. Curios. Vol. VII. p. 430. Mobilem rostri superioris seu maxillae cum fronte iuncturam bene annotauit etiam in duabus Pelecanorum speciebus CATESBY, T. 86. et 87. editionis germanicae.

PAG. 32.

*Mergorum modi* hic intelliguntur Mergi Linnaeani, anatibus fere similes in plurimis.

*Ayrones — utrinque dentatum.* Recte; neque enim rostri margines solum acuti sunt ad incidendum, sed apparent etiam leues in iis denticuli velut in ferra. Sed hanc structuram bene iam GESNERVS aliiue annotarunt. Rostrum anserum anatumque ferratum utrinque recte etiam olim annotauit ARISTOTELES de Partibus Animal. III. 1., ubi aues *πλατυρύγχες* et *ῥιζοφάγες* nominat et praeterea aliquas τῶν ὁμοιοβίων habere ait τὰ ἀκρὰ τῆ ῥύγχος κεχαραγμένα ad decerpendas facilius herbas.

*Incisuum et dentatum, ut falcones.* Hanc in rostri structura varietatem in genere falconum Linnaeano ad species certius digerendas distinguendasque copiose perle-

persecutus est Cl. MERREM, HERMANN et copiosissime omnium Cl. HYBER in *Essai sur le vol des Oiseaux de proie*. Quibus dens ante extremam rostri et incuruam partem (ἐπιρυγχιδα apte dixit nescio quis apud SVIDAM) deest, ad accipitres reiicit Imperator.

*Cornelli*, i. e. Cornices, ex gallico *Corneilles*.

*Corlinorum*. Vides ex rostri forma Corlinos sub genere Tringarum et Scolopacum Linnaeano militare. Ita Corlinus, qui rostrum habet longum et curuum ad inferius, est Scolopax arcuata L. Contra, quae dicuntur aues in pagina sequente habere rostrum longum, gracile et recuruum, sunt, quae *Auouettes* hodie audiunt, Recuruirostrae LINNAEO.

PAG. 33.

. . . *picaciae*. In lacuna hac nomen gallicum scolopacis *Becasse* aut vpupae latere suspicor.

*Collum plures spondiles*. Varietatem numeri explicuit Cl. VICQ D'AZYR; sed formae differentiam in reliquis generibus raram aut plane nullam, in ardearum genere maximam cum triplice colli flexione et complicatione ab illustri BVRFONO obiter tantum annotatam copiosius explicui in Promptuario Lipsiensi 1786. p. 478.

PAG. 34.

*Spatulae*. — *Furcula*. Ossa duo colligata sibi inuicem in eo loco, vbi furculae extremitas illis iungitur, sunt primum quidem, *clauicula* quod nominatur, alterum vero, quod ad dorsum protenditur et costis impositum quiescit, est *omoplata*. Haec tria concatenata ossa faciunt humerum, quem dicit Imperator, aut spatulas; atque in eorum media fere parte aliquo modo excavato vertitur caput ossis humeri, quod *armum* noster appellat. Differentiam in spatulis his annotare omisit. Ea vero in furcula satis magna est, quae cum osse sterni aut articulatur aut ligamento medio cohaeret. Varietates fere omnes clauicularum, omoplatarum et furculae, earum musculos et vsum furculae diligentissime tradidit Cl. VICQ D'AZYR in Mémoires de l'Acad. de Paris, 1772. Partie 2. p. 626 — 632. Sed omisit omoplatarum extremitatem aequalem cum reliqua latitudine deorsum flexam et vnciformem in picorum genere annotare.

PAG. 35.

Ordinem ossium alae, quae manus locum tenet in auibus, recte explicat Imperator, in postrema tamen parte aliquid obscuritatis latet. Armus difficul-  
tem

tem non habet, nec duo *focilia*; quae paulo post *cubitus* dicit, ubi ait: reliqua vero tertia pars alae descendit ab illo loco, qui dicitur impulsorium alae et gallice dicitur *le bout*. Anterior scilicet et corpori proxima pars alae gallicis scriptoribus artis *Mahutte*, extrema *le bout de l'aile* appellatur. Vocabulum *focilia* ex Arabico ductum esse *Zendân* monuit Cl. BLUMENBACH in Historia Ossium corporis humani, p. 380. Ossa propria manus ita porro enarrat Imperator, ut appareat, turbatum esse locum et ordinem a librariis. Primum locum obtinent duo carpi ossa; quae videntur esse illa ossa minora, collocata super vertebrae illius ossis, quod coniungitur focilibus, repletia vacuitates illius iuncturae illic et iocantia. (Ex gallico *jouer*). Pergit: quorum unum exit longe extra alam — in hac reliqua parte est unum os paruum semotum ab aliis, et hoc videtur esse loco pollicis, habens in sui extremitate forinseca quoddam subtile durum et acutum in modum unguis. Scilicet os metacarpi duplex est, cuius pars exterior et maior in capite, ubi cum carpi duobus ossibus iungitur, tuber habet trigonum, longe eminens, cuius uni angulo inferiori insidet pollex. Contra BELONIVS os exterius carpi cum hoc tubere confundens (forte etiam in uno alteroue scheleto concretum viderat) pollicem ossi carpi insidere tradit. Eundem errorem Imperator admisit, nisi potest ita excusari, ut dicamus, varietatem eum aliquam ossis spectasse talem, qualem postea BELONIVS. Os gracile et debile, super quod pollicem appodiare se ait Imperator, est pars interior ossis metacarpi in medio diuisi; sed in ea parte non insidet pollex, sed in parte altera externa crassiore metacarpi. Nescio igitur, quid spectauerit Imperator. Sequuntur articuli duo digiti indicis; tot enim numerat, cum in cycno multisque aliis tres distinguere facile possint. De primo articulo ait: *extremitati vero latioris, quod est super paruum, coniunctum est os ultimum alae*. Hic *paruum* quid sit, nescio, nisi intelligit auctor rudimentum digiti medii aut minimi, quod sub primo articulo indicis cum gracili parte metacarpi coniungitur. — Tuber metacarpi trigonum in gruum pullis separatum aequae atque ossa carpi vidi. In duabus falconum speciebus inter iuncturam metacarpi et articuli primi indicis supra insertum reperi os minutum quadratum, quod sesamoideum appellare licebit, a Cl. MERREM omissum. Denique quod multas aves Imperator ait tubere illo osseo trigono metacarpi percutere, in eo quidem non fallitur; sed praeterea in multis auium et vernacularum et exterarum generibus ultimus pollicis articulus ungue corneo acuto proeminet. In parrarum aliisque generibus tuber ipsum trigonum eminent calcare longo, quo se aves istae defendunt, ut tradit Cl. CAMPER *Beantwortung einer Preisfrage*, p. 7. not. 11., qui necum etiam 3 alarum seu manus auium digitos posuit. Reliquam calcarium unguumque horum varietatem persecutus est Cl. MERREM in Introductione ad Classes natur. Avium, p. 24.



## PAG. 37. CAP. 29.

*Ossa anchorum*, ex gallico *anehes*, proprie dicuntur ossa iliaca. *Scia* pro *Ischia* dicitur hic pro acetabulo coxae recipiendae. Lumbi ipsi, i. e. vertebrae lumbares, cum osse sacro et innominatis tribus ossibus, id est iliatis, pubis et ischii, ita coalescunt in aubus, ut difficile sit vnum ab altero, nisi usu et formae aliqua similitudine, distinguere, ut admonuit iam olim VOLCH. COITER de Sceletis Auium, cap. 10. Diligentius deinde haec omnia ossa scrutatus descripsit CL. VICQ D'AZYR Mémoires de Paris, 1773., post eum CL. MERREM in Dissertat. miscell. zoologic. Goettingae 1781. editis, p. 125. seqq., atque ipse ego in Dissert. miscell. ad zoolog. et historiam commerciorum pertinentibus, p. 162. seqq. Praeterea ossa anchorum sunt quidem illa in plurimis aubus lata; cavitatesque eorum interna recipit renes, ut ex iconibus adiectis patebit; verum in Colymbis ossa anchorum extra ordinem praelonga, admodum angusta et ad perpendicularum fere deorsum flexa reperi et pinxi. Facile tamen lector structuram hanc singularem pelvis perspiciet in icone Sceleti, quam dedit MEYER Tom. II. tab. 100, in qua etiam apparet longissime productum sternum. Ad eam vero formam longitudine saltem proxime accedit pelvis Fulicarum, deinde Mergorum, quam alibi accuratius pictam describam. Interior anchorum seu pelvis cavitates iuxta lumbarem regionem in varias minores cavitates septis osseis dispescitur, quibus renes in aubus incisuris variis insignes, depressi adhaerent. Cavitates has minores curiose pictas dedi in pelvi vrogalli. In foraminibus i. e. acetabulis denique anchorum firmantur vertebra i. e. caput ossium coxarum; ita enim pro *costarum* legendum, natura ipsa et res suadet. Ipse etiam Imperator infra: *et in ista*, inquit, *scia locatur vertebra superioris coxae*.

## PAG. 38. CAP. 31.

*Perunctum*. In Hieracosophio DEMETRII Parisiis edito 1612. p. 133.: *ἀλειπταρία ἐστὶ τὸ ἐπάνω τῶν ὀπισθίων τὸ ἐξισάμενον, ὅπερ τινὲς καλῶσι κριθὴν*. Ex graeco *ἀλειπτήριον*, quae pars balnei erat, in qua perungebantur. Sedes haec in aubus multorum morborum est, cum oleum nimis affluit ex cibis pinguibus, nec auis volatum exercet, inclusa causa et in aëre coenaculorum torpescens. Vsum olei perunctorii ad pennas inungendas, ne aqua illis adhaereat, neue illae nimio calore siccantur in fragilitatem, alii etiam docuerunt, imprimis in aquaticis; quem vero Imperator loquitur vsum, nondum ab aliquo observatum legi, nec recte puto eum tradi. Forma in diuersis aubus miro modo variatur. Ex vrogallo omnem structuram formamque icone expressam dedi, quam lector comparabit in fine libri additam; reliquam varietatem ex aubus a me dissectis annotavi in Dissert. variis ad zoolog. et commerciorum historiam pertinentibus, Bero lini 1784. editis, p. 159. et 333. In anatum, anserum, gallopauonum struthionumque perunctis geminam glandulam, triplice ductu in mucrone vropygii

Frider. Rel. Tom. II.

D

supra

supra cutem eminentem, descripsit et cum similibus glandulis capreoli, moschiferi suisque americanae etc. comparauit EDW. TYSON in Philosophic. Transactions, No. 153. Plures ex aquaticis auib. varietates annotavi nuper in Promptuario Lipsiensi ad Oecon. et Histor. natural. anni 1787., quod curiosus lector adibit. Vnam semper glandulam reperisse se refert DERRHAM in Physicotheol. p. 865. vers. germ. anni 1732. Cum pennae senescentes excidunt, intumescere perunctum, non deducto liquore, annotauit ZERN Petinotheol. I. p. 183. Originem suspicionis de veneno succi illius reperias infra in ALBERTO cap. 22. ARISTOTELES hanc partem *πρυαίον* appellat H. A. IX. c. 35, vbi cepphum, quem procellariam esse docui in Promptuario Lipsiensi 1786, reliquam carnem boni saporis habere ait, excepto *πρυαίω*, quod litus redolet. Sic anatis moschatae etiam odorem moschatum a glandulis peruncti deriuat BARRERE.

IBID. CAP. 32.

*Ramificatum autem est et distinctum in plures ramos.* Adde, quod paulo post p. 39. subiungit: et idcirco in pluribus auib. est pannosum pectus inter ramos, quos diximus, maxime super ventrem. Varietatem sterni satis copiose explicuit CL. VICQ D'AZYR. In vrogalli sterno, quod pictum habes in tabula adiuncta, plures videbis partium sterni lateralium (*anfes* appellat Gallus doctissimus) ramos, quam in reliquis auib. adesse solent. Eosdem in tetrice mare et meleagride reperi; fortasse generi gallinaceo sunt communes. In aquila contra nulli plane adsunt, vt recte annotauit Gallus, qui sternum exinde plenum dixit, sed totum sternum fere quadrangulum aequaliter in latere vtroque decurrit ad ouariam, nec apophyses claviculares in summa eius parte vtrinque exsunt, vt in plurimis auib. solent.

PAG. 39. CAP. 32.

Pectore, hoc est sterno, differunt omnino aquaticae natantes aues, quod longius cum toto corpore habent. Prominentiam in generibus falconum rotundioram et grossiorem videtur carinam sterni dicere. Sterni spongiosi cauitatem, quam in gruum genere annotauit Imperator, in cycno canoro etiam reperire licet. Virorum doctorum de hac sterni cauitate insertaeque illi tracheae flexibus observationes collectas posui in Promptuario Lipsiensi Histor. natur. anni 1786. et 1787., vbi simul posui, quae ad illustranda varia libri imperatorii loca de humeri, coxae reliquorumque ossium cum trunci tum capitis cauitatibus, earumque cum saccis pulmonalibus seu aëreis per totum trunci cauum dispersitis nexu tradiderunt viri doctissimi, FERRALTUS, CAMPERUS, HUNTERUS et MERREM. Sterni cum carina varietates multas tradidit CL. VICQ D'AZYR Mémoires de Paris, 1772. P. II. p. 622, quibus multas alias addere possem, si hic locus longam orationem admitteret. De falconum is sterno nihil annotauit; nec ego plura falconum scelela inuicem comparare potui.

\* Pro-

\* *Prominentia magis est rotundior et grossior.* Etsi nondum definire possum, sternum totum an carina sola intelligatur; plures enim falconum species comparare inuicem oporteret, quibus careo: ponam tamen, quae in sterno aquilae albicillae vidi et in reliqua ossium eius structura. Sternum igitur in aquila albicilla, falcone buteone et caeruleo multo conuexius est, quam in reliquis auibus, carina vero ipsa non tam alta exstat nec per omne sternum excurrit, vti in sterno vanelli. Eandem in sterno cycni muti structuram reperio cum aquila. Peluis eiusdem aquilae, buteonis, falconis caerulei et strigis aluconis admodum angusta; contra claviculae valde diuicatae et furcula tam ampla patet in aquila, buteone et falcone caeruleo, vt circulum dimidium efficiat. In strige alucone contra apertura furculae triangularis, angustior igitur, est. Phalanx prima digiti indicis in latere externo foveis duabus obliquis exaratur in aquila, falcone buteone et caeruleo, strige alucone, ciconia alba et nigra et pluribus forte auibus, quibus foveis inserti haerent et firmanur cannae cultellorum. Os denique superciliare, quod antea cum lacrimali permutaueram, auibus rapacibus peculiare esse, nunc cum Cl. MERREM agnosco.

IBID. CAP. 33.

*Quod extremitate. Lege ab extremitate.* Deinde pro *pennosus pannosus*. Dicitur vero pannus a scriptoribus istius aevi pellis et corium.

PAG. 40.

Os coxae in quibusdam auibus nullam habere medullam, nuperis CAMPERI HUNTERIQUE experimentis comprobatum est; sed vbi inane est, in iisdem etiam auibus foramen vnum alterumue sub capite seu trochantere ossis positum aërem per canalem membranaceum ex abdomine admittit. — Crus focilia duo quidem habet, sed fibula tam obsoleta est, quam in cruribus ruminantium, vbi VOLCHER COITER exemplo GALENI apographen fibulae dixit. Os vnicum, cui digiti iunguntur, recte Imperator ad pedem refert, eosque reprehendit, qui hanc pedis partem crus aut tibiam dicunt, quod hodieque a multis anatomiae imperitis fieri videmus. Cum osse calcaneo vulgo comparant, quod facit etiam Cl. MERREM; sed malo equidem sequi Cl. VICQ D'AZYR, qui metatarsum nominat. Cum metatarso (*l'os de canon*) ruminantium aliquo modo conuenit in eo, quod in pullis auium tribus partibus superior saltem pars componitur, membrana distinctis crassa et alba, et dum omnes induruerint ossei canaliculi, mirum in modum intumescit; quod cum in charadrio aliquo vidisset BELONIVS, suram appellauit tumorem auemque ipsam inde oedinemum. Verum is tumor, clarissime visus a me in pullis tringarum vanellorum, cum aetate incremente mox aboletur, ipsumque os in vnam continuam materiam induratur. Monui de hac re primum in Appendice ad Historiam natur. Testudinum, anno 1787.

D 2

separa-

separatim edita, p. 15., deinde in pluribus pullis auium ossis metatarsi tres partes distinctas quidem vidi, sed non item tumorem tam insignem.

*Plumas inter squamas, ut in falconibus.* Infra cap. 48. p. 52.: in habentibus autem coria pedum et squamosa et dura non innascuntur plumae, squamis non permittentibus eas nasci; visi sunt tamen modi falconum, accipitrum et niformum habere plumas in cruribus et pedibus, quae oriebantur inter squamas, et erant rarae, et hoc accidit raro. — In gallinaceo et columbaceo genere species quaedam plumas firmiores in margine crurum (metatarsi proprie) digitorumque positas habent, inter squamas erumpentes. Praeter bubonum genus ab Imperatore nominatum l. c. lagopus alba (quam auctor vetustus apud ANTONINUM LIBERALEM simpliciter λαγων f. leporem dicere videtur, etsi MARTIALIS Lagopodem auritam noctuam etiam appellauit) pedes fere toti plumulis occuluntur, ut in lepore.

\* Rationes mechanicas ex aequa corporis libratione pendentes flexi in anteriorem partem femoris, in posteriorem vero cruris et erecti metatarsi accuratius explicuit Cl. VICQ D'AZYR, cuius tertiam Dissertationem de anatomia Auium (Mémoires de Paris, 1774. p. 517.) hoc ipso tempore demum nactus sum.

PAG. 41.

Artus inferiores aquaticarum auium maturius perfici, quam superiores, contra vero in terrestribus, egregia est obseruatio, quam tamen nullis ipse exemplis confirmare possum, ideoque aliis explicandam confirmandamque commendo. Iterum de ea re infra cap. 46. in fine.

IBID. CAP. 34.

*Fulicis.* Aut fulicas proprie dictas LINNAEO aut Colymbos intelligit; utrumque enim genus digitos diuisos ambiente membrana decisa habet.

PAG. 42.

Digitorum articulos deorsum flecti tradit, quo melius ramos arborum *brancharent*; ex gallico *brancher*, ramo insidere, dependere. Alio sensu infra vocabulum idem posuit. Artificium in musculis pedum digitorum auium explicuit FERRALTUS.

Digitum posteriorem recte Imperator cum pollice comparat, eoque falcones praedam ferire admonet. Falconarii *talum* appellant. De numero articulo- rum in digitis supra ad p. 8. admonui. In Casuario etiam intimi digiti vnguem duplo maiorem reliquis vidit Cl. CAMPER Opuscul. Vol. I. p. 117. De falconibus

bus etiam PETRVS de Crescent. X. cap. 8.: clausis alis ad auem cum vngue posteriori lacerandam descendit. Copiosior est in hac obseruatione Cl. HUBER.

Digitum posteriorem in pelecatorum genere membrana eadem cum anterioribus iunctum esse, recte admonuit Imperator; posterior scilicet retractus antrorsum est, medii vero vnguis in margine interiore peclinatus seu ferratus in pelecato Carbone, vbi extimum longissimum annotauit PERRALTVS, qui in anseris Scotico quatuor digitos membrana vna iunctos se vidisse refert. Etiam haec obseruatio sententiam Imperatoris confirmat, digitum posteriorem pro pollice esse. ALBERTVS etiam Libro II. p. 39. digitum posteriorem locum calcanei stantibus, pollicis vero apprehendentibus aliquid praestare refert. Deinde auium genera quaedam binos anteriores binosque posteriores digitos habere ait, et bubonem nominat cum picis. Bubo enim, inquit, vnum digitum girat posterius et duos habet post et duos ante et tunc quiescit residuum corporis ei, sicut quiescit serpens comprimendo se super ventrem et pectus suum. Pici autem omnia genera habent semper duos digitos pedis porrectos anterie et duos posterius, eo quod haec dispositio digitorum apta est scansioni arborum; et habent digitos valde coniunctos, vt fortius se teneant ad lignum, quod scandunt. Scilicet extimus digitus in vtramque partem mobilis et versatilis vsibus variis se accommodat in genere Strigum Linnaeano; eandem digitorum positionem extremique mobilitatem in Cuculo obseruauit Cl. GVENAV DE MONTBEILLARD apud illustrem BVFFONVM; in picis extimum item digitum in vtramque partem versatilem reperio. Quare non dubito, in psittacis eandem obseruationem locum habere. Saltem de Psittaco seuerio affirmat ill. BVFFONVS. Alcedo hispidula simili ratione extimum digitum retrorsum et antrorsum versat; interior vero cum medio dimidia ex parte coniunctus membrana. Positionem hanc pinxit KLEINVS in Stemmatibus T. V. Reliquam pedum structuram in eadem aue admodum singularem descripsit FRISCHVS in Miscell. Berolin. Continuat. I. Part. II. p. 41. In hirundine rupestri et alpina, quae saxi murisque adhaerent, digitos omnes quatuor, binorum quemque articulorum, antrorsum versus annotauit G. DE MONTBEILLARD. Denique digitus posterior, cum in reliquis auibus paulo altior adhaereat metatarso, quam reliqui anteriores, vbique tamen ad internum latus conuersus magis, in ardeis contra multo depressior in eodem plane loco cum digito intimo anteriore appositus est metatarso. Quam quidem ardearum notam video etiam illustri BVFFONO non fuisse ignotam. Quod vero ALBERTVS l. c. aquilam paruam piscatricem alterius pedis digitos membrana iunctos habere tradit, in eo quidem secutus esse videtur auctorem Gallicum libri de natura rerum apud VINCENTIVM XVI. cap. 89, qui *auriphrygium* appellat. LINNAEVS Haliae etum pedem sinistrum subpalmatum habere tradiderat cum KLEINIO; eumque fideliter secutus est, nescio an sua fide, BRUNNICH in Ornitholog. boreali, p. 75.

Sed miror, illustrem BUFFONVM potuisse eam ob rem indignari LINNAEO, cum in suo potius ciue nimiam credulitatem vel fraudem improbare deberet. In genere rapacium extimus digitus cum medio aliquotenus membrana iunctus est, vt in vulture percnoptero annotauit HASSELQVIST, in falconibus aliquot pinxit KLEINIVS Tab. VII., in pluribus annotauit CETTI Sardiniae Hist. Nat. II. p. 8.

\* Quae de digiti postici reliquorumque officio, iuncturarum phalangumque numero tradit Imperator, eadem paulo accuratius explicuit Cl. VICQ D'AZYR, Mém. de Paris, 1774. De postico igitur ille digito ita tradit p. 514.: D'autres ont trois doigts en avant et un en arriere, qui paroît tenir lieu de pouce, et qui s'articule avec une éminence placée sur la partie inferieure et ordinairement interne de l'os du metatarse. Dans ceux-ci le doigt extérieur peut se tourner en arriere et il jouit d'un mouvement qui lui est particulier. C'est ce qu'on observe dans le Chat-huant et dans la Chouette. Numerum phalangum deinceps p. 516. ex aibus variis ita explicat: digiti struthocameli et caluarii omnes articulis quatuor flectuntur; in aquilis, psittacis, cornice et vlula numerat primi et secundi interioris digiti (posticum cum intimo intelligit) tres phalanges, tertii quatuor, quarti quinque; in cycno vero et gallinula (*gallinèle*, quam aliunde non noui) primi interioris seu postici phalanges duas, secundi tres, tertii quatuor et quarti quinque numerat. In aquila albicilla digitus intimus duos modo articulos habet; in strige alucone, meleagride, fulica atra, colymbo cristato, anate, tringa vanello et pico martio numerum phalangum reperio eundem, quem edidit Cl. Gallus. Erraui igitur, cum supra auctore ARISTOTELE plures aquaticis digitorum phalanges largirer. Illud tamen apertum est, in terrestribus digitorum extimum priores tres phalanges habere breuissimas et fere immobilis; in aquaticis contra reliquis aequales, longas apertaeque mobilitatis. Cl. MERREM in aquila sua albicipite digiti postici duas, reliquorum vero omnium tres phalanges numerat, et in altero etiam et maiore sceleto pingit; quod miror. Aliam denique rationem iniit Imperator; numerauit enim pauciores phalanges, quoniam vnguibus indutos articulos omisit. Forte etiam phalanges accommodare voluit numericae Pythagorae philosophiae. Digitus posticus, vt ad Gallum redeam, componitur ille quidem in aibus, quas nominaui, omnibus tribus ossiculis; verum primum horum vix annumerare licet phalangibus; applicatur enim metatarso totum per longitudinem tendinibusque illi alligatum firmando potius digito postico quam mouendo seruit. Conspicitur haec structura clarissime in metatarso aquilae albicillae, vbi primum ossiculum foucae inferitur et metatarsi margini per longitudinem applicatur. Capiti vero inferiori, quod paulo altius, quam tria reliqua metatarsi capita, collocatum est, duae digiti postici phalanges articulae adhaerent. In pico martio digitus extimus versatilis longe alia ratione metatarso iungitur, quam in strige alucone. Pici enim metatarsus digito.

digitorum iuncturae non tria, vt in reliquis auibus, capita rotunda porrigit, sed quartum posticum multo maius additum praeterea habet; atque inter hoc posticum atque extimum caput metatarsi digitus extimus vertitur, cuius prima phalanx crista inferna exstante applicatur capiti postico, cum digitus retro vertitur. In strige alucone caput metatarsi extimum reliquis breuius seu altius collocatum, sed multo maius est, et verticale retrorsum seu deorsum erectum prominet. Sed in aquila albicilla caput metatarsi intimum multo maius et fere trigonum prominet et in margine superiore et exteriori foveam magnam habet insculptam, quo firmitus cum digito postico seu potius eius metatarso peculiari colligari possit. Itaque apparet, digitum posticum cum intimo in circulum coeuntem omnium maximam vim in rapiendo exercere; atque hanc structuram digitorum auibus rapacibus omnibus communem esse puto. Borellianam rationem, qua is digitorum et vnguium contractionem ad apprehendendos arborum ramos, quibus aues dormientes insident, explicare conatus est, recte quidem reiicit Cl. VICQ D'AZYR; sed suam ipse paulo breuius atque obscurius exponit. Chamaeleonis digitos cum digitis cuculi, pici vlulaeque recte comparauit PERRALTVS, Oeuvres de Physique, Vol. II. p. 376. Sed video, latius patere hanc in pedum structura affinitatem auium cum quadrupedibus, quam hucusque obseruatum est. Tenet enim digitus posticus cum metatarso suo peculiari locum calcaris in equo asinoque, vngularumque spuriarum in ruminantibus. In equo asinoque pone commissuram gambae cum pede duo ossa sesamoidea trigona adsunt, quibus calcar adhaeret exterius. In boue bisulco os sesamoideum quadruplex adest eum quatuor minoribus ossibus, quibus duplex calcar adhaeret. In ceruo quatuor ossa sesamoidea iunctas sibi habent vngulas spurias tribus phalangibus compositas singulas. Aper eodem in loco vngulas spurias cum metatarsis duobus distinctis additas habet; contra sus Taia assu metatarsi ossa triplicia cum triplice vngula seu digito habet. Igitur bisulcorum animalium quaedam digitos quatuor habent per paria, vnum pone alterum collocatos, quorum vestigia in ceruis, apro etc. magis expressa sunt, quam in boue, oue et capra. Recte hoc monuit Cl. DAVBENTON. Aues eodem modo quatuor digitos gerunt, quaedam per paria, plurimae tres in anteriore parte, quartum pone reliquos positos, ita tamen, vt posticus semper antrorsum versus flectatur, cum in bisulcis omnes digiti vngularum spuriarum retrorsum versi flectantur. Sed vsus apprehendendi insistendique arborum ramis contrariam in auium postico digito postulabat positionem. In mare sagitta (PALLAS Hist. Glirium p. 313.) in pede posteriore digiti tantum 3 adsunt cum metatarso vnico, cuius caput inferius trilobum bisulcorum gambae auiumque respondet. In mare iaculo contra gamba quidem etiam adest inferiori capite trilobo; sed praeterea in vtroque latere eius pro pollice et minimo digito adest metatarsus duplex cum duplici digito. et infra articulum vtriusque ossiculo sesamoideo. PALLAS ibidem p. 300.: Nouo igitur argumento patet, os, cui in auibus digiti iuncti haerent,

rent, respondere bifulcorum trifulcorumque metatarso, quem gambam VEGETIVS aliique appellarunt, digitique adeo primum os nec phalangis nec sesamoidi nomine censendum ad metatarsum potius pertinere.

PAG. 43.

*Tribus illius. Legendum illis.*

IBID. CAP. 35.

*Inter omnes aues.* Post haec verba *ayrones* inferendos puto, quippe qui ferratilem seu pectinatum marginem interiores medii digiti habent. Eadem in caprimulgo observatur structura. In reliquis auibis fere omnibus idem margo in tenuem aciem producit et concavam, ut in multis observavit WILLUGHBY, in aliis illustris BUFFONVS. Cf., quae dixi in Dissertationibus miscell. ad zoolog. et histor. commerciorum pertinentibus, p. 144. et 332. De gruis vngue interni digiti ibidem admonui. Latos vngues non solum ciconia, sed etiam colymborum plurimi habent.

PAG. 44.

*Cozardi, calandrae.* Infra *coyardi* legitur. CON. GESNER de Auibis p. 80. affert ex scriptoribus barbaris nomina alaudarum *gosturdus*, *cuzardus*. Liber de natura rerum ap. VINCENTIVM XVI. 87.: *gosturdi* sunt aues admodum parvae, coloris terrei, cristam parvam ex plumis habentes in capite, nec aliarum auium more volantes, sed vndosos fluctus imitantes, qui vento cogente nunc alta nunc ima petunt. *Calandra.* Hoc vocabulum vetus Interpres ARISTOTELIS substituit charadrio, Hist. Anim. VIII. 3. et IX. 11., ut vetus etiam Bibliorum Interpres germanicus Leuitic. XI. 19., ut monuit FRISCHIVS. Graecorum scriptorum, quos nouimus, primus auctor Ixenticonum III. 15. *Κάλανδραν* nominat, ubi tamen Codex GESNERI habebat *Χάλανδρα*. In Vindingiano exemplo legitur *Κάλανδρος*. MATTHAEO SYLVATICO galerita dicitur *Kalandria*. CANGIVS alicunde laudat: tanquam Calandrus dulcisonans in myrica. FRISCHIVS noster affert loca veterum germanicorum scriptorum et poetarum, ubi philomelae iungitur avis *Galander*, quam ipse alaudam arboream interpretatur.

IBID. CAP. 36.

*Crupponus.* Ex gallico *Croupion*. In equis commissuram renum et proprio vocabulo *cumulare* aut, ut plures Codices habent, *columellare* appellat VEGETIVS Veterin. IV. c. 1. et 2.

PAG. 45.

*Circa finem iterum gracilantur.* Quanquam magnam in vertebris caudae varietatem reperire non licet, memorari tamen hoc loco meretur singularis in picorum



corum genere structura. Martii sceleton coram habeo, vbi primae 4 vertebrae caudae inter procurentes ossium ancharum fines interceptae sunt, mediae paulo angustiores, postremae sensim latiores fiunt, septima vero et vltima omnium latissima inferius additum habet planum osseum, fere rhomboidale, cui appensae fortissimae et rigidae caudae pennae firmantur, quibus arbores scandentes pici adiuuantur.

*Ingrossatur supra renes.* Non solum crassior fit eo in loco medulla spinalis, sed diuaticatur etiam in duos ramos medio ventriculo iunctos, vt primum in aquila, deinde in pluribus auibus annotauit FERRALTUS, Oeuvres de Physique, Vol. II. p. 409., vbi icone hanc medullae diuaticationem expressit. Vsum vt verum indagauerit, vereor. Similem enim structuram in medulla spinali testudinum annotauit CALDESI, eamque in tubera duo rhomboidea dilatata pinxit Tab. II. fig. 5. Cf., quae dixi in Historia naturali Testudinum, p. 286. et p. 292. Structuram hanc medullae in auium genere comparauit cum piscium medulla acutissimus NIC. STENONIS de canis carchariae capite dissecto, p. 108.

*Foramina spondilium fiunt ampliora.* Non solum foramina fiunt ampliora, sed et ipsi nerui, qui ex medulla spinali dilatata oriuntur statim in truncum magnum colligendi, deinde vero in varios femoris, cruris pedisque musculos dispergendi multo maiores, quam paria inter duas quasque costas atque alibi emergentia; eadem etiam est neruorum magnitudo, qui circa primam costam falsam vtrinque orti in alam disperguntur.

*Vuulam, neque epiglottum.* Lege vuulam. Alterum vero est pro epiglottis.

\* *Neque epiglottum.* In primo exemplo erat *epiglotum* pro epiglottis. In struthione tamen epiglottidem adesse, solus affirmat G. WARREN in anatomia maris struthionis inserta Philosoph. Transact. No. 394. In plurimis auium generibus rima laryngis angusta epiglottide non habet opus; vbi vero in anteriore sui parte diuaticatis cartilaginibus latior rima hiat, ibi in plerisque auibus musculos membranamque linguae molles replicatos ingressum latiore rinae obducere et tegere vidi. Laryngem superiorem parum ad modulandam vocem conferre, iam alii annotarunt; maxime contra larynx inferior in bifurcatione tracheae additus vocem variat. In psittacis igitur, coruo corone, cornice, glandario, coracia garulo et oriole, turdo iliaco SCOROLI et sturno vulgari tria aut quatuor musculorum breuium paria ibidem addita vel ipse reperi, aut alii annotarunt, vt in psittacis, quae reliquis auium generibus desunt. Videntur igitur illae aues, quae vocem variare humanaeque imitationem assumere possunt, omnes hac inferioris laryngis structura inuicem conuenire; vt aues clamosae et altisonae trachea longa, varie

Frider. Rel. Tom. II.

E

rie

rie torta, plicata, dilatata aut folliculis additis aucta sibi similes esse solent. Stur-  
ni affinitatem cum genere picarum annotavit quidem LINNAEVS in Fauna Sue-  
cica p. 78, sed, quam is partem respexerit, ignoro. Equidem sturnum non so-  
lum laryngis inferioris, sed gambae etiam structura, hoc est, carina seu mucrone  
posteriore cum picarum, quas nominaui, speciebus conuenire video; sed ea-  
dem omnia in turdum iliacum cadunt et forte etiam reliquos turdos, quos nunc  
recentes inspicere non possum.

*Recurum, ad modum cochlearis.* Intelligitur platalea, seu ardea cochlea-  
ris. Sed in his, vt in ciconiis pelecaneisque, lingua, etsi parua admodum, adest  
tamen, in imis faucibus sita et sacco gulari quasi appensa.

*Viridium psittacorum — alborum.* Virides videntur illi esse, qui Alexan-  
dri nomine gloriantur apud LINNAEVM, omnium primi Europaeis cogniti. Al-  
bos supra iam laudauit, vt videtur, eosdem. Nomen *papagabio* principalis seu  
nobilis gambio explicatur a Physiologo ap. VINCENTIVM XVI. cap. 135. *Πανα-  
γῆς* habet CANGII Glossarium graecum. Originem nominis indagare mihi non-  
dum licuit. Arabibus *babga* vel *babgia* dici, annotavit BOCHARTVS; forte igitur  
ex Arabico deflexa vocabula reliqua sunt. Sed praeterea psittacum galgulum ve-  
teres cognitum habuerunt. De eo enim PLINIVS X. c. 33.: galgulos quidem  
ipso dependentes pedibus somnum capere confirmant, quia tutiores ita se spe-  
rent. Eadem DAMIR Arabs de aue *thenavut* apud BOCHARTVM II. p. 341.;  
eam enim instante nocte ramum arboris apprehendere pedibus, capiteque deor-  
sum inclinato vsque ad auroram cantare refert; alii ibidem addunt, auem ita pe-  
dibus appensam et resupinam haerere, ne caelum in eam ruat. Ridicule. Ean-  
dem ex arbore filum suspendere, et nidum sibi texere, vt ampullam oleariam,  
appensum illi filo, referunt Arabes. Sed galgulum PLINIVS sine dubio dupli-  
cem nominauit.

*Lingua — quoddam durum.* Plerarumque auium lingua inferius dura et  
cartilaginea est, quemadmodum etiam in anteriore parte, modo integra, variac-  
que formae, modo fissa et lacera. In picis in osseam aciem vtrinque hamulatam  
induratur. Superior linguae pars in prius versus glottidem seu rimam introi-  
tumque tracheae carnosior magis ductilisque est, ita vt retracta partem rimae in  
multis auibus claudat.

*Quarundam auium — os quoddam.* Os hyoides, quod intelligit, in  
omnium auium linguis subiacet, sed magnitudine et figura diuersum. Huius  
cornua producantur vsque ad occiput, ibique firmantur, cum musculis appensis.  
In picis tamen cornua haec mirum in modum longa super cranium reflexa vsque  
ad

ad narium regionem procurrunt. Sed in his linguae ipsius structura mira satisque a viris doctis, FERRALTO, PETITO et WALLERO explicata. Cornua ossis hyoidis sunt duo illi rami procedentes usque ad occiput, quos memorat Imperator.

## PAG. 46.

*Aliud vero foramen — in fine palati interioris.* Supra p. 31.: inter nares et oculos quidam locus est in rostro mollis et cedens tactui, habens cutem desuper et duos panniculos subtus, vnum desuper alium, et sub illis est via patula, quae praetenditur a naribus usque versus cerebrum, et illinc transit superfluitas a cerebro veniens, et alia via tendens ad palatum. Clarum est, priorem ductum spectare ad puncta lacrimalia ductumque lacrimalem in nares ducentem, quem in vlula et gallopauone egregie descripsit pinxitque PETITVS in Mémoires de l'Acad. de Paris, 1735. et 1736; reliquam varietatem persecutus est BERTIN ibidem 1766. p. 290. Alterum vero ductum quem intelligi voluerit, nondum exputavi. Tubam enim Eustachianam, quae in ductum singularem membranaceum coit in medio palato infra narium in palatum aditum, significare non voluisse videtur; nimis enim illa subtilis et tecta latet. Vide de ea MOVLEN in Philosoph. Transactions, No. 199., et Cl. CAMPER Opuscul. minor. Vol. I. p. 115. — Sed tandem vidi, intelligi ductum excretorium, qui a sacco lacrimali per palatum in fauces ducit, quem in gallopauone descripsit et ex parte pinxit PETITVS in Mémoires de Paris, 1735. p. 132.

\* De naribus quod supra I. 26. posuerat: vtrumque illorum foraminum interiorius habet duas vias, vnam tendentem ad caput, alteram ad palatum; illae autem viae, quae tendunt ad palatum, in ipso palato vno longo foramine sunt contentae, quod foramen respicit versus cannam pulmonis: coniungi atque explicari debet cum illis, quae ibidem paulo post sequuntur de molli illa et vacua, triangulari fere parte capitis inter nares et orbitam sita: inter nares et oculos quidam locus est in rostro mollis et cedens tactui — et sub illis (panniculis) est via patula, quae praetenditur a naribus usque versus cerebrum, et illinc transit superfluitas a cerebro veniens, et alia via tendens ad palatum. Dum igitur in gallopauonis capite, quod cum anatomia PETITI coram habeo, structuram narium, palati locique vacui inter nares atque orbitam considero, viam patulam a naribus ad cerebrum nullam aliam reperi, nisi neruos, qui a cerebro descendentes per orbitam transeunt et narium spongas ingrediuntur. Ductus vero lacrymalis vtrinque ante narium spongas magno orificio in media fere palati rima iuxta maius aliud orificium aperitur, quod ex ipsis narium spongiis descendit. Viam igitur illam patulam interpretor vacuum ipsam et triangularem partem, in cuius angulo sacculus lacrymalis abditus est. Huius vero cavitatis usum ignoro cum PETITO, qui in Mémoires de Paris, 1735. p. 133, de ea sic tradit: cette vacuité est cau-

fée par la rondeur de l'oeil et par des muscles de la machoire inferieure, qui forment un plan à la partie inferieure de la vacuité. Ce qu'il y a de particulier à cette vacuité c'est que l'air extérieur n'y peut entrer par aucun endroit, elle ne communique point avec le nès et ne contient aucune liqueur. Nescio, an commode cum hac cauitate liceat comparare sinus lacrymales animalium ruminantium peruios ante orbitam in ceruo, dama, coecos in oue et capreolo. In postremis scilicet his generibus os lacrymale, in ruminantium ordine multo maius diuersaeque formae, ante orbitam depressum foueam perforatam habet, aut si fouea ipsa, ut in capreoli cranio video, coeca est, iunctura lacrymalis ossis cum nasalibus et maxillari parte spatium vacuum multum aut perforatum varie habet, ut in lepore. Huius autem formae ossium usum hucusque non magis quam sinuum lacrymalium peruiorum indagare viris doctis licuit. Sinus sebaceos appellat eos Cl. PALLAS. — Naribus oppletis cauitatem hanc respiratione inflari membranamque, qua tegitur, subleuari, ideo in medicina ferro perforandam, monet CAROLVS D'ARCVSSIA p. 74. In antere et anate nerui quinti pars ramus tertius per cauitatem illam transit; sed ductus lacrymalis in ipsas nares excernitur. Foramen igitur, quod in loco hic proposito Imperator post rimam palati longam interius collocat, nullum aliud esse potest, quam ductus communis membranaceus tubae Eustachianae, cuius orificium in eo ipso loco, ubi ossa palatina anteriora cum posterioribus introrsum deflexa coniunguntur, apertissime conspicatus in pluribus gallopauonum capitibus coctis inserto flexili stilo ad aurium usque cauitatem facile pertento. Vsum Imperator foramini, quod satis patulum oculis facile occurrere curiosis, recte monuit Cl. BLUMENBACH in Osteologia, falsum assignauit. — Ceterum cornu, quod Indicae auis, rhinocerotis nobis dictae, cranio impositum ad nares usque pertingit ibique reflectitur, utpote spongiosum totum os et ad palatum, quemadmodum etiam ad nares, peruium, ad olfactus instrumenta pertinere, coniectura MONTII est in Comment. Bononiens. T. III. p. 300. proposita; quem tamen falsum esse, asseuerat Cl. BLUMENBACH Compend. Histor. naturalis, p. 152. ed. secund. Laudat is anatomicam rostri rhinocerotis descriptionem STOLP. V. D. WIEL Obseru. medic. anatom. Centur. I. tab. IX. fig. 1.

## IBID. CAP. 37.

Quae de aspera arteria tradit pauca Imperator, amplissimum admitterent commentarium. Verum omnes virorum doctorum de varia et mirifica tracheae laryngisque, imprimis inferioris, ubi bifurcatur trachea, structura animadversiones collectas annotaui et meis auctas posui in Promptuario Lipsiensi histor. natural. anni 1786. p. 460. seqq.

PAG.

## PAG. 46. sq. CAP. 38. 39.

Pulmonum descriptione et diaphragmatis nimis breui defunctus est Imperator, cum his maxime partibus earumque admirabili structura genus auium a reliquis animalibus distinguatur. Quicumque igitur accuratius de his erudiri voluerit, adeat Cl. MERREM dissertationem de saccis pulmonalibus auium insertam Promptuario Lipsiensi historiae naturalis 1783. p. 201. seqq., et quae de historia inuentorum horum anatomicorum monui ibidem 1786. p. 466. Recte vero posuit Imperator, pulmones auium collocatos inter costas iisdem adhaerere, per proprios scilicet lacertos.

## PAG. 47. CAP. 40. 41.

Oesophagi et ventriculi structuram egregie illustrant experimenta de digestionem auium instituta a Cl. REAUMURIO primum, deinde repetita a Cl. SPALLANZANI. Multas etiam egregias observationes posuit iam olim COLLINS in Anatomia, vbi vide explicationem Tab. 19, quae ventriculum anseris sistit pictum. — Initio capitis 41. pro *dirigitur* legendum est *digeritur*.

## PAG. 48. CAP. 43.

De renibus ARISTOTELES H. A. II. 16.: ὅσα δὲ ὠτοκοῖ, τῶν μὲν ἄλλων ἔδεν ἔχει, οἷον ἔτ' ὄρνις ἔτ' ἰχθύς. Sed mutauit sententiam deinde in libro III. de Partibus cap. 9.: ἔδεν γὰρ νεφρὸς ἔτε τῶν πτερωτῶν καὶ λεπιδωτῶν ἔχει, ἔτε τῶν Φελιδωτῶν — ἀλλ' ὡς τῆς εἰς τὰς νεφρὸς τεταμένης σαρκὸς ἐκ ἐχέσης χώραν, ἀλλὰ διεσπαρμένης εἰς πολλὰ πλατέα νεφροειδῆ ἐν ἐνίοις τῶν ὀρνίθων ἐστίν. Vides igitur, diuersitatem structurae in causa fuisse, cur auibus renum usum negaret. Renum varietas magna quidem est, sed non tam diligenter annotata a viris doctis, vt ex observationibus anatomicis inuicem comparatis certam aliquam regulam deducere liceat. In ardeis vulgaribus vreteres reperi, quales in nulla auium, quas hucusque secui magna fatis copia, immensae scilicet pro reliquo corpore et more auium crassitudinis, adeo vt pennam corui aequarent.

## IBID. CAP. 44.

Nimis et hic laconicus est Imperator. Testiculos et penem marium, quemadmodum matricem feminarum, in auibus iunioribus vix videre licet, nec, vt recte iam admonuit ARISTOTELES, in adultis adeo, nisi tempore coitus, vbi testiculi cum pene intumescunt. Matricem tamen, id est oviductum, etiam in iunioribus agnoscet, qui accuratius intestina perspiciet; ouarii vero in his nullum saepe vestigium apparet. Ductus deferentes semen a testiculis nimis sunt subriles et iuxta vreteres in renibus reconditi, quam vt facile ab ignaris conspici possint. Glandulae etiam renales seu renes succenturiati, paulo supra testiculos positi, saepe imprudentibus imponunt speciemque testiculorum praebent. Penis miro

modo intortus et circumuolutus extra coitus tempora raro se conspiciendum praebet, in quibusdam duplex, in multis prodigiosae pro reliquo corpore longitudinis, sed in vniuersum non adeo frequenter a viris doctis descriptus aut pictus.

## IBID. CAP. 45.

*Per medium gibbositatis.* Sequentia docent, etiam hic legendum esse *per medium pilositatis*. Pilositatem vero appellat fibras costulae vtrique appositas, et firmiter inuicem nexas, quarum structuram et varietatem in multis aibus persecutus descripsit et pinxit PERRALTUS, post eum DERRHAM et HANOVIVS Dantiscanus. Nihil autem gibbi nec in ipsa costa nec in appositis fibris apparet; costula ipsa plerumque superne conuexa, inferius concava et fuleo per longitudinem exarata est. In ciconia tamen nigra superiorem costae superficiem fere totam planam reperi. In vrogallo firmissimam omnium costam cum canali cartilagineo et durissimam offendi.

*Dumas.* CANGIVS legendum putabat *Duvas* ex Gallico *Duvet*. Sed CHARPENTIER ex FALCONETO monet, originem habere vocabulum ab antiquo *Dum*, quod Britannis hodieque *Down*. Nostris etiam hominibus in Marchia et alibi *Dunen*, Belgis *Donst*, *Donse*, quae ciuibus Saxoniae meae *Pflaumen*, ex voce latina corrupta *pluma*, *Plum*, (vnde Belgarum *Pluym*), *Flum*, *Flaum*, *Phlum*, *Pflaum*.

*Nec sunt ut pili, neque ut lanulae.* Praeclare! Sed in historia auium tractanda vellem a curiosis scriptoribus adhiberi vocabulum pilorum, non solum propter breuitatem, sed ut res ipsa melius et accuratius noscatur. Pilos hos etiam in adultis aibus saepe reperire licet inter plumas latentes; in strigum capitibus, ubi plumae sunt longissimae fere omnes, semper, ut puto, reperiuntur reliquis mixti et deplumato capite tenaciter cuti adhaerent. Hos in vlulae capite pinxit PETITVS in Mémoires de Paris, 1736., et in descriptione ita tradit: *il étoit resté sur cette tête plumée un duvet, qui n'est autre chose que de petits tuyaux surmontés de houppes formées par de petits filets très fins*. Graeci lanulas cum plumis  $\pi\tau\acute{\iota}\lambda\alpha$ , pennas reliquas  $\pi\tau\epsilon\rho\alpha$ , remiges priores maximas  $\alpha\acute{\iota}\nu\acute{\upsilon}\pi\tau\epsilon\rho\alpha$  appellant.

## PAG. 49.

*Hinc est quod in quibusdam aibus plumae habent sub se alias.* Recte et praecclare Imperator annotauit, in eo auium genere, quibus, amissis primaeuis lanulis, cum pennae et plumae perfectae fuerint, aliae minores intervalla plumarum non tegunt, plumulas minores, quae lanularum vices agunt earumque fere structuram habent, cannulis plumarum maiorum additas haerere, tumque etiam  
infusam

infimam partem plumae maioris fibras non strictas arctique inuicem nexas costulae vtrinque, sed laxiores et molliores floccorum instar gerere; aut, si plumulae minores, molles cannulis maiorum plumarum non fuerint additae inferne a natura, tum plumarum ipsarum fibras infimas vtrinque per longius spatium laxas mollesque lanularum vices obire. Vt a postremo ordiar, fibrarum laxarum et mollium ex utroque costulae plumarum margine prodeuntium partem aliquam angustiore modo latiore in omni fere auium genere reperire licet; ex meleagridae plumam eiusmodi inferius magna ex parte vtrinque lanulatam, non strictam aut densam, descripsit et pinxit FERRALTUS in Anatomia Meleagridis, T. II. tab. 49. — Contra vero plumae lanulae minores cannulis maiorum plumarum inferne additae reperiuntur in gallinaceo genere fere vniuerso, Tetraonibus, Phasianis et gallinis vulgaribus, ut in vrogallo iam olim annotauit BELONIVS; sed praeterea sparsas eiusmodi duplices plumas in permultis aliis auibus per varias et diuersas corporis partes reperit et annotauit etiam amicissimus HERMANNVS in IOH. BECMANNI, V. C., Bibliotheca Physico - Oeconomica, Vol. VI. p. 387. Tales in collo et abdomine aquilarum et psittacorum reperit FERRALTUS et pinxit II. p. 31.; in casuario idem omnes plumas duplices sed diuersae paululum structurae reperit; in ciconia lanulas colli multifidam costulam gerentes vidit. Ibid. p. 240. Dumae falconibus desunt, quae in aquilis densissimae, ut in aquaticis.

*Inter cannulas quarumque duarum plumarum — sibi superest tertia, i. e. superposita est.* Si nempe plumas omnes per totum corpus in quincunce positas cutique insertas cogitaueris, aut in pictura a me apposita cutis ex vrogallo decissae cum poris plumarum inspexeris, tum facile intelliges, non solum superne, sed etiam inferius inter duas quasque cannulas adstare tertiam mediam. De hoc plumarum ordine admonuit etiam LINNAEVS in Fauna Suecica p. 53., vbi, vidi corium, inquit, Colymbi praeparatum, quod pulchre insertiones pennarum exhibet perforatis poris, vbi pennae per quincuncem, uti arbores in campo, quo minimum spatium repleant, et circum singulam pennam in quadrato ordine plumae 12. Quem equidem locum plane non intelligo, quamuis hoc ipso tempore corium eiusmodi Colymbi auriti bene praeparatum a pellione oculis etiam armatis perlustrauerim. Plumae hic vbique densissimas atque inferius lanulatas reperiō, sed dum his interspersas nullas plane. Oportet igitur aliquis error scribenti tum LINNAEO aut typothetae obrepserit.

#### IBID. CAP. 46.

*Secundum aetatem, ut cinni.* ARISTOTELES H. A. III. cap. 12. auium nulum cum aetate mutare colorem ait praeter gruem: αὐτὴ δὲ ἔσα τεφρὰ γηράσκουσα μελάντερά τὰ πτερά ἰσχει. Ita enim cum Mediceo et B. RHENANI codice legem.

legendum esse, docet versio antiqua apud VINCENTIUM XVI. 5. PLINIUS X. sect. 42.: quod in grandiore alitum genere grues tantum. Hae enim senectute nigrescunt. Sed de mutatione colorum per anni tempus idem ARISTOTELES addit ibidem: καὶ κατὰ τὰς ὥρας οἱ πολλοὶ τῶν ὀρνίθων μεταβάλλουσι τὰς χροάς, ὥστε λαθεῖν αὐτὸν μὴ συνήθην. PLINIUS etiam l. c.: Alia admiratio circa oscines. Fere mutant colorem vocemque tempore anni ac repente fiunt aliae. — Merula ex nigra rufescit, canit aestate, hieme balbutit, circa solstitium muta. Rostrum quoque anniculis in ebur transfiguratur, duntaxat maribus. Turdis color aestate circa ceruicem varius, hieme concolor. — Alia ratio ficedulis; nam formem simul coloremque mutant. Hoc nomen non nisi autumnio habent: postea melancoryphi vocantur. Sic et erithacus hieme, idem phoenicurus aestate. Mutat et vpupa, vt tradit Aeschylus poeta. Hic locus totus est conuersus ex ARISTOTELE H. A. IX. cap. 49. Observatio colorum mutatorum in oscinum maxime genere locum habet, vbi mares colore viuido magis pinguntur sub coitus tempora: vnde facile ab ignaris aequae ac doctissimis saepe pro aliis habentur. Exempla Sylviae phoenicuri et tithyos habet SCOPOLI p. 192. et ZORN Petinotheol. II. p. 387.; fringillae cannabinae SCOPOLI p. 181., ZORN II. p. 339.; emberizae citrinellae SCOPOLI p. 172., ZORN II. p. 346. Denique, vt multa alia exempla omittam, motacilla ficedula LINNAEI eadem plane auis est cum muscipapa atricapilla LINNAEI, a qua nisi colore post nuptias mutato non differre asseuerat LOTTINGER apud HERMANNVM Commentar. Tabul. Affinit. p. 228. Hanc puto etiam ARISTOTELI συκαλίδα, ficedulam, et μελαγκέρυφον, atricapillam, dici. De ardearum colore mutato nullibi certi aliquid obseruatum legi, nisi quod auctores in coloribus describendis variare saepenumero reperi. Sic in ardea cinerea tergum caeruleum commemorat LINNAEVS, quod SCOPOLI nunquam se vidisse testatur, p. 98. Idem tamen SCOPOLI in grue verticem rubrum vidit, p. 102. Colorem *bifum* habet quidem CANGIUS, sed, is quomodo a pulueroso differat, ignoro. Apparet vero etiam hinc, studiosos ornithologiae curatius debere non solum tempus, quo aues inspexerunt, sed et sexum annotare. Aliter enim si fit, semper in tenebris micamus, specierum numerum accumulamus, nec ipsam tamen naturam auium explicamus, ordinemue generum specierumque certum statuimus.

\* *Ayrones bif.* Forte verum huius loci sensum a falconariis acceperat germanicus interpres, qui habet: *die grauen Reiher, deren kleine Federn zur Heckzeit bunt und die grossen klein getröpfelt und grau werden; welches daraus zu sehn ist, weil sie die Tücher, die sie berühren, und von einer andern Farbe sind, mit ihrer Farbe färben.*



## PAG. 50.

*Statim quod natae sunt.* Ex more Imperatoris legendum puto *statim quando*. Auium quaedam genera multipara nec magna imperfectos et caecos pullos excludere, tradit ARISTOTELES de Generat. IV. c. 6., posito exemplo cornicis, picae glandariae, passerum et hirundinum; deinde etiam paucipara quaedam genera, quae pullorum nutrimento multo simul excludendo cum ouo non sufficiant, ut columbas. Ceterum in gallinaceo vniuerso genere, quo coturnices et perdices comprehenduntur, pullos statim exclusos matrem sequi, relicto nido, annotauit etiam ARISTOTELES H. A. IX. c. 8. et post eum alii. In pullis gallinarum vulgarium facile quiuis intelliget, quas Imperator dicit, lanulas seu dumas; sed etiam in hoc genere sunt quaedam species, quarum pulli quatuor demum menses nati plumis induuntur. De gallinis Patauinis asseuerat hoc ZINANNI de Ouis p. 31.; de alia DAMPIER apud ill. BUFFONVM IV. p. 171. vers. germ. Diuersitatem pullorum ex omni auium genere, qui aut caeci floccisque (ita enim pilos hos appellat commode) raris obsiti intra pauciores fere dies ex ouis nascuntur, aut oculis apertis lanulisque bene vbiq; tecti, explicauit ZORN Petinotheol. I. P. 393.

## PAG. 51. CAP. 48.

Nullibi tam accurate traditum de dumis, plumis et pennis, earum ordine, situ et multitudine memini, quam ab Imperatore factum est. Variat quidem in generibus quibusdam copia situsque dumarum, sed in vniuersum verissima sunt, quae docet angustissimus auctor. In ardearum genere inter furculam in pectore magna conspicitur cavitates, quam recipiendo collo varie replicato dicatam esse docui in Promtuarium Lipsiensi 1786. p. 480.: haec vero tota tecta est densissimis et breuibus lanulis; nullae vero ibi adsunt plumae, sed longissimae plumae colli ab inferiore eius parte vtrinque dependent atque ita cavitatem omnem obtegunt. Similem in vulture grypho cavitatem lanulis tectam annotauit FERRALTUS, eamque pro lobo cibus facto et protuberanti recipiendo assignauit.

## PAG. 52.

*Subcoxalibus.* Ita continuo scribendum est. Supra cap. 33. p. 40. monuit, duo focilia cruris a quibusdam male appellari coxam, et os supra crus positum supra coxam. Loquitur igitur hic ex more vulgari, *subcoxalia* ossa appellans cruris duo focilia, et crus, quod rectius metatarsum dixeris, ut supra monui.

*Per totum corpus, sed* — Intelligendum puto ad sensum verbum *adsunt*. Spectat inprimis differentiam in plumis, quae in cruribus palustrum, rapacium et aliarum magis minusue altae descendunt. Vbi quae tibialia seu bracciae a quibusdam dicuntur, haerent in latere exteriori coxae fixae, in linea versus

ossa pubis excurrente posita, et super tibias dependent, quae brevioribus plerumque plumis vestitae sunt. Talia conspicio commodum in Meleagride, ubi humeri et cubiti interna facies tota nuda et deplumis apparet; superior etiam humeri pars inferius fere tota deplumis aut brevibus plumulis hinc inde tecta, superius dependentes longiores humeri pennas habet, quae in ardearum anatumque genere aliisque auibus mira longitudine, colorum structuraeque varietate luxuriant. In pico tamen Martio, quem nunc coram habeo, nullam alarum partem nudam video; sed plumae in hoc omnes a natura dumarum propius absunt. Rapacium auium alam interiorem nudam, contra vulturum leni vellere totam tectam voluerunt ALDROVANDVS et BUFFONVS; sed vellus illud seu sanulam in plurimarum rapacium auium interna ala vidit CETTI Sardin. II. p. 24.

*Bubonibus — noctuis.* Habes igitur notam, qua simillimas species auium distinxit Imperator. Similes noctuis Lagopodes, quibus pedes pentadactyli, quod mirum, etiam subtus plumulis laneis tecti sunt, auctore OTH. FABRICIO in Fauna Groenland. p. 115.; sed aestate pedes non plumati principia accrescentium hiemalium plumarum tantum ostendunt, ut idem auctor est. Noctuis serim, vlulis vespertinum, bubonibus nocturnum cantum assignat APVLEIVS Floridorum libro 2.

PAG. 53. CAP. 50.

*Corales.* De nomine postea videbo. *Pennas scapulares* appellat Cl. MERREM, qui de numero et forma nihil plane tradit in Introductione p. 24. In terrestribus auibus plerisque in humero plumae plures densaeque adsunt, quas igitur numerare inter pennas non licet. Num igitur in falconibus pennae 4 distinctae a vannis plumisque dorsi adsint, ignoro, nec, dum haec scribo, inspicere mihi falconum speciem aliquam licet. Credo tamen facile Imperatori affirmanti, ideoque magis attendendum puto animum ad earum numerum et formam a curiosis scriptoribus, qui auium naturam accurate interpretari fuscipiunt. Numerus igitur pennarum sine dubio etiam variat in diuersis generibus.

*Decisae — curtelli — cultellae.* Clarum est, pro postremis duobus vocabulis legendum esse *cultelli*. A cultro est cultellus, a cuius similitudine appellantur pennae, remiges primariae dictae LINNAEO, cultelli etiam infra cap. 24. libro 2. Verbum *decisae* significat hic idem, quod Gallorum *decoupées*, i. e. strictae, angustiores. Alam eiusmodi, ubi pennae priores quinque in media longitudine pilositatis subito angustiores fiunt et in acumen decrescunt, ita ut expansae non tegantur totae inuicem, sed versus extrema spatia vacua relinquant, *velarem* (*aile voiliere*) aut velificantem appellat miluoque inprimis et reliquis auibus, quas a forma alarum velificantes nominat (*Voiliers*), assignat Cl. HYBER, Essai sur le vol des oiseaux de

de proie. Alterum vero alae genus, quod in multis rapacium auium speciebus conspicitur, vbi pennae omnes leniter et aequaliter versus extrema decrescunt seque inuicem lateraliter tegunt, nullo relicto inter se vacuo spatio, alam *remalem* (*aile rameuse*) appellat falconibusque proprie dictis assignat aliisque auibus, quas nomine communi *Rameurs* nuncupat. Vtrumque genus etiam in tabulis duabus aeri incisis pictum exhibuit, vbi facile aliquis diuersitatem agnoscet. Pennas decimas Cl. MERREM angustatas voluit appellari, sed ex apposita germanica interpretatione intelligitur, eum scribi voluisse *angulatas*. Ceterum non satis approbo morem, quem ille tenuit in explicanda remigum alae pennarum forma; neque enim distinxit vannos a cultellis vbique, quanquam interdum remiges secundarias nominat.

*Forinfeco, quae dicuntur.* Apertum est, legi debere *quod dicitur*. De nomine et vsu empinionum infra dicitur.

\* De pennis paucae sunt memoratu dignae ALBERTI annotationes, VI. p. 87. b.: iuuenes, inquit, aues vltimo plumescunt in ventre et habent ibi pennas pauciores et molliores — sed et ipsae pennae, quum sunt incompletae, virus habent inferius in harundine, quod tamen totum in squamas puniceas conuertitur et adhaeret harundini pennae per partes exsiccatae et cadit aut per se exsiccatae aut disponitur rostro vel vngue aus. Vbi harundinem video esse, quae Imperatori cannula; sed quas ille squamas puniceas memorat, ignoro, colorem saltem miror. Tubum pennarum cartilagineum seu cannulam, earum, quae ossibus alarum manum referentibus adhaerent, cum vnguibus comparauit Cl. VICQ D'AZYR; verum etiamsi in alis comparisonem hanc admittas, in caudae tamen pinnis similitudinem cum humana structura atque vnguibus nullam plane reperire licet. Sed vnguis in ala vnica pollicis adest, in multis auium generibus satis longus, vt monuit etiam nuperrime Cl. MERREM; reliqui vero manus digiti vnguibus carent. Cum vero alarum motores musculos in aquila mea albicilla commode, dum haec commentabar, oblata accuratius inspicerem, vt discerem, empiniones, cultelli, vanni et corales quo motu quibusue aut communibus aut peculiaribus musculis firmentur, contrahantur et expandantur, vidi in quibusdam dissentientem Cl. MERREM ab accuratissimo Gallo. Huius igitur dissensus causam enarrare conabor, quod deinde etiam in caudae musculis, multo paucioribus et facilioribus ad indagandum, faciam. Huic vero de alarum motoribus musculis tractationi subiungam breuem aquilae albicillae anatomen earumque inprimis partium enarrationem, quae aues rapaces maximo discrimine a reliquis se iungunt, adiectis in fine, quae in variis auium generibus de numero et natura pinnarum plumarumque hoc ipso tempore hiemali annotare potui.

Os carpi exterius seu superius in angulo inter cubitum, radium et metacarpum situm accipit musculus cubitalem internum a condylo interno seu inferiore brachii ortum. Hic cum in homine pisiformi ossi adhaereat, Gallus hinc carpum hunc pisiformis ossis vice fungi arguit. Praeterea tendinem a gracili manus extensore accipere ait. Cl. MERREM tensorem anteriorem seu posticum manus a capite ossis humeri interius ortum ad latus externum carpi exterioris perducit. In aquila inea cubitalis interni tendo per fossam inferiorem carpi superioris transiens ipsi metacarpi capiti in latere externo affigitur. Sed carpus inferior duos accipit tendines a duobus musculis, qui in condylo inferiore seu interno humeri ossis orti infra cubitum decurrunt; quorum ille, qui propius cubitum decurrit, tendinem vnum carpo inferiori, alterum vero primae digiti phalangi porrigit. Qui vero subter eum decurrit, soli carpo inferiori affigitur. Nunc videamus pollicem empinionesque, quibus illi musculis regantur flectanturque. Primum igitur Gallum audiamus. Pollicis flexorem is a condylo externo seu superiore humeri ortum ad radium perducit, et tendine bifurco ad pollicem, altero vero sine ad caput primae phalangis digitalis alligat. Extensorem vero seu radialem longum rotundum crassumque supra condylum externum brachii ortum tendine ad pollicem, alio vero ad primam manus phalangem alligat. Praeterea minutum extensorem et flexorem alium pollicis memorat Gallus. Cl. MERREM primum expansorem seu eleuatorem pollicis empinionumque a capite claviculae ortum extremitate bifurca tendinosa ad pollicem, altera vero inferiore ad musculus posticum, qui manum tendit, applicat. Alterum depresso-rem a capite inferiore ossis humeri ad caput pollicis deprimendi deducit. Praeterea duos breues etiam commemorat, quorum prior in osse carpi exteriori ortus pollicem empinionesque eleuat et regit; posterior in parte metacarpi inferiori ortus ad latus pollicis interius porrigitur, adstringitque eum cum empinionibus. Putabat etiam Cl. MERREM, doctissimum Gallum expansorem magnum seu eleuatorem pollicis in duos diuisum aliunde deriuasse. Gallus scilicet nominat magnum aliquem tensorem membranae alarum externae, planum, angustum totumque carnosum, ab apice fureulae ortum, in parte superiore et externa magni pectoralis locatum eiusdemque fibris applicatum, et inter membranas alae expansum, quam tendit; hunc cum tertia deltoideis humani portione comparat. Alterum deinde minorem anterioris alarum membranae tensorem memorat, longiusculum, rotundum, a facie interna humeri ortum, qui, dum cum priore maiore coit, angulum efficit acutum, deinde inter membranas alae expanditur. Hunc bicipitis musculi portionem videri, ait Cl. Gallus. Flexorem pollicis in aquila albicilla plane ita situm reperio et desinentem, vti Gallus memorat; initium habet in condylo humeri externo seu superiore commune cum breui musculo, qui radiali interno breui oppositus superiorem faciem radii amplectitur et in eodem loco cum radiali breui interno terminatur. Flexor vero digiti externus in inferiore seu interiore

teriore humeri condylo ortus iuxta radialem breuem inter cubitum et radium ad latus externum excurrit et basi vltimae digiti phalangis alligatur; plane vt memorat Gallus et MERREM; hic tamen apici digiti alligat, eoque digiti pinnas remiges regi putat. Verum tendo eius in superiore duarum phalangum digiti facie a pinnis satis remotus excurrit, atque super ipsa metacarpi cum prima phalange digiti infra os sesamoideum, rotundatum, paruum alligatum habet, nec regere vllo modo posse pinnas videtur. Praeterea tendo hic, vbi iuxta cubiti finem in latere externo excurrit, musculum breuem secum coeuntem accipit, cuius vna fibra carnosa ad mediam externam faciem capitis metacarpi, altera vero tendinosa ad carpum superiorem seu anteriorem retro porrigitur. Porro pollex lateralem dextrum et sinistrum aut externum et internum accipit, non ab osse vllo carpi, sed a dextro et sinistro latere capitis metacarpi. Tertius superior pollicis musculus manifeste duplex pone metacarpi protuberantiam pollicarem oritur a tendine longi radialis a Gallo nominati. Hic vero in condylo superiore seu externo humeri ossis a latere interiore ortus protuberantiae pollicaris apici alligatur, et musculo, vt dixi, duplici pollicis ipsius. Haecenus igitur bene omnia conueniunt cum narratione Galli. Sed quem ille gracilem radialem dicit, in aquila mea inter cubitum et radium in latere vtriusque ortus adeoque vtrique ossi inferius communis, tendine suo eidem protuberantiae pollicaris apici alligatur. Cubitalis externus in condylo superi ossis humeri ortus cubito adhaeret ab initio, deinde ad latus capitis superioris cubiti cartilagine aliqua fortissima religatus ad metacarpum sub interstitii initium alligatur. Atque hic ipse est, quem Cl. MERREM anteriorem manus adductorem vocat. Hoc vero ipsum officium Gallus longo flexori metacarpi tribuit, qui inter duos humeri ossis condylos ortus in latere interiore versus interiorem condylum, vt tradit Gallus, in aquila mea vsque ad vltimam digiti phalangem, cui alligatur, in latere externo decurrit. Nunc tandem perueni ad expansorem membranae alarum externae seu anterioris maiorem et minorem, quem duplicem Gallus commemorat, cum Cl. MERREM unicum nominet eique longe aliam originem finemque assignet. In aquila mea duos, si non musculos ipsos, tendines saltem facillime distinguo, quorum superior in margine supremo et externo membranae alarum, inter humerum et cubitum expansae, planus, sed non adeo latus decurrit, et ossi conico, pisi fere magnitudine, adfigitur, quod iuncturae radii cum carpo superiore et protuberantia metatarsi pollicari superimpositum et membrana laxa his et vicinis partibus alligatum, ita tamen, vt fluctuet, os sesamoideum flexoris brevis hallucis in homine refert. Habemus igitur ossa duo sesamoidea, quorum alterum vix quartam partem magnitudinis huius habet et iuncturae metatarsi primaeque digiti phalangis superimpositum reperi. Cum nihil simile in aquilae suae hornotinae anatomia commemorauerit Cl. MERREM aut Cl. VICQ D'AZYR, suspicor, ossa illa cum aetate incrementum et in speciem maiorem efformari demum, antea debilia nec dura

fatis, vt appareant. In sceleto falconis buteonis et caerulei minus tantum digiti os sesamoides reperiō; maiore sine dubio cum musculis ablato. Maius igitur pollicis os sesamoides tendinem in aquila mea porrigit protuberantiae pollicari metacarpi, alterum vero musculo inferit superiori pollicis, quem antea commemoravi. Gallus finem expansoris alarum membranae magni non explicuit; sed initium in apice furculae et in latere superiore et externo magni pectoralis collocat, ipsumque musculum planum, angustum fibrisque magni pectoralis applicatum esse ait. Ego vero in aquila mea initium eius in margine externo furculae reperiō, quem totum cingit ambitu suo, ita vt portiones duas facillime separem, quarum vna multo angustior superiorem, altera vero multo maior et triangularis inferiorem marginem vsque ad apicem cingit, plane tamen cum fibris magni pectoralis confusa. Expansorem minorem membranae Gallus deducit a facie interna humeri, ita tamen, vt pars bicipitis esse videatur. Hic vero in aquila mea nihil plane cum bicipite habet commune, sed a summo apice marginis acuti, quem facies externa capitis humeri efficit, ortus, ita tamen, vt praeter hunc distinctissimum tendinem etiam cum magno pectorali coëat, subter maiorem decurrit per membranam paulum angustior et sub angulo acuto, dum ala extenditur cum membrana, extremitate bifurca tendinis adfigitur parti inferiori carosae longi radialis, qui ad protuberantiam metacarpi pollicarem tendit, altera vero parte interiore et paulum longiore cubiti capiti in latere externo affigitur, vti puto. Affirmare tamen hoc non ausim, quod finem hunc alterum imprudens ab osse solueram antea, quam animum eo aduertissem. Denique propius cubitum duo alii breuiore tendines inter membranam alae decurrunt sensimque finibus suis in eam expanduntur, quos a bicipite oriri suspicor; nec enim mihi apparuerunt antea, quam membranae cellulosa dissoluissim et musculos omnes separassem.

Supereſt, vt quaeramus, quibusnam vinculis pinnae alarum firmentur et quibus musculis regantur. Cultellos igitur ex narratione Galli regit musculus interosteus anterior et posterior, quorum ille in interstitio ossis metacarpi ortus parti eius anteriori et grandiori adhaeret, ad phalangem secundam digiti excurrit et cultellorum aliquot radicibus alligatur. Posterior vero parti minori ossis metacarpi adhaeret, radicibus pinnae applicatur omnemque alae membranam amplectitur. Praeterea a breui digiti flexore in inferiore metacarpi margine orti fibrae ad radices pinnae excurrunt. Cl. MERREM primum cultellorum rectorem inter partes duas metacarpi ortum manus pinnae regere ait; alterum vero in capite inferiore humeri ossis ortum per latus externum carpi exterioris digiti ad apicem digiti perducit, eoque pinnae digiti regit manumque extendit. Posteriorem hunc, de quo paulo antea iam monui, eundem esse puto, quem Gallus internum extensorem digiti appellat, et inter musculum flexorem cubiti et pronatorem

natores rotundum ortum; brachiique duobus ossibus adhaerentem per latus anterius digiti perducit, cum musculo extensore gracili iungit, eiusque fibras quasdam ad pinnarum radices expandit.

Equidem cum internam faciem alarum seu potius impulsorii, cui additi haerent cultelli, curiose lustrò, omnes pinnarum vaginas video duplici tendine firmatas atque ad ossa metacarpi phalangumque alligatas esse, quorum alter internam superioremque vaginae faciem amplectitur, alter vero in latere transuersus ad externam faciem inter duas pinnae quisque excurrit ibique firmatur. Idem fieri video in empinionibus, quas tendo ad pollicem singulas alligat; tendines tamen transuersos ad externam faciem transeuntes non vidi, sed musculus ab anteriore metacarpi facie ortus omnes empinionum vaginas amplectitur regitque. In externa facie reperi pinnae tegetes, quarum radices eminent supra radices cultellorum, superiori ossium metacarpi phalangumque margini continua et fortissima seu tendinosa membrana alligatas; interius vero, ut et ipsi cultelli, multis fibris tendinibusque, a musculis illis, quos nominavit Gallus, et qui difficillime extricantur, accedentibus, medio lateri atque inferiori exteriori margini ossium nominatorum alligantur atque inuicem fere totae immobiles condensantur. Digiti minimi rudimentum, quod in priore aliqua nota iam descripsi, non solum fortissimo et latissimo tendine inferiori capiti metacarpi alligatur, sed et tertio cultello longissimum tendinem praebet. Musculus vero ille, quem Gallus breuem flexorem digiti appellat, in margine inferiore minoris partis ossis metacarpi non digito ipsi, sed rudimento digiti indicis apertissime inseritur. Hic vero initio primae phalangis subiacet fere immobilis.

Vannorum rectorem vnum memorat Cl. MERREM a capite inferiore ossis humeri ortum, in osse carpi inferiore desinentem, cuius latus exterius totum tendinosum plures fibras ad regendos vannos emittit. Videtur is esse, quem Gallus gracilem digiti extensorem nominat et a condylo interno seu inferiore brachii tendine bifurco carpo interiori alligat, altero vero fine cum cubitali interno iungit. Equidem dum in aquila mea faciem internam vannorum rimor, primum ipsos vannos fortissimo quemque ligamento, quod in mediam vaginam excurrit, alligatum cubito video; deinde musculus grandis et exteriore in facie fere totus tendinosus, ortus in condylo inferiore seu interiore humeri ossis (ubi super iunctura cubiti et condyli humeralis adfixum inferius in ipsa statim origine habet os conicum, dimidiae magnitudinis magni ossis sesamoidis), duplici tendine inseritur carpo inferiori. Sed inferior multo debilior singulis vannis distribuit ligamentum forte, quo pinnae istae regi proprie videntur. Supra hunc musculum in eodem humeri condylo infra et iuxta initium radialis interni alius minor musculus decurrit et vno tendine item carpo inferiori inseritur. In externa vannorum

rum facie video pinnam quamque infra radicem interiore latere nodulo osseo cubiti in aquila mea admodum paruo firmiter adfixam; deinde longum tendinosum ligamentum omnes vannorum vaginas in interno latere iuxta cubitum et in externo siue in fine inuicem coniungit.

Corales adhaerent in aquila mea musculo, quem in latere exteriori omoplatæ paulum infra articulationem clauiculæ ortum et capiti cubiti exterius adfixum cum anconæo magno comparauit Cl. MERREM, alterique ex parte, qui ab altera dorsi spina ortus ad interius ossis humeri latus adfigitur, posticus humeri adductor Cl. MERREM; his igitur duobus musculis appositæ haerent corales pennæ. Quas qui extendit et versus pectus retrahit, ut ala reliqua expansa spatium inter vannos corpusque vacuum tegant, a quarta et quinta costâ eo in loco, ubi epiphysis incipit ascendere costarum, ortus, cuti iunctus, pennis primis coralibus parte carnosa adhaeret, reliquas vero corales earumque tegetes, uti etiam anterioris humeri plumas fortiores, tendinosa parte amplectitur. Hunc in scriptis duumvirorum sæpe laudatorum frustra quaesivi. Alæ nothæ pennæ fere omnes musculo bicipiti inferius adhaerent cuti infixæ et cellulosæ musculi ipsius telæ. Hæ vero corales adiuuant et spatium vacuum inter vannos et pectus in anteriore facie claudunt. Nunc ad aquilæ descriptionem transeo.

Aquila albicilla initio Martii huius anni fuit in equino cadauere occisa. Capitis plumæ angustæ acuminatæ seu apice triangulares, versus dorsum inferiore parte latiores, reliquæ apice rotundiores. Alæ caudam extremam attingunt. Cultelli priores sex in margine interiore deciduæ; secunda et reliquæ cum septima etiam in exteriori latere strictiore deciduæ sunt. Costæ cultellorum, quousque eminet tectricibus, fere tota plana, ut in ciconiæ nigrae cultellis antea videram. Empiniones pennæ 4, costam planam etiam superne habent, laterisque externi fibras deorsum curuatas adeoque fere canas. Cultelli 10, quorum quartus rudimento digiti minimi per longitudinem applicatur antè. Pennæ tegetes superiores in latere exteriori adhaerent cultellis, vaginis eiusdem fere longitudinis inclusæ, fortissimarum cannularum; inferiores plus quam duplo minores et tenuiores in interno latere adstant, breuibus vaginulis inclusæ, quæ in media sui parte frenulo membranaceo cum vaginis cultellorum copulatæ sunt. Canna cultellorum utrinque verticaliter compressa; tegetum vero superiorum canna magis horizontaliter depressa quam rotunda. Vanni 19, verticaliter et ipsi utrinque compressi, quibus tegetes cruciatim fere impositæ haerent, ita ut radix cannulae ad latus dextrum seu interius vanni appositæ et ossi cubiti connexa sit, vaginae vero pars extrema vaginae vanni mediæ seu summæ cohaereat, adeo ut ala expansa tegetes vannis cruciatim fere incumbant. Tegetes inferiores debiles super vannis ipsis positæ paulo infra vaginae vannorum marginem erumpunt.

Coræ



Corales adsunt 5, sed prima paulo debilior nullam supra tegetem fortiolem adstantem habet, vt reliquae sequentes, quarum cannae satis crassae tegetes supra adstantes habent, multo breuiore vagina inclusas. Sunt hae ita musculo cutique adpositae, vt et lateraliter et super ipsas corales positae videri possint, prouti ala aut extenditur aut contrahitur. Sub inferiore humeri facie musculo infixae haerent sex pennae satis longae et variegatae, multo tamen breuiore et minore cannula, nec tam latae, quam corales infra eas satis magno spatio intercedente positae. Etiam hae suas superne tegetes adstantes habent. Has alam notham MOEHRINGIVS appellauit. Pennae omnes alae caudaeque ad apicem vsque cauae; vasis tamen lymphatici exsiccati vestigia vbique deprehendere licet. Cavitatem hanc annotauit etiam egregius CAMPERVS. Interstitia pennarum, plumarum et, quibus continentur, vaginarum dumis densissimis tecta sunt. Plumae omnes duplices, etiam quae alas tegunt; in collo tamen lanulae inferius additae longiores; versus anum et in abdomine lanulis fiunt maxima ex parte similes; cannulam habent aliquanto crassiolem pro ratione costulae, quam pennae ipsae. Dumae densissimae veluti vellus molle corpus omne tegunt, vt et alae superiolem et inferiolem omnem faciem. In palumbe torquata plumarum costula basin habet tenuem et acutam, supra basin vero costula fere ad mediam longitudinem multo latior facta, subito in filum tenue definit.

Refert BELONIVS, aquilis, cum aucupio adhibentur, ne nimis alte in aërem euolent, dumas plurimas euelli, vt frigore superioris aëris facilius percepto inferiolem regionem aetheris teneant. Patet hinc vsus dumarum. Plumae pectoris ventrisque vsque ad rectrices omnes obscuriores, quam in dorso. Rectrices caudae rotundae, omnes 11 totae albae, sed plumae 4 longissimae, quae superne adsunt, apice nigrescunt. Coopercula dextra sinistram contegebat. Reliquae, vt ab Imperatore sunt descriptae. In latere sinistro quatuor, in dextro quinque iuxta cooperculas aderant. Tibiae cum metatarso vltra medium in antica et externa parte plumis dense inuicem incumbentibus tectae; latus interius et posticum potius dumis densis tectum erat; nec apparebant longiores ex crure dependentes in latere externo plumae. Metatarsus, vti iam dixi, vltra medium plumis densis tectus, reliqua pars, vt et digitorum superior pars, squamis trapezioides fere tecta; in lateribus vero et iunctura metatarsi cum digitis squamas rotundas minutas video. Inferior facies digitorum callo muricato aspera est; vnguis pollicis omnium crassissimus et fortissimus, aliquanto etiam longior; medii vnguis margo interior in tenuem aciem sinuatur. Interior digitus forti vngue armatus in dimidium circulum et vltra coit cum postico, praedamque maxime tenet.

Rostrum flauescens cum cera, sine denticulo, sed ante vncum sinuatum extrorsum. Narium rima angusta oblique descendit, vt in vulture grypho, vbi

Frider. Rel. Tom. II.

G

eundem

eundem in cera rostro addita situm habet, in reliquis rotunda. Caruncula narium non eminet. Pars caua inter nares et oculos alba cute tecta, depressa, pilisque in circulum diuarcatis obsita. Iris flaua, pupilla atrocoerulea. Puncta lacrimalia duo adsunt; orbiculus cartilagineus palpebrae inferioris retractae intus clarissime conspicitur, uti a PETITO in gallopauone aliisque auibus describitur et pingitur. Corneam cingebat circulus squamarum ossaeum satis latus. Palpebra superior fere tota nuda, super os superciliare retracta; inferior lanulis hinc inde obsita; vtraque in margine pilis ciliata nigris.

Feminam arguebat ovarium granis luteis turgidum. Inter ovarium, renes et vasa emulgentia corpus longiusculum luteum conspicitur. Oviductus manifestus; sed saccus Fabricianus sub cloaca nullus. Oesophagi breuitatem, ante ventriculum constrictam, ita ut gularis saccus efficiatur, et in inferiore parte glandulis obsitam densioremque, ventriculi denique situm altissimum, et pancreas peruium transeunti ductui hepatico annotauit iam olim FERRALTUS in aquilis suis. Renes clauati, claua superiore duplo maiore; vtraque freto angusto, sed longo, iuncta. Inferior perforata transmittit arteriam. Vesica biliaria magna; bilis fere tota in grumos coacta et durata. Perunctum pro ratione corporis paruum, duplex, penicillo vno in fine ductus excretorii communis plumata. Costa spuria vnica, et quidem anterior aderat, absque epiphyssi obliqua. Furcula superne latissima, admodum diuarcata dimidium circulum efficit et cavitatem thoracis gularem amplissimam; uti iam annotatum est a Cl. VICQ D'AZYR; coniungitur vero non cum carina sterni, sed cum ipso sterno in suprema parte.

In strige alucone LINNAEI empiniones reperio 4, cultellos 10, vannos 16; sed corales plures quam 4 adsunt, aequalis omnes magnitudinis, etsi longitudine paulum diuersae. Ala notha nulla. Lanulis corpus alaeque obsitae, sed non adeo densis, ut in aquila, ut et plumae ipsae non adeo firmiter cuti inhaerent. Cultelli primi 3 in margine interiore decissi; omnes vero 10 conuexi et deorsum curuati, ut cavitates inferior alarum expansarum multo maior fiat. Pennae omnes multo molliores et, ex tactu si iudices, lanulis propiores, nec costulae fibris vtrinque adeo densis, ut in reliquis auibus. Plumae omnes simplices, sed maxima earum pars inferior lanulata. Plumae capitis, in aliis auibus breuiiores, cuti incumbentes et retro flexae, hic longae et fere erectae, molliissimae et latae, praeter angustas et extremitate retro curuatas, quae aures cingunt, et quae fetis propiores partem anteriorem capitis tegunt. Peruncti glandulae duae paruae cono longo, nudo, absque penicillo, eminent. Caudae pinnae 12, deorsum curuatae et in superiore facie conuexae. Marem arguebant testiculi satis magni. Caeca intestina duos cum dimidio pollices longa erant.

In

In passerum genere Linnaeano numerum forinsecarum seu cultellorum vannonumque minorem reperi. In emberiza citrinella, fringilla montifringilla, sturno vulgari, turdo Iliaco SCOPOLI cultellos 9, vannos item 9. In alauda cristata, passere vulgari, emberiza niuali, cardueli numeravi cultellos 9, vannos 11; sed corales ad plumarum naturam magis referendae sunt, nec ala notha in his adest; praeterea genera haec omnia perunctum cond longiusculo nudo absque penicillo eminens gerunt. In pico martio reperi cultellos 10, vannos 12, corales nullos, qui pennis annumerari possint. Numerus igitur forinsecarum in plerisque auium minorum generibus, vti videtur, vno minor, quam in maioribus et rapacibus; vannonum autem numerus maxime variatur, vti etiam ipse cubitus cum radio maximam longitudinis differentiam in alijs auium habere solet.

Adiiciam nunc, quae in graeco DEMETRII Hieracosophio tradita reperi de notis boni falconis, quaeque ex dictis aliquo modo illustrari posse videntur. Ibi igitur p. 11. accipiter pulcher tredecim caudae pennas habere dicitur et in paruis digitis *χρώματα*, i. e. incisuras seu squamas se decussantes in modum litterae graecae X. Ita enim legendum est cum Codice, ex quo C. GESNERVS haec eadem laudauit de Auiibus p. 6., non *χρώματα*, vt est a RIGALTIO editum nullo sensu. Additur, eos maxime venatu esse nocentes (*βαρυθήρες*), quod, dubium est, ad accipitres, an potius ad digitos, vti puto, postlicos referendum sit. Aliud Caput ibidem caudae vndecim aut tredecim pennas, in vnguibus velut incisuras (*χαράγματα*) siue squamas decussatas incisuris, vti sunt cyprini squamae, assignat. Quod sequitur: *καὶ ἔσωθεν ὡς ὁ ἄρσση τῶν περδίκων ἔχη ἡλος ὀπισθεν κόρον*: GESNERVS vertit: et intrinsecus clauos habeat post id, quod cornu vocatur; sed totum hoc comina non intelligo, nisi de callo digitorum explicari debet. Deinceps sequitur, pulchrum etiam esse accipitrem, qui longam caudam habeat. Sed rectius hic Codex GESNERI: *εἰάν καὶ ἦγεν μακράν ἐκ ἐπιπολὺ λαγγίαν*. Vbi legendum est: *εἰάν καὶ μακράν ἐκ ἐπιπολὺ ἦγεν λαγγίαν*, i. e. si non adeo longam caudam habeat. Tertium caput in vngue postlico (digito puto) incisuram seu lineam fere vsque ad radicem vnguis commendat; postea sub ala versus latera siue humerum pennas acutas (*ὄξυ πτερόν*); aliam notham credo intelligi; deinde approbatur, si pennas *βασιλισκάρια* dictas (vannos puto) habeat longas et aequales remigibus primis, quas *πρωτελάτας* appellat, vt reliquas simpliciter *ελάτας* aut *ἐλατῆρας*, i. e. remiges; denique si mediae caudae pennae reliquas cooperiant: *εἰάν ἔχη σκέπον (τὸ addo) λοχοφόρον ἦγεν πτερόν τῆς ἑρᾶς αὐτῆ τὸ μέσον*. Vbi Codex GESNERI peiorem scripturam praeferebat. Est praeterea alius locus scriptoris graeci, quem cum DEMETRIO edidit RIGALTIVS, de pennis falconum mutandis. Saturato iam, inquit, perdicibus dabis suillam, donec abunde corpulentus fiat, et pennas alarum, quas *καλυπτῆρας* vocant, sponte eiicere incipiat. Tum deinceps reliquas quoque pennas detrahito, exceptis *ελάταις* (i. e. remigibus)

bus) et paucis, quae iuxta elatas sunt, calypteribus. Vbi difficile est in breui et barbara dictione iudicare, de quo genere pennarum scriptor loqui voluerit.

In ARISTOTELIS, quae exstant, scriptis pauca de pennis rapacium reperio aut nihil. Generatim ille de Generat. V. 3. auibus cum aetate increfcente pennas nasci duriores tradit, ut squamas squamatis. Verum apud VINCENTIVM Speculi natur. XVI. c. 6. quasi ex ARISTOTELE refertur, auibus rapacibus maxime fluere pennas et redire ad vigorem. Nec in libris hodie editis reperi, quod ibidem cap. 8. traditur, vulturem ea, quae venatur aut cum quibus pugnat, stupefacere alis percutiendo. Sed vereor, ut more seculi et interpretum ARISTOTELIS antiquorum vultures pro aquilarum genere appellauerit.

IBID. CAP. 51.

*Cannoli.* Legendum est *canali*, aut, quod malim, *cannulam*. Ita enim paulo post pag. 54.: *exsunt cannulae radicales*.

PAG. 54.

*Interior medietas forinfecae.* Intelligit marginem seu fibras in margine interiori costulae positas et connexas.

*Ad minus.* Si scriptura sana est, significare debet *ex parte*.

*Durius, densius et breuius.* Verum etiam hoc de vniuerso auium genere. Sed in strigum genere marginis extimi fibrae laxiores, molliores et incisae sunt ferratim, quo fit, ut volantes vix audiantur propinquae nec vllum alarum percussione facta sonitum excitent, ut faciunt reliquae aues. Hanc in strige alucone primum obseruauit structuram LINNAEVS, sed omni generi communem notam hanc recte tribuit CL. HERMANN in V. C. IOH. BECMANNI Bibliotheca physico-oeconomica VI. p. 57. et CL. FORSTER in *Beyträgen zur Länder- und Völkerkunde*, T. I. p. 96. Eandem alii notam in pennis caprimulgi europaei annotarunt, qui praeterea unguis medii marginem pectinatim incisum cum strige flammea LINNAEI communem habet, auctore HERMANNO l. c. Sed etiam reliqua pars pennarum in strigibus longe mollior est, quam in reliquis auibus.

PAG. 55.

*Iuuant sustentare.* Sequentia docent, legendum *sustentari*.

*Cannas et cannulas.* Verba priora *cannas* et superflua et delenda esse, docet ipse sensus et rei natura, quam nunc accuratius duce Imperatore explicabo.

Saxel.

Saxellus per longitudinem adhaeret secundo articulo digiti indicis, qui tribus articulis distinguitur in cycno saltem, cuius sceleton coram habebam, dum haec scribebam. In hoc scilicet ossa omnia alae cum maiora tum distinctiora apparent, quam in minorum auium alis. Tertius articulus parum maior, sed in extrema parte latior, quam alter pollicis articulus, quem aequae ac tertium indicis digiti a Cl. MERREM in sceleto falconis omissum video. Sequentes 3 pennae forinsecarum maiores adhaerent primo articulo indicis digiti, cuius basi subiacet rudimentum digiti medii aut minimi, cum capite minoris ossis metacarpi articulum, quod contra Cl. VICQ D'AZYR male ad ipsum primum articulum indicis digiti trahi volebat. Sex reliquae pennae forinsecae adhaerent metacarpo duplicis ossis formam gerenti, cuius basi insidet pollex. Omnes hae decem pennae praeter primam cultelli ex gallico *couteaux* appellantur; prima vero *saxellus* a *saxa*, cultri genere, ab antiquo vocabulo nostro *Sachs*, quod cultrum significat. Cf. FRISCHII Dictionarium et CANGII sub voce *Saxa*. Contra HVBERO aliisque artis scriptoribus prima *Cerceau*, reliquae 9 *pennes* appellantur. *Corales* sunt intimae humero appensae; *corallum* enim veteribus Gallis dicebatur pars interior rei cuiuscunque. CANGIVS in h. v. Vanni 12 adhaerent maiori de fociilibus, id est cubito; in cuius media superficie eminentes nodos osseos 10 fere reperi in ardea stellari maiore, quibus medio ligamento firmo adhaerebant latera baseos vannorum. Per ipsam vero basin intrant vasa sanguinea. Idem postea in ciconia nigra reperi. Omnes denique 26 pennas alae contineri ait Imperator seriatim in cute cooperiente alam extenta illuc, vnde exeunt cannulae radicales pennarum, et has cannulas peruenire usque ad os intus in corio, perforantes praeter saxellum, qui ipsi ossi adhaeret. Membranam scilicet duplicem cum duplici musculo docet Cl. VICQ D'AZYR alae hanc partem mouere, pennas veluti vagina singulas induere, tendere et mouere. Contra Cl. MERREM vnum tantum musculum interius carnosum, exterius vero tendinosum esse asseuerat in falcone, ex quo non solum vaginae vannorum, sed ligamenta etiam illa nascuntur, quibus latera baseos vannorum nodulis osseis cubiti alligantur. Vaginae hae membranae, *vela* Cl. WALLBAVM dictae, ex vasis sanguineis, quae basin pennarum intrant, suos etiam recipiunt ramos et cum cartilagineo vasorum sanguineorum et lymphaticorum claustro (*le tuyau de la plume*, *Bosen*, *Kengel*, ex latino cannula aut canalis) satis firmiter cohaerent. Nunc ad illas minores pennas, quae supra infraque maiores illas 26, saltem canales illarum cartilagineos obtegunt. Harum igitur eae quidem, quae 10 forinsecis superne appositae sunt, inter duas quaeque in latere collocantur, atque usque ad os penetrant basi sua, fere propius, quam ipsae forinsecae. Illae vero, quae infra appositae conspiciuntur, lateraliter canalibus maiorum s. forinsecarum adhaerent, nec tam prope ad os protenduntur, quam canales forinsecarum; ceterum omnes paruae, debiles et magis exiles, quam illae, quae superne adstant forinsecis. Contra quae supra basibus seu canalibus

vannorum et coraliū adstant, non inter latera vannorum coraliūque collocatae sunt, sed suae quaeque maiori recta insidet, atque ad os pertingit cum illis; quae vero infra adstant, insident quidem et illae suae quaeque maiori, nec tamen cum illis ad os vsque cubiti pertingunt, sed protenduntur vsque ad lacertum seu musculum subteriore, ceterum debiles atque exiles, ut illae, quae 10 primis infra assident. In ardea stellari pennulas, quae vannis supra insident, suis quasque minoribus vaginulis inclusas vidi, sed cum nodis ossibus colligatae non erant. Sequuntur igitur motum maiorum seu vannorum. Sed omnem hanc disputationem ab hoc loco remouendam et ad tractationem de pennarum ortu, incremento, nutritione, indole et varietate reiciendam puto, ubi docebo, canalem cartilagineum pennarum primum quidem formari, inclusamque costulam cum barba veluti mucum nigrum aut fuscum gerere; quae postquam magis magisque explicitae percoctaeque fuerunt, sursum sensim propelluntur, donec barba tota firmata et explicata cartilaginea vagina cum inferiore costae parte coalescit, canalemque efficit, quo pennae in musculo firmantur, quique ad scribendi usum adhibentur. Contra vaginam hanc demum per squamas decidere, male posuit FOYPART Histoire de l'Acad. de Paris, 1699. p. 43., cuius opinionem nimis fideliter repetitam posuit MARTINI in germanica Buffonianae auium historiae versione, T. I. p. 73. — Postquam haec scripseram, inspexi alam meleagridis, ibique vidi, plumas super cultellos adstantes in latere eorum externo in vagina paululum breuiore adhaerere; quae vero inferne adstant ad latus internum additae, melius spatia vacua tegunt superioribus oppositae. Quae deinde vannis superne adstant, ipsis vannis impositae sunt, earumque vaginae ad mediam vaginam vannorum et corii intertexti pertingunt; sed praeterea adest series minorum plumarum in latere externo vannorum appositarum, quarum vaginae ad tertiam partem vaginarum priorum et quintam vaginarum, quibus ipsi vanni inclusi haerent, pertingunt. Radix vero ipsarum paulum supra maiorum vaginas plumarum eminet. Infernae vero plumae minutae debilesque vannorum vaginis in latere interno additae sunt. In Pico Martio eandem fere structuram, sed non adeo clare, conspicio; ut enim vannorum cultellorumque cannulae multo breuiores, ita etiam corium seu velum, quod vaginis induit pennas cum plumis, multo angustius est breuiusque efficit pennarum plumarumque vaginas. Plurimum auium alas inspicere per hoc hiemale tempus et in hac operarum typotheticarum festinatione ad nundinas nec vacat nec lubet. Alio enim tempore omnem pennarum tractationem copiosius explicabo.

*Sunt praeterea 4 pennae — empiniones.* Nomen habent ex Gallico *empenne*. Numerum pennarum in falconibus quaternarium, in reliquis plurimis auiibus ternarium posuit Cl. MERREM in Introductione ad Specimen Classium naturalium Auium, p. 24. Varietas haec numeri pertinet ad ipsas auium historias peculiarium.

culiaries. Vsum empinionum, quas alam notham, alulam alii hodie dicunt, Imperatori per multa sine dubio experimenta cognitum alibi memorari non memini. Nimis enim breuiter mentione huius partis defungitur diligentissimus alias ZORN Petinotheol. I. p. 160. Omisit plane, quod fere ab omnibus factum video, vt et alam notham MOEHRINGII dictam, sub ala seu in humeri inferiore parte collocatam in plurimis aquaticis, HANOVIVS, qui copiose et laboriose tractauit structuram alae pennarum ipsumque volatum, quem igitur collatum vbique volo a lectore, in Memorabilibus naturae explicatis germanico sermone, Dantisci, 1737. pag. 151 — 208.

## PAG. 56.

*Coopertoriae — cooperculae.* Voces hae videntur hic a librario male collocatae fuisse, vt nescias, de quibus pennis loquatur auctor. Ex cap. 24., vbi pennae maiores sunt relectae sub duabus, quae dicuntur coopertoria, et cap. 48., vbi est: pennas caudae tenet relectas sub duabus mediis superioribus, quae duae vocantur coopercula: colligere licet, duas superiores rectrices, plerumque longiores, dici coopertorias, reliquas 10 suppositas in quiete aue coopercula.

*Bracalae.* Vocabulum hoc egregie mihi excogitatum videtur. Hodie superiores pennas, quae rectrices tegunt, vropygii, inferiores seu bracalas crissi pennas dicunt; minus recte. Varietatem, quae in his satis magna est, enarrauit Cl. MERREM, Introductio ad Classes naturales p. 32. *Bracalas*, germanico sermone *Hofen*, appellauit Cl. WALLBAVM in auibus pennas, quae tibias tegunt, et longae saepe supra metatarsum in latere dependent eminentes. Has latine tibialia seu tibiales recte dixeris. De musculis caudae, quibus cooperculae et coopertae insertae haerent et reguntur, vide Cl. MERREM *Vermischte Abhandlungen aus der Thiergesch.* p. 161. — DEMETRIVS in Hieracosophio cap. 15., accipitres, inquit, caudam primo anno magnam habent, secundo minorem, reliquis deinde semper aequalem, ita vt neque crescat, neque decrescat.

\* Musculorum caudam mouentium quatuor paria numerat Cl. VICQ D'AZYR (Mémoires de l' Acad. de Paris, 1774. p. 496.), contra vero Cl. MERREM in Anatomia aquilae p. 162. paria sex distinguit. Quem virorum doctorum dissensum cum mirarer, ipse manum adhibui dissecandis aquilae albicillae, strigis alconis et pici martii cadaueribus, vt causam indagarem, quam ab initio statim suspicabar in eo esse quaerendam, quod doctissimus Gallus diuersum auium genus inspexerat, cum musculorum historiam explicaret. Ordinar igitur a musculis inferioribus caudae, vbi primum par Gallus cruro-coccygeum nominat, longum, tenue, in femore iuxta bicipitem ortum, deinde sursum ad caudam progreffum, quam

quam deprimit. Ex hac musculorum infertione depressionem caudae illam deriuat, quam videmus in auibus quibusdam, cum solito celerius currere coguntur. Cl. MERREM idem par in superiore ossis ischiaci margine et in parte ossium pubis ortum ad pinnas caudae deducit eoque pinnas deprimit simul atque expandit. Alterum par seu quartum suum Gallus depressores caudae nominat, eosque latos et breues per longitudinem marginis inferioris ossis innominati decurrere ait caudamque magis directe, quam musculos priores, deprimere. Contra Cl. MERREM depressores caudae seu sextum suum par in facie inferiore ossium coccygis ortum ad vltimae caudalis vertebrae inferiorem faciem deducit, eoque caudam deprimit. In pico martio tria musculorum paria distingo. Primum in facie posteriore femoris ortum, angustum extremitatem tendineam albam in latus orbiculi vltimae caudalis vertebrae inferit. Alterum par postico ossium pubis margini adhaeret alteraque extremitate lateri orbiculi ossei supra tendinem prioris pennisque extimis caudae inferitur. Tertium par in extremo osse sacro et margine ossis ischiaci ortum multis fibris singulis caudae vertebrae atque orbiculi ossei margini antico infigitur, omnium crassissimum et latum. Praeterea pinna quaeque caudae tendine forti margini orbiculi ossei alligatur, prima vero seu extrema longissimo omnium vtrinque alligata apparet. In strige alucone tria item paria distingo, quorum primum in femore ortum vltimae caudae vertebrae inferitur; tertium eandem originem habet et finem, vt in pico, latissimum omnium; alterum in margine postico ischiaci et pubis ossis ortum extremitate bifurca extimis mediisque pennis cum postrema caudae vertebra inferitur. In aquila musculus a femore ortum et ad caudam protensum nominat inter femorales etiam NICOLAVS STENONIS; sed eum in aquila sua omisit aut non reperit Cl. MERREM. Secundum par videtur in duo posse diuidi, quorum prius in extremo et posteriore ossis pubis margine ortum extimis pennis, alterum vero in margine ischiaci ossis ortum mediis pennis iungitur. Tertium par, vt in strige et pico, latissimum et crassissimum est. Ex his igitur conficitur, vt apertissime videamus, doctissimum Gallum medium et lateralem, quod fere in eadem linea seu margine ossis innominati oriuntur, in vnum par coniunxisse; Cl. MERREM contra vnum par in femore ortum plane omisisse. Superiorum caudae musculorum primum par eleuatorum nomine Gallus appellat; a fossis mediis et posterioribus ossis innominati media linea alba separatos ad coccygis ossa pinnaeque caudae deducit. Hos vero in quatuor dispescit Cl. MERREM et duos priores a media cauitate seu fossa laminae osseae, qua sacrum os tegitur, (quam innominati ossis nomine comprehendit Gallus), ad vltimam caudae vertebrae deducit, eoque caudam eleuat; contra vero duos posteriores seu tertium suum par a margine postico eiusdem laminae osseae ad pinnas caudae extimas deducit, eoque pinnas expandit simul et eleuat. Denique superiorum alterum par suum Gallus laterales motores coccygis nominat, in latere priorum collocat et ossibus caudae lateraliter inserit, ita vt cauda aut in latus retrahatur, aut, vtroque musculo



sculo contracto, tendatur. Contra Cl. MERREM secundum par suum a radicibus processuum spinosorum ossium coccygis ad ultimam caudae vertebram deducit eoque caudam eleuat. Quartum vero ab ipsis coccygis ossibus et vltima caudae vertebra superne ad extimas pinnas deducit eoque ipsas pinnas expandit. In pico martio duo modo paria distinguere mihi licuit, quorum prius supra in media lamina ossea, qua sacrum os tegitur, ortum singulis caudae vertebrae tendinem praebet et simul mediarum caudae pinnarum duarum radicibus tendine albo alligatur. Alterum par in latere prioris ortum margini postico laminae osseae, singularum caudae vertebrarum processibus lateralibus et denique pinnis extimis adhaeret. In strige alucone duos item musculos magnos reperio: primum rectum in medio laminae osseae ortum omnes vtrinque caudae vertebrae mediasque pinnas amplectitur; alterum par in margine postico superiore ischiaci ossis ortum bifurcatur, alteraque extremitate extimas pennas desuper et in latere includit, altera vero inferiorem faciem extimarum pinnarum attingit atque includit. Praeterea singulae vertebrae, vt in pico, inuicem minutis musculis colligantur, et pinnae omnes infra supraque tendinibus alligantur ad os terminale caudae. In aquila omni adhibita opera plura duobus paribus reperire non potui. Primum seu medium processus spinosos pinnasque medias inprimis, alterum vero seu laterale multo debilius latera processuum transuersorum et pinnas extimas amplectitur, in latere fere totum confluens cum musculo inferiore laterali, qui ibidem, sed paululum interius, in margine ossis ischiaci oritur. Cl. MERREM magnum caudae eleuatorem in lamina ossea ortum in osse caudae terminali contra eleuatorem minorem a radicibus processuum spinosorum ortum firmari ait; ita duo etiam paria expansorum, vnum in margine laminae osseae ortum, alterum ab ossibus coccygis et terminali osse ortum, ad pinnas extimas perducit. Nullus igitur dissensus inter eum et Gallum intercedit, nisi quod Cl. MERREM fibras, quae a medio et extimo pari ad processus spinosos et transuersos pertinent, separauit et numerum auxit, quod equidem facere non magis ausim, quam doctissimus Gallus. Ceterum in picorum genere caudales musculos non numero sed insertionem paululum differre a reliquarum auium structura, non mirabitur, qui picos in scandendis arboribus caudae maxime inniti meminerit. Huic vero mori auis egregie opitulatur ossium coccygis, inprimis postremi, forma et orbiculus postremo inferne additus. Similem in ossibus caudae auium earum, quae pennas erigunt aut expandunt, prouti aut gloriantur amore aut ferociunt ira percitae, suspicari licet structuram. De pauone cristato hanc breuem et nimis obscuram reperio annotationem in libello B. G. SCHREGERI Lipsiae 1787. edito de pelui animalium brutorum cum humana comparata p. 17.: coccyx admodum robustus, superius prope os terminale tabula laeuigata tectus, cui cauda expansa incumbit. Denique in gallina singularem ossium coccygis structuram reperio; omnes enim sex vertebrae, quibus cauda componitur, processus gerunt bicornes,

Frider. Rel. Tom. II.

H

ita

ita ut cornua antrorsum versa lunae dimidiatae speciem prae se ferant. Eandem in meleagride vulgari structuram processuum reperio spinosorum septem; in vrogallo sex caudae vertebrae lunulam in apice spinosorum processuum additam pro ratione corporis minorem habent. In ardea cinerea priores quatuor caudae vertebrae orbiculum magis quam lunulam superne additam habent. In falcone coeruleo et buteone priores quatuor vertebrae caudae in latere spinosorum processuum utrinque infra apicem cornua antrorsum versa habent, quae in falcone buteone omnium maxima apparent. Ex vrogallo primam et secundam caudae vertebrae separatim pinxi, postquam in pictura sceleti a latere visi structuram hanc agnoscere non posse animaduerti. Ceterum cum vrogallo sterna fureulaeque forma et numero costarum conuenit plane meleagris, cuius reliquum sceleton cum vrogallo comparare non potui propter aetatem aui iunioris, quae ossa omnia nondum perfecerat atque iadurauerat. — Perunctum incumbit pinnarum tubulis cartilagineis et, quibus includuntur, vaginis membranaceis, ductu vero inter cooperacula, i. e. pinnae duas medias, ossi terminali in recta linea applicatas, eminet. In strige alucone glandulae duae paruae cono longo et nudo eminent; caudae vero pinnae omnes conuexae deorsum curuantur. Ductus nudus etiam absque penicillo, sed cono eminet in plurimis passerum generibus, emberiza citrinella, alauda cristata, passere vulgari, caudeli, emberiza niuali, fringilla montana atque aliis. In pico martio mediae caudae pinnae fortissimae omnium et ad extremum fere cauae, remiges contra solidiores sunt. Extima utrinque pinna dimidiam mediae longitudinem et latitudinem habet, ut in ala prima forinsecarum dimidiam longissimae habet longitudinem. Ad peruncti aliquem morbum pertinere puto, quod legitur in DEMETRII Hieracosophio p. 132. Cum accipiter, inquit, pinnae rodit et pediculos exquirere videtur, expansas inspicere cannulas pennarum caudae (τὰς καυλίσκας τῆς ἑρᾶς καὶ τὰ πτεῖλα) et plumarum, et reperies minuta quaedam et nigra grana in radicibus pinnarum haerentia, quae acu compuncta vino vetere asperge, et contritis granatorum maiorum corticibus.

## PAG. 58.

*Modi ayronum, albani, huani.* Iterum Noster infra p. 60.: omnes modi ayronum et sibi similia, albani, huani et plures aliae. Vbi si verba *sibi similia* (i. e. ayronibus) ad albanos et huanos refertur, tenemus saltem genus auium. Alibi nomina haec non reperi, nisi quod CANGIVS ex IOANNE SARISBERIENSE Policrat. I. c. 13. *albanellus* laudat de aue quadam positum, quam ex ipso loco agnoscere non licet. Reperio etiam auem aliquam rapacem Italiam *albanella* dictam, sed mihi plane ignotam. *Huanus* a supra nominato *Vhan* plane diuersa aui videtur esse. Aues vero, quae raro inter volandum mouent alas, peculiari vocabulo

bulo Gallici falconarii *planer* dicunt. Nostri a simili verbo auem aliquam rapacem *Schweymer* appellarunt, de qua infra.

## PAG. 59.

*Patet itaque ex praedictis.* His verbis Imperator redit ad ordinem supra coeptum et parenthesi filii regis interruptum.

## PAG. 60.

*Modi picarum, Iayus, vpupa.* Ex Gallico *Gay, Geny, Iai, Iay*, quod ex latino *Gagio, Gaio* pro silua deriuat CANGIVS, qui ex Glossis *Gaia* et *Gaius* pro pica et pico affert. Quae igitur species picarum praeter vulgarem et glandariam dicantur et intelligantur ab Imperatore, difficile est dicere. Picam glandariam bene describit ALBERTVS p. 237. sub nomine garruli, cui iungit germanicum *Heher* alterumque *marcolfus*. Posterius nomen ex COELERO affert etiam FRISCHIVS nosler, aliunde CONR. GESNER de Auibus p. 673. et VALENTINI in Amphitheatr. zootomic. II. p. 77. Sed eandem auem in ARISTOTELE, qui *κίσσα* appellat, Hist. Anim. IX. 13., ALBERTVS in versione *Kyche* interpretatur; idem tamen alibi libro XXIII. p. 237. b. *Kytes* habet, VINCENTIVS vero XVI. 5 et 100. *Kyke* et *Kikes*. — Obiter annotabo, eundem ALBERTVM caprimulgum appellare *Mulcicapam* libro XXIII. p. 238. a. cum auctore Gallico de natura rerum libri apud VINCENTIVM XVI. 109., quam pessime meropem interpretabatur GESNER de Auibus p. 575. — De vpupae pullorum in parentes pietate pleni sunt veterum libri. Cuius fabulae originem cum indagarem, causam in eo mihi reperisse videor, quod vpupae statim postea, quam pullos excluderunt, in eodem nido plumas mutare dicuntur. Quod quidem defluuium pennarum si subitum est, ut puto, si omnino veteres recte rem tradiderunt, quoniam non multum temporis nobiscum morantur, et in Italia quoque trimēstres esse narrat PLINIVS, potuit corporis nuditas hominibus persuadere, parentes interim a pulis nutrir.

*Columborum de Syria.* Vertiginosam an percussorem intelligat, dubius haereo. Ipse enim multas peregrinas species nondum vidi. De columbis generatim ALBERTVS V. p. 65. b.: quatuor quidem modi sunt noti apud nos. Vnus enim modus vocatur graece *belez* (*πελειά*), qui sunt columbis domesticis griseis similes et sunt etiam eis minores: et vocantur apud nos columbae cauernarum et insident arboribus et volant cum grege nec domesticantur ad habitandum cum hominibus — nec nidificant in lapidibus et muris, sed potius in cauernis arborum aut in arboribus, et habet pedes asperos valde rubeos — Aliud autem genus est palumbes, quae maior est columba communi et magis ad albedinem declinans, cum tamen sit coloris grisei. Et genus minimum columbarum est ge-

H 2

nus

nus turturis. Haec enim omnia columbis assimilantur, sicut delon siue *palumbi* et *fehita*, hoc est turtur, et *targula*. Et hoc genus apud nos non est notum. Quidam tamen dicunt, quod *targula* est sturnus — maior omnibus est delon, deinde *fehita*, et minor est *targula* inter ea, quae ultimo enumerauimus. — De coruo corace LINNAEI tradit OTTHO FABRICIUS in Fauna Groenl. p. 63., volitantem non raro in gyrum se vertere et sub gyrando mire, quod prehenderat, a rostro in ungues et vice versa transferre.

## PAG. 61.

*Aues de paradiso.* ALBERTVS M. p. 228. a.: aues paradisi vocant Aegyptii quasdam aues magnitudinis anserum, quae paradisi dicuntur ob decorem, quod nullus eis decor videtur deesse. Et hae aues illaqueatae gemere non cessant, donec moriantur vel donatae fuerint libertate. Liberae autem adeo dulciter modulantur, quod in omni audiente delectationem inducunt. Harum habitatio est super nilum, qui de paradiso fluere perhibetur. Sunt ibidem et aliae aues fuscae (fusci coloris et subrutili, minores quam monedulae, habet Gallicus auctor libri de natura rerum apud VINCENTIUM XVI. cap. 39.) magnitudinis monedularum, quae paradisi ideo vocantur, quod nescitur, ubi nascantur et unde nascantur vel unde veniant. Et illae mutant loca de tempore in tempus. Hirundinem ripariam corpore minorem, quam auem paradisi, tradit Arabs DAMIR ap. BOCHARTVM Hieroz. II. p. 61. Passerem paradisi Idem interpretatur hirundinem, ibid. p. 147.

*Adiutorio venti.* Legendum cum adiutorio venti, sequentia docent.

## PAG. 62.

*Esto — esto.* Sensus docet, esse pro propterea quod. An scriptura sana sit, dubito.

*Exaureandum.* Ex gallico *s'airier* conuersum esse, monet CANGIUS.

*Aut circumuolando, ut ayrones.* Legendum puto plenius: aut in gyrum circumuolando, ut infra pag. 65.

## PAG. 64.

*Offibus alarum.* Ossa alarum intelligit illa, quibus pollex insidet, et ipse armatus saepe ungue duro et acuto. Magis vero hoc intelligitur in generibus peregrinis aquaticarum auium, Tanagrarum, Palamedeae et reliquarum, quas natura aculeis alarum armauit, et quarum censionem fecit CL. HERMANN Cominent. Tab. Affinit. p. 158.

*Ayrones*

*Ayrones — resupinati.* Ardeae stellaris similem miramque defensionem narrat testis ocularis in Cl. PALLAS *Neuen Nordischen Beyträgen*, T. IV. p. 8.

PAG. 65.

*In gyrum circumuolando — ayrones.* De ardea stellari LINNAEVS annotauit: eam terrefactam spiraliter aethera scandere, eamque in venatu falconis magnatibus placere. De gracula pyrrhocrace idem asseuerat SCOPOLI *Auium Hist.* p. 41. vers. germ. Ardearum species ALBERTVS p. 227. a. tres commemorat: primam cineream, acuti rostri et longi colli; alteram albam totam, melius penatam, ceterum priori per omnia similem; tertiam (in ALBERTO scilicet pro *tamen* legendum est *tertiam*) longo collo et rostro in anteriore parte rotundo, totam albam, cochleariam dictam. In tertia plataleam LINNAEI facile agnosces, quae rostro leuiter vtrinque anserum instar pectinato et trachea mirum in modum inflexa in icone Aldrouandina ambigua videtur inter genus anatis et ardeae Linnaeanum. Rostri optimam notitiam dedit FRISCHIVS noster in *Actis Natur. Curios.* Vol. V. p. 251. Idem ALBERTVS l. c., reiecta ARISTOTELIS opinione, qui ardearum speciem aliquam in coitu sanguineas lacrimas plorare refert, testis ocularis coitum ardeae narrat. Ardea, inquit, coit super dorsum feminae flexis cruribus, ita quod pedes maris sunt ad caput feminae, et genua versus anum super dorsum, et tunc tenens se motu alarum tangit locum conceptionis femine et semen infundit in eam. Similiter de auium coitu ARISTOTELES H. A. V. 2.: τὰ μὲν γὰρ συγκαθείσης τῆς θηλείας ἐπὶ τὴν γῆν ἐπιβαίνει τὸ ἄρρεν, ὥσπερ αἱ νεοττίδες καὶ οἱ ἀλεκτρυόνες, τὰ δὲ ἔκ συγκαθείσης τῆς θηλείας, σκόν καὶ οἱ γερανοί. ἐν τούτοις γὰρ ὁ ἄρρεν ἐπιπηδῶν ὀχεύει τὴν θήλειαν καὶ συγγίνεται ὥσπερ τὰ στρεθία ὁξέως. Vbi Codex B. RHENANI cum Mediceo et Canisiano ὠτίδες habent pro νεοττίδες; sed GAZA cum SCOTO et ALBERTO gallinae vertit. Deinde pro ἐπιπηδῶν veteres editiones ἐπιποδῶν habent. ALBERTVS cum SCOTO: feminae non inclinatur, sed stant eleuatae, et inares tenent se super eas motu quodam alarum. Veram igitur puto lectionem ἐπὶ ποδῶν. — De anatum volatu PLINIVS X. c. 38., vbi varietatem volatus in reliquis auibus nimis breuiter et obscure enarrat, anates, inquit, solae, quaeque sunt eiusdem generis, in sublime protinus se tollunt atque e vestigio caelum petunt, et hoc etiam ex aqua. Vultur et fere grauiorēs, nili ex procursu aut altiore cumulo immissae, non euolant — Subrectae, pronae, obliquae, in latera, in ora, quaedam et resupinae feruntur. Postremam rationem ad ardeas ab accipitre infestatas refert DALECAMPIVS. De merope singularem volatum, nescio vnde, refert AELIANVS l. 49.: τὰ μὲν εἰς τὸ μῦκρονθεν ἵεται καὶ κατ' ὀφθαλμούς, τὸ δὲ εἰς τὸ πῖσω: quam narrationem nondum ab aliquo confirmatam reperi. Alaudam campestrē cantare ascendendo per circulum, et, cum descendit, primum quidem paulatim descendere, tandem vero alis contractis in modum lapidis subito decidere, et in illo casu can-

H 3

tum

tum omittere. Hanc conclusam in cauea cantare alas commouentem et ad liberum aërem exire gestientem; sed si diutius captiua teneatur, altero saepe oculo obcaecari; seque saepius expertum refert, alaudam nonno anno altero obcaecari oculo. ALBERTVS Libro XXIII. p. 227. a. Coruum supinum vnguibus contra falconem pugnare, refert OTHO FABRICIVS in Fauna Groenl. p. 57. Idem anatem htemalem flexuose volare ait p. 73., iam dorso, iam abdomine oblique verso. Tale quid etiam in merope obseruasse suspicor.

PAG. 66. CAP. 57.

De mutatione pennarum pauca admodum et obscure satis annotauit ARISTOTELES H. A. VIII. c. 18. et de Generat. V. c. 3. Generatim aues apud ARISTOPHANEM versu 106. ἀλλὰ τὸν χειμῶνα πάντα τῶνεα πτερορυεῖ καὶ θίς ἔτρεξα φύομεν. PLINII locum VIII. c. 27.: palumbes, graculi, merulae, perdices lauri folio annum fastidium purgant: columbae, turtures et gallinacei herba, quae vocatur helxine: anates, anseres caeteraeque aquaticae herba fiderite: grues et similes iunco palustri: hunc igitur locum ad pennarum mutationem refert CL. BECMANN de Histor. naturali Veterum p. 226. Verum alia etiam superstitio illi loco admista est, quam ad AELIANVM tetigi. De pica longicauda PLINIVS X. c. 29.: proprium his caluescere omnibus annis, cum seruntur rapa. Quod male ad picum transtulit auctor libri de natura rerum ap. VINCENTIVM, XVI. c. 132. Pennas reliqui corporis paulatim excidere et mutari, capitis vero simul omnes in hac et glandaria pica et in multis aliis auibus ad PLINII locum annotauit ill. BVFFON, T. VII. p. 185. vers. germ. De sturnis PLINIVS X. c. 24.: sed hi plumam non amittunt, nec occultantur. Quem locum reprehendit ill. BVFFON; sed PLINIVS de illis auibus loquitur, quae per hiemem occultatae plumas etiam amittunt. Cum igitur sturnum occultari neget, sequitur, vt etiam plumas eum amittere tum neget. Ceterum in prima pullorum mutatione pennulas rostri basin cingentes fere omnes simul excidere, obseruat illustris BVFFON, T. VIII. p. 15. De mutatione pennarum in gallinarum, phasianorum, perdicum et anatum genere paucas ex aliena auctoritate obseruationes generatim refert ill. BVFFON, Hist. au. T. I. p. 51. De colorum varietate in aquilarum genere hanc mutationem in pullis comitante Idem ibidem p. 86. Capones a castratione non amplius mutare pennas, Idem refert T. IV. p. 146. Memorabile est, quod annotatum reperi in libro Anglico: *An Account of a Voyage for the discovery of a N. W. passage by Hudsons Streights* etc., Londini 1748. edito, Vol. I., tetraonum genus in terris freto Hudsoniano adiacentibus per hiemem pennis albis duplicibus vestiri, quales scilicet in gallinaceo tetraonumque genere etiam his in terris reperimus; has vero postea excidere simplicesque iterum renasci. — Ex latino *mutare* pennas factum gallicum *muër*, *muë*, vnde Imperator *mutam* pro morbo seu mutatione pennarum, etiam de domuncula, vbi falcones mutant

mutant pennas, et *mutare* simpliciter pro pennas mutare dixit. *Mutatus* igitur dicitur, qui pennas mutauit falco. Graeci etiam latino vocabulo vsi sunt, μετατεύειν, μετατός. DEMETRIVS Constantinop. Hieracosophii I. 41. et II. 49. Contra, qui nondum mutauit, *saurus*, gallice *for*, quod vocabulum etiam colorem plumarum obscuriorem significat. *Mutare* etiam noster sermo seruauit inflexum in *Musen*, *Mausen*, *Mausig*, cancrorumque etiam vernationi adhibuit. De Americanarum auium natura in mutandis pennis quaedam praeclare tradidit BAION, Mémoires pour l'histoire — naturelle de Cayenne, quae inde excerpta posui in Prointuario Lipsiensi, 1787. p. 43. De nostris multas egregias obseruationes posuit ZORN Petinoth. I. p. 262 — 272, qui Laniorum pullos omnes fauros abire hinc monuit p. 465. Denique de mutatis pennarum plumarumque coloribus cum ipsis pennis multa posuit idem diligentissimus auctor exempla p. 569. seqq. ALBERTVS M. libro XXIII. p. 239. b.: aues dupliciter se mutant (*muënt*): quaedam enim simul in continuo vno tempore pennas exuunt, sicut accipitres; quaedam faciunt hoc successiue, sicut pica et coruus.

## PAG. 70.

*Maleclum iacti, longa.* *Iacti* ex gallico *Iets* laquei sunt de corio facti, qui pedibus falconum imponi solent, vt cum eis retineantur et iactentur ad praedandum, vt infra cap. 38. traditur. *Maleclum* ex hoc loco laudat etiam CANGIVS, nulla addita interpretatione; sed vox corrupta est et legendum *malleolum*, quod nostro infra cap. 44. est sacculus lineus, cui falco recens captus inditur, ex gallico *mal'ette*. Deinde *longa* ex gallico *longe* est corrigia, qua ligantur et retinentur falcones ad sedem suam, vt infra dicitur c. 27. et 39.

*Tiratorium — tina — cappellum.* De *tiratorio* noster infra cap. 55. ipse accuratius tradit. Gallice *Tiroir* dicitur. *Tina* vas grande, ligneum, lauationibus falconum, dum mutant pennas, aptum, gallice *Tine*. Sed vox ipsa romanae originis esse videtur. De vsu *cappelli* infra traditur. Gallicis falconariis *chaperon* dicitur, nostris *Haube*. Mitrae genus, quo falcones ciliantur, ne lux in oculos incidat.

*Fileria seu credentia.* Gallicum *Filiere*, lorum, quod pedibus falconum alligatur. CANGIVS omisit hanc vocem.

*Loyrum.* Ex Gallico *Leurre*, quod alii *Lorram* dixerunt, esca, qua visa falcones reuocantur.

*Alia, cum quibus reuocantur.* Hinc ALBERTO reuocatorium dicitur.

*Trahina.*

*Trahina.* Gallicum *Traine*, imago seu pellis cuiusuis animalis aut avis, quae loro alligata per campos trahitur, vt falconem alliciat capturaeque eiusmodi animalium assuefaciat.

*Tympanum pulsans, chirotheca.* Tympani vsus fuit, vt puto, in venatione anatum, quae subito exturbantur latebris suis pulsato tympano, vt illas falco inuolet. Cymbalum pro tympano adhibet DEMETRIVS in Hieracosophio. *Chirotheca* est manica coriacea, qua manus armatur, cui infidet falco, dum portatur.

## PAG. 71.

*Non appetunt, nisi forte — paucissimi.* ARISTOTELES H. A. VIII. c. 3.: *οἱ δὲ γαμψώνυχες καὶ ἄποτοι πάμπαν, εἰ μὴ τι ὀλίγον γένος καὶ ὀλιγάκις. μάλιστα δὲ τοῖσιν ἢ κεγχρεῖς. καὶ ἰκτίνος ὀλιγάκις μὲν, ὥπται δὲ πίνων.* Hinc est, quod accipitribus et falconibus, dum mutant pennas caueis inclusi, tina balneatoria apponitur, vnde etiam bibant.

## PAG. 72.

*Quaedam species anserum.* Qualem auem intelligi voluerit Imperator, nescio; nam de Pelecano aquilo LINNAEI, anseribus magnitudine, statura et serrato rostro simili, cogitare vetat, quod additur, eum, vt vultures, cadaueribus victitare.

## IBID. CAP. 2.

Cui femina rapacium auium mare maior sit tertia fere parte, vnde mas *Tertiarius* in vniuerso genere dicitur, gallice *Tiercelet*, varias indagando conquisiuit rationes augustus auctor, de quarum tamen veritate, vt omnino difficile est de naturae consiliis in operum suorum fabrica singulari iudicium, ita etiam hic dubitare licet. Aliam longe viam ingressus illustris BUFFONVS, qui, postquam marem falconis merularii (*Emerillon*) contra morem generis sui solum parem magnitudine feminae fecisset, (quo id iure, nunc non disputo), eo tandem delabatur, vt magnitudinis differentiam a praesentia intestinorum coecorum repeteret, quae in feminis gemina, in maribus contra simplicia adesse aut plane deesse ex fide anatomicorum refert. In aquila mare nulla plane reperit PERRALTVS; nec in falcone cyaneo eo, quem illustris BUFFONVS *St. Martin* appellat, FRISCHIVS vero noster *Laniarium album* (cf. HERMANNI V. C. Commentar. ad Tabul. Affinit. p. 174.), et quidem mare, quem mense Maio anni 1783, dum turdum persequabatur, occisum secui, caecorum vestigia vlla reperi; verum in femina buteone, cuius oviductum cum ovario eodem anni mense clarissime videram, non magis caeca intestina vlla reperi. Igitur altius reconditam in intima corporis fabrica rationem differentiae quaerere oportet; quam si cui olim reperire contingerit,



tigerit, vehementer ei gratulandam puto eam felicitatem. Quid, quod eadem magnitudinis differentia in sexu reperitur etiam in aliis auium generibus? Musci-capas maiores ex illustri BVFFONO nominavit Cl. HERMANN, Comment. Tabul. Affinit. p. 173. et p. 229., cuculum item discolorem, p. 186., et denique aues Americanas ab illustri BVFFONO *Fourmiliers* appellatas, p. 189. Harum igitur auium natura etiam penitus rimanda erit, ut de opinione Buffoniana et naturae consilio decernere possimus.

## PAG. 74.

*Aquilae piscatrices.* Si falconem haliaetion LINNAEI (ill. BVFFONO *Balbuzzard*) intelligit, recte admonet, meliorem ei formam pennasque commodiores datas esse ad piscandum, quam reliquo generi. Pennas enim is tibiales vulgo dictas dependentes nullas habet, unguem posticum breviorum, callum digitorum asperillum, et reliqua, quae praedationi piscium sunt accommodata. ARISTOTELES H. A. IX. 32. aquilae marinae collum magnum crassumque cum alis curvis et vropygio, i. e. cauda lata, tribuit. Vbi tamen versio vetus apud VINCENTIVM pro vropygio pectus habet amplum. Contra vero illustris BVFFONVS ex hoc loco caput magnum crassumque referre videtur. Alas curvas miluo etiam tribuit scriptor gallicus de natura rerum apud VINCENTIVM.

*Sineciliones.* Vocabulum hoc in primo exemplo corruptum recte emendavit CANGIVS *Smeriliones* legendo, cui Gallicum *Emerillon* convenit. Italis *Smerlo*, *Smeriglio*. A merulis, quas in silvis confectatur, *merularium* ab initio dictum, ut a fringillis fringillarius accipiter, bene suspicatur FRISCH in Dictionario Germanico sub voce *Schmerlein*. Forte tamen magnitudo merulae causam nominis dedit. Comparatur a multis cum *aesalone* graecorum scriptorum; sed definire aliquid non licet in tanta orationis breuitate. — ALBERTVS cap. 14., decimum, inquit, et ultimum falconum genus est id, quod quantitate minimum est, quod et *mirle* vocatur et vulgariter *Smirlin* vocatur. — Est autem — guttatum in vultu — et longissimarum alarum respectu sui corporis et caudae mensuratae, et crurium et pedum planorum citrinorum etc. Liber de natura rerum apud VINCENTIVM XVI. cap. 71., *triciolus*, inquit, aucupantium volucrum minima, sed pro sexu et natura sua ad aucupandum promptissima, falconum generibus adiungitur. Arabica nomina cum notis quibusdam habet BOCHARTVS Hieroz. II. p. 194. Sed locus ex libro de natura rerum postremus pertinet ad nisum. Sic enim ALEXANDER nescio quis apud VINCENTIVM XVI. cap. 112.: nisus ac tricellus siue terciolus — Deinde superior locus de *triciolo* repetitur verbotenus, nisi quod hic *tertiolus* nominatur. — Apud ALBERTVM XXIII. p. 238. corrupte *merifliones* legitur, ut vidit etiam CON. GESNER p. 44. In Codice Rigtiano libri de natura rerum legitur: *terconnali minimae volucrum — pro sexu*  
Frider. Rel. Tom. II. I in

*in natura* etc. Versio Catalanica habet *Terzols*. Germanico ALBERTI Interpreti Smerilio dicitur etiam *Weisback*.

*Vbleti*. Horum nomen nullibi reperire aut vestigia originis indagare potui. CANGIUS omisit. An fortasse *Blueti* scriptum olim fuerit de cyaneo aliquo falconis minoris genere?

*Aufuri*. Ex gallico *autour*, quod ipsum ex latino *astur* factum. Nomen asturis primum memoratur a IVLIO FORMICO. Accipitrem palumbarium ARISTOTELIS H. A. VIII. 3. ALBERTVS interpretatur *asturem*. Sed alii, quibuscum illustribus BVFFONVS facit et Gallicus ARISTOTELIS interpres, CAMVS, accipitrem *άστεριαν* de hoc interpretantur, quem nominat semel Philosophus Hist. Anim. IX. cap. 36. Ibi vero ALBERTVS *τριόρχην* interpretatur *asturem*. Sed locum ipsum Philosophi ponam: τῶν δ' ἱεράκων κράτιστος μὲν ὁ τριόρχης. δεύτερος δ' ὁ αἰσάλων. τρίτος ὁ κίρκος. ὁ δ' άστερίας καὶ ὁ Φασσοφόνος καὶ ὁ πέρνης αἰετοὶ. οἱ δὲ πλατύτεροι ἱέρακες ὑποτριόρχαι καλεῖνται. ἄλλοι δὲ πέρκοι καὶ σπιζία. οἱ δὲ λεῖοι καὶ οἱ φρυνολόχοι, ἔτοι ἐμβιότατοι καὶ χαμαλοπτῆται. Vbi primum pro αἰσάλων Codices Ambrosianus, Vaticanus et Mediceus habent σάλων, ALBERTVS vero *celon*, sed vetus Interpretatio apud CAMVS habet *Esalon*. HESYCHIVS tamen αἰσάρων εἶδος ἱέρακος. Deinde *άστεριαν* alium, aquilam nempe aliis auream dictam, laudat ex ARISTOTELE quidem AELIANVS II. 39., sed locus hodie non exstat. Vetus Interpres, quem manuscriptum comparavit CAMVS, dicitur pro asteria habere *asterias vel astur*; sed equidem hoc quomodo interpreter, dubito. Semel enim ARISTOTELES asteriam nominat. Pro πέρνης Codex Mediceus habet *περνίς* cum vetere Interprete; GAZAE versio posuit *pernix*. HESYCHIVS lectionem *περνίς* vt vetustissimam et genuinam recepit inter glossas suas. Sed ALBERTVS tria nomina haec de vno genere interpretatur, quasi legeretur: ὁ δ' άστερίας, ὁ καὶ Φασσοφόνος καὶ πέρνης. Ita enim ille p. 95.: tertium autem genus vocatur kyricos graece et a quibusdam astanos et aliis fasceocos, a nobis autem vocatur nifus aut speruerius, et est debilissimus in genere accipitrum, et est aliquantulum lati corporis. Est tamen genus falconum lati corporis in dorso: et hoc vocant quidam *occata* graece; et alia sunt duo genera istius aus, quorum vnum dicitur *linotrobelgo*, aliud autem est innominatum: apud nos autem primum horum generum vocatur gyrofalco, et secundum vocatur falco lapidum — et tertium vocatur pes blauus siue iacintinus et est peius inter tria. Sunt tamen et alia paruorum falconum genera, quae sunt velocissimi volatus et paruis auibus insidiantes. Genus autem accipitrum pulchrae vitae est in venando, et hoc commune habent, quod semper volant omnes accipitres iuxta terram. Vides, lector, quam multis et taediosis ambagibus ALBERTVS sensum loci plane non illustrarit, sed intricatum obscurauerit. Verum nimis saepe in istis quisquiliis

illis latet aurum absconditum, et ex latinitate scriptorum pendet secuta recentiorum aetas et disciplina, quam ut ignorare liceat viro docto lutulentas istas et obscuras scriptiones. Quid in versione gemina vetusta, quam CAMVS consuluit, sed nimis raro, interpretatio huius loci prae se ferat, operae quidem pretium esset discere, sed nihil de ea memorat h. l. CAMVS. Contra vero in Commentario ex etymologia etiam conficere conatur, *astur* non solum ex nomine asteriae ortum, sed eundem plane natura sua esse cum eo. Genus accipitrum, quod ARISTOTELES nomine ὑποτερίοχαῖ comprehendit, dicitur latius esse, πλατύτεροι; sed Codex Mediceus cum Canisiano habent πλατυτεροπτεράνες, ex quo suspicor, eos voluisse πλατύπτεροι ἰέρανες, quasi illud alterum genus latiores habeat alas. — Qui denique λέιοι dicantur, non comminiscor, sed ἰλειοι, i. e. palustres, legendum suspicor. — Accipitrum genus, quod Imperator a falconibus ubique separat, differt non solum iridis colore, narium caruncula depressa, sed et ratione venationis, quod non ferit praedam, sed capit. Ferire autem quid sit in arte falconaria, nostris *schlagen*, infra docetur. Vides igitur, magnam habuisse falconariae artis usum atque exercitationem ad genera avium accuratius dignoscenda utilitatem, quam methodici scriptores negligere non debebant, sed inspicere diligentius falconariorum doctiorum libros.

## PAG. 75. CAP. 3.

*Area* dicitur ex Gallico *aire*, nostris peculiari vocabulo *Horst*. Cf. CHARPENTIER in Supplemento sub voce *Area*. ALBERTVS *haeram* falconis dixit.

## IBID. CAP. 4.

*Fixuris*. Legendum *fissuris*. — *Gallandiam* ignoro; et *Groenlandiam* interpretari vereor. Videant doctiores de hoc nomine. Etymologiae avium explicatione aut refutatione non egent apud doctos.

\* *Gallandiam* germanicus interpres per *Groenlandiam* reddit, ut nunc deum video.

## PAG. 76.

*Avantagium*. Gallicum est *avantage*.

## PAG. 77.

*Inferius habentia duos corios*. Sensum vocabuli, igitur rem ipsam, ignoro. Videtur Imperator de cordibus succenturiatis loqui.

\* Interpres germanicus interpretatur *duo coria*.

## IBID. CAP. 6.

Vultures refert ARISTOTELES H. A. VI. cap. 5. oua duo parere, auesque omnes rapaces semel per annum nidulari. Cap. 6. aquilam tria ponere oua, quorum duo excludi; visos tamen etiam tres aquilarum pullos esse. Incubare oua circa triginta dies, eundemque finem in auium reliquarum maiorum ouis excludendis a natura statutum esse, vt anseri et otidi (ALBERTVS anserem et cycnum nominat); mediis magnitudine, vt miluo et accipitri, fere viginti dies sufficere excludendis. Miluum vt plurimum duo oua excludere, interdum etiam tria; aitolum etiam quatuor oua excludere interdum. Vbi ALBERTVS: quae graece *agulneos*, latine autem *egonus* vel *egetus* vocatur. SCOTI versio a Gallo CAMVS comparata *alguneus* habet. Recentiorum obseruationes positas reperies apud illustrem BVFFONVM; sed asseuerare de multis speciebus difficile est; indagare enim veritatem nimis saepe periculosum; hinc multa nos in auium ouatione, incubatione pullorumque educatione latent adhuc diuque latebunt.

## PAG. 78. CAP. 9.

*In fia, quae dicitur gorgia.* Prius verbum corruptum puto. Forte fuit *saco*. Alterum ex gallico *gorge* est deriuatum.

## PAG. 79. CAP. II.

*Tota contrata.* Gallis *Contrée*, Italis *contrada*.

## PAG. 80. CAP. 13.

*Mane exeunt ad praedandum.* De eadem re supra p. 62.: consueuerunt rapaces circa medium diem sublimi volare, praecipue in aestate et in diebus calidis ad refrigerandum se in sublimi et exaureandum. Iam olim ARISTOTELES H. A. IX. cap. 32.: ὥρα δὲ τῇ ἐργάζεσθαι αἰετῶν καὶ πέτεσθαι ἀπ' ἀρίστου μέχρι δαίλης. τὸ γὰρ ἔωθεν καθήται μέχρι ἀγορᾶς πληθύνει. Ex quo loco PLINIVS X. cap. 3.: a meridiano autem tempore operantur et volant; prioribus horis diei, donec impleantur hominum conuentu fora, ignauae sedent. Contra GAZAE versio habet: tempus aquilae operandi volandique a prandio ad meridianum. Mane enim quiescit, vsque dum forum frequens et prandendum iam sit. Nuperus vero interpres Gallicus: depuis l'heure où les hommes prennent leur premier repas jusqu' au soir. ALBERTVS VIII. p. 94. b.: venatur autem vultur frequentius a meridie vsque ad noctem, et ab ortu solis vsque ad tempus illud quiescit. Atque ita etiam verbotenus vetus versio apud VINCENTIVM XVI. cap. 150. Illustri BVFFONVS haliaëtos meridianis tantum horis venari, vulgarem vero aquilam frequentius praedatum exire tradidit. Obiter mihi liceat hic interferere iudicium de loco ARISTOTELIS laudato, vbi aquila vera describitur. De magnitudine ita tradit: ἔστι δὲ ἄτος (ὁ γνήσιος) μέγιστος τῶν αἰετῶν ἀπάντων, μείζων τε τῆς

τῆς Φήνης τῶν δ' αἰετῶν καὶ ἡμιόλιος, χρῶμα ξανθός. Ex quo loco PLINIVS X. cap. 3. genus gnesion media magnitudine, colore subrutilo, rarum conspectu reddidit; male. Magnitudinem enim sesquialteram reliquarum aquilarum illi tribuit Philosophus. Atque ita etiam ALBERTVS I. c., iste, inquit, vultur verus est magnus valde, omnibus maior aliis vulturibus fere in sesquialtera proportione, et habet fortem vocem, et eius color est citrinus, rubescens aliquantulum. Atque ita fere vetus versio apud VINCENTIVM XVI. cap. 151.: et iste vultur est valde magnus, sesquarto (lege sesquialtero) maior omnibus vulturibus, habet fortem vocem et citrinum colorem. Vides versionem veterem lectionem diuersam expressisse in ARISTOTELE a vulgata, quae mihi inepta videtur eam maxime ob causam, quod triplex ea seruata instituitur comparatio magnitudinis, cum duae sufficerent. Fuit igitur in Codicibus scriptum aliquibus: ἐστὶ δὲ ἔτος μέγιστος τῶν αἰετῶν ἀπάντων, μέζονος τε Φωνῆς, τῶν δ' αἰετῶν καὶ ἡμιόλιος. Vocem huius aquilae magnam cum rugitu leonis comparat ill. BVFFONVS. De varietate lectionis nihil suspicatus CONR. GESNER de vitio tantum Pliniana interpretationis admonuit, quam ille emendabat legens: caeteras media magnitudine excedens. — De tempore venationis auib. rapacibus solemnī Imperator etiam infra p. 149. monet.

## PAG. 82. CAP. 18.

*Quaternos.* Quaterni, quaterniones, quaternusculi chartae in quatuor paginas complicatae, Gallorum *Cahier*. Cf. CANGII Glossarium sub h. v.

## IBID. CAP. 19.

*Iacens*, i. e. depressa.

## PAG. 83. CAP. 20.

*Cannauacii.* Infra *cannabacii* scribitur, vtrumque pro cannabino. Ipse enim cannabis his scriptoribus *cannuca* et *cannaua* est. Ex adiectiuo griseus factum est substantiuum *grifitas*. Forte tamen scriptum fuit *griseitas*.

## PAG. 84. CAP. 23.

*A se non mutatis.* Videntur haec verba vitiosa esse.

## PAG. 85.

*Pars meri.* Vocem posteriorem aliunde hoc sensu ignoro. Significat ingluuiem auis. In aquila oesophagum ante ventriculum constrictum speciem prolobi glandulis intus obfiti praebere, annotauit BORRICHIVS et PERRALTVS. Eandem in vulture grypho stomachi structuram annotauit PERRALTVS, huicque ingluuiei cavitatem magnam in initio pectoris respondere putat. ARISTOTELES

H. A. II. 17. in exemplo earum auium, quae ventriculum ipsum similem prolobo habent, ponit tinnunculum (πρυγγηίς); sed ibi Codex Mediceus et scoti versio habent: partem ventriculi aliquam similem prolobo: praeterea pro πρυγγηίς Codex Medic., Canis. et B. RHENANI habent πρυγγηίς; ut adeo dubitari possit, an tinnunculus intelligatur.

*Tertia iunctura alarum.* Supra p. 82. cap. 19.: iuncturae alarum mediae tendentes versus caput, quae a quibusdam dicuntur pulsiones alarum. Infra p. III.: iuncturam autem illam alarum, a qua incipiunt decem pennae maiores forinsecae, quam iuncturam quidam vocant humerum, et alii buctum alae dicunt, teneat eleuatam ad caput. Ex gallico scilicet *bout de l'aile* fecit *buctum*. Pro voce *pulsiones* (alarum) videtur legendum esse *impulsorium* alarum; ita enim hanc alae partem dici, supra monuit ipse Imperator I. c. 27.

*Super renes.* In Girofalcone renes non commemorat, sed pinnas caudae in modum crucis inuicem interfecare ait. Renes hoc loco significant commissuram renium, cumulare VEGETII, Gallorum *Croupion*.

*Pennae maiores sunt resollectae.* Post vocem *pennae* altera *caudae* excidit; de hac certe omnia sunt intelligenda.

*Faluedinem.* Ex gallico *fauve* effecit hoc et *faluus*. ΠΑΡΙΑΣ faluum colorem interpretatur fuluum et eluum.

#### PAG. 86.

*Quasi coronam quandam.* Sunt, qui alio nomine *Sahins* appellantur, quosque a vulgaribus Galliae falconibus patria, non specie, differre contendit CAROLVS D' ARCVSSIA, Conference des Fauconniers, p. 38, ubi ita tradit: Les Faucons que les Turcs nomment Sahins, ne sont autres que les Faucons de haute maille (maculae genus significat in plumis) qui ont la tête plate au dessus et le pennage bordé de blanc et encores égalé de roux; dont il semble que la nature leur ait mis sur la tête une guirlande ou couronne pour marque de leur excellence. Bref ce sont les Faucons qu'anciennement l'on nommoit Pelerins ou Faucons Tartares, bien que ce fut improprement parlé, comme j'ai dit en son lieu.

*Cera.* Vocabulum hoc recepit etiam LINNAEVS eidemque rostri parti accommodauit. Praeter auium rostro vnguibusque vncinatis armatarum genus, quae raptu viuunt latrocinantes, eadem cera reperitur etiam in genere plittacorum, cracum, meleagridum, in Laro Catarracte dicto a CL. BRVNICHIO, anatunisque aliquot speciebus, ut tradit CL. HERMANN in Commentar. Tabul. Affinit. p. 146.

p. 146. et p. 158. In cracum aliquot speciebus maxillae etiam inferioris basin cingere dicitur, cum in reliquis superiorem modo tegat. Recte vero Noster partem corii appellat eam, quae sit inter duritiem rostri et primas plumas capitis, coloremque eius pedum colori respondere annotat. Est enim omnino cera illa pars communis corii seu cutis, qua totum caput tegitur. Quae ubi supra rostri initium protensa caluescit, paulatim etiam densior crassiorque fit, narium foramina includit et partim vestit, et denique anterieus aliquantum duplicata atque ita super rostri corium discoloris exstans, iungitur ipsi rostro, seu potius in corium illud modo cartilagineum molle, modo corneae duritiei propius densatur, quo ossa maxillarum induta conspiciuntur. Vix igitur a reliqua cranii cute et rostri corio nisi colore et duritiei medio gradu differt, ut apertum est in cera meleagridis, quam hoc ipso tempore accuratius inspexi recentem et coctam. In psittaco ceram ita descripsit PETITVS (Mémoires de Paris, 1736. p. 124.): une matiere qui n'est ni os ni corne, mais qui approche plus de la corne que de l'os. A colore cerae apium partem hanc appellatam fuisse primum, clarum est; sed is non ubique idem est, et in vniuersum cum pedum seu corii pedum colore mutatur per aetatem, quemadmodum ipsius rostri colorem in iis etiam auibus, quae cera carent, mutari cum pedibus nouimus. Comparare aliquatenus licebit rostrum auium iuniorum, quod versus caput deficit in quasdam prominentias labiorum croceas, ut ait ALBERTVS libro VII. p. 88. a. In graeco DEMETRII libro p. 10. dicitur de cera: τὸ δὲ κίτρινον χρώμα τῆς ῥινὸς αὐτῶν μὴ ἔσω λίαν λαμπρόν. ὀλιγοχρόνιον γὰρ δηλοῖ τῆτο ἰέρακα, i. e., citrinus color narium! ne sit nimis splendidus, forte candidus; nam ostendit, accipitrem non longaeuum fore. Vocabulum citrinum alio sensu, ut hoc obiter dicam, posuit ALBERTVS libro VI. p. 68. b.: citrinum, inquit, in ouis auium aquaticarum, sicut in ouis anatum et anserum et huiusmodi, fere duplum est ad citrinum, quod est in ouis terrestrium. Expressit is locum ARISTOTELIS H. A. VI. cap. 2. de ouis aquaticarum auium: πολλαπλάσιον γὰρ ἔχει τὰ τῶν ἐνύδρων κατὰ λόγον τὸ ὥχρον πρὸς τὸ λευκόν. Quae eadem repetit de Generat. III. c. 1. Contra tamen plus albuminis habere, affirmat MARSILIUS in Danubio, T. V. p. 124. Recentiorum de hac diuersitate obseruationes ignoro. — Sed ad rem redeo. In Hieracosophio DEMETRII p. 11. reperio hanc boni falconis notam: γλῶσσαν μέλαιναν, τὰς ἐν τῇ ῥινὶ ἐλαίας μελαίνας. Deinde caput sequens habet: εἰς ἐν ἐλοφάγος, ἥ γὰρ ἔχει ὡς κιγχεῖς κόκκας μελαίνας. Vbi CONR. GESNERVS de Auibus p. 6. legendum putabat ἐλαιοφάγος, i. e., qui maculas in naso veluti granamiliis nigra habet. Sed is falco, qui ibidem p. 10. ἐλαιοφάγος vocatur, brevis vitae esse dicitur. Dubium igitur est, quam notam narium intelligi voluerit auctor; nec in recentiorum scriptis nunc reperio, quod lucem afferat rei obscurae.

PAG.

## PAG. 88.

*Et caudae fiunt curtiores.* Eandem de caudae pinnarum longitudine cum ipsis pinnis mutata obseruationem aliunde excerptam posui supra ad Libri I. caput de mutatione plumagii. Asturis fauri et mutati colores ita pingit ALBERTVS libro XXIII. p. 226. b.: est accipiter totus varius: sed in primo anno fuluas et nigras habet maculas; deinceps autem maculis albis et nigris variatur, et sunt illae albiores et nigriores, quo pluribus vicibus mutatus fuerit: et sunt pedes eius crocei et ungues magni — et in dorso quidem paucas habet maculas albas et plures nigras et alas secundum proportionem suam habet acutiores, quam aquilarum genera, et minus acutas, quam genera falconum. Denique addit de pinnis alarum: patitur, inquit, aliquando etiam maciem nimiam: et tunc humido naturali destitutus pennae eius contrahunt maculas, quas famis signa appellant, et tunc etiam pennae franguntur de facili et volatum continuare non potest. Haec famis signa intelligere videtur epistola SYMMACHI apud ALBERTVM cap. 23. posita, ubi est: quotiens esurierit, tot signa fracturarum vel fracturas habebit in pennis.

*Mutatae eueniunt per transuersum.* Haec de peregrinis, deinde etiam de asturibus et sperueriis Imperator. Eandem figurae macularum mutationem, quasi rem inauditam antea, in asture, seu falcone palumbario LINNAEI et speruerio annotauit illustris BVFFONVS. et post eum GRANDIDIER, qui praeterea coruum coracem marem tertia parte saltim minorem quam feminam esse asseruit. (*Hessische Beyträge*, Vol. II. Pars I. p. 103.)

## PAG. 89. CAP. 28.

*Nidafios et ramagios.* Priores THVANVS nidularios, PETRVS CRESCENT. nidarios, Itali nidafi, Galli *niais* appellant. Posteriores THVANVS ramales, PETRVS CRESCENT. X. 3. ramarios vocat, qui de nido egressi de ramo in ramum matrem sequuntur, Galli *Branchus*. Ceterum inter hoc et sequens caput tractationem de asturibus intercidiſſe, quaedam etiam in verbis postremis huius capitis mendosa esse, lectores ipsi facile animaduertent.

## IBID. CAP. 29.

*Sparuarii.* Variatur nomen *Speruarii*, *Sperueri*, *Esperuarii*, Gallis *Epervier*. Sed germanam vocem agnouit etiam FRISCHIVS noster, et ex vocabulo *Spar*, *Sparw*, *Sperb*, vnde Anglosaxonum *Sparrow*, quod passerem, fringillam significat, alteroque *Aar*, quo genus omne auium rapacium, accipitrum aquilarumque notatur, compositam esse docuit sub voce *Sperber* et *Spar*. Latine Nifus dicitur; et monente ALBERTO cap. 24. nifus est femina, *muscet* autem masculus. Parem in venatu dedignari eumque omiſſa praeda oppugnare, monet



monet cum ALBERTO Auctor libri de natura rerum apud VINCENTIVM, XVI. cap. 112. Pro *musceto* legitur etiam *Muschetus* et *Muscardus* apud CHARPENTIER sub h. v. Gallicis Falconariis *Mouchet* dicitur mas, et *Emouchet*. A maculis (*mouches*) vocabuli ortum deriuat FRISCHIVS noster. Vbi in epistola AQVILAE apud VINCENTIVM XVI. c. 71. legitur: sextum genus superanicum dicitur, quod fere habet similitudinem aquilae, excepto eo, quod in pedibus et alis et oculis gutteo assimilatur falconi: codex RIGALTII habet: sextum genus *speruicum* dicitur — *guttea* assimilatur falconi. Versio vero Catalanica ab eodem RIGALTIO edita habet: La VI. manera es sobre tots, la qual ha semblansa dangilla blanca etc. Interpretatur igitur superanicum *supra omnes*, aquilam albam affuit et vocem *gutteo* omittit. Lectionem *speruicum* corruptam esse, non dubito; nec de *speruerio* cogitare licet. Altera *superanicus* posset videri ex gallico *suranné*, super annum, facta esse, et ad gibbosum falconem pertinere; sed nihil definire aulim. De musceto alius est locus corruptus Auctoris libri de natura rerum ap. VINCENTIVM, XVI. cap. 20, vbi de quarto accipitrum genere: quartum, inquit, genus est frogellus, quem mansuetum dicimus, multo quidem minor, sed colore similis (niso), sicut niso accipitri consimilis est in dispositione habitus et colore. Vbi Codex RIGALTII habet: *fragellum* dicitur, quod vulgariter *muscetum* dicitur. Recte. Versio vero Catalanica tria tantum numerat in ista AQVILAE epistola accipitrum genera, et quartum frogellum omittit; capitis tamen inscriptio hoc nomen habet: *Dels espervers dit forgells so es merle*. ALBERTVS VI. p. 71. a.: Sed quod mihi dixerunt aucupes et quod sum expertus, est, quod accipitres, quos vocamus astures, et speruerii pullos suos volantes cibant fere per vnum mensem et postea retrahunt se ab eis, et docent eas capere aues sic, quod parentes deferunt eis aues viuas et dimittunt eorum eis et incitant filios ad capiendum, et postquam perfecti sunt volatus ad capiendum, tum abstinent ab eis. Aquilae autem terrae nostrae non cibant filios suos, nisi in nido suo, et postea educunt ad praedam, et cum praedam possunt arripere, ducunt eos longe valde a loco nidi sui, ita quod in loco nidi vix vnquam comparent: et parentes eorum retinent habitationem. Ita narravit mihi falconarius, qui multos cepit falcones: quod etiam in eadem regione pater filium secum esse non permetteret, postquam perfectus fuerit ad praedandum. Idem XVI. p. 179. nisi seu speruerii domestici oua subuentanea vidisse apud se plura testatur.

PAG. 90.

*Pupillae* maiorem latitudinem in falconibus nondum alibi annotatam legi. Saepius ab asturibus et sperueriis pupillam contrahi et expandi, quam a falconibus, etiam mihi nouum accidit.

## IBID. CAP. 30.

*Viridis coloris — affamatae.* Prius vocabulum idem hic, quod viuidus, significat, alterum ex Gallico *affamé*, quae famis signum aliquod aut nimis breues aut angustae monstrant.

*Griniofi.* CANGIVS comparat Gallicum *grigoner*. Voluit sine dubio *grignoter*, quod a vetusto *grigner* descendit. Illud circumrodere frustum panis et similia significat. Sed vetustissima notio latius patuisse videtur.

## PAG. 92. CAP. 33.

*Quamuis — teneri, nutriantur — et consuetudinem.* Hic verba quaedam transposita puto atque ita ordinanda sensu postulante: *teneri et nutriantur — auolauerint, consuetudinem* etc.

*Austerni venti.* Sunt austri, vel austrini venti.

## PAG. 93.

*Esto, quod nutriantur.* Videtur esse gallicum *Soit que*.

*Recoctam.* Lac recoctum est coagulatum igne, Italis *ricotta*. Aliunde habet CHARPENTIER.

*Cacia vel capice.* Prius vocabulum CANGIVS ex Gallico *Chace* vel *Chasse*, arca, deriuat. *Capice* est a *Capix*, sed notior et antiqua vox *Capis*, *Capidis*, de calice.

## PAG. 95. CAP. 34.

*Granulosum.* Dicam de hac re infra ad pag. 111.

*Fornace calcinaria.* Eadem, quae calcaria latinis scriptoribus est.

## PAG. 96. CAP. 36.

*Regiolam — fero.* Scriptoribus medii aeni porta primaria templorum *regia* dicitur; hinc *regiola* pro porta parua. Cf. CANGIVS. Deinceps *fero* dici puto pro *sera*. Paulo post legitur *triplici fero; illo vero fero* etc., ubi prior vox iterum pro *sera*, altera vero pro *vespere* ponitur. Verum dubitari potest de sensu *regiolae* huius; et triplex *sera* non videtur ad rem necessaria. Videant doctiores.

• Dum

\* Dum lego in SPORZINI libro locum sequentem p. 82. de muta falconum: et ogni fenestra deve havere le sue portelle overo rebalte di fuori, accioche si possino ferrare quando si vuole: video, locum hunc FRIDERICI de tali etiam porta fera claudenda intelligi debere. In eadem tamen muta GEORGI p. 105. docet paulo aliter: la fenestrella della camera vuol havere una rebalzatta che si possa alzare et abbassare, secondo i bisogni. Interpres germanicus, vt nunc demum video, regiolarum, quasi sit operculum, et fero crepusculum interpretatus est.

*Crederent esse praedam.* Hinc praeterea puniceum lori colorem cauendum monet DEMETRII Hieracosoph. p. 15, quod aquila procul viso lori puniceo veluti carni recens mactatae auis inhiat, falconemque alumnum perdit.

## PAG. 97. CAP. 37.

*Bloire.* Ex gallico *éblouir* deriuat CANGIVS sub h. v. Authentica vox *bloire*, unde *blouir*, *éblouir*, descendit a vocabulo *bloius*, quod caeruleum colorem significat. Actum hunc auium oculos obcaecandi *bluitionem* et *bloiendi* appellat. Similem fere artem oculi damno extorquendi aibus cantus diurnitatem excogitarunt homines in fringilla, cum cilia vtrinque filo metallico candente contacta exurunt atque ita inuicem iungunt.

*Pellicula pannosa.* Intelligit membranam nictitantem seu palpebram interiorem. Infra p. 111.: pellicula illa subpalpebralis pannosa, illa scilicet, quae exit a lacrymali (cantho) oculi.

## PAG. 98.

*Nam filum fit coopertum.* Ante vocem *fit* inferendum est *fi*. Quod sequitur *statim quod*, videtur ex gallico *fitot*, *auffitot* que factum esse.

## PAG. 99.

*Maculae loricarum.* Hoc est, squamae, Gallis *Maille*.

## PAG. 101.

*Filaria.* Supra p. 70. scribitur rectius *fileria*. Saepius etiam adfuit *loyrum*, Gallorum *leurre*, ex quo formatur *loyrare*. Italis est *logoro*.

## PAG. 102.

*Ad pennas caudae.* In asture hoc facere suadet CAROLVS D'ARCVSSIA p. 308.: quand les autours se paissent couchés sur leur perdrix — faites leur porter une petite sonnette cousue sur les deux couvertes de la queue (coopercula) et par là l'oiseau ne se pourra paitre sans qu' il soit decouvert. Cet advis est bon

en tems de neige ou lorsque la terre est molle: ce qui par fois remplit les sonnettes des oiseaux enforte que l'on ne les peut ouir.

IBID. CAP. 42.

*Abacifae.* Sunt, qui in abaco puluere consperso numeros docent aut discunt. Signare numeros manu digitorumque varia complicatione homines scripturae ignaros primum docuit dura necessitas; haec deinde signa intra monachorum claustra otiosa hominum pietas, quam silentio etiam praestare cogebantur, in artis aliquam formam redegit, cuius specimina habes in Glossario CANGII sub voce signum.

PAG. 105. CAP. 44.

*Campaniam.* Est Gallicum *campagne*. Quod sequitur *malleolum*, etiam factum esse ex gallico *mallette*, iam supra monui. *Vñ sunt venari* est pro solent. De victu girofalconum et peregrinorum ex aquaticis auibus videbimus ad ALBERTVM.

PAG. 109.

*Tiratoria — carneria.* De tiratorio copiose ipse Imperator tradit infra cap. 55. Carnerium siue bursam de bono serico aliunde laudat CHARPENTIER, et comparat Gallorum *Charniere* vel *Carnassiere*.

PAG. 111.

*Laffas.* Videtur voluisse *laxas*. Contra legimus bis scriptum in his libris *fixura* pro *fissura*.

*Quae videntur quasi pili.* Intelligit fetas in molli, caua et fere triangulari parte capitis inter ceram oculosque sita surrectas aut in circulum fere inclinatas, quas in aquila sua albicipite descripsit et pinxit CL. MERREM. Has in speciebus accuratius distinguendis esse annotandas, monuit etiam amicissimus HERMANN Comment. Tabul. Affinit. p. 171.

*Granulosa et dura.* Morbo languentis excrementa non continua, sed dispersa et dura memorat DEMETRII Hieracosophium, p. 119. 121. Ibidem p. 123.: καὶ ἐὰν ἀφιδεύσας πύρεξ ἐΐψη τὴν κόπρον, καὶ οἶον κέγχχεια σκορπίση.

*Plumatam.* Omnes pennae plumaeque ab aue rapace cum carnibus simul ingessae intelliguntur. Varietatem etiam in his plumis per vomitum reddendis aliquam bene obseruauit Imperator, quam alibi traditam non reperi.

*Submit-*

*Submittit totum caput aquas.* Cum illustris SYFFONVS aquilam suam St. Martini nomine appellatam magna cum circumspeditione aquae appositae rostrum totum vsque ad oculos immerxisse vidisset, vt biberet inde, voluit nobis persuadere, eum morem bibendi auib. rapacibus omnibus esse solennem, raro tamen ab hominibus conspici, quod aues hae nimiam adhiberent in bibendo cautionem. Sed opinionem hanc satis refutant tot artis falconariae doctorum testimonia atque experimenta.

## PAG. 113.

*Datus intendere sonis.* Mendum facile animaduertet lector. Sensus loci apertus est, sed, verba quae exciderint, conicere difficile est.

*Abbecationes.* Ex vocabulo vetusto gallico *becco*, quod, referente SVETONIO in Vitellio cap. 18., galli rostrum significauit, descendit hodiernum Gallo-  
rum *bet*, *abbeccer*, *abecher le faucon*.

## PAG. 114.

*Pauitaret mordicat.* Legendum esse, *pascitur et mordicat*, docet locus plane geminus infra p. 124. linea 6.

*Tertiolis.* De niso mare intelligendum, docebitur ad ALBERTVM.

## PAG. 117.

*Remote a ianuis.* Legendum est *remoto*.

*Cauilia.* Vltatius *cauilla* significat et clauum et malleolum pedum, vt Gal-  
lorum *cheville*. Confer CANGII Glossarium.

## PAG. 118.

*Quod commodè fieri.* Videtur sensus postulare: *quomodo commodè ferri*.

## PAG. 122.

*Dicuntur pollices.* Videntur digiti posteriores intelligi, quos pollicum locum tenere supra monuit.

## PAG. 123.

*Raspat eas.* Aut vox *palpebrarum* omissa est, aut legendum est *eam*.

## PAG. 124.

*Hoc vero irrationabiliter.* Sensus postulare videtur *Hic*.

*Non esse placabilia.* Abundat et sensum turbat insertum *non*.

PAG. 126.

*Ad videndum caliginosa.* Sensus exigit *luminosa*. In fine paginae legendum est *redeundum*. Sed aliud praeterea vitium aut lacuna latere videtur.

PAG. 133.

*Manum lassam.* Adfuit iam saepius posterior vox pro *laxa*, ex gallico, ut videtur, *lache* facta.

PAG. 136.

*Falco attendit.* Legendum esse *non attendit*, monet etiam GOTTFR. HENR. SCHAEFER, Medicinae Candidatus, qui paginas has corrigendas suscepit a prelo madidas.

PAG. 137.

*Situandi plumas.* In situm suum reponendi. Ex gallico *fituer* ductum verbum.

PAG. 139.

*Retrahet ipsum.* Ordo postulat *retrahat*.

PAG. 140.

*Sic sufficienter.* Sensus notionem *paulatim* in hoc vocabulo requirit, eamque reperio in alio loco a CHARPENTIER laudato sub hac voce no. 2.

PAG. 141.

*Tergiuerfus.* Ex hoc optimum vocabulum *tergiuerfari* factum, et, quo ANASTASIVS utitur, *tergiuerfutus*.

PAG. 142.

*Muritzgos.* Feles seu catos. Vide CANGII Glossarium.

PAG. 144. CAP. 61.

*Quod cognoscatur in eo.* Ordo postulat, ut *cognoscetur* legamus.

PAG. 145. CAP. 63.

*Longando a porta.* Legendum puto *elongando*, ut alibi, ex quo Gallicum *éloigner*.

PAG.

## PAG. 147. CAP. 68.

*Quaque dieta.* Cuiusque diei cursu, seu quaque die.

## PAG. 148. CAP. 69.

*De causis, quae — valet.* Legendum esse *valet*, suspicatur idem doctus iuuenis, quem supra nominaui.

## PAG. 149.

*Milionibus.* Miluos intelligi, quos Galli hodie *Milans* appellant, annotavit CANGIVS in Glossario. Aquilae fulvae etiam idem nomen, sed errore, quem indicavit illustris BVFFON, tribuit falconariae artis scriptor WILH. TARDIF.

## PAG. 150.

*Super dumos et caudam.* Quam ob rem dumos hic nominet, ignoro. Testiculis duobus glandulae peruncti geminae non inepte comparantur. *Virga* dicitur pars dura eminens, ductum excretorium includens, quae, ubi penicillus ductui appositus plumaceus abest, longior esse solet, quam in auibz illis, quae penicillum peruncti gerunt.

## PAG. 151.

*Tot dies, quod.* Dicitur pro quoad.

## PAG. 152. CAP. 71.

*Staffa.* Stapede, in quo eques pede posito in equum attollitur. Vide CANGIVM.

## PAG. 161.

*Quae fuerant deficcatae.* Videtur verbum alienum, aliudque requiri, quod pennas suo loco motas significat. Ausonne *desituatae* conicere, ut supra *situare* habuimus?

## PAG. 163. CAP. 77.

Apparet etiam ex hoc loco, a Soldano Babyloniae transmissos habuisse se cum FRIDERICVM falconariae artis peritos Arabes, quorum opera in venatione et perscribenda eius disciplina vsus est. Iidem praeter falcones alias etiam peregrinas aues Imperatori dono attulisse videntur, quas passim in hoc libro commemorat, veluti psittacum album l. cap. 23, quem a Soldano habuisse se transmissum testatur, ad quem locum laudat SCHMVTZERVVS Annales Ecclesiasticos BZOVII ad annum 1245. p. 514. et 1246. p. 526. Camelopardalin sub nomine Orasii a Babyloniorum Soldano transmissam FRIDERICO ex Gallico libri de natura rerum

rerum auctore memorat VINCENTIVS XIX. cap. 97., ex quo loco simul aetas auctoris illius gallici manifeste agnoscitur. Locum istum sub nomine *Oraflus* transcripsit ALBERTVS XXII. p. 223. a., vbi in fine addit: hoc animal temporibus nostris visum est et Serater arabice vocatur. Nomen arabicum *Seraph* esse scribendum, coniecit CONR. GESNER Quadrup. p. 213, atque ita plane scriptum habet ALBERTVS p. 213. a., vbi, anabula, inquit, vt scribit Plinius, bestia est Aethiopiae, quam Arabum quidam et Italicorum Seraph appellant. Sequitur tum descriptio a priore diuersa haec: est autem capite cameli, collo equi, cruribus et pedibus bouis praetendens similitudinem: per totum corpus nitentem habens rubedinem albis maculis immixtam: et est miri decoris, longo collo, et altis anterioribus pedibus et posterioribus curtioribus: et pellis eius propter pili decorem caro venditur pretio. Vnam harum secum temporibus nostris habuit Fredericus imperator in partibus nostris. Idem nomen anabulla cum eadem notitia nescio vnde habet VINCENTIVS XIX. cap. 3., sed arabici nominis atque Imperatoris mentio non additur. Vocabulum *Anabula* varietas lectionis est, pro qua in PLINIO VIII. cap. 18. vulgo Nabin, codices vero quidam *Nabuna* scriptum habent. Ex arabico *Zurapha* corruptum fluxit *Oraflus*, *Oraflus*, *Seraph* et vulgare nunc nomen *Giraffe*. Feminam habuisse secum videtur FRIDERICVS, quoniam cornuum nullibi fit mentio. Postquam ex altero in Palaestinam itinere militari redierat 1229, in conuentu publico imperii Rauennae habito anno 1231 populo spectanda et admiranda exhibuit plura animalium peregrinorum genera, quae secum adduxerat: elephantes, leones, leopardos, camelos et plures aues peregrinas nominant SIGONIVS et MYRATORIVS, auctoribus historicis istius aevi. Insecuto deinde altero anno, a Soldano Aegypti legatos cum donis variis et mirabilibus accepit, quae ex GOTHOFREDI Chronico commemorat MYRATORIVS. Multa suspicor ad historiam imperii FRIDERICI II. illustrandam facere in libris variis MICHAELIS SCOTI, quo familiariter vsus est; sed paucissimi sunt editi; ineditos quosdam, praeter eos, quos in praefatione laudo, CANGIVS commemorat in Glossario sub voce *ceruellerium*, qui locus omnino dignus est, qui a lectore curioso perlegatur. In Mensa Philosophica Francofurti edita 1602 bis tantum nominat FRIDERICVM; librum de Physionomia nondum vidi. Vulgo tradunt, librum de animalibus scriptum fuisse a M. SCOTO; quem liceret suspicari a VINCENTIO XVII. cap. 115. intelligi, vbi MICHAELEM de equo nilo laudat. Sed potuit etiam MICHAELEM Ephesium, ARISTOTELIS interpretem, intelligere. Inter libros manuscriptos CAROLI DE MONTCHAL LABBEVS Biblioth. nouae Manuscript. p. 203. libros XIX. ARISTOTELIS de historia animalium ex Arabico in latinum translatos a MICHAELE SCOTO memorat, quem ob hanc ipsam operam in libris Philosophi positam laudat ROGERIVS BACO, egregium istius aevi ingenium, in libro de Linguarum vtilitate. Ita FABRICIVS in Bibl. latin. mediae et infimae aetatis, V. p. 234. Quae si vera sunt, tenemus auctorem versionis illius,



illius, qua etiam ALBERTVS vsus est. Nec alium de animalibus librum a scoto scriptum fuisse puto. Ex eiusdem ROGERII BACONIS libris de Perspectiua refert FREIND, Histoire de la Medicine p. 225., inter versiones ARISTOTELIS plures latinas vnā etiam recenter factam commemorari, ex graeco factam. Inuitus ipse ROGERII opere careo; possem enim ex comparatione versionis eius, qua ille vsus est, forte certius aliquid de hac re statuere. Veteres philosophi librorum versiones aliquot seculum 13 antecessisse, ex eo etiam intelligitur, quod HERMANNVS, cognomine Contractus, qui obiit 1054, a TRITHEMIO dicitur transtulisse nonnulla Graecorum Philosophorum et Arabum Astrologorum volumina in latinum sermonem, e quibus nominat Rhetoricam et Poësin ARISTOTELIS ex Arabico versam IOANNES METZLERVS. Seculo XIII. opus de naturis rerum libris 20 compositum, quindecennali labore confectum, a THOMA Cantimpratenfi, qui 1263 mortuus est, memorat TRITHEMIVS; quod suspicor esse idem illud, quod sine auctoris nomine excerpfit VINCENTIVS, quodque in Bibliotheca Regis Galliarum manuscriptum latere infra docebo. Denique multos ARISTOTELIS libros naturales interpretatus est. Tractatum de naturis animalium scripsit etiam ENGELBERTVS, Abbas Admontensis in Stiria, qui post medium seculum XIII. vixit, vt ex PEZIO annotauit FABRICIVS, Bibl. latin. mediae et infimae aetatis Libro V. p. 295.

Quod si quis animo complectitur ea omnia, quae FRIDERICI II. ingenium et fauor litterarum diuinarum humanarumque studiis adstruxit, et scripta ea omnia considerauerit, quae vel ab ipso Imperatore vel ab aliis eius iussu scripta commemorauerunt historici, et quorum partem ipse in praefatione recensui, vix aequum videbitur iudicium, quod de eruditione et statu litterarum seculi tertii et decimi tulit LEIBNITIVS noster in praefatione Tom. I. scriptor. Brunsvicens. rerum. Hic enim de GERVASIO Tilberienfi, vixit, inquit, eo seculo, quod ego cum proximo omnium seculorum post Christum natum ineptissimum esse comperi; decimo tertio, inquam; quo subito omnes propemodum scriptores boni euanuerē, cuncta in se trahentibus Monachis mendicantibus, qui tunc insurrexerant, et mox ignorantiam atque errorem etiam viuicomburio sancientibus: vt iam vix alia quam vtriusque iuris et scholasticarum argutiarum studia superessent. In ipso adeo GERVASII libro a LEIBNITIO edito insunt obseruationes multae praeclarae de rebus physicis sanique iudicii argumenta, etsi hac cum laude pugnare videntur fabulae superstitionesque aniles assatim per totum librum traditae. Scilicet GERVASIVS, miles et iuris potius quam physices peritus, ex aliena relatione aut auctoritate videtur tradere, quaecunque in Otia Imperialia collata OTTONI IV., Imperatori, obtulit velut otii imperialis oblectamenta. Hinc permixta, vt de Aegypti plantis tradit HOMERVS, in eo libro praeclara pessimis et praua rectis leguntur. Ad historiam naturalem, animalium auiumque indolem

*Frider. Rel. Tom. II.*

L

quae

quae in eo spectant, excerpta inde huc referam, quod et loca quaedam libri **FRI-  
DERICI II.** illustrari inde posse videntur; praeterea etiam titulus scripti **Geruasiani**  
haud multos historiae naturalis studiosos lectores alliciet; igitur verendum erat,  
ne porro notitiae in eo reconditae phytiophilos laterent. Sequar vero ordinem  
capitulorum, prouti a **LEIBNITIO** sunt edita.

Cap. 8. p. 890. **E vino bibrones, ex aqua papiliones nasci tradit. Vbi bi-  
biones** legendum esse, constabit ex **Historia Scholastica PETRI COMESTORIS I. 8,**  
vbi eadem exstant verba. **Papiliones ex aqua natos quos dicit, referendi potius**  
videntur ad **Ephemera et Hemerobios LINNAEI.**

Cap. 9. p. 891. **Pisces in Hibernia adueniente solennitate sancti Brandarii**  
sub altari a fluminibus et mari ascendere dici, factaque chorea, velut ordinata  
processione redire post exhibitam sancto reuerentiam. **Narratio orta est ex an-  
nua piscium marinorum migratione in flumina, vt oua ibi deponant.**

Cap. 11. p. 893. **In monte Olympe prae nimia aëris raritate aues viuere**  
nequeunt. Nonnunquam philosophi illuc adscendentes diu ibi manere non pot-  
erant, nisi spongas aqua plenas in manibus tenerent, quas naribus apponentes  
crassio rem inde aërem attrahebant. Idem narrat **P. COMESTOR** et ex eo **VINCEN-  
TIVS.**

Cap. 12. p. 893. **Rorem a vapore terrae furgere docet experimento panni**  
herbis superstrati, qui infra reperitur humidus, supra vero siccus. Deinde etiam  
ex testa oui rore madiali repleta, foramine modico praecluso leui quacunque  
materia, per hastam in sterquilinio aut in arena calida fixam ad cacumen usque  
secreta virtute adscendere humorem.

Cap. 13. p. 894. **Fabulis duabus allatis ineptissimis, nisi ad aestum maris**  
referantur, docere conatur mare super habitationem hominum in aëre vel super  
aërem positum esse.

Sectio tertia a pagina 960. continet regionum terrarumque mirabilia, et  
tota fere ad historiam naturae pertinet. Plurima tamen de Arelatenſi prouincia,  
cuius fuit Mareſcalcus **GERVASIVS,** et de Britannia, cuius ciuis olim fuerat, cer-  
ta fatis fide narrantur. Hoc vero mirum mihi accidit, **GERVASII** hunc librum  
in **Speculo VINCENTII** naturali nullibi laudari, contra vero in morale narratio-  
nes quasdam esse translatas.

Cap.

Cap. 18. Lacus Iohannis in vicinia Neapolis vrbs aqua teterrima infuso oleo efficitur limpidissima ac lucida, ita vt velut accensa lucerna sub aqua res quas-  
cunque in fundo latentes videre liceat.

Cap. 22. In regni Arelatensis prouincia Ebredunensi, in castro, quod Noth dicitur, est rupes magna, quam si minimo digito impuleris, totam ad facilem motum duxisti, si vero totum corpus aut infinita plaustra boum admoueris, immobilis perseuerat. Similes et veteres et recentiores narrationes con-  
gessit diligentia Cl. BECKMANNI ad ARISTOTELI tributas Mirab. Aufcult. p. 205.

Cap. 34. p. 972. Narratio de vento chirothecae Archiepiscopi Arelatensis incluso et valli ventis imperuiae ideoque infoecundae illato lectoribus in memo-  
riam reuocabit vtres ab Aeolo datos Vlyssi et vento repletos.

Cap. 44. p. 975. In deciduo (decliui) Alpium Apenninarum iuxta castrum Secusiam (hodie Sufa) in Taurinensi episcopatu est fluuius, in cuius ripa vidit GERVASIVS castorem, quem *Beuer* appellat et breuiter describit laudatis versibus BERNARDI SYLVESTRIS, vbi Beber, Martur et Cifinus nominatur. Cifinus, quem alii Sifinusum appellant, videtur esse Citillus mus, Zifelmaus. BERNARDI huius Microcosmum elegiaco carmine scriptum laudat VINCENTIVS XXXI. cap. 49.

Cap. 48. p. 976. In regno Arelatensi et castro de Pulica aqua limpidissima in coquendo nunquam bullit.

Cap. 55. De cultura vermiculi tinctorii et ilicis aquifoliae in regno Arelatensi et ora maritima locum egregium iam olim edidit CANGIVS in Glos-  
fario.

Cap. 56. De cultura ferici mirabile illud habet, quod oua phalaenarum panniculo inclusa et in sinu dominarum ac virginum detenta excludi inemorantur. Idem tradit Physiologus apud VINCENTIVM XX. cap. 119.

Cap. 63. p. 981. De ciconiis mirandum iudicat, quod in hieme fluminibus se immergunt, in quorum fundo nonnunquam a piscatoribus dormientes extrahuntur. Se taliter e gurgite tractas ad ignem calefieri, velut a graui somno expergefactas, et vitae reddi, cum antea more lapidum insensibilium viscerentur, testatur. In fine addit, sic et hirundines quercibus infixas concauis dormiendo hiemem transigere. De ciconiis fluuiis per hiemem immerfis aliud testimonium scriptoris idonei ignoro.

Cap. 65. De asperioli, (quem alii *Speriolum* dicunt, vt ALBERTVS III. p. 49. b., Galli *Ecureil*), fluuios transeuntis sagacitate narratio eadem est fere, quam sub nomine *Scuruli* habet VINCENTIVS XIX. cap. 105.

Coturnices cum migrant, continuum volandi laborem miro temperantiae consilio adiuuare dicuntur, dum vnā ad instar veli alam erigunt et vicissim permutatis alis sibi subueniunt. Nihil tale vllibi legi; PLINIVS austro non volare, humido scilicet et grauiore vento, annotat, aurā tamen vehi velli propter pondus corporum viresque paruas; aquilone ergo maxime volare: ex ARISTOTELIS H. A. VIII. cap. 15. Coturnicem vulgo *quisfulam* dici, annotat Gallicus libri de natura rerum auctor ap. VINCENTIVM XVI. 64. Gallicum *Qualia* ex *Caille* ortum habet CANGIVS; aliunde *Quaquiliam* et *Quisquillam* laudat CHARPENTIER; contra ARNOLDVS Villanouanus et ALBERTVS MAGNVS de coturnice *quisculam* ponunt. Quod denique COMESTOR in eodem VINCENTII loco tradit, coturnicem vulgo *curelium* dici a currendo, in eo quidem fallitur. Quam enim Galli cursorem, *Corlieu*, *Curlieu*, *Corlis*, dicunt, ad aliud genus pertinet. FRIDERICVS II. eandem Corlinum appellat. Ceterum COMESTOR ille est PETRVS, Comestor cognominatus, Historiae Schol. auctor, seculo duodecimo qui vixit. Saepiuscule cognomen eius posuit VINCENTIVS. Sed in eius loco, qui exstat in Interpretatione Exodi cap. 34, reperio *curlgium* scriptum. Simili errore idem COMESTOR cap. 16. Exodi, ranae genus a calamite diuersum rubetam appellat, vulgo *crassantium* audire addens. Vbi Gallicum *graisset*, aliis *croisset*, facile agnosces; sed Gallicum vocabulum ranunculo viridi arboreo proprium est. Glossaria etiam hac voce carent. Locum vero COMESTORIS sub nomine STRABI posuit VINCENTIVS XX. c. 60, vbi Gallicus libri de natura rerum auctor ranam arboream *coriens* cognominari ait; sed videtur vocabulum esse corruptum ex eo, quod MATTHAEVS Syluaticus adfert, *Cuconiones*, seu *Cucuriones*.

In subalpina Gallia inter altissimas rupes Condruſii hircos siluestres *Camusfos* appellat, eorumque venationem docet. Vigil in apice montis custodiam agens gregis exsufflando sternutare et socios de periculo admonere dicitur. Vox est Gallica *Chamois*, quam tamen CANGIVS et CHARPENTIER omiserunt; contra aliunde CANGIVS habet *Camoccia* de rupicapra; et pannum Camocia et Camuzum dictum a pilis aut colore Camusii pellis arguit CHARPENTIER. Hodieque Hispanis *Camuza* audit rupicaprae pellis. Ex gallico vocabulo ortum nostrum *Gemse*, recte docet FRISCHIVS, qui ex vetere Bibliorum versione pro ibice laudat synonyma *Gemaisen und Krenken*. In ALBERTO MAGNO II. p. 36. a. reperio *Genezon* scriptum; sed p. 137. b. rectius *Gemeze*.

Onagro-

Onagrorum (p. 982.) frequens venatio dicitur esse apud Poloniam; ipsi onagri dicuntur esse asini siluestres, cornua ad modum damarum gerentes. Cum ergo, inquit, venatorum cornua intonantia praesentiunt, ad fontes properant atque immenso haustu se fatiant, ut siccitatem ex calore currentis adauctam summi potus humiditate temperent. Enimuero cauibz vrgentibus paulatim gradum sistunt et superuenientes tanta inundatione per nates inuoluunt, quod excoecatos diutius a sequendo retardent, et inter oculos obductos ad fugam citatam se accingunt. Similem narrationem de onagris habet Gallicus de natura rerum scriptor apud VINCENTIUM XIX. cap. 94.; sed ille regionem nullam nominat, nec cornuum meminit, aliam etiam stercoris egesti rationem addit. Videtur ex historia bonasi Aristotelica fabula inepta profluxisse. Eandem sine dubio feram intelligi voluit BARTHOLOMAEVS Anglicus XV. cap. 30, dum de Bohemia scribit: et inter has feras est quaedam habens magnitudinem bouis; haec bestia ferox est, saeva et magna habet cornua et ampla, cum quibus se defendit. Sed habens sub mento amplum folliculum, in ipso aquas recolligit et currendo aquam miro modo in illo folliculo calefacit, quam super venatores seu canes sibi nimis appropinquantes proicit, et, quicquid tetigerit, depilat horribiliter et exurit, et hoc animal lingua Bohemica *Loni* nuncupatur. In quibus quaedam indicia, ut folliculus sub mento et cornua, videntur alcem arguere. Nominis vestigia agnoscere mihi non licet, nisi latet *Lofs* et *Lozzi*.

Cap. 66. p. 982. Ad montis excelsi Cataloniae, in episcopatu Gerundensi, quem accolae Cauagum appellant, radices ex aureis arenis aurum elicitur, quod vulgus *palleol* nominat. In eodem etiam monte argentum foditur. Vocabulum *palleol* videtur quidem gallicum esse *paillole*, de auri bractea vsitatum, mihi tamen fere persuadeo, in eo latere vestigia vocis vetustae hispanicae *pala* aut *palatra*, de qua HARDVINVS ad PLINIVM, Tom. II. p. 618.

Cap. 68. p. 983. narrat astutiam vulpis, quae sensim a cauda ad labia vsque immerso aquae corpore pulicibus infestantibus se liberat.

Cap. 90. p. 990. Coemeterium memoratur in latere orientali vrbis Arelati positum, religione sacratum et fabulis. Apud omnes, inquit, maioris autoritatis Galliarum Principes ac clericos inoleuit, quod maxima potentum pars, quae in Galliis aut circa Pyrenaeos montes aut Alpes Penninas in pugnis paganorum moriebantur, illuc sepulturam habent, et quidam in plaustris, alii in curribus, nonnulli in equis, plurimi per dependulum fluentis Rhodani ad coemeterium campi Elisii deferrebantur. Mortuos igitur in thecis positos fluminis nulla vi infra Rochettam deferri, sed intra consistere, ad ripamque aut eiectiones aut attractos coemeterio inferri narrat. Solere addit in doliis bituminatis ac euthecis corpo-

ra mortuorum a longinquis regionibus fluminis Rhodani dimitti, cum pecunia sigillata, quae coemeterio tam sacro eleemosynae cōferatur. Latrocinio denique hunc morem dedisse occasionem narrat. Quis hic fabularum de Charonte et Acheronte non recordabitur?

Cap. 96. p. 993. de iudicio et poena adulterii in genere cynorum, et de ouo coruino ciconiae supposito et excluso quasi testis ocularis mira narrat, qualia de eiconiis etiam refert Gallicus de natura rerum scriptor apud VINCENTIVM XVI. cap. 48.

Cap. 102. p. 994. Brumestas vulgo appellari ait botros, grossiores acinos habentes, quae mihi videntur eadem esse cum vuis bumastis COLVMELLAE et PLINII. In Glossariis vocabulum deest.

Cap. 104. p. 1000. Quae de vermiculo narrantur, quo Struthio vitrum fregit, ut pullum inclusum eximeret, et quo deinde Salomo usus est, ut marmora sanguine eius conspersa facile dissidentur, eadem exstant in scriptore de rerum natura Gallico apud VINCENTIVM XX. cap. 170; sed quem ille *Thamur*, GERVASIVS *Tanir* a Iudaeis appellari ait.

Cap. 122. p. 1004. In prouincia Ebredunensi vallis, in qua per Alpium summa cacumina facili cursu in aestate et breui, sed plurimum periculoso, transitu descenditur in Italiam, nominatur de Lentuscla, in cuius apice si quis tussierit aut clamauerit, statim ex altis rupibus nix coagulata descendit et exaggerationem ad se trahens infinito cumulo transeuntes obruit et ad infimam abyssum deiectos prosternit.

Cap. 133. De auibus ex arboribus pendentibus in Archiepiscopatu Cantuariensi Comitatus Cantiae ad confinium Albaciae de Faverethsam: aues istae ad quantitatem modicorum anserum crescere, pennis variis et ancinis (aucinis?) intermixtae, et quadragesimali tempore assatae comedi dicuntur. Auem vulgus *Barne-tam* nominat. Hic locus antiquissimam fabulae de berneclis auctoritatem habere mihi videbatur. Sed eiusdem clara vestigia reperi deinde in PETRI DAMIANI, seculi vndecimi scriptoris, Epistola VI. Libri II. p. 238, quae praeterea multa mirabilia refert, quae GERVASIVS excerptisse inde videtur; ipse contra PETRVS plurima verbotenus ex EVSTATHII Commentario in Hexaëmeron transtulit. Ibi igitur sic tradit: unde et terra illa occiduis partibus hanc consecuta est dignitatem, ut ex arborum ramis volucres prodeant, et ad pomorum similitudinem animati atque pennati fructus erumpant? Sicut enim referunt, qui se vidisse testantur, paulatim incidit pendulum quid ex ramo suspendi, deinde in imaginem volucris speciem.

speciemque formari; postremo quantulumcunque plumescens hiatu rostri sese ab arbore diuidit, sicque nouus aëris habitator ante paene discit volare, quam viuere. Initium orationis mendosum esse videtur. Locutus enim antea fuerat de insula Indiae, quam Thilon vocat. De illa igitur intelligere non licet, quod sequitur: *et terra illa*. Has aues VINCENTIVS saepe vidisse se testatur; anseribus minores esse, colore cinereo et nigro, pedibus anatum, sed nigris. Notat denique, non in ramis summis, sed in corticibus et stipitibus arborum pendere super ripas maris, laudatque auctorem narrationis IACOBVM, Achionensem Episcopum, in Orientali historia. (Intelligit IACOBVM A VITRIACO, Aeconensem Episcopum.) Philosophus nescio quis ibidem addit, easdem aues in quibusdam etiam Flandriae partibus reperiri, herbis et graminibus, vt anseres, viuere. Esur earum in quadragesimali ieiunio INNOCENTIVM tertium, Papam, in Lateranensi Concilio vetuisse, libro XVI. cap. 40. — Obiter locos duos ex PETRO ponam, qui mihi omnium maxime memorabiles videntur. I. Ep. 15. p. 61. in hominis a cane rabido morfi vesica catulos generari, hoc probare vult argumento: quia, inquit, si is, qui canino morfu correptus est, cantalenas, quod muscarum genus est, in aqua tritos, ebiberit, mox cum vrina simul non sine doloris magni gemitu catulos fundit. Vbi cantalenas, quod vocabulum Glossaria omittunt, ex adiecta muscarum notione, et inprimis ex effectu, quem habent sumtae in vrinam, suspicor intelligi cantharidum speciem aliquam, aut proscarabaeos, hodieque repetito vsu adhibitos in eadem cura. Alter locus est II. Epist. 18. p. 270, vbi vxoris Comitissae Guidelini in Liguria turpe connubium cum mare simia, quae vulgo Maimo dicitur, commemorat, et natum ex tali adulterio ferali puerum eodem nomine appellatum. Vocabulum hoc omisit CANGIVS, qui contra locum scriptoris ex seculo decimo quarto habet, vbi baburnos coctos, mammones et psittacos simul commemorat. Recte iam CANGIVS ipse monuit, *baburnos* ibi esse pro *babuinis*; et auctoritatem ex seculo tertio et decimo affert, vbi beatae virginis imago memoratur cum pede quadrato stante super quatuor paruos *babewynos*. Iuxta simias *babwynos* aut *babuynos* commemorat scriptor apud MVRATORIUM Italic. Script. T. XII. p. 1011. 1017. et Tom. XV. p. 348. Ipse vero Maimo videtur idem esse, quem VINCENTIVS XIX. cap. 90. *Mammonetum* appellat, simia minorem, in dorso fuscum, in ventre candidum, caudam habentem villosam et collum ita crassum, vt caput. Vnde captus non ligatur per collum, sed per ventrem. Habet proprie admodum faciem humanae similem, nigram duntaxat, et sine pilis, a collo desuper frontem; nec est nasus ori continuus, sicut in simia, sed certum spatium inter vtrumque, sicut in homine. Vbi simiam aethiopem dicere mihi videtur. Idem VINCENTIVS cap. 102. seu potius coaeuus libri de natura rerum auctor, vt ex libro XXXI. cap. 126. apparet, memorat monstrum sua aetate Ludouico, regi Franciae, oblatum, magnitudine canis, libidinosum, cuius caput a canino non multum distabat, caetera corporis membra, vt homo, prorsus

fus habebat. Crura quidem nuda, vt homo, manusque, brachia, collum album et nudum, dorsum pilosum, habebat. Carnibus coctis vescebatur, erectum, vt homo, stabat, et eodem modo sedebat. Alia simiarum genera aliis nominibus commemorat ALBERTVS XXII. p. 224. a.

PAG. 171.

*Vel saltem peiores legendum est.*

Denique quod supra ad pag. 75. dubitavi *Gallandiam* interpretari Groenlandiam, non erat iusta dubitandi causa, vt edoctus doctissimi viri I. R. FORSTERI litteris nunc intelligo. Is enim me admonuit, Groenlandiam nominari iam ab ADAMO Bremensi in Descriptione Daniae et Insularum Septentrionalium, seculi vndecimi scriptore. Nomen Gallandiae tamen ipse vir doctissimus alibi reperisse nondum videtur. Equidem in BARTHOLOMAEI Anglici libro XV. cap. 105. lego de Noruegia haec: ab oriente habet Galaciam, a septentrione Selandiam: sed dubito, num is Groenlandiam voluerit intelligi. Alibi enim, cap. 172, Winlandiam et cap. 174. separatim Iselandiam nominat.

---

ANIMAD.



---

ANIMADVERSIONES  
A D  
ALBERTI CAPITA  
D E  
FALCONIBVS, ASTVRIBVS ET ACCIPITRIBVS.

PAG. 176.

**S***ecundum color.* Rectius VINCENTIVS ex h. l. color, XVI. c. 71.

*Grossius habere caput.* Recte VINCENTIVS: crassius habere caput et rotundum.

*Zuetae.* Noctuae interpretatur GESNER de Avibus p. 229. Italicum est *ziveta*. Alii scribunt *ziguetta*, *civeta*. Apud PETRUM Crescentiensem eodem sensu legitur *gimus* et *gimetta*. Hinc *ciuetator* apud CANGIUM. Aliunde etiam *zueta* laudat CHARPENTIER.

PAG. 177. CAP. 2.

*Virinque ex utraque.* VINCENTIVS inserit et, *utrinque et ex utraque*. Idem deinde rectius *cranio*.

*In aliis esse plenum varietate — descendente.* Recte VINCENTIVS: in aliis — descendentibus.

PAG. 178. CAP. 5.

*Quasi aerinum — aeriphylum.* Sic Venet. edit. GESNERVS laudat ex h. l. aerum. VINCENTIVS vero aeriphilum. In ipsa SYMMACHI epistola apud VINCENTIUM XVI. c. 71. *aeriphilos*, et praeterea in Codice RIGALTII aërius appellatur, vocabulum vero *sacer* ibi non apparet, nec in versione Catalanica epistolae.

Frider. Rel. Tom. II.

M

Ocu-

*Oculos — flammeos.* SYMMACHVS apud VINCENTIVM habet: crura nodosa, pedes crassos, ungues crudeles — caput et pedes crassa, iuga id est — magna. Sed codex RIGALTII habet cum versione Catalanica: aspectum flammeum, oculos terribiles — caput et pectus grossum. Praeterea versio Catalanica omiſſis quibusdam habet: *los peus ha grosses et longs*, i. e., pedes crassos et longos habet; quos in exemplo latino non reperio.

*Super exhibitas.* Corruptam posteriorem vocem censet GESNERVS. Videtur supererminentes significare.

*Sub ipso nec aliqua volat.* Venet. ed. habet *aquila*. Recte. In eius conspectu interpretatur GESNERVS.

*Duo simul.* Hic Germanis Kuppelalken dici, suspicatur GESNERVS.

PAG. 179.

*Vox eius certifica.* Corruptum vocabulum vidit GESNERVS.

*Reclamatorium.* Esca pennacea, plumatile lorum THVANI, infra reuocatorium, quo falco reuocatur monstrato. Omisit CANGIVS. Ceterum de aerio-philone liber Gallicus de natura rerum ap. VINCENTIVM XVI. cap. 23. eadem fere omnia refert, sed verbis diuersa, quae ALBERTVS docet. Praeterea tamen ille tradit, hanc autem aquila paulo maiorem — pennas subrufas caudamque longam, ungues ac rostrum et crura maxima habere; contra consuetudinem aliarum auium nobilium absque ligamentis in perticis et in domibus manere; capreolos et hianulos capere, unguium laniatione oculis in bestia primum excussis, sicque terebrato cerebro usque ad vitae extinctionem. Sed etiam hunc locum scriptoris Gallici verbotenus fere, ut solet, repetiit ALBERTVS p. 228, ubi est: rufas habet pennas, caudam longam, ungues et crura maxima, et est parum maior quam aquila — et cerebrum capite perforato excutit — sine ligatura stat in partibus et domibus: quae partim ex VINCENTIO emendari possunt. Vocabulum *Sacer* a Ruthenico *Sokol* descendere, putabat FRISCHIVS noster; sed cum BOCHARTO Hieroz. II. p. 267. ab Arabico *Saker*, i. e. avis perspicax, deriuare malo.

IBID. CAP. 6.

*Gyrofalcones.* VINCENTIVS ex h. l. *Girfalcones* laudat; in epistola vero SYMMACHI ibidem est: Octauum genus est, quod Herodius aut vulgariter gyrfalco appellatur — hoc genus praecedenti communius est et carius habere propter temperantiam cibi ac vitae. Codex vero RIGALTII ibi habet: vel vulgariter Giffardus dicitur. Istud genus commune est cum genere aelyonis, et carius habetur propter moderamina cibi et vitae. Nomen Giffardi hinc CANGIVS male in suum Glossarium

rium transtulit. In versione Catalanica nihil, quod his verbis responderet, reperi, nisi haec, quae non intelligo, verba: *Nics francs et alegres. aquest es d' si matex d' ada lye.* VINCENTIVS deinde cap. 95. Herodium seu gyrfalconem accuratius ita describit: est avis inter omnes nobilissima, colore coeruleo, in maxima tamen parte corporis ad albedinem declinans, praeterquam in pectore et alis, ubi caelestem colorem evidentius imitatur, adeo fortis est, ut aquilam capiat, adeo quoque animosus, ut, cum post quinque grues vel alias quasque aves in aëre volantes fuerit dimissus, ab earum persecutione non desistat, donec omnes ad terram successive deiciat — Herodius cum videt praedam, excutiens se animat et discernit, an ad capiendum apta sit — Carnes crudas et servatas non comedit, sed recentes. Est genus gyrfalconum, quod cognominatur Sacrum, et hoc validius est, et habet colorem fuscum. Herodius parui corporis est respectu alarum suarum. Vnde vides, nomen Sacri cum hoc etiam genere a quibusdam fuisse communicatum, et vocabula ipsa Gyrfalco, Sacer, vulgari consuetudine interdum confusa. Etymologiam indagare studuit FRISCHIVS noster; Gallis etiam et latinis barbaris scriptoribus *Grifalco* et *Gerfault* dicitur, Italis etiam *Grifagno*. — ALBERTVS VI. p. 71. a.: Aquila autem magna, quae apud nos est et Herodius vocatur, raro apud nos invenitur habere nisi unicum pullum, licet duo faciat ova. Et hoc iam comperimus per sex annos continuos visitando nidum aquilae cuiusdam; sed in talibus difficile est experiri propter altitudines montium, in quibus nidificant, nec potuimus experiri nisi desuper quodam submisso in fune maximae longitudinis de rupe. Idem libro XVII. p. 180. b.: Aliquae istarum, sicut herodius, ouant unum ovum, tamen etsi ouant duo, multotiens invenitur unum corruptum, et hoc experti sunt aucupes terrae nostrae, quae est superior Germania, per continuos sine intermissione octo annos et nunquam in nido herodii inveniunt nisi unum pullum. Dico autem herodium aquilam magnam, quae ideo herodius vocatur, quod heros est avium. Denique idem ALBERTVS initio libri XXIII. p. 226.: omnis enim aquila viget acumine visus, maxime vero illa, quae nobilis aquila vocatur, et haec herodius latine, quasi heros avium, vocatur. Est autem aquila grandis valde, tota nigra, licet in senectute ad cineritatem in dorso et super alas convertatur, et est pedum valde croceorum et longorum et fortium vnguium, et est magni rostri cinerei ad nigredinem declinantis: magnarum et planarum alarum rectae pennae, quae in fine alae aliquantulum diuicatae et ad superius sunt recurvatae, et est haec alte volans acutissimi visus — haec aquila oculos habet supra modum arduos croceos, ita quod albugo oculi quasi similitudinem protendit topazion et pupilla in oculo quasi similitudinem saphyri nigri perlucidi conculcatae nigredinis: et loca ciliorum suorum sunt os eminens aliquantulum super oculos, ita quod membra sua visum adunare videntur: et ideo quando domesticatur, praedam videt leporum inter fruteta latentem, antequam considerari possit ab homine vel a canibus —

M 2

apud

apud nos hoc genus aquilae semper in praeruptis silicibus sedens et nidum faciens inuenitur, sed semper substratum habet cespitem vel puluerem vel linum vel aliquas pelles animalium, quae praedatur: propter quod etiam peritiores falconariorum non diu dimittunt suas aues rapaces stare super nudum lignum durum et aridum, sed supponunt pannum vel corium vnguibus auium suarum. Habet autem herodius commune cum aliis rapacibus auibus, quod nisi contempletur escam vel praedam vel se tenentem quasi semper pedes respicit, quando sibi dimittitur, et frequenter ungues pedum per rostrum ducit, ut bene acuat ad praedam tenendam. (Ex hoc falconum more inductam esse credo opinionem, ungues eorum per rostrum ductos vnguento vropygii seu peruncti venenato oblini atque hinc vulnera infici etiam veneno et mortalia fieri.) — propter quod etiam falcones et herodii eiectioni a parentibus retibus aucupum capti in terris, in quibus nunquam nidi eorum inueniuntur, peregrini vocantur. Herodius etiam domesticus super manum sedens duci non potest, sed potius brachio toto ab humero ultra manum corio ceruino cooperto et manu potenti sustentata brachio falconarii insidet: et cum prouocatur ad volatum, oportet quod dimittatur: quia aliter brachium falconarii nimis laederet, et ideo aut coopertis fertur oculis, aut, cum volare cupit, dimittitur et, cum reuocatur, redit ad brachium aucupis et tunc melius quiescit, aut capta praeda aut frustrata aquila. Haec omnia de Herodio ALBERTVS, quae quidem arguunt, eum de aquila germana ARISTOTELIS seu chrysaëto loqui, quam eandem etiam *ἀσπερίαν* seu stellarem appellari, velut ex ARISTOTELE tradit AELIANVS II. 39. Recte hoc vidit etiam CONR. GESNERVS, Herodiumque ALBERTI a gyrofalcone distinguendum esse docuit. Idem etiam verosimillima, ut mihi quidem videtur, coniectura *Gerfalconem* appellatum primum fuisse suspicatur ab Italico *agirone* pro ardea, unde Gallicum *ayron*, *airon* et *heron* descendunt, quasi accipitrem, qui ardeas venatur et capit. Qui vero aquilam fuluam seu germanam Herodium interpretati sunt, incidisse mihi videntur in aliquos graecos aut latinos Codices, ubi alterum aquilae germanae nomen *ἀσπερίας*, quod plerumque ardeam stellarem significat, notiore ardeae seu herodii (ex graeco *ἰερωνίδης*, i. e. ardea) nomine reddi viderant. Igitur origo erroris nominumque confusionis repetenda est a compilatoribus aut barbaris librorum antiquorum interpretibus. Quod vero ALBERTVS Herodio loca ciliarum (seu superciliarum, ut recte emendat CONR. GESNER p. 164.) esse ait os eminens aliquantum super (supra GESNERVS emendat) oculos, ita ut membra (palpebras intelligit GESNERVS) eius visum colligere videantur, recte hoc GESNERVS interpretatur, oculos eius esse cauos et profundos, et videndi aciem in eis ita melius colligi. Eiusmodi oculos quasi sub suggrundiis superciliarum prominentibus latentes in aquila fulua memorat etiam illustris BVFFONVS. Eandem superciliarum eminentiam in lanario suo medio (illustri BVFFONO harpaye) annotauit FRISCHIVS noster ad Tabulam 78. Eandem de oculis aquilae germanae apud

PER-

PERRALTVM reperio obseruationem. Nunc igitur demum intelligo verba Imperatoris l. cap. 24. p. 30.: Cilia autem, quae sunt multum prominentia super oculos ad defendendum ipsos, in auibus rapacibus sunt detecta et plumis carentia, dura et sic tenuia, vt fere incidant: in aliis vero auibus sunt minus prominentia et sunt plumosa. Cilia enim hoc loco appellantur, quae nobis supercilia sunt. Recte adeo Cl. MERREM supercilia prominentia tanquam peculiarem notam aquilarum falconumque generi assignauit in Dissertatt. miscell. zoologic. p. 72. et 82. Haec in aquila albicilla LINNAEI, quam commodum ante oculos habeo mortuam, non solum mobilia sed deplumia etiam video, longe prominentia, cum in vlula seu glauce veterum, quam etiam viuam coram habeo, ne leuissimum quidem ossis superciliaris vestigium tactu percipi possit, sed oculus ipse protuberans palpebris vndique plumosissimis opertus sit. Proprie tamen os ipsum superciliare ita dici potest deplume, vt intelligatur palpebra superior super os illud retracta et immobilis, quae plumis plane caret. Obiter hic monebo, quam illustri BVFFONVS ossifragam appellauit, recte quidem ab eo comparari cum Φήνη ARISTOTELIS, quam philosophus aquila maiorem, colore cinereo, et ἐπάγρυμον, i. e. oculis nubecula teclis, tradit, VIII. 3. et IX. 34. H. A.; nubeculam enim CORTESIUS apud ALDROVANDVM in membrana alba cartilaginea, dura et obscura agnouit, qua foramen vuae pupillare operitur. Verum miror, eundem BVFFONVM in aquila haliaëto (*Balbusard*), quam a PERRALTO dissectam fuisse nouerat, non annotasse, eandem nubeculam adesse, iride ipsa flaua et pellucida. Praeterea cornea eminens margine osseo protuberante tunicae scleroticae cincta est, quem ex CORTESIO in ossifraga non memorauit illustris BVFFONVS. Vides igitur, si iudicium de ossifraga seu Φήνη ARISTOTELIS nubecula oculorum sola nititur, illud inter species duas plane diuersas, vt PERRALTO et ipsi adeo BVFFONO videntur, admodum fluctuare.

*Actu, et voce.* Actum GESNERVS interpretatur mores.

PAG. 180. CAP. 7.

*Montanarium.* VINCENTIVS ex h. l. laudat montanum siue montanarium. In Epistola SYMMACHI ad Ptolemaeum, quam h. l. laudat ALBERTVS, legitur ibidem: Tertium genus montanum dicitur, breue et spissum valde in corpore, et praecipue est breuis caudae et spissae, pectoris valde rotundi, et magni, et fortium crurium et breuium respectu quantitatis corporis sui, nodosorum pedum et fortium vnguium, et hoc in consuetudine habet, quod frequenter respicit pedes; et est in dorso et exterius in alis cinerei coloris. Hoc genus ferum est, malorum morum et iracundum, inconstantis irae. Reliqua, quae ALBERTVS ex epistola illa laudat, ibi non exstant.

## IBID. CAP. 8.

*Peregrini.* Partem horum, inprimis de nidificatione in montibus praeruptis, quae ALBERTVS quasi ex relatione falconarii sibi facta docet, reperies verbotenus in epistola SYMMACHI apud VINCENTIVM XVI. cap. 71. Peregrinos etiam Tartaros a patria dictos *Sahins* appellat Gallicus scriptor apud BOCHARTVM Hieroz. II. p. 289, vbi est: qui ont la tête plate au dessus & le pennage borde de blanc & encores égalé de roux, dont il semble que la nature leur ait mis sur la tête une couronne. Auem Sahin describit etiam DAMIR Arabs, aitque, ex falconum genere, ipsum nomen peregrinum esse. Codex, ex quo locum scriptoris Gallici de natura rerum posuit RIGALTIVS, eundem nempe, quem paulo antea ex VINCENTIO laudaui, in compendium redegit omnia, et fere nihil de peregrino tradit; eumque Codicem sequitur versio Catalanica.

## PAG. 181.

*Swimer.* De nomine hoc infra in Ianario videbimus.

## IBID. CAP. 9.

*Gybbosum* (sic Ven. Ed.) genus falconum primum, quod sciam, ab ALBERTO commemoratum vulgo creditur idem esse, quod Galli *Hagard* vocant.

*Longas et valde exortas.* GESNERVS emendabat exertas, i. e. eminentes.

## PAG. 182.

*Matriculis digitorum.* Vocis notionem, quae h. l. conueniat, nullibi reperio annotatam.

## IBID. CAP. 10.

*Falcones nigros* primus FREDERICVS II. Imperator videtur vt peculiarem speciem commemorasse. Ceterum PETRVS Crescent. X. c. 9.: et ex magnis falconibus quidam sunt nigri, quidam respectiue albi, et quidam rubei, ex coitu praedictorum inuicem generant.

*Butorius.* Buteonem intelligendum esse, monuit GESNERVS.

*Alium visum esse.* GESNERVS aliquando laudat ex h. l.

*Salamine Asiae.* Sic Ven. Ed. Nomen mihi ignotum. Ceterum de vniuerso falconum genere haec eadem fere PETRVS Crescent. X. cap. 8. Falcones, inquit, primo dicuntur venisse de monte Gelboe, qui est in partibus Babyloniae; et inde  
venerunt

venerunt in Sclauoniam ad palum nudum, deinde sparsi sunt per quosdam alios montes arduos, in quibus inueniuntur.

## PAG. 183. CAP. 11.

*Estoniae.* VINCENTIVS laudat ex h. l. Ostomaniae.

## IBID. CAP. 12.

*Rubeae, et nigrae.* VINCENTIVS breuius rubeae et nigrae coniuncta repetit, sequentia omittit. CONR. GESNERVS legendum censebat: sicut in aliis non sunt.

## PAG. 184. CAP. 13.

Eundem ALBERTVS alibi *Pes blauus* appellat et circum ARISTOTELIS interpretatur. Germanum est *Blaufuß*. De eodem epistola SYMMACHI apud VINCENTIVM XVI. cap. 71.: quartum genus pedibus et cruribus caeruleum, vnde et nomen accepit; hoc primo et secundo anno nobile, quinto anno vilissimum est. Versio Catalanica a RIGALTIO edita: *la quarta manera es gris, la qual es appellada gentil vulgarment & noble de noble de nom & d'persona*. Pergit ea: *La 5 manera es dita Gathena, la qual es prescios d'persona aspre & subtil*. Sed Codex RIGALTII latinus, vbi lacuna est, haec postrema verba alio trahit. Ita enim ille: Tertium genus montanum dicitur, et hoc asperius et subtilius est.

## IBID. CAP. 14.

*Mirle.* Ex h. l. *Smirlium* laudat VINCENTIVS.

## PAG. 185. CAP. 15.

*Butherii.* Pro *tutorii* dictum et de buteonibus intelligendum, monuit GESNERVS. Gallis *Buse* audit. Germanicum vocabulum supra adfuit *Sweimer*, de quo FRISCHIVS noster.

*Lanarii.* Epistola ab ALBERTO laudata SYMMACHI apud VINCENTIVM XVI. cap. 71.: Primum falconum genus est, quod lanarium dicitur et in duo genera subdividitur; quorum vnum habet caput et rostrum crassa, pedes, vt aquila, quod cum graui labore habilitatur ad aucupandum, habilitatum tamen in secundo et tertio anno egregium est in volatu. Alterum vero staturae minoris est, et vile putatur. Vbi Codex RIGALTII nullam memorabilem lectionis varietatem offert; et cum eo concinit versio Catalanica. Gallis dicuntur *Laniers*, FRIDERICO II. laynerii.

IBID.

## IBID. CAP. 16.

Quum aues rapaces tantus venereae libidinis stimulus non agat, quantus genera multa gallinearum auium, et semel fere omnes per annum pariant, causam permixtarum diuersarum specierum hybridarumque prolium ab iisdem rebus repetere non licet, quae quadrupedum, v. g. canum, et reliquarum auium adulteriis fauent. Igitur aut solitudo, in qua triste habitat coniugium vnumquodque auium rapacium, aut consuetudo longa, qua cum hominibus copulantur et in diuersarum specierum familiaritatem perueniunt, potuit hoc auium genus inducere, vt permixto genere adulterinam prolem procrearet. Poteramus certa et indubitata adulteriorum huiusmodi documenta a longa et diligenti falconariorum consuetudine et obseruatione expectare; sed quae ALBERTVS h. l. docet, coniectura probabili satis nixa, virorum doctorum curiositati vix satisfacient. His tamen iisdem fundamentis nititur disciplina illustris BUFFONI, qui nimis, vt facile credo, per multa indiuidua diffusam a scriptoribus methodicis classem falconum et accipitrum ad iustam specierum angustiam reducere conatus est, ne nomina scilicet pro corporibus vani amplecteremur.

## PAG. 187.

*Guel.* Clarum est, intelligi pilulam, quae vulgo hodieque *Gewölle* aut *Gewelle* appellatur; itaque legendum cenfeo.

*Heris et quantitate qua siluestris.* Bene VINCENTIVS: hora — quo, qua et quando siluestris.

*Thamandi.* Voluit, puto, thamarindi. *Gambari* sunt, qui alias gammari dicuntur. — ALBERTVS VII. p. 78. b.: apud omne genus aquilae et falconum melius et ferocius est, quod venit ab aquilone a regione Suetiae et Liunioniae, cuius latitudo est plus quam 50 graduum ab aequinoctiali, et sunt aues feroces, et libentius comedunt pisces, quam carnes; ita quod quidam astures ex illa terra ad nos deducti aues quidem omnes capiunt, sed libentius comedunt cancos, quam aliquem alium cibum, et reputantur a falconariis nostrae terrae isti astures omnibus aliis meliores et nobiliores: et sunt valde magni; et dixit mihi quidam multum expertus, quod etiam in terra illa aquilae pro maiori parte cibantur piscibus, ita quod in nidis earum et iuxta nidos inueniuntur anguillae et pisces. — Quoniam locus hic inuitare me videtur ad explicandum copiosius auium rapacium victum, quam in singulis locis adhuc a me fieri potuit, non inuiti, vt puto, lectores obseruationes sequentes locum hunc obtinere patientur.

Vniuersum auium rapacium genus latrociniis et raptu viuunt. Alarum ea est structura, volatus celeritas, animi morumque ferocitas, quam, qui earum opem  
in



in venando abutendoque plerumque otio suo et obsequio parentium adhibent, nobilitatem appellant ex suo ingenio alienum spectantes, ut reliquas aves facile consequantur, unguium rostrique vincti acumine dilacerent, carnes deuorent calore vitali adhuc spirantes, et sanguinem caua lingua pro potu exauriant. Etsi vero plerumque auium raptarum plumas diligenter separant rostroque euellunt, antequam carnes cum sanguine ingurgitent, saepe tamen accidit, ut plumas pennasque nimis avidae famelicaeque cum ossibus ipsis deglutiant. Miram hic videmus ventriculi succique gastrici vim et naturam, quae plumas pilosque animalium quadrupedum cum carnibus simul ingestos in massam rotundam collectos comprimit et per fauces violento motu reiicit, carnes vero cum ipsis ossibus breui temporis spatio conficit, in succum et sanguinem vertit, partem denique inutilem per sordes eliminat. Eandem plane animalium quadrupedum amphibiorumque, quae raptu viuunt, crocodili, serpentumque naturam admiramur. Potu igitur hoc vniuersum genus aut plane non indiget, aut raro, et fere, cum infirmitate aliqua interiora nimis calent languentque. In auibis rapacibus reliquiae animalium deuoratorum a ventriculo reiectae ut inutiles proprio sermonis nostri vocabulo *Gewölle* appellantur. Quam earum consuetudinem facilitatemque inutilia quaeque et noxia per vomitum reiiciendi cum artis falconariae studiosi obseruassent, ingenio suo excogitarunt rationem, qua accipitres falconesque disciplinae assuetos et morbo aliquo ventriculi laborantes malo liberarent. Plumae enim aut lanam bombycinam compactam et in pilae formam redactam ingerunt auibis, atque has deinde accipitres cum noxa et cruditate adhaerente per vomitum reiiciunt. Hunc ipsum denique accipitrum morem cum non ignoraret vir omnis rerum naturae sagacissimus doctissimusque, REAVMVRIVS, ingenio suo tandem accommodauit ad explorandam ipsius ventriculi succique gastrici vim et naturam, atque ita factis multis experimentis concoctionis rationem, quae fit in auium rapacium ventriculo tenui membranaceoque, egregie illustrauit. Vident etiam is, cum carnes celerrime, ossa ipsa paulo lentius ventriculi vi consumerentur digererenturque, grana, fruges et reliquos fructus nullam fere a succi gastrici natura pati vim aut in similitudinem chyli alienari. Igitur hoc vniuersum auium genus nec violentissima quidem fame adduci ponit, ut apposita grana, fruges aut fructus deuorent. Clarum est, hanc ventriculi digestionisque naturam in auibis rapacibus totam pendere a succi gastrici natura; quam cum accuratius indagare atque explicare omiserit Cl. REAVMVRIVS, nuper tandem exstitit vir doctus, BRVGNATELLI, qui succum gastricum cum reliquorum animalium tum auium carniuorarum experimentis chemicis exploraret. Is igitur succum gastricum animalium ruminantium multa aqua, sale alkalino volatili, materia tenaci terrea et sale satis multo culinari temperatum et ad putredinem facile transeuntem reperit. Contra succum gastricum ex bubonibus, falconibus, ardeis carniuorisque omnino aut pisciuoris auibis et piscibus desumptum aut in ipsis eorum anima-

Frider. Rel. Tom. II.

N

lium

lium ventriculis exploratum acidae inuenit naturae tam efficaciae, ut ferrum, aes flammumque corroderet aut dissolueret. Succus vero hic multo minore aquae salisque culinariae parte, materiaque resinacea temperatus sanguinem a putredine defendit et lac celeriter coagulat. Praeterea ipse chylus et excrementorum fluidorum in auiibus omnibus carniuoris pars albida acidam naturam eandem apertissime experimentis factis monstrarunt. In graniore auiibus, quae tamen ventriculo musculofo differunt a carniuoris, eandem succi gastrici naturam acidam reperit vir doctus, quae causa est, cur eadem aues etiam carnes facile digerant. Ipsa denique animalia quadrupeda omniura, dum carnibus aluntur, multo minus et admodum raro aquam bibere, tumque succum eorum gastricum minore aquae parte temperatum esse vidit.

Haec pauca de natura ventriculi succique gastrici facta a viris doctis experimenta etsi vniuerso auium rapacium victui morborumque rationi explicandae nondum sufficere videntur, ponam tamen nunc in vnum locum collectas, quascunque veterum aut recentiorum scriptorum observationes de victu auium rapacium morborumque inde natorum origine reperi, quo facilius viri me doctiores eas cum ipsa auium natura comparare, conciliare atque interpretari possint.

Aues igitur rapaces, quae sanguinem praedae hauriunt simul cum carnibus, praeter singulares aliquot species, tinnunculum et miluum, raro aut nunquam bibere, antiquissima est ARISTOTELIS observatio, H. A. VIII. 4. et 18. Fruges, etiam si in os indideris, deuorare non posse, idem tradit, H. A. VIII. 3. Contra vero nuper CL. SPALLANZANI hanc de vniuerso rapacium auium genere observationem veram esse negauit, aquilamque aliquam fame coactam panem deuorasse narrat. Verum facile is falconiorum consensu redarguitur; nec animaduertit, quicquid ab auiibus inclusis ciboque alieno nutritis fieri videmus, ad earum naturam moresque referri non posse. Salis deinde vsus, ut ouibus animalibusque ruminantibus fere omnibus sanitatis pinguedinisque, ita falconibus mortis causam afferre, vetus est virorum doctorum observatio. (Cf. CL. PALLAS Spicileg. zoologic. XII. p. 24.) Hinc igitur graecus Hieracosophii auctor a RIGALTIO editus carnem quamque veterem putentemque, ut etiam pinguem, inprimis tamen falem a cibatu falconum prohibendam esse censet (p. 40.). Sales etiam per se datos intestina accipitrum corrumpere; oleum etiam, quoniam falem admixtum habere solet, cauendum esse. Alterum caput (p. 43.) falconi dari iubet carnes porcorum iuniorum cum ipsis fetis, leporinas absque ossibus et medulla, quae vermes in ventriculo facere dicuntur, mures integros cum pilis, columbas cum pedibus et alis minute concisis; de coruo cor, iecur, cerebrum cum parte pectoris praescribit, sanguinem ut falem defendit; cornicis esu plane interdicat; ex ardeola (stellarem puto intelligi) cor, iecur cum cerebro permittit, reliquas  
carnes

carnes vt perniciosas defendit. Tertium caput (p. 48.) pessime a PETRO GILLIO versum carnes auium, gruum, anserum, columbarum, perdicum, turdorum sturnorumque cum ipsis plumis, vt in quadrupedum carnibus cum pilis, deuorandas vult, accipitremque prius moueri vetat, quam ossa, pilos plumasque vomitu reiecerit. Haec vero reiectanea esse in cibo vtilissima accipitrum generi, quoniam huic sicciori asperaeque materiae phlegma ventriculi facile adhaerescat forasque cum ipsa eiiciatur. Ossa scriptor hic reici ei etiam vult. Sunt enim species quaedam, quae partem istam praedae non adeo facile, vt aquilarum genus, digerunt, sed vomitu reiciunt. Alibi scriptor is (p. 118.) cauendam monet ardeae carnem, quoniam ventriculi intestinorumque duritiem, petram et lapidem falconariis appellatam, pariat. Contra scriptor barbarus a RIGALTIO editus de cura accipitrum p. 244. carnes ciconiae, ardearum (quas γηταύρας appellat, vt Galli *butors*), cycni mergique accipitri perniciosas et plane cauendas asserit; idemque praeceptum repetit p. 254. Aquae vsum falconarius DEMETRIVS in Hieracosophio cum aliis adhibet, cum accipiter cauea includitur, vt pennas plumasque mutet. Apponunt enim tum vas aqua plenum, in quo lauet accipiter languescens, aut vnde bibat. Quo celerius vero mutet pennas, apponunt vas aqua marina, aut salsa, aut lixiuo cinerum vitis mista plenum, cuius potu et lauacro accipitrem adiuuari et recreari, dum mutat, asserit DEMETRIVS p. 36.

De victu accipitrum singularis est obseruatio ARISTOTELIS H. A. IX. cap. 11.; crudioras has aues omnium, quas ceperint, auium cor respuere, hocque obseruatum esse in coturnice, turdo et aliis; rationem etiam venandi mutare, nec eadem per hiemem, qua aestate, vti. Idem etiam tradit AELIANVS II. c. 42. eiusque rationem mysticam comminiscitur; sed contra ARISTOTELIS sententiam idem II. cap. 43. tinnunculum (περχηλις) bibere vnquam negat. Deinde tamen VII. c. 9. accipitrum pullos a parentibus in tenera aetate cerebris auium captarum, adultiores cordibus, perfectos denique reliqua musculosa carne ali tradit. Quare excusationem dum ARISTOTELIS loco circumspiciebam, incidi tandem in versionem ALBERTI, qui locum plane interpretatus est, quasi legeretur scriptum μάλα κατεσθίει, non, vt editur, & κατεσθίει. Eandemque rationem sequitur vetus translatio a VINCENTIO XVI. cap. 19. posita, quae in plurimis locis cum ea, quam ALBERTVS ante oculos habuit, consentit. Igitur PLINIVS in corruptum ARISTOTELIS codicem inciderat; error tamen per eius scripta propagatus eo valuit, vt multi recentiorum scriptorum philosopho nihil tale merenti iniuriam facerent. Denique ALBERTVS libro XXIII. p. 227. de asturibus: scias autem, quod huius auis natura praecipue confortatur in aquilonaribus partibus, et ibi hae aues fortiores sunt et maiores, et, quando bene nobiles sunt, praedam non propter escam, sed ex gloria accipiunt et in tyrannide delectantur; et, si aliquid

de praeda concupiscunt, cor accipiunt: ideo autem, quam capiunt, ad latus perforant et cor extractum deuorant: aliquando autem etiam cerebrum concupiscunt et de capite extractum deuorant et totum aliud reiiciunt. Nobiles autem aquilones cancos libentissime comedunt, quos tamen non venantur. Et ideo domesticati isti melius omnibus asturibus dominis suis aues magnas capiunt et cancorum cibum a dominis accipiunt in remuneratione.

## PAG. 188. CAP. 18.

*Soda.* Dolor vel laesio capitis MATTHAEO SYLVATICO; sed distinctius MICH. SCOTVS in Physionom. c. 2.: dolor capitis, qui dicitur soda siue emigranea. i. e. hemicrania. Debeo locum CANGIO.

*Alices.* MATTHAEO SYLVATICO sunt extensiones omnium membrorum, quae voluntariae fiunt, post somnum maxime, ut quibusdam placet ex graui fumositate etc. Est ergo pandiculatio. CANGIVS cum socio omisit.

*A quibusdam mortalis.* Corrigit renalis c. GESNER.

*Silera aut nullis vocatur.* Emendat idem c. GESNER sylera a nonnullis; quod quidem mihi probatur. Sed vocabulum *silera* ex hoc solo loco laudat CANGIVS.

## PAG. 189.

*Testudo, quam limacem.* Solenne prius vocabulum de limace scriptoribus istius seculi, ut ex VINCENTIO liquet; omisit tamen hanc notionem CANGIVS cum socio.

*Petra.* Alii eundem morbum *lapidem* vocant.

*Pipio.* Pullus columbaceus. Vide CANGIVM.

*Infusionem.* De morbo habet etiam CANGIVS sub h. v.

*Carne bombasina.* CONR. GESNER emendabat lana bombacina.

## PAG. 190.

*Lacrimali.* Sic Ven. Ed. Interiore angulo interpretatur GESNER.

*Coquenda — coctura.* De vssione seu cauterio eandem vocem habet CHARPENTIER; et CANGIVS sub voce *Cocteria*.

IBID.

## IBID. CAP. 19.

*Bulsum.* Id est *vulsum*. Hinc intelligitur, quae sint pecora vulsa *VEGETIO* I. 53. 4. Idem III. 65. 3.: ex nimio quoque aestu vel intolerabili frigore interiora vitiantur, et faciunt tussicos, unde vulsi appellantur. De vulsis totum caput 66. tractat, et meminit cap. 68. §. 1. Idem denique III. 42. 1.: iumenta nimio saltu vel cursu aut ruina cum aliquid intrinsecus ruperint, vulsant. Cf. *GESNER* de Quadrup. p. 513.

## PAG. 191.

*Passeris indici sive solitarii.* An eundem gemino nomine intelligi voluerit, nescio. De solitario *ALBERTVS* p. 239. a., auis, inquit, est nigra, merula minor et musica, quae cum nullo congenere vnquam congregatur, nisi tempore coitus. Habitat in parietibus et cum aliis passeribus se iungit et cum iis volat ad pastum, cum reliquis de suo genere aues omnino despiciat.

*Tinca* — *Sfigen*. Editio Veneta *tincha* habet, quod propius gallico vocabulum est. Hodieque nobis *Schleihe* audit.

*Acutio.* Substantiam ferri in cote haerentem interpretatur *GESNERVS*. Forte legendum *acutia* pro cuspide. Vide *CANGIVM*.

*Calchiam.* Emendabat *GESNER* cadmiam.

## PAG. 192. CAP. 20.

*Substitiosus* — *grimal*. In posteriore voce (licet et priorem non explicauerit, nec habet *CANGIVS*) haesit *CONR. GESNERVS*. Recte germanicus interpres vidit, hunc *grimal* esse vocem germanicam *Hungerma!*, i. e. famis notae.

*Pisani et mel.* Emendabat *GESNER* ptisanam et mel.

*Quae radix vocatur.* De raphano recte explicat *CONR. GESNER*. Vide 10. M. *GESNERI* Lexicon rusticum sub voce radix.

## PAG. 193.

*Hute.* Sic Ven. Ed. *GESNERVS* ex h. l. *huf* laudat atque emendat *unc*, nulla addita explicatione. Fortasse eundem intelligebat, quem sub voce *vnke* pro angue ex vetustis scriptoribus germanicis laudat *FRISCHIVS*. Medicamentum ipsum habet *VINCENTIVS* XVI. cap. 5.: aues generosae, ut notum est, in casis ex virgis factis mutantur. Quaedam vero vix operosa diligentia veteres plumas deponunt.

N 3

Quibus

Quibus sic subuenitur. Serpens in frumento (ex Gallico *froment* pro tritico) diu coquatur, quo videlicet frumento gallina nutrita, avis illa reficiatur, sicque decenter mutatur.

*Bacone falso.* Gallis antiquioribus *Bacon* porcus faginatus, vstulatus et salitus, ipsa etiam perna vel petaso appellatur, ut docet CANGII Glossarium sub voce *Baco*.

PAG. 194.

*Gerulam cicadam.* Quid sit, nescio; nec querulam supponere ausim. Forte viridem scripserat.

*Glanum sive crudam carnem.* CANGIVS cum socio omisit, et nescio, an alibi reperiat.

*Aurea alexandrina* est confectio Nicolai, ut tradit MATTHAEVS Syluaticus. Ultra inquirere non vacat.

*Palnam benedictam.* Aquifoliam interpretatur GESNERVS. *Fungum mirti*, nisi de agarico dicitur, ignoro.

*Celsa sive ficus fatua.* MATTHAEVS Syluaticus, ficus fatua, inquit, ficus Pharaonis, sycomorus, Arabice Iumain. Eidem et SIMONI Ianuensi celsa sunt cynosbati fructus seu mora. Agrestis celsa est apud CAEL. AVRELIANVM Acut. II. c. 12.: agrestis celsae comam, quam rubum vocant.

*Brancha lupi* — *radicem caudae porci.* Cauda porci aliis peucedanum aut milium solis audit. Branca, i. e. pes, vngula, lupi quo alio nomine dicatur, nunc non reperio.

PAG. 195.

*Centinodiam* — *centineruiam* — *quinqneruiam.* Primam herbam plurimis aliis nominibus appositis interpretatur MATTHAEVS Syluaticus; centumneruiam explicat arnoglossum; eadem est quinqueneruia.

*Ramunculos virides de iubis.* Quid sit, nescio; igitur dubito etiam, an ramunculos sit legendum. *Poledrus* est pullus equi. *Politariam* iterum ignoro.

IBID. CAP. 22.

*Rapariam.* Vix puto, locum rapis confitum intelligi. Voluitne ripariam, agrum iuxta ripam situm?

PAG.

PAG. 196.

*Albeo trito.* Aloë trita emendabat GESNERVS.

PAG. 196. sq. CAP. 23.

Exscripsit etiam VINCENTIVS XVI. c. 71., sed is praeter ALBERTVM laudat etiam scriptorem Gallicum libri de natura rerum, ex quo varietatem lectionis attulisse videri debet. Multa is in compendium redegit, pauca integriora exhibuit. Praeterea RIGALTIVS in Volumine Scriptorum rei accipitrariae graecorum, quod eruditis hominibus, quasi elephantio stipein, donauit, posuit etiam p. 201. seq. excerpta ex libro incerti auctoris de natura rerum de generibus et morbis falconum et accipitrum; quae plane eadem verbis iisdem tradunt, quae VINCENTIVS cum ALBERTO ex Gallico auctore libri de natura rerum commemorant. Poterat igitur opera edendi superfedere RIGALTIVS; bene tamen cecidit error iste, ut cognosceremus, in bibliotheca, puto, regia Parisiensi librum istum integrum fortasse latere, de cuius pretio aestimare poterunt lectores ex iis locis, quae ex VINCENTIO posui. Agnoscimus etiam in fragmento Rigaltiano multo distinctius ordinem, quo disciplinam rerum naturalium digesserat per litterarum seriem, quam etiam VINCENTII Speculum sequitur. Lectio Fragmenti fere ubique corruptior raro monstrat emendationum fontes aliquos; eam nomine RIGALTII signaui. Denique idem RIGALTIVS p. 183. epistolam Aquilae, Symmachi et Theodotionis ad Ptolemaeum regem Aegypti de re accipitraria Catalanica lingua scriptam edidit; de qua in praefatione libri haec paucula verba posuit: *edimus cum alia eiusdem argumenti ab Catalanico Romanensi quodam ambizioso Aquilae, Symmachi et Theodotionis ad Ptolemaeum titulis non minus falso quam arroganter inscripta; digna tamen haec visa est, quae adderetur; quum haud pauca contineat rei accipitrariae praecepta utilia, quae Albertus Magnus operi de avium natura passim adtexuit et vetustissimorum auctorum esse adfirmavit, deceptus inscriptionis mendacio.* Videtur igitur RIGALTIVS sibi persuasisse, hanc epistolam primum dialecto Catalanica scriptam et praepositis hominum aliquot illustrium nominibus publicatam fuisse; eandemque deinde ALBERTVM excerpisse et ut genuinum antiquitatis monumentum laudasse. Verum, etsi adulteratam inscriptionem epistolae non infitior, illud tamen mihi persuaderi non patiar, eam dialecto primum Catalanica scriptam fuisse et lectam ab ALBERTO. Contra equidem ex latino versam existimo primumque a Gallico auctore libri de natura rerum positam, ex quo transtulit deinde ALBERTVS, qui illum scriptorem saepenumero laudat, interdum etiam taxat. Deinde plura epistola Catalanica habet medicamenta, quam ALBERTVS cum Gallico scriptore inde laudant, eaque omnia ordine peruerso collocata. Lectionem, quam interpret Catalanicus secutus fuerit, etsi non ubique perspicere potui; careo enim ANTONII BASTERI libro: *La Crusca Provenzale*, unde

vnde interpretationem vocum rariorem petere possim, quas dialectus Catalanica seu Prouincialis habet diuersas a reliquis idiomatibus: verumtamen illud satis aperte mihi animaduertisse videor, nihil hanc versionem ad emendandam orationem latinam afferre vtilitatis, sed potius clara monstrare vestigia corruptae lectionis, quam Interpres in libris ALBERTI aut Gallici potius scriptoris repererat. Singula nunc videamus.

*Lacte mulieris*, calido addit VINCENTIVS et Codex RIGALTII.

*Aureo instrumento*. Simplicius VINC. et RIG.: accipe habile ferrum. Et deinde: vbi vertex coniungitur oculo ad nares. RIGALT. coque et pone.

*Saxifragiae*. VINC. et RIG.: slaphisagriae — et fricabis postea solo puluere slaphisagriae palatum eius. Sic etiam habuit Interpres Catalanicus. Deinde RIG. per vnā fistulam.

*Pipiam*. Breuius VINC. pabulam. RIG. pupillam.

*Densitate caulis*. Vitium vidit GESNERVS, sed mederi ei non potuit. Recte VINC. deficcati; RIG. deficcatae.

*Surices*. Sic Ven. Ed. Recte VINC. sorices. RIG. furices. Paulo antea VINC.: qui nimium clamat, oneratus saepe est interius; sed rectius RIG. ouatus habet. Vespertilionem Catalanicus Interpres reddit *Moriac*.

*Eboli — cimini*. Sic Ven. Ed. Recte VINC. RIG. oboli — cymini. Pro *albuginem* — *in ea* — *dictum* VINC. habet albumen in eo — dictum. Denique pro *sanabitur* habet *saluabitur*. RIGALTII Codex a verbo *sanabitur* vsque eo: si febres habuerit, lacunam habet.

*Fracturas — in pennis*. VINC. addit: et in secreto naturae notatur.

*Dextrum crus — subtiliter*. VINC. RIG.: tibiam dextram — diligentissime. Pro posterius RIG. profundius.

*Et si vomit*. Emendabat GESNERVS *horret*. Sed recte VINC.: et si tremit et quasi frigus ostendit in plumis aut cibum cum fastidio sumit, aut etc. RIG.: tremit tanquam frigus ostendat plumis. at cibum. Pro tremit Catalanica versio *gita*.

*Sed male — inducit*. VINC.: et male tamen inducit. RIG.: et male tum induerit.

*Liuisfici*



*Leuistici et carnem* — *feniculo*. VINC. RIG. leuistici et cannae — foeniculi. RIG. aneto.

*Rosaceo frigido*. VINC. rosarum frigidam, sed RIG. frigido, et litam pro linitam.

*Adipem anseris*. RIGALT. pinguedinem.

*Vel melius fume*. VINC. pro his: fel porci accipe et inde ei alas perunge. vel succo verbenae eibum eius intinge. RIG. item melius. accipe oleum laurinum et laua ei alas, sub alis ascellas eius vnge. ad idem etc.

*Gruile* — *muris*. VINC. galy pro γαλῆ, i. e. mussela, post muris addit *ratti*. RIG. parui alicuius gruille — muris ractis. Versio Catalanica: *gruil* — *rata* que es dit *guarris*.

*Super manum, miriam*. VINC. et RIG. in manu gestantis myrrham.

*Corpus eius, et intinge*. RIG. cor eius — inunge. Pro *rampa* VINC. *rapina*. RIG. rapina. Posterius vocabulum in Glossarium transtulit CANGIVS. Catalanica versio *rampa* habet. Puto, Gallorum *Crampe* intelligi, quae *Crampe* et *Ranfus* tum audiebat.

*Nimium laxatur*. RIG. nimis laxatur. Sed VINC. nimium laxat. Pro verbis: *vel testudines albas* (i. e. limaces) *decoctas* VINC. habet: et intinge eodem cibum eius.

*Pinguedinem auxugiae*. VINC. et RIG. vnguentum. Deinde iidem *aloen*. RIG. *apyae* — pennarum auium.

*Et si est accipiter*. Haec verba omittit RIGALT.

*Nec multum coniungantur*. Rectius, ut puto, RIGALT.: ne multum contingas alas eius, ne alae pendeant e diuerso. Sed vulgatam lectionem ALBERTI sequitur Catalanica versio p. 187.: no molt menegan les ales si per aventura no pengen: i. e. ne multum tractes manibus alas, nisi forte pendeant. Atque ita tandem video h. l. laudari a VINCENTIO cap. 18., vbi pro *lucerna* modica est *lumine* modico, ut in RIGALT., et pro *gyros* habet *gyzos*; male. Gyri diuersi sunt a iactis, quos *laqueolos* appellat GREGORIUS et BEDA apud BARTHOLOMAEVM ANGLICVM. Iidem *mutas* nominant *mutatoria*. Porro ibidem accipitrum oculi dicuntur *ciliari*, claudi siue tegi, ipsi accipitres in pectore et cauda manibus *replanari*; reuocatorium ibidem audit *reclinatorium*.



# CATALOGVS AVCTORVM,

QVI

DE RE ACCIPITRARIA SCRIPSERVNT,

CVM LOCIS INDE EXCERPTIS.

**H**ieracosophion. Rei accipitrariae scriptores nunc primum editi. Accessit Cynosophion, Liber de cura canum. Ex bibliotheca Medicea. Lutetiae, ex officina Niuelliana. 1612. in 4. Edidit NICOLAUS RIGALTIVS cum versione PETRI GILLII. Primo loco legitur DEMETRII Constantinopolitani liber ad Imperatorem Constantinopolitanum scriptus, sermone non satis puro, igitur obscuro. Reliqui anonymi libelli additi nullo ordine, sermone vulgari graeco atque obscure scripti sunt. Igitur inde nihil fere discere licet.

AQVILAE, SYMMACHI et THEODOTIONIS quae dicitur epistola ad Ptolemaeum regem, et ab ALBERTO et VINCENTIO laudatur, dubiae auctoritatis est. De ea plura vide in notis ad ALBERTVM M. a me dicta.

GVILELMI, falconarii Rogerii, Siciliae regis, librum aliquem laudauit et excerptis ALBERTVS M., qui an alicubi manuscriptus aut editus latet, ignoro. Ex capite 10. ALBERTI apparet, FREDERICVM secutum esse et laudasse dicta GVILELMO; sed dubitari potest, num ipse ALBERTVS librum viderit. De GVILELMO isto tacet nuperus Siculae historiae litterariae auctor, SIGNORELLI.

Praeterea N. RIGALTIVS in Praefatione ad Hieracosophium nominat hos artis falconariae scriptores: Phoebum Gasto Foxiae Comitem, Belisarium Aquiuuum Neritinarum Ducem, P. Lopesium Aiala, Artelucium Alagona Marauequium, Moamum Arabem, Fridericum Georgium, Franciscum Sforzinum Caracantum, et Ioannem Francherium.

GVILELMI TARDI falconarii ad Carolum VIII. Galliae regem librum gallicum adhibuit cum Belisario et Petro Crescentiensi et excerptis CONR. GESNERVS; eundem etiam saepissime laudat ill. BVFFONVS.

EBER-

EBERHARDI TAPPII, Lunensis, germanicum de arte falconaria libellum sua memoria editum excerptit idem CONR. GESNERVS.

JEAN DE FRANCHIERES. Huius librum cum aliis eiusdem argumenti auctoribus D'ARTELOVCHÉ, DU FOVILLOVX et Anonymi sub litteris G. B. latenti, impressum Parisiis, 1614., ut egregium saepe numero laudat ill. BUFFON, cuius etiam auctoritate conficere conatur, ut illi credamus, falconem gentilem, nisi nomine, a vernaculo et Galliarum indigena diuersum non esse. Reliquos falconariae artis scriptores Gallicos contempsisse videtur illustris BUFFON. Quod quidem eius iudicium quam aequum fuerit, lectores ipsi facile iudicabunt ex locis illis, quae infra ex reliquis auctoribus excerpta ponam.

FREDERICI ZVNNIGA librum Salmanticae 1565. excusum de arte falconaria, quam Hispani Cetreria appellant, excerptit Introductio in Oryctographiam et Zoologiam Aragoniae, 1784. p. 70. Proximam ab Hibernis et Noruegis falconibus laudem tribuit auctor iis, qui in regno Nauarrae prope oppidum Oyardo colebantur; circa urbem Plasentiam generosam sobolem ex Hibernis falconibus propagatam commemorat cap. 15. Nomina arabicae originis habet haec: Alfaneque, Borni, Bahari, Sacre, Azor, Nebli, quorum quintum *Azor* falconem palubarium, ergo astutem, significare, docet Excerptor ex descriptione ap. ALFONSVM ESPINAR III. c. 10. Falconem *Nebli* dictum ipse descripsit p. 68. et Pygargi speciem existimat, in quo eum falli puto. Buteo Aragoniae incolis *Alferraz*, Tinnunculus *Cernicalo*, Nisus *Esparvel*, reliquis Hispanis *Alcotan*, vniuersum vero falconum genus communi nomine *Gavilan* appellatur.

Ipse beneficio summi viri, HEYNI, hos scriptores consului, quorum primum titulos ponam:

1) Libro di M. Federigo Giorgi del modo di conoscere i buoni Falconi, Astori et Sparavieri, di essercitarli et farli perfetti, di governarli et di medicarli. Con una favola delle cose più notabili et con una giunta in fine della medesima materia. In Vinegia, presso Altobello Salicato, MDLXXIII. Foliis octonariis septem constat, inscriptus S. Carolo Gonzaga Marchioni, mense Octobri anni 1566. In alloquio ad lectorem extremo libro addito nomina graeca, latina et arabica medicamentorum, et ponderum mensuraeque defectum excusat auctoritate scriptorum, quos secutus erat.

2) Tre libri de gli uccelli da rapina di M. Francesco Sforzino da Carcano nobile Vicentino. Ne quali si contiene la vera cognitione dell' arte de Strocchieri, et il modo di conoscere, ammaestrare, reggere et medicare tutti gli augelli rapaci.

rapaci. Con un Trattato de Cani del medesimo. Con Privilegio. In Vinegia, appresso Gabriel Giolito de' Ferrari. 1568. Foliis quaternis sexdecim constat, formam tamen octonariam habet. Allocutio ad Ottavio Tiene Conte di Scandiano iactat experientiam quadraginta annorum et scriptorum Gallicorum et Italicorum de arte falconaria omnium lectionem. Primus liber falcones, alter astures, nisos etc., tertius morbos et medicinam eorum complectitur.

3) La Fauconnerie de Charles d'Arcussia de Capre, Seigneur d'Esparron, de Pallieres et du Reveft en Provence, divisée en cinq Parties. La premiere est de la connoissance des oiseaux, avec leurs portraits, de leur nature et de la façon de les dresser. En la seconde est traité de leurs maladies et des remedes à icelles. En la troisieme sont donnés les moiens de se servir des oiseaux. La quatrieme fait voir l'anatomie des dits oiseaux, représentée tant par discours que par figures; ensemble un Traité qui montre comment les Faucons parient, pondent leurs oeufs, les éclosent et comment ils élevent leurs petits. La cinquieme est de l'Autourserie, avec un Traité des Esperviers. Au Roy. A Paris, 1615. 4to. Sequitur:

Discours de Chasse où sont représentés les vols faits en une assemblée de Fauconniers. Plus il est parlé des oiseaux qui passent et repassent la mer annuellement, de ceux qui resident en leur pays: de leur naturel et nourriture, et quels ils sont chacun nommé par ordre. Par le même. A Paris, 1619. Deinceps:

La Fauconnerie du Roy avec la conference des Fauconniers. Par le même. A Paris, 1617. Plura de libro plane egregio et post Fridericum optimo eorum, quos equidem vidi et legi, infra dicentur. LINNAEVS laudavit editionem Francofurtensem anni 1617., sed errore forsan calami.

4) Les Rufes innocentes, dans lesquelles se voit comment on prend les oiseaux passagers et les non passagers: et de plusieurs sortes de bêtes à quatre pieds. Avec les plus beaux secrets de la pèche dans les rivières et dans les estangs. Et la maniere de faire tous les rets et filets qu'on peut s'imaginer. Le tout divisé en 5 livres avec les figures demonstratives. Ouvrage très curieux, utile & recreatif pour toutes personnes qui font leur séjour à la campagne. Dedié à Msgr. l'Archevesque de Tours par F. F. F. R. D. G. dit le Solitaire Inventif. A Paris, 1660. 4to. Liber hic practer multarum avium mores tradit etiam libro 3. cap. 33. usque ad 36. varios modos aves rapaces capiendi retibus aut ope bubonum, adiectis vbique artificiorum picturis.

Falco-

Falconum genus infinitis fere modis colorum staturaeque variari, docet CAROLVS D'ARCVSSIA, nominum tamen diuersitatem speciei nullam facere differentiam. In eodem saepe nido pullos falconum reperiri flauos, rufos, brunneos et colore turturum. Girofalcones, sacros et lanarios male fuisse in falconum numerum relatos, et cum asture ad diuersam accipitrum classem pertinere. Primo aetatis anno quinque diuersis appellatur falco nominibus. De nido detractus nidafius (Niais), Iunio, Iulio et Augusto mense captus gentilis, Octobri, Nouembri et Decembri captus peregrinus (Pellerin et Passager) dicitur; Ianuarius, Februarius cum Martio nomen illi antannalis (Antenere ou Antannaire, Italis Antenido, aliis Antevere), prima vero pennarum mutatio nomen Hagard dat, quod peregrinum interpretatur auctor, apud veteres rei falconariae artis scriptores gallicos eundem Mué des champs, aut madré, aut ardoisé, apud Aegyptios vero Hinayr audire monens. Cap. 6. curam nidafiorum docet, et cauere in cibo carnes prurientium animalium et auium ouis incubantium iubet. Oua falcones plurimum tria, saepe quatuor, interdum quinque excludere; postremum numerum generositatem auis arguere censet. Falconem nidafium a gentili et peregrino, nisi aetate, non differre, repetit cap. 17. Colorem nidafiorum brunneum magis quam reliquorum esse, contra ab aëre libero diu gentilem et peregrinum colorem flauum trahere; quod tamen idem accidisse narrat nidafius, quos in alta turre aliqua nutriuerat. Gentilem a quinto et decimo die mensis Iunii ad eundem diem Septembris captum propter indolem bonam accepisse nomen putat. Peregrinus serius, quam gentilis, antannarius vero peregrino serius, hoc est autumno demum, mutat pennas. Falco mutatus (mué ou hagard ou madré) a sauro dignoscitur colore violaceo, quo humeri superius efflorescunt, colore capitis nigro, pectoris brunneo colore rufo permixto aut albo, maculis transuersis, cum antea longae essent, cera rostri aurea et iride oculorum (la bordure des yeux) pedibus concolore. Mutatos etiam venationi aptos esse contra vulgarem opinionem contendit. Quo pluries mutauerint pennas, eo pennae fiunt breuiores et angustiores. Rationem repetit auctor in siluestribus saepius mutatis, quod cura pullorum de pastu eorum multum detraxit simul et de generositate. Senectutem arguit pedum laeuitas, narium siccitas et cerae cum pedibus color aurantius ad rubrum inclinans. Mutatus proprie falco, qui semel, madrinus vero (madré), qui pluries pennas mutauit, appellatur. De voce madrinus vide, si lubet, CANGIVM sub voce *Mazer*. Barbaricum falconem, Alphanet appellatum, omnium optimum et pulcherrimum censet cap. 24. Mutatus is flauus fit et fere albidus. Cognoscitur facile plumagii mollitie. In venatione socio gaudet comite. Statura est infra Lanarium. Saepius cum Sacro iungitur adulterio. Sacrum nidafium dicere non licet, quoniam nidus eorum non inuenitur. Lanario nidafio multo maior, pedes breuiores et magis caeruleos habet, adeoque facile ab eo distinguitur his notis. Girofalco auium rapacium, quibus ars utitur, omnium maxima,

xima, frigoris impatiens. Nidassii ex terra Cremana afferuntur. Mutatus fit similis Lanario Barbarico. Acerrimus volatu vno conatu praedam capit, spiritumque gemina venatione consumit. Falco Tagarot corpus nimis paruum pro ratione alarum habet, ideo ventos timet. Volatum exercet longum vno spiritu, capite est grandi, pedibus magnis, viridibus aut caeruleis. Species hybridae nascuntur ex adulteriis Sacri et Lanarii, Falconis maris et feminae Lanarii, Barbarici cum Sacri femina (Sacret), Falconis feminae cum mare Lanarii (Laneret); et male quidam adulterinam sobolem Sacri et Lanarii Barbarici vt diuersam speciem Lanarii Russici aut Aegyptii nomine distinxerunt. Falconum omnium primum cognitum et in vsum venandi adhibitum monet falconem vulgarem, deinde ex Sicilia Lanarium allatum, postea ex Noruegia Girofalconem receptum, tum Aegyptio Sacrum accersitum, denique Tagarotum inuentum esse. A paucis annis sua memoria ex America allatos falcones Aletas (Alethes ou Aletes) maxima notitiae laude commendari, ait cap. 27. Corpore sunt mari falconi aequales, colore etiam dorsi similes. Pectus colore pallido aurantio nitet, lunula brunnea in abdomine versus femora conspicitur. Volatu terrestri celeri in venatione perdicum excellunt solitarii. Nomen huius avis nullibi reperio annotatum, sed suspicor, esse eandem, quam ex India orientali allatam et falconis rubri nomine appellatam descripsit ALDROVANDVS, cuius verba repetiit ill. BVFFON. Iconem posuit CAROLVS D'ARCVSSIA, sed reliquis peiorem, vt mihi quidem videtur. Praeterea tabula prima Falconem Corsicum saurum; altera falconem in transitu captum, bis mutatum; tertia eundem eum eadem inscriptione; quarta Lanarium; quinta Alphanetum mutatum, caudae alis aequalibus, metatarso vltra medium plumoso; tabula sexta eundem a tergo visum; septima Sacrum mutatum; octaua Girofalconem mutatum, rostro breui et crasso; decima Smerilionem pingit.

Ex libro secundo de medicina falconum pauca huc referam; plurima enim pars a consilio meo aliena physiologia tum temporis satis puerili adhuc nititur. Morbum petram et lapidem aliis dictum appellat la croie et gravelle, illique gerofalconem maxime obnoxium esse. Facile tamen eum cauere, si diligens falconarius sordes avis inspexerit quotidie, quae albore lacteo, liquidae et late sparsae macula nigra inmixta sanitatem integram arguunt. Lumbricos renales (filandres), nisi macris falconibus, non nocere, pinguibus vtilis, omnibusque adeo communes, cap. 23. Quadruplicem mutae rationem docet cap. 34. atque generatim falcones ex frigidis regionibus in calidiores delatos aut in montibus captos citius mutare pennas illis, qui ex Orientis calido caelo delati aut in ora maritima capti venationi adhibentur. Gerofalcones igitur citius meliusque Sacris mutare. Carnes salitae in cibo falconi certam mortem afferunt, cap. 41., ipsi tamen liberi terra salsa aut sale petrae assumpto humores ventriculi viscosos purgant, cap. 47.

Liber

Liber tertius artem mansuefaciendorum falconum disciplinamque omnem venationis docet. Mares omnium specierum feminas animo excellunt. Tria pediculorum genera falcones infestant: primum maius, alatum, a Graecis falconariis nitras (nitres) appellari ait; alterum minus, longiusculum, tertium paruum albumque est, cap. 11. Quos auctor falconarios graecos intelligat, ignoro. Dum falcones mutant, quam primum saxelli exciderunt, de cibo eorum imminuere oportet, ne deinde pennas novas iterum amittant, quem morbum a graecis scriptoribus Cleragram appellari ait, cap. 22., cum κληρος graecis saxellus audiat. Aquilarum species septem numerat; duas, nigram seu regalem, et rufam minorem, Ellion, nominat; deinde de periculo falconum monet, quos aquilae saepe impetunt et secum abripiunt, cap. 27. De colore pedum tractat caput 29. Falcones, qui in insulis nidificant, aibus marinis variis victitare coguntur; quorum pulli si diutius in vicinia nidi commorati eundem victum frequentant, forte hinc colorem pedum caeruleum trahunt. Qui contra alio migrant, medium inter caeruleum et flauum colorem, viridem scilicet, induunt. Quod si deinde terrestrium auium carnibus, columbarum turdorumque inprimis, pasci fuerint, quo diutius extra maris oram commorati fuerint, eo pedes habent magis flauos. Hanc esse putat causam, quod Lanarii et Sacri, qui viciniam maris amant, sauri pedes caeruleos gerunt, qui color post primam mutationem cum aetate paulatim in flauum transit. Generatim vero aues omnes rapaces in migratione capti cum libertate pedum rostrique colorem mutant. Egregiam hanc viri peritissimi obseruationem in colore pedum ardearum charadriorumque cum aetate mutatae saepe confirmatam animaduerti; nec erat, quod illustris BYFFONVS Sacrum et Lanarium propter pedum colorem caeruleum a falconum classe separandos censeret, etsi aliae rationes eandem opinionem probabilem fatis reddere videntur.—Plumagii quatuor partes facit, dumam (le duvet), plumas (plume menue), vannos et pinnas decem. Prima pinna cerceau, altera la longue penne, tertia l'avant-longue appellatur; in asture contra quarta pinna longissima omnium est atque appellatur, cap. 32. Sublime petunt falcones, sole incalescente, coelo sereno, post niuem aut pluuias, aut cum eas praesentiunt. Sacri et Lanarii et inprimis Barbarici mense Martio id facere solent horis meridianis. Inter alia remedia bracas (le brayer) cum dumis ouariae ad viuum refecare iubet, et perunctum oleo omni expresso aceto inungere, cap. 40. Caput 47. otidis cum falcone pugnam narrat. Quam primum ex grege otidum vna auolare conabatur, falco instans in terram eam deliciebat vnguibusque prehensae iugulum elidebat. Hanc depraedationem falco idem per plures dies hora matutina fere decima repetebat.

Quartus liber de partibus interioribus et ossibus falconum adiunctas habet tabulas duas, in aere expressas, quarum prior skeleton auis rapacis ab anteriore facie

facie conspiciendum et paucis litteris notatum, altera vero a dorso visam ossream compagem sinit, ubi costarum forma cum vertebrae dorso atque inuicem varie colligatarum praeclare exprimitur pictura. Iure igitur mihi in optimarum, quas de auium sceletis habemus, iconum numero collocandae videntur hae duae tabulae; quemadmodum ipsa etiam ossium enarratio adiuncta illis plurima habet annotatione atque admiratione digna, quae frustra alibi quaesiveris. Iudicium tamen lectoribus omne permitto; cuius causa praecipua loca inde excerpta ponam. Omne auium corpus in tres regiones distinguit, et regionis cuiusque partes singulas ordine enarrat. Oesophagi fibras musculares triplices diuerse positas distinguit, le sachet prolobum, la manche, ventriculum membranaceum la mulette appellans. Felleae vesicae ductum ipsi ventriculo inferi, selque ipsum quous mane post factam ciborum digestionem ventriculo infusum stimulum amaritudinis sua addere ad reiciendas ciborum partes duras (la cure), praeterea etiam canalem intestinum ciborum lubricum reddere, fordibus tenacibus purgare, sanguinem attenuare, lumbricos eiicere. Ex carnibus praeter ossa plumasque vomitu reiectas praeterea ventriculo tamen adhaeret materia tenax viscosa, quae tandem in membranam coit, quae digestionis aui ipsique eius adeo sanitati multum officit. Gallis haec pellicula le double de la mulette dicitur. Oculum fere immobilem in latum utrinque retrahi non posse, ut in homine, sed in obtutu collum vertebrae 12 compositum varie flecti; pupillam tamen ipsam angustam latioreque fieri variis auium affectibus, quem motum clariorem esse in iis, quae iridem griseum aut flauum habent. Oculos rapacium auium magnos pro ratione corporis acie videndi reliquis praestare, in antica parte angustatos et tectos ab osse aliquo, quod a latere rostri procedens supercilium sustinet, igitur portefourcil dicitur. Nervos opticos solos esse cauos. Sternum appellat le grand os carcassier, humeri ossa les mahutes & furculam le fausil ou portefachet. Ratio nominis posterioris haec editur, quod cavitatem inter furculam recipit saccum gularem cibis repletum; comparatur igitur cum canali goulette dicto. Bene quidem; sed praeterea firmat furcula reliquam ossream compagem, quae alas sustinet. Imperator cavitatem inter furculam locum gorgiae appellat II. 19. et alibi. Omoplata, épaulette, costas iuxta spinam (os épinette) tegit praeter tres postremas, quarum ultima infra finem sterni non descendit. Omoplatam cum humero iunctam falci messoriae comparat. Processus costarum transversos quasi utroque fine cum costis connexos describit et pingit, ut cavitatem thoracis inspirato aëre inflata aequaliter distendantur costae. Spinam cum ossis sacri tegumento osseo lato, le croupion dicto, committi ex aduerso diaphragmatis. Costarum priores quinque spinae, reliquas duas tegumento ossis sacri alligari. Pulmones a colore rubro falconariis dici inepte rougets. Sternum in anteriore parte descendens ventriculi dimidiam partem obtegit in asturibus, minorem vero partem in falconibus. Igitur ubi sternum desinit, contactu ventriculo licet iudicare, an falco cibi reiectanea iusto tempore euomerit.

Ouari.



Ouarium feminarum, quas Falconarii les Formés, vt mares Tiercelets, appellant, pondriere audit. Offa pubis (porte-brayers) non solum abdominis pondus sustinere, sed etiam conceptioni, ouorum fordiumque exclusioni seruire. Caudam (le Couderon) vertebri sex compositam gubernaculi vices gerere, duodecim pennis singulis vertebri vtrunque senis impositis. Rarum esse numerum pennarum 13 caudae. Perunctum nomine gallico Couderon imprimis comprehenditur, quod humores corporis collectos eliminare putat auctor, cum ridiculo errore renes vretesque aubus negasset. Cum vero aues perunctum fodiant rostro plumasque et pennas pertractant, fieri hoc putat propter peruncti humoribus malis oppleti mordicationem et scabiem, non quod humorem oleosum inde rostro colligant, quo pennas inungant. Oleum enim plumagio non vtile esse. Haec auctoris opinio, etsi argumentis idoneis destituta, reperit tamen patronum doctissimum virum, REAUMVRIVM, qui pennas plumasque oleo suo abundantes peruncti copiis non indigere censuit in arte excludendorum ouorum ope ignis, p. 146. vers. germanicae.

Alarum primum os humeri est, Mahute, alterum, cubitus cum radio anterieus posito, recipit vannos, tertium, quod metacarpi loco esse dixi, maiorem sui partem anterieus tenuiorem posterius, contra secundi ossis naturam, positam habet, et sex posteriores pennas reniges recipit affixas. Propter formam os hoc appellat Os archet. Quartum quintumque os indici digito vindicat, iisque pinas priores 4 affigit, quarum primam Gallis Cerceau dictam Graecis scriptoribus *κλῆρον* appellari falso tradit. Alam pollicarem aileron appellat, quatuor ei pennas assignat, easque, vt reliquas, mutari ait. Falcones, Sacri, Lanarii, Girofalcones primas alarum partes non habent tam longas, quam astures, contra vero reliquas alarum partes aptiores volatui et longiores vsque ad faxellum gerunt. Intelligere videtur, maiorem cubiti humerique ossis longitudinem esse in falconum, quam in asturum, genere. Praeterea astures faxellos tres, falcones vero memoratos ante vnum modo habere; quod de longitudine primorum trium cultellorum minori in asturum genere interpretor. Ita etiam illustris BVFFON admonuit, falconum nobiliorum genus, vt Gerofalcones, Britannicos aut Sacros, Lanarios, Dendrofalcones, Smeriliones et Tinnunculum, alas fere ad apicem caudae pertingentes, faxellum aequalem fere sequentibus longitudine et acutum, contra vero astures, sparuerios, miluos, falcones aeruginosos et similes alas cauda multo breuiore, faxellum multo breuiorem, quartum cultellum omnium longissimum, falcones contra secundum cultellum longissimum habere.

Artuum inferiorum prima pars femur (hanche) proprio nomine caret, vt etiam altera, tibia (cuisse), tertia, quae metatarsi locum obtinet, gallicis falconariis aptissimo nomine porte-sonnette appellatur, quod illi campanula alligari solet.

Frider. Rel. Tom. II.

P

let.

let. Iuncturas digitorum, interioris quidem duas, medii tres, extimi etiam tres, postici vnam modo numerat absque vnguibus indutis phalangibus. Vnguibus aues non solum praedam tenent et lacerant, sed et sanguinem ex venis stagnantem eliciunt, corpus scabunt, atque in iisdem rostri mucronem acuunt. Caput 8. de carnibus auium rapacium carnes putredini minus obnoxias esse, ossiumque pedum alarumque fracturas multo faciliorem habere medelam tradit. Aues siluestres vulnera accepta aqua lauata facillime curare. Cap. 9. de coitu refert. Falco mas extremo mense Februario primus in nidum (aire) ascendit, quem sequitur femina; vbi si plures, vt saepe accidit, mares conuenerint, pugna decernitur de honore mariti. Post coitum mox exclusa oua viginti diebus excudunt. Qui in ora maritima Prouinciae Galliae habitant falcones, quindecim fere diebus partum montanorum antecedunt. Feminam ouis incubantem mas defendit et nutrit. Custodiam pullorum in nido nudo, saxo rupium imposito, alterna cura vterque parens suscipit, dum alteruter praedatum exit cibumque pullis accersit. Quodsi tum forte aquila nido appropinquauerit, custos socium clamore aduocat, atque inde vterque aquilam aggressus regione expellit. Nutriuntur primum pulli carnibus minutim decisis; deinde aues mortuas et deplumatas obiciunt illis parentes; cum vero nigrescere incipiunt, viuam praedam, sed debilitatam, tironibus lacerandam oggerunt. Coturnices et turtures ex itinere verno redeunt primas in cibo tradunt pullis, et praeterea, si quae in vicinia rupium maritima columbae aues marinae habitant et pullos suos excludunt. Cum primum volatum experiri debent, parentes sobolem clamoribus in vicinia rupium paulatim eliciunt, ibique cibo oblato faginant. Tirocinium post mensem Iunium cum nomine nidassiorum desinit, et tum vocantur gentiles; neque vltra parentes sobolis suae curam vllam gerunt. Aues rapaces sanguinem venarum stagnantem et corruptum vnguium mucrone elicere exemplis allatis docet cap. 13. Defluuium pennarum cum fastidio annuo humores corporis malos purgare putat; cum vero pennae mutari debent, rostrum prius saxo allidunt atque ita mucrone eliso cornu vetus nouo permutant. Plumas auium deuoratarum materiam humoremque ventriculi tenacem purgare, ideo loco pilularum vomitoriarum plumas inprimis falconibus, etiam dum pennas mutant, indendas censet. Eodem consilio ipsos falcones ventriculos turdorum iuniperi, baccis pastorum columbarumque, quae salem degustarunt, saepenumero deglutire. Falcones illi, quos liberos in silua vicina terrae suae nutrebat auator, quouis mane ante ortum solis silua egressi in vicinis rupibus surgenti solis splendori et calori corpus siccandum opponebant. Hinc variis alarum motibus volatuque mirum in modum variato adscendebant, descendebant, aut in aëre suspensi librabantur. Postea fame inuitante praedam aliquam quaerebant, et post pastum si forte incaluerant, in vicino fluuio lauabant aut aquam ipsam haustibus pluribus degustabant, capite inter quenuis haustum ad caelum resupinato. (Cap. 16. p. 262. 263.) Medicinae loco assumunt in cibo falcones ranas, serpen-

serpentes, lacertas, gryllos, muscas, cantharides, oniscos, lumbricos terrestres adeoque herbas; vidit eosdem auctor mannam et mora rubra in vicinis arboribus quaerere et decerpere. (Cap. 18.) De lapidis aëtitis natura etsi discernere non audet (cap. 20.), narrat tamen, se in aquila aliqua occisa iuxta commissuram renum (Croupion) lapidem ouatum eiusdem formae reperisse, quae aëtiti vulgo datur, qui siccatus deinde et manu ventilatus eundem etiam corporis inclusi motique sonum edebat. Certum praeterea esse, in multis etiam falconibus tales reperiri eodem in loco lapides, quos ex eadem materia aut reliquiis succi, quo ova ipsa finguntur, in feminis senescentibus aut vano coniugii desiderio languescentibus oriri putat. Caput 18. enumerat tres perdicum species Prouinciae Gallicae indigenas. Prima vulgarissima, rubra, (LINNAEI tetrao rufus, BVFFONT Bartavelle aut perdix graeca), deuexa montium loca, lapidosa et fruticibus oblecta, aut thymo serpylloque plena habitat, gratissima in cibo; quae si aliquando loca natalia relinquit, eodem tamen mox redit. Altera media magnitudine et carnis sapore vncias 28. et 30., etiam vltra, pondere suo aequat; montes constanter habitat, vbi per hiemem musco arborum victitat. Pectus huius generis colore coeruleo caeli siue floris lini tinctum, alibi rufo alboque apparet; ceterum griseis similes sunt. Est igitur species Europaea rubra dicta ab illustri BVFFONO, LINNAEO omissa. Tertia species grisea omnium minima saepius alio migrat ex loco natali, fame aut venatorum insidiis coacta. Omne perdicum genus quo vetustius, eo maiora excludit ova; ex maioribus ouis pulli etiam exeunt maiores, quemadmodum et illi, qui mense Maio et Iunio excluduntur, maiores esse solent, quam qui Augusto. Perdices Chio allatas sibiue visas graecae vulgari similes per cetera, voce tamen diuersas, specie etiam differre censet auctor (p. 283.). Est igitur, quam illustris BVFFONVS Francolinum seu perdicem Indicam aut Cypriam dictam forma corporis, pennarum colore, pedum calcaribus, voce et caudae pennarum gestatione a reliquo genere distinguit. Sed is primus diuersitatem non animaduertit, vt nunc CAROLI D'ARCVSSIA testimonio constat, quod latuisse videtur ill. BVFFONVM. Hanc postremam speciem attagenem veterum esse censeo. Rubra species cum euolat, magnum crepitantibus alis sonitum edit, quo facile a grisea specie multo leuiore et celeriore distinguitur, vt tradit auctor Conference des Fauconn. p. 36.; eandem rem de media specie tradit ill. BVFFON. Reliqua libri quarti ad falconum medicinam pertinent, vbi instrumenta etiam quaedam describuntur et pinguntur.

Liber quintus de Asturibus vnā eandemque speciem multis colorum in pinnis oculisque modis variari a coeli aërisque temperamento diuersoque cibo, quo aues pascuntur, statuit. Exhibet primum tab. 300. paginae appositae asturem nidarium saurum maculis in pectore oblongis et transuersis caudae lineis quinque, altera vero p. 304. appositae eundem mutatum maculis transuersis lunulatis

latis colli, pectoris ventrisque, iisdem in cauda manentibus. Cap. 5. asturem docet carnibus minute incis et aquae tepidae saccharo aut manna permixtae inditis pascere, quo melius morborum periculis occurratur faciliusque pennarum mutationem toleret. Cap. 16. aues rapaces breuium alarum monet vno conatu praedam capere (d'une haleine, quod falconarii à la toise, à la fource dicunt) celeriusque reliquis auibus de pugno euolare; quamobrem asturem solum vno conatu anatem capere. Eundem calore agitatum nimio adscendere volatu, omninoque aues, quo densius plumis dumisque vestitae sint, eandem habere consuetudinem adscendendi subito auolandique. Astures tamen nunquam tam alte, quam falcones, adscendere, et deinde sub vento in arbores vicinas descendere. Accidit saepe, vt astur in praeda deiecta incumbens auem totam prius deplumatam tacitus deuoret, vt tradit Auctor in Discours, p. 36. De sparuerio pauca tantum tradit cap. 25, vbi monet, falso quosdam tradidisse, sparuerios aliquos tredecim aut quatuordecim caudae pennas habere, cum ipse duodecim semper ibi repperit. Post librum quintum inferitur Sommaire de la Fauconnerie du Roi et des Vols que sa Maiesté a inventés, paginarum 9, quae iterum numerum 297 vsque ad 313 inscriptum habent. Pauca hinc excerpta ponam, quae defensionem auium ingeniumque earum monstrant. Ardea, quam tres simul falcones aggressi erant, rostrum proximo cuique opponebat, tandem vero fatigata alis apertis, pedibus antrosum versis, collo tamen reflexo cum rostro ad terram subito descendit et a falconibus comprehenditur. Alia vt falconum assultus effugeret, in cortem descendens gallinarum gregi se immiscebat. Alia contra solem adscendendo splendore lucis defendere se conabatur, p. 313. Coruorum carnem in cibo falconum vt noxiam defendit p. 308. Columbam ciliatam falcones abscissis vnguuium mucronibus venari traduntur p. 310. Columba ciliata recta via ad coelum tendit emissa.

In libro inscripto: Discours de Chasse: primum annotatur, canum scabiei optime mederi sanguifugas corpori adhaerentes, dum canis in lacum aliquem perducitur (p. 16.). Bubonem (Chahuan) difficillime per vnum vel optimum falconem capi, quoniam insequitur praeda vltro praedatorem eiusque dorso semper instat (p. 17.). Otis tetrax (Cannepetiere), postquam euolauerat, statim sibilum edebat ventremque sordibus purgabat; ex quo more natam puto narrationem ab Imperatore FRIDERICO etiam relatam, otidem his sordibus eiectis falcones arcere. Auem hanc celerrime ascendere et mense tantum Maio Prouinciam transire, affirmat Auctor p. 29. Picus viridis (Reche-bois) timens falconem ex arbore in arborem desultans facile hostis vngues eludebat (p. 40.). Aquilam regiam ipsam, quemadmodum palustrem, a falconibus animosis tandem deiici, contendit p. 41, aquilas vero aëre ventoso celerius volando ascendere multoque maioribus viribus resistere falconibus, quam coelo tranquillo et sereno. Sequitur a p. 44. ad finem catalogus auium indigenarum Prouinciae earumque, quae vere aut autumnno inde emigrant

grant aut aliunde immigrant cum designatione cibi cuiusque auium generis. Farii index hic multum ad emendandam versionem germanicam Itinerarii Prouincialis auctore PAPON, editam Lipsiae 1783, vbi pleraque auium nomina pessime fuerunt explicata vernaculis. Praeter alias nominat l'aronde de mer ou les barbeirois de trois sortes, le blavet, le sabat ou couvace, l'orfraye ou chapon sauvage, le milan noir, le muscat dit vautour, le rale de terre et le rale d'eau, le burichon ou roitelet, la longue langue dit coltors (torquilla lynx), le grimpe mur ou pince aragne (certhia muraria), le coccu gris et le coccu roux retirant de pennage à la cresserelle, (similiter Imperator retrahere de colore dixit ex Gallico ritirer), la sirene (quam puto FRIDERICI sirenem esse), l'aigle grise dite chasse serpent, quae vere omnes in Prouinciam immigrant, noctu fere, mense Martio et Aprili, vento contrario volatum adiuuante, sed leni. Deinde vbi victum auium per classes enarrat, primum septem aquilarum genera distinguit, atque inter eas nominat les saures qu'on dit elions, les autours, les esparviers, les faux perdrieux. Inter aues, quae insectis, fructibus et baccis victitant, nominat inter cornicum 5 species la corneille du bec rouge, la grosse corneille dite grailau, le rale de terre, le coccu de deux sortes, la syrene. Quartae classis aues animalibus insectisque palustribus et vermibus inhiant, la cannepetiere (otis tetrix), le coac, la pale (platalea), le merle bleu ou marin. Cadaueribus innutritur ex quinta classe le milan noir de deux especes, le muscat, le chapon sauvage dit orfraye, l'aigle grise, nisi ea serpentes lacertae in cibo assumere repertas potest. Sequitur distinctio ventriculorum per genera auium, vbi rapacium aliarumque auium ventriculum membranaecum et tenuem, Gallis la mulette dictum, ab omni canum genere in cibo abhorreretur, nec ipsas muscas facile in iis oua deponere annotat (p. 51.). Formicas lingua longa exserta captare picos, torquillas (coltors ou foruvier) et auem pupu (vpupam puto) dictam, tradit p. 53.

Postremus liber: La Fauconnerie du Roy: primo loco venationem milui exponit. Is in iustam altitudinem aëris elicitur aut retrahitur emissio bubone aliquo (Duc) caudam vulpis trahente; deinde immixtis pluribus falconibus miluus supra falconum viam ascendere conatur, sed exceptis variis praedonum ictibus ala hac illaue flexa vertit se in varias partes, tandem supinus vnguibus pugnat, victus clamat et denique colligatus hostium vnguibus deiicitur. Milui carnes ne falconibus in cibo permittantur, cauendum monet. Alio loco (p. 20.) falcones, etiam dum pennas mutant, ad venationem aptos esse docet, multosque suorum idem plumagium per tres annos continuos retinuisse, paucissimis mutatis, narrat. Ad venationem auium alti volatus (à la haute volerie), vt ardeae, honorem primum Girofalconi, alterum Sahino (les Faucons de haute maille), Sacro maiori et minori (Sacret) tertium, vulgari vero, quem versus Hungariam Balarin appellari ait, postremum locum assignat. Contra Lararios, Alphanetos et Aletas

ad perdicum venationem aptissimos esse; Aletam tamen, ut asturem, capta praeda se abscondere auemque deglutire monet (p. 12. 13.). Aquilam vnguibus tenentem serpentem grandem collo alisque praedonis implicatum subito delapsam ex aëre se vidisse narrat p. 19. Iudicium carnum falconum generi cuique vtilium petendum esse monet a natura sordium, quae quo albiore, tanto firmiorem auis sanitatem arguunt (p. 23.). Rationem, quae facit, ut multae aues nimis tarde aut nunquam plumas reiciant auium deuoratarum, (quod Galli curer appellant, ut pilulas, quae vomitum reiectaneorum adiuuant, cures), a macie auis fellisque defectu repetit; quare auem pilulis amaris purgare per vomitum docet (p. 24.). Exemplum duorum coruorum marinorum memoratur p. 27., qui a Belga aliquo mansuefacti et docti erant de pugno in pisces inuolare, quos ex fundo usque ad 4 librarum magnitudinem extractos atque in saccum gularem coniectos domino vocati referebant, gula ipsa corda constricta, ne interim pisces captos deuorarent. Falconem Sacrum (Sacret) Henrici II., Gallorum regis, Parisiis mense Martio post horam matutinam decimam aufugisse alteroque die hora quarta pomeridiana in insula Melita, 500 leucarum spatio intercedente, receptum fuisse, narrat p. 33. Probabilem vero hanc volatus celeritatem lectoribus putat fore, si recordati fuerint, mense Martio coitus desiderium libertatisque et patriae in hoc genere reuiuiscere. Praeterea monet, aues non minori celeritate descendere lapsu deuexo aut obliquo, quam ad perpendiculum, cum in illo itinere motus alarum descensum acceleret, in hoc vero corporis pondus solum deprimat auem. Simile est, quod auctor libro V. cap. 22. de asturum cura narrauerat, falconem in loco leuca vna Parisiis distante aufugisse eodemque die Coloniae fuisse receptum. — Falcones Balarins dicti, parui, nomen ab Arabibus propter volatus leuitatem accepisse, et capite nigro esse in Prouincia, Sardinia et Corsica, verum in insulis Balearibus et in Hispania flauis et maculis dorso (egalures) rufis, ceterum eiusdem plane speciei cum vulgari esse dicuntur, uti etiam Sahinus traditur (p. 38. 39.). Falcones etiam prioribus ouis ex nido sublati iterum ouare pullosque educare, asseritur exemplo (p. 40.). Falconem minutum (Falquet) hieme captum in Gallia memorat (p. 41.) senem, qui pluries iam pennas mutauerat, pedibus rostroque colore rubro ad aurantium accedente, vnguibus albis, pinnis vno eodemque colore griseo violaceo pictis, statura cuculi mutati. Hoc genus auium ad venationem ineptum Smeriliones sequi dicitur, ut reliquias praedae ab iis omittas deuoret. Ratio Smerilionum per hiemale tempus seruandorum docetur p. 43. Dendrofalco (Hobereau) ad venationem tuto adhiberi, nisi post mensem Octobrem, non potest; antea enim sequuntur hirundines, cum quibus etiam redeunt vere, ut cibo sibi gratissimo commode frui possint. Hanc vero praedam dendrofalconis non nominauit ill. BVFFONVS. Optime in venatione docentur comitari falcones et Smeriliones (p. 43.). Reliqua libri a consilio meo aliena omitto.

No. 2. SPORZINI liber primus enumerat quinque avium rapacium species, Aquilas, Miluos (*Milioni*), Girofalcones, Falcones, Smeriliones, Astures, *Astorrelli*, Sparuerios et Lanios (*Regevole falconiere*) omnium minimi honoris et pretii; quas in duas classes dispergit. Vna praedam ex sublimi inuolans ferit ungibusque tenet et rostro infixo vertebrae colli diffringit; ad eam pertinet Aquila, Miluus, Girofalco, Falco, Smerilio, forte etiam Lanus et quem appellat Astorrella. Alterius classis aves recta hostem via aggressae insequuntur nec sublimi euolant, pedibus plus, quam rostro, valent, praedamque occisam statim mordicando deuorant, cum genus alterum aves nisi immobiles non degustet; pertinent huc Astures et Sparuerii. Peregrinum falconem nidarium in Italia capi negat, variasque nominis causas excogitat. Statura sunt magna, media et parua, alii longo, alii magis minusue rotundo corpore, plumagio flauo, aeruginoso (*rosso*), brunneo, aut turturum. Omnis varietas alas longas, cultellos latos et caudam longiorem montanario habet. Volans alas raro motitat, subitoque ascendit; quo saepius mutauit pennas, eo gula albidior et plumagium fit cyaneum. Falcones *Trauersi* genus hybridum ex montanario et peregrino falcone natum, traditur cap. 3. Germanici peregrinis simillimi corona alba caput iuxta collum habent cinctum, cap. 4. Montanarii caput rotundum, superne eminens, rostrum breue et crassum habent; quo saepius mutauerint plumas, eo fit gula albidior, et maculae minores, cap. 7. Sacri caput superne planum et simile miluo cauda furcata habent; sauri a mutatis parum colore differunt, cap. 8. Lanarios sauros in vannis et coralibus postremis (*vannazzi et mantelli*) oculorum alborum speciem gerentes vulgo in Italia contemni ait, quod libertatis nimis cupidi sublimi petunt. (sanno la colonnata in aëre.) Caput 17. docet signa aetatis et numeri mutationum cognoscendi. Generatim igitur narium foramina perfecta (seu ampla, ut puto), maculae pectoris minutae, gula albida pedumque et tibiæ cutis laevis senectutem arguunt. Girofalcones et miliones per gradus ascendere et praedam insequi dicuntur contra, ac reliqui falcones, cap. 44. Milionem Girofalcone paulo maiorem, caput simile Peregrino, rostrum crassum, oculos nigros habentem memorat cap. 12.; altero vero loco, cap. 44., milio insequi dicitur milionem cauda furcata insignem, qui alio nomine forcelluta appelletur. Hic vero an idem sit cum *Nibio* cap. 8. dicto, et Milano dalla coda forcelluta, ignoro; hoc vero ex postremo loco apparet, auem Nibio dictam miluum esse; cortes enim depraedari eam additur. Sparuerios Orientales habuisse ipse testatur, qui tredecim et quatuordecim caudae pennas gerebant, venando egregii, cap. 25. libri II. Germanicos fere omnes plumulas in tibiis et pedibus (inter squamas, credo, enatas) habere atque ita nosci, tradit cap. 27. Libri tertii cap. 2. iudicium sanitatis ex pilularum plumacearum, bombacinarum, canabinarum et linearum visu, cum vomitu reiciuntur, cap. 3. excrementorum ex colore et natura docet; vermium genus Filandre dictum omnibus Falconibus inesse, sed, nisi macris, nimium non nocere, satis probabiliter docet cap. 15. Habitare dicitur iuxta

iuxta renes membranula aliqua peculiari inclusum; quare medicamentis omnibus facile resistere, sed veluti inebriari allio mundato et oleo delibuto, quod falco deuorauerit. Coitus desiderium in sparueriorum genere cognosci aliquo veluti farinae flore cinereo et pallido adperso plumis medii colli usque ad postremam dorso spinam, cap. 25. Artem inferendarum pennarum ruptarum scissarumque docet cap. 28. De inferendis caudae pennis cap. 29. Perunctum dicitur *Codirone* (alias Codione, Codrione) et mediae caudae pennae *Coperchi*.

No. 1. Caput primum Georgiani libri pingit Falconem peregrinum; de corona capitis auctor haec ponit, quae non satis intelligo, dialecto Veneta scripta: prima habbia uno scriminale che si parta dalla becchera et vada sino a mezo il capo et sia bianco a similitudine di uno scaione, et habbia una ghirlan da bianca che gli pigli tutta la rotondita della testa, et tre scaioni che si partino da questa ghirlanda et vadino verso il collo, et siano bianchi non troppo lunghi. Ptolemaeum regem de bonitate carnis ardearum ita laudat p. 31.: ma Tholomeo Re d' Egitto allega il contrario dicendo, che naturalmente tutti gli uccelli che vivono di pesce, rane, bische et altre generationi di vermi venenosi, sono di malissima digestionem, et che 'l suo sangue è opilativo et generativo di mali humori, ancor che paia che piaccioano tali pasti alli Falconi per la sua dolcezza. Ex quo loco suspicor, in libro aliquo vetustiore de arte falconaria exstare epistolam AQUIAE, SYMMACHI et THEODOTIIONIS ad Ptolemaeum regem multo integriorem ea, quae in ALBERTI et VINCENTII libris excerpta legitur. Sanguinem corui calui, anferis (oca Farone), corui marini appellati cornizaro, coruastru, qui coruus Melitenfis dicitur, cornicum (cornacchie, taccole, gaze) et corui eremitae, vtpote falsum, cauendum monet p. 31., et de multarum auium carnibus iudicat. Auium rapacium, quas enumerat, nibii reali e neri (milui regalis et nigri), baurde, poiane da posta, aquilastre, albanelli, allocchi detti oleba (alucones) et barbagianni (bubonis quasi barbati) carnes male sanas cum sanguine censet, cerebrum vero inprimis strigum in cibo sumtum vermiculos creare (p. 32.). Iudicium sanitatis ex stercore (finaltiture) p. 33., ex pilulis (borgature appellat, quas SFORZINO purghe) p. 35. docet. Morbum petram seu lapidem FRIDERICO ALBERTOQUE dictum *calcinazzo* appellat; alium *soda* appellat p. 40., cum prae dolore auis caput huc illuc motitat, oculis clausis. Sileram ALBERTO dictam *flarano*, guttam mortalem eiusdem *gotta mortale* appellat. Verba ALBERTI: grana rubea, quae crescunt in spina alba, quae germanice hagedorn vocatur: ita interpretatur GEORGI p. 63.: certi grani rossi da Greci chiamati agedron. IORDANVM aliquem, veluti optimum falconariae artis magistrum et scriptorem laudat p. 64., quem aliunde non noui. Fueritne fortasse idem IORDANVS RVFVS, cuius de cura equorum liber manuscriptus adhuc exstat? GVILELMVM Neapolitanum p. 92. et saepius, Magistrum ANTONIVM et LVCHINVM (Luchino) p. 96.



p. 96. vt falconariae artis scriptores laudat; GVIDO vero p. 99. nominatus est fortasse medicus et chirurgus nobilis satis. Caput vltimum de pennarum mutatione (p. 104.) triplicem rationem explicat. Auis enim aut soluta sub diuo, aut domunculo inclusa (alla grada, quod SFORZINO alta pietra dicit, quoniam auis saxo alicui insidens in domunculo mutat), aut pugno insidens inuat; tertiam hanc rationem ignorat SFORZINO. Vnguibus primum et rostri mucrone ad viuum abscissis forcipe iubet decidere primam, secundam et tertiam pennarum, quas partitori appellat, cum supra adstantibus tegetibus (soprapartitori), relicta quarta et quinta cum saxello (spadetto). Fieri hoc monet, ne falco mutandus nimium alis se diuerberet; videntur ergo pennae partitori dici cultelli, primusque eorum spadetto. Tubum pennarum appellat canone. Desinit in enarranda ratione mutandorum falconum, quam ingenio suo repperat SIMONINVS.

Praeterea a CAROLO D'ARCVSSIA I. cap. 17. nominatos reperio artis falconariae magistros IOHANNEM DE FRANCHIERES, MOAMVM, GVILLIMVM, et GINCENAS, quos aliunde non noui. Alii nominant CHANTELOV'CHE DE LA GONA, MALOPINVM, MARTINVM, CASSIANVM, MICHELINVM et MERCVRIVM aliquem.

Ex libro quarto loco nominato pauculas observationes, quas ad rem pertinere existimo, excerptas ponam. Mas perdicis griseae cutem inter oculos et aurem, cristam appellant, colore igneo, et sub stomachi regione maculam calcei equini forma colore Minimorum expressam gerit; eadem macula in femina iuniore dimidio minor adest; et crista colorem habet carneum. Femina saepius mutata pro macula ista pauculas notas colore foliorum siccorum gerit. Sed quaedam tamen feminae maculam maribus maiorem habent. Mas perdicis rubrae a femina, nisi magnitudine, non differt, praeterea calcare breui, quod tamen in vno alteroue feminarum pede etiam reperire licet. (Libri II. praefatio.) Cum perdice illice mares tantum eos capi asserit (p. 76.), qui coniuge carent feminasque adeo reliquas importuni in ouorum incubatione impediunt. Scolopax rusticola medio mense Octobri in Galliam aduenit, et Martio inde migrat. Vix nisi vulnerata eodem in loco ultra octo aut decem dies commoratur, humi inter densarum arborum tenebras latitans vermesque in terra quaeritans. Sub noctem ad aquas et prata vicina transit, vbi aqua sitim exstinguit et rostrum limo oppletum perluit; cum diluculo deinde ad siluas redit, quarum latus volatu humili legit, donec per partem aliquam apertam et liberam transire intus possit (p. 122.). In venatione coturnicum per illicem annotat, ante solis ortum et post eius obitum aut tempore pluuiis, cum agri et prata rore madent aut pluuiis, coturnices ad illicem non accurrere, sed volatu celeri appropinquare (p. 136.). Pluuiales dictae aues societate magna gaudent et toto die volant. A festo inde S. Michaelis in Galliam adue-

Frider. Rel. Tom. II.

Q

adue.

adueniunt, extremo mense Martio inde migrant. Magno in frigore loca mari vicina, postea loca edita frequentant. Agros vt plurimum confitos depascuntur, aquis deinde rostrum pedesque perluentes. Arboribus nunquam insident, sed in campi libero aliquo et tranquillo a ventis loco conquiescunt; nocte tota vagantur huc illuc et vermibus terrae instant, saepiuscule inter se appellantes; redeunte deinde die recollectae auolant. Cum volantes in aëre alias humi confidentes animaduertunt, appellant eas et saepe descendentes immiscentur illis. Amant praeterea societatem vannorum, charadrii Morinelli et tringae Hypoleuci (*guinardo* et *guinettes*), sed facilius capiuntur, cum solae incedunt (p. 153.). Anseres, anates et querquedulae, aquis relictis vespera, cum diluculo illuc reuertuntur, per turbas diuisae, noctem in fatis degunt vicinis (p. 175.).

BEDAM auctorem laudat, vbi de accipitrum cura, mutatoriis domunculis, reclinatorio, ciliatura et laqueolis pedum tractat BARTHOLOMAEVS Anglicus de Proprietate rerum, XII. cap. 2. Quae cum ex BEDAE libro de natura rerum ducta esse suspicarer, editionem operum BEDAE inspexi, sed similem locum nullibi reperi. Antiquissimus igitur scriptorum de arte falconaria merito habetur BEDA, Anglus, qui seculo octauo medio vita excessit. Isto vero aevo ars falconaria in Germania nostra principum et clericorum usu magis frequentata atque exculta fuisse videtur, quam alibi. Rex enim Cantiae, HEDILBERTVS, BONIFACIVM, Moguntiacum Archiepiscopum, vt falcones sibi duos mittat, quorum ars et artis audacia sit grues velle libenter captando arripere et arripiendo consternere solo, rogat in epistola laudata a CANGIO in Glossario latino sub voce Falco. Idem BONIFACIVS in epistola ad ATHEBALDVM, regem Merciorum, direximus, inquit, tibi accipitrem vnum et duos falcones. Denique Synodus Ticinensis anni 850. capite 4. cauet, ne clericus canibus aut accipitribus vel capis, quos vulgus falcones vocet, per se venationes exercent. Vocabuli *capus* pro falcone vestigium exstat in SERVII, grammatici antiquissimi, commentariis ad librum decimum Aeneidos, vbi Tuscorum sermone falconem appellari ait *capys*. Seculi noni scriptor, THEODVLVS, carminum IV. 8. VI. 26. capos cum accipitribus nominans a capis anates, ab accipitribus anserem perini memorat. Idem vocabulum ex ODONE, Cluniacensi, Gallo, seculi decimi scriptore, affert CANGIVS, qui ex glossis PAPIAE Italicum nomen esse annotat. Denique ex locis veterum graecorum et latinorum scriptorum et reliquis, quae ex CANGIO laudaui, non improbabili coniectura colligit THOMAS PENNANTVS in Zoologia Arctica, aucupium hoc in regionibus septentrionalibus primum inuentum atque artificijs variis excultum hinc ad alias nationes serius translatum fuisse.

Ordine temporum secundus a BEDA numerandus erit artis falconariae scriptor ALFREDVS Anglicus, quem cum GERARDO Cremonensi, MICHAELE Scoto  
et

et HERMANNO Alemanno (eodem sine dubio, qui vulgo Contractus a morbosa corporis natura appellatur,) inter linguarum politarum interpretes, qui infinita in latinum sermonem conuerterunt, numerat ROGERVS BACO in libro de vtilitate linguarum, vt tradit IO. LELANDVS cap. 183. Huius librum manuscriptum de motu cordis alterumque de educatione accipitrum commemorat LELANDVS; praeterea eundem ARISTOTELIS de plantis librum commentariis illustrasse ait, quem ipse vocat ALVREDVM. Hos commentarios excerptis fere totos, vt conicere licet, BARTHOLOMAEVS Anglicus libro XVII. de Proprietatibus rerum, auctoremque ALFREDVM nominat. Eundem ARISTOTELIS librum ALBERTVS MAGNVS verterat et commentariis illustrauerat, vt annotat BARTHOLOMAEVS l. c. cap. 2. p. 782. ed. Francof. 1601. Nouam translationem eius libri nominat cap. 11., sed dubitari potest, ALBERTI ea an ALFREDI sit intelligenda.

Haec postquam scripseram, accepi a viro doctissimo, I. R. FORSTERO, transmissos libros aliquot falconariorum Italicorum, quorum mentionem omittere hic nefas puto. Praeter editionem FREDERICI GEORGII, Brescia 1607, quae adiunctas habet figuras auium rapacium aliquot ligno incisas, sed ad rem nullo modo pertinentes, eodem volumine continentur: Dell' arte del Strucciero con il modo di conoscere e medicare Falconi, Astori e Sparavieri e tutti gli uccelli di rapina. Adornato con le sue figure. Del Sign. Francesco Carcano, nobile di Vicenza. In Brescia, 1607, in 12ma forma.

Prima statim pagina formam instrumentorum exhibet ligno incisam cum breui interpretatione; reliquae figurae, nimis minutae et a disciplina ipsa alienae, auium rapacium naturam nullo modo illustrant. Totus liber morbos auium rapacium pertractat per singula eundo membra, methodo ea, qualem ab homine physiologiae imperito expectes; medicinas non adeo multas adhibet, et de multis experimenta sua interponit. Morbum aliquem falconum cap. 8. *capo forno* appellat, cum auis caput huc illuc motitat prae dolore, atque interdum de pertica cadit. Vermes *filandre* dictos omnibus falconibus a natura attributos esse asserit, nimis tamen copiosos et auibus macilentis nocere, cap. 15. Artis falconariae magistrum FREDERICVM ZORZI laudat cap. 23., alterum HIERONYMVm CORNARIVM cap. 30., denique MANOLI, graecum falconarium Domini BARTHOLOMAEI ALVIANI famosissimum, nominat ibidem. De mutatione pennarum agit cap. 25. Primumque incommodum, quod mutationem impedit, ponitur desiderium coitus, et feminarum grauiditas, quam ex clamore agnoscunt periti. Sparueriorum desiderium et amor manifestatur flore quasi aliquo farinaceo coloris pallidi cinerei medii colli superne vsque ad mediam dorsi spinam plumis adperso. Accidere hoc malum ait et inprimis cauendum esse a medio mense Aprili vsque ad finem Maii. Ad maturandam pennarum mutationem in cibo

Q 2

laudat

laudat glandulas seu nucas sub gula arietis castrati pendentes; falconem pennis alarum denudatum nec volare valentem *grotto* appellat, cultellos et vannos *torrelli* et *vanacci*. Reliqua excerpere, non operae pretium est. Sed de flore farinoso plumarum colli et dorsi in sparueriis amoris desiderio euocato quae tradit, egregie illustrant locum Imperatoris FRIDERICI I. cap. 46., vbi ardearum bifarum plumas et pennas tempore coitus flore quodam pulueroso et biso insigniri ait. Videtur autem genus peculiare ardearum aliquod bifas dicere; et video nunc in libro Italico, quem statim nominabo, ardeam regiam alio nomine *airo-ne biso* appellari (p. 107.).

Delle Caccie di Eugenio Raimondi Bresciano libri quattro. Aggiuntovi 'n questa nuova inpressione il quinto libro della villa. Hic libri titulus additam anni lociue habet nullam notam; sed dedicatio nominat annum 1626. A capite inde sexto libri I. p. 41. vsque ad finem septimi pag. 137. natura auium rapacium, earumque educatio, et disciplina omnis venatoria et medica explicatur; sed haec omnia cum toto libro ex pluribus aliis transcripta nullam proprii vsus commendationem habent. PTOLEMAEVM regem de carnibus auium falconibus salutaribus aut nociuis laudat p. 108.; FRIDERICVM GEORGIVM p. 110. Locum CARCANI de flore plumarum (ipse pennas male nominat) farinoso in sparueriis amore languentibus iisdem verbis repetit p. 112.; praeterea omnes medicinas ab eo allatas in librum suum transtulit, tam inepte, vt iisdem verbis propria experimentu etiam iactare videatur.

EX IO. PETRI OLINA egregio libro: Uccelliera, Romae 1684., laniorum, quos quidam curiosi olim ad venationem educatos adhibuere, nomina haec annotabo. Romano igitur in agro audit lanus *Castrica*, in Toscano *Verla*, in Lombardia *Stragazzina* vel *Ragazzola*, alibi *Falconcello* et *Gaza sparviera*. De toto hoc genere asserit, mensibus Iulio et Augusto in arboribus voces auicularum imitantes cantillare eoque dolo aues iuniores allicere et occidere, postea vero voce vniformi strepere. Eadem de lanio minore affirmat FRISCHIVS noster in explicatione tabulae 61.; itaque nulla dubitatio esse potest, quam auem nomine venatricis (*ἀγρεὺς*) intelligi voluerit AELIANVS VIII. 24. De tempore ab OLINA statuto dubito; ipse enim minorem lanium mense Maio extremo suauiter cantillantem audiui. — Porro OLINA p. 52. sparuerios et miluos retibus capere docet, pictura apposita. Miluus quomodo emissio bubone, cauda vulpina pedibus appensa, a falcone capiatur, docet p. 56. Perdicem rubram in Italia *Coturno* et *Coturnice*, alteram vero minorem magisque vulgarem (pedibus non rubris) *Starna* audire, refert p. 57.

Poterunt

Poterunt facile catalogo huic attexere multos alios, imprimis gallice scriptos, de arte falconaria libros, quibus usus publicarum copiisque abundantium literariis bibliothecarum catalogorumque conceditur, quo mihi carendum est. Verum ex eiusmodi notitiis ad rem ipsam disciplinaeque incrementum parum proficitur, nisi simul argumenti summa lectori proponatur excerpta. Non despero tamen, fore, qui, perspecta rei utilitate, ex hoc initio a me facto, operam hanc in commune historiae naturalis bonum iterum susceptam continuant etiam cum felicio-  
re euentu.

---

# INDEX VOCABVLORVM,

Q V A E

A FALCONARIIS GERMANICIS ACCEPTA

POSUIT FRIDERICI INTERPRES GERMANICVS.

**N**on ingratum fore spero hunc indiculum non tam artis falconariae studiosis, quibus equidem scribere nolui, quam historiae naturalis et patriae linguae studiosis. Multa enim hic reperient vocabula, quibus augeri lexica nostra quamuis optima possunt. Quorum qui originem sagacius indagauerit, quam mihi facere vacauit, antiquitatum huius artis partem non exiguam simul is illustrabit. Sunt praeterea viri docti quidam, qui oblectandi animi causa aut, ut auium rapacium ingenium propius inspiciant, libros de arte falconaria scriptos legere non dedignantur. His igitur etiam prodesse cupio. Si qui praeterea libros de venationis hoc genere aut auium rapacium volatu et ingenio scriptos interpretari Germaniae nostrae voluerit, haud raro ad intelligenda artis vocabula hoc indice adiuuabitur. Denique falconariorum ingenium excogitauit multa verba, quibus corporis partes singulas earumque formam in auibus rapacibus signaret. Haec vero equidem, utpote communi magistrorum artis consensu approbata, magnopere etiam in methodicam scriptorum nostrorum Ornithologiam recepta vellem, ut factum cum vocabulo *cera* videmus a LINNAEO. Ita scilicet non opus erit, ingenio ut quisque suo nouus compendii auctor abutatur ad congerenda vndecunque aut fingenda vocabula noua, quae lectoribus saepenumero aut nauseam creant, aut ignorantiam sermonis latini et germanici arguunt.

Affamatae penuae Interpreti sunt *gestuppte*. Gallis *affamées*, Italis *affamate*.

Annuli ferrei aut aenei, seu maculae loricarum II. c. 38., *die Mallea*, a macula aut gallico *maille*.

Area ex Gallico *Aire*, nidus, *Horst*, ex quo nidificare *horsten*.

Affecura.

Affecurare se falco dicitur, cum ex terrore animum recipit et ad quietem redit, ex gallico *s'affûrer*.

Aucupium seu venatio cum falconibus *Federspiel*.

Bibere aquam *schöpfen*.

Bracalae, Gallis *Brayer*, nostro *die Federn am Bruck*, II. 19.

Campanella pedibus alligata *Bell* aut *Rolle*.

Capellum, Chaperon, nostris *Haube*, vnde capello induere *aufhauben*, etiam *aufkappen*. Duplex eius genus *Rausch* et *Streckhaube* dicitur.

Cannula pennarum, tubus cartilagineus seu corneus nostris *Kiel*.

Capere praedam *vergießen*. An ex gallico *fondre sur l'oiseau*, cum falco auem cum impetu aggreditur delapsus?

Caudam II. 19. versus caudam *bis an den Stofs*. Alias caudam *Staat* interpretatur.

Cera Gallis *couronne*, nostris *Ring*, i. e. annulus.

Ciliare, *ciler*, *bloire* Gallis, vnde *éblouir*, nostro interpreti *aufbräuen*, et cum cilium dimidium attrahitur, *mit halben Aug*, aut *mit einem Schein*. *Braue*, *Braue* vetus vocabulum palpebras et cilia significat. Cf. FRISCHII Lexicon. Deciliare nostro *lofsbräuen*. Palpebras ipfas appellat *Schellen*.

Circumire in pertica aut sedili, de falcone inquieto, *betteln auf der Reck*.

Clamorosi nidarii II. 30. nostro dicuntur *sie lahn*.

Concoquere cibum *verdruken*.

Corales pennae *Flaggen*.

Corporis truncus *der Stelzel*.

Corrosae pennae II. 30. *gebinzt*.

Costa

Costa pennatum, LINNAEO rachis, *Schaft*.

Digitus interioris vnguis, quo cibus laceratur et inciditur, *Atzklaue*. Cibus enim *Atz*, vnde *atzen*, cibare, *atzhitzig*, famelicus.

Diuerberare se, Gallis *se debattre*, nostro *springen*. Cum falco territus caudam et alas aperit, II. 58., dicitur *Engel machen*, i. e. angelum simulare.

Dorsum et spatium inter vtramque spatulam seu humerum *das Dach*, II. 24. et alibi.

Dumae seu lanulae *der Dunst*.

Empiniones, Gallis *Paileron*, *die Mesquen* nostro. Forte a gallico vocabulo *mesquin*, i. e. minutus, parvus.

Femur *die Diehn*.

Ferire dicitur falco talo *schlagen*. Gallis *frapper*. Contra cum falco praedam vnguibus comprehendit, Galli *lier*, nostri *binden* dicunt.

Fileria, credenzia, Gallis *filiere*, nostris *Lockschnur*.

Filo ligare alas, ne falco se diuerberet, dicitur interpreti *aufbreelen*.

Flagellare alis II. 52. *balliren*.

Gentilis falco *Schlechtfalck*.

Griseus color Interpreti dicitur *eluh*; nescio, vnde.

Guttae plumarum dorfi *Troepeln* pro *Troepfeln*; Gallis, vt puto, *égatures*.

Gyrare volando, in gyrum volare, *ringhohlen*.

Humeri os *dis Spale*. Ex Italico *spalla* deriuat FRISCH.

Iacti *die Schuhe*, i. e. calcei.

Iuncturae alarum mediae, seu impulsorium, c. 19. libro II., *die Hacken*.

Laxari



Laxari ventre, *spretzen*.

Longa, Gallis *la longe*, nostris *Langfessel*.

Loyrum, Gallis *Leurre*, nostris *Lujer*, alias *Luder*, pro esca. Caro, quae escam praebet, *Lockfleisch*, *Lockblanck*.

Lumbi, *die Lahnen*. Cum falco retro se diuerberat, *durch die Lahnen gehn*. FRISCHIVS habet *Lanke*.

Malleolum, *Falckenfack*.

Manfuefacere falconem ad standum super pugno, II. 49., *den Falcken lock-machen*.

Margo plumarum discolor, II. 24., *Plumage*, pennarum vero alae *Blume*, i. e. flos, dicitur.

Mutare pennas iusto citius I. 57. *schlingern*.

Mutatus semel falco *Hagard*, bis et saepius *forſcher Hagard*. Qui mutationem primam nondum perfecit, *Lapart*, nescio, unde.

Nascentiae in pede ap. ALBERT. cap. 19. *die Binn*.

Passagio (de) capti falcones, *Dreckfalcken a drehen*, i. e. trahere aut migrare.

Peregrini falcones, *fremde Falcken*.

Pertica, *die Reek*. Cf. FRISCHIVM sub voce *Rick* et *Riechvogel* de bubone.

Perunctum Gallis *Couderon*, Italis *Coderone*. Interpres primo loco *Oel-drüſen*, sed II. 48. et 69. *die Staud* appellat. Perungere pennas, *die Federn durch den Staart hohlen*.

Petra, aliis lapis, morbus, cum sordes nimio calore in speciem lapidis induratae intestinis haerent. A calcis et cretae similitudine Gallis *la croie*, Italis *calcinazzo*, nostro interpreti *die Frons*, nescio, unde.

*Pillard* Gallis dicitur falco, qui socium venandi detrectat eumque impetit, aut praedam ei rapit. Male interpres vbique scribit *Billard*.

Frider. Rel. Tom. II.

R

Pili,

Pili, aut qui inter pilos et lanulas mediae sunt plumae pullorum, II. 8., *Feufelshaar*.

Pilositas pennarum et plumarum vtrinque costae *das Glänzel*. Costam cum pilositate vulgo *die Fahne* dicimus.

Pluma tactum falconem mansuefacere et reuocare ex terrore, *spinnen, abspinnen*.

Plumata II. 48. *das Schleimfel*, eam cum euomit, dicitur *schleimen*.

Plumagium, nostro *Gefürt*, alias *Gefieder*.

Podagra ap. ALB. 18. *die Binn*, alibi *Binnemann*.

Ramagii falcones *Decklinge*, vt nidarii *Nestlinge*.

Saurus falco, *rother Falck*.

Saxellus, prima penna alarum, *Seule*, pro *Säule*, puto.

Sedile, cui falco alligatur, *die Fule*.

Stercus falconis, *der Schmelz*, emittere st., *schmelzen*. Gallis *l'esneut, esmut, esmutir, émeutir*, etiam *croller*, Italis *smaltitura*.

Sternum, *Borstbein*, pro *Brustbein*.

Sternutatio cum fluxu narium ALB. C. 18. *die nasse Frons*.

Subaxillaria ossa I. 33. *die Uchse*.

Substitiosus falco in morbo appellatur a FRIDERICO apud ALBERT. C. 20., vbi editio mea vocem germanicam *grimal* habet; sed Interpres, nescio, vnde, sed recte, posuit *das Hungermal haben*.

Talus falconis, *die Fangklaue*.

Tinea balneatoria, *die Badbrennte*. Cf. FRISCHIVM sub voce *Braente, Brennte*.

Tira-

Tiratorium carnosum, *Zieget*, nervosum, *kalter Flügel*.

Tornettum, *die Drahle*, a *drehen*, *drahen*, i. e. girare, tornare.

Trahina, Gallis *Traine*. Cum ostenditur falconi, dicit Interpres *trainen*, cum cibatur eo, *Vorloß geben*.

Venter seu ouaria, *die Bruck*; vnde Bracalae *die Federn am Bruck*. Cf. FRISCHIVM sub voce *Bruch*.

Viridis pedum color, *bitur - Fuß* audit Interpreti. An a similitudine pedum, quos ardea stellaris, Gallis *butor*, aliis *bittor*, habet?

Vox falconum ad coitum prurientium dicitur *falzen*; alias *balzen*.

Volatus falconum vti habet varios modos, ita et suo quisque modus vocabulo designatur. Primum igitur, quod ALBERTVS c. 3. dicit celeri volatu ascendere, Interpreti est *kliemen*, vulgo *klimmen*; Gallis *monter*. Deinde: ex obliquo descendere: Interpreti: *einen Bund machen*; sed Index interpretatur hanc phrasin de arcu, quem aus facit in descendendo, quando praedam ferit aut capit. Porro ALBERTVS vbi descendere dicit, Interpres *streichen*; Index vero hoc verbum interpretatur de plano falconis volatu. Cum falco descendit infra auem, nec eam ferit, Interpres ponit: *den Durchgang geben*; sed idem c. 3. eadem phrasi reddit latinum: ictum dare; quod longe aliud est. Cum falco super auem insequitur volando, donec videat eam in proportionato situ percussione, Interpres ait: *bis er ihm einen Stecken gesteckt hat*. Alis suspensis pendere in aëre interpreti est *hängeln*; in gyrum volare *ringhohlen*.



D E

# VOLATV AVIVM RAPACIVM

## OBSERVATIONES.

**P**rodiit, sed in paucorum manus pervenit, ut video, egregius liber et exquisitis ad naturam avium rapacium earumque volatum venationemque illustrandam observationibus refertus, hoc titulo: *Observations sur le vol des Oiseaux de Proie. Par M. Huber, de Genève. Accompagnées de figures dessinées par l'Auteur. A Genève, chez Paul Barde, Imprimeur Libraire, 1784.* Constat foliis quaternis sex et dimidio cum tribus et dimidio foliis tabularum in aere excusarum; unde excerptas ponam et in compendium commodumque in ordinem redactas observationes eas, quae tabularum et figurarum in eis pictarum ope adeo non indigent, ut plane intelligi non possint. Postquam vero volatus instrumenta satis explicavimus in commentariis ad librum FRIDERICI, et quicquid sectionum anatomicarum ope et sagacitate indigebat in structura corporis atque imprimis alarum machina et volandi artificiis, diligenter collectum ex virorum doctorum libris posuimus, non alienum esse puto a consilio nostro, nec ingratum fore lectoribus spero, si additis his egregiis HUBERI observationibus omnem avium rapacium disciplinam, quousque quidem ad historiae naturalis studiosos pertinet, perfecterim et quasi consummaverim. Sed audiamus nunc ipsum magistrum artis loquentem.

Natura ipsa omne avium rapacium genus in duas classes gemina et plane diuersa alarum fabrica separavit. Harum formam prima pingit tabula, sumtis ex miluo et falcone exemplis. Nec ab ea, nisi extra avium rapacium ordinem, variis gradibus paulatim discessit magnus rerum opifex. Igitur aves omnes rapaces aërem aut remis aut velis alarum permeant, quarum ex forma alteram classem avium remigum (*Rameurs*), alteram velificantium (*Voiliers*) nomine, ut et ipsas alas (*aile rameuse* aut *Rame*, et *aile voiliere*) distinguit auctor. Alae remigum pennae utrinque decisis et in acumen desinentibus componuntur (*decoupée*), quibus aërem findant et crebris ac fortibus ictibus percutiant. Contra velificantium alae pennarum formam habent latiore atque obtusam, quae expan-

expansae non tam aërem crebris et fortibus ictibus percutiunt, sed velorum vsum aui praebent. Prior forma vim aëris repellentem facile vincit, et cum ventum contrarium ictu pennarum findit, ipso aëris repulso sublevatur, dum in itinere pergit. Non solum vero viribus atque ictibus alarum, quibus aër finditur, sed et ipso corporis pondere auis sublevatur. Quodsi vero auis remex ventum post se habet, aërem quidem ipsum tum non habet renitentem, verum eam ipsam ob causam sursum impellitur multo minus, quam coelo omnino tranquillo. Auis igitur meatu horizontali seu plano ferri cogitur, ventique ope vti aliter non potest, nisi ad alas variis modis huc illuc dextre regendas et flectendas. Inter auium remos naviumque nullum aliud discrimen intercedit, nisi quod in volando remus deorsum ducitur atque ictum dat, contra vero navium remi retro ducuntur. Vt vero intelligatur, auem ictibus alarum datis deorsum impelli simul antrorsum, cogitare debemus, alarum formam et faciem inferiorem seu interiorem esse concavam seu fornicatam, fornice ad initium cultellorum maxime deuexo. Formam hanc etsi in alis compositis ad quietem conspiciere non adeo manifesto licet, multo tamen clarissime monstrat eam actus ipse atque ictus in aëre expansarum. Mago tum anterior cultellorum multo firmior, densior atque acutior, inprimis saxelli et sequentium duorum aut trium ictibus magnis findit aërem, reliqua vero alarum pars mollior vi ictus minus magisque incuruata cedit, ita ut alarum pars deuexa aërem verberatum atque inclusum magis in posticam alarum partem concavam, quam deorsum, impellat, atque ita simul auem antrorsum ferat. Quod fieri ita facile haud posset, si alarum forma ubique plana et facies superior aequali ubique esset pennarum firmitate et densitate. Haec enim causa est, quae facit, ut papilionum insectorumque genus, quod alis planis in aëre fertur, tam inaequali meatu saltare magis, quam volare, videatur. Partes alarum singulae ad auem antrorsum impellendam conferunt; cultelli enim vi elastica multa polent, et posteaquam aëris verberati viribus cesserunt, statim in situm suum reuertuntur, atque ita corpus, cui appositae haerent pennae, antrorsum impellunt. Vis praeterea aëris repellentis alam motum corporis duplo auget; quemadmodum enim ipse alarum ictibus verberatus cedit, ita maiore deinde atque aucta cum vi repulsionis rediens per ictuum intervalla alis incumbit et corpus auis promouet.

Aues contra in aëre velificantes, etsi alam interiorem etiam concavam vel fornicatam habent, multo tamen tardius impelluntur, quod non solum cultellorum forma est mollior, sed et ipsas alas rarioribus nec tam fortibus ictibus quatunt. Atque omnino forma ea alarum aues remiges in aëre meatu tantum plano cum vento ferre potest. Vniuerso auium generi alae gubernaculi loco datae sunt; prouti enim dextram sinistramue fortius quatunt, ad latus sinistrum aut dextrum se flectunt. Quo breuiore flexu a recto tramite deuertuntur, eo minus alteram alam quatunt; cum ipsae circa se in gyrum flectuntur, fere immota manet al-

tera. Multis vero gradibus a motu circulari ad rectam volatus lineam ascendi, facile apparet. Quo igitur motus alarum magis est aequalis, eo fit rectior auium in aëre cursus. Cum avis in aëre alis suspensa apparet, (*planer*. Galli dicunt), tum sine magno alarum motu sese inflectit, dum latus in eam partem, quo pergere cupit, paulum inclinat, altero subleuato, ex quo aut in gyrum aut meatu spirali, sed plano, fertur.

Ipsa vero volatus instrumenta diuersam habent ab alis remigantium auium fabricam. Vti enim harum cultelli latitudinem sui mediam habent modicam atque inde leni deuectitate in acumen decurrunt, ita velificantium alarum cultelli medii latissimi, hinc vero multum decisi in margine interiore subito fiunt angustiores atque in acumen excurrunt primi quinque. Hanc formam ala in tabula altera explicata et picta conspiciendam oculis sistit.

Auium remigantium alae aërem compressum fortiter findunt. Cultellorum fines acuti parua modo aëri transeunda relinquunt interualla; eo igitur vsque aër compressus includitur. Contra in velificantium auium alis pars cultellorum primorum quinque decisa multo maiora et longiora aëri transeunti praebet interualla pennarum. Praeterea ipsi cultelli eiusmodi alarum multo sunt molliores laxioresque; quamuis diuersos densitatis gradus in utroque genere conspiciere liceat. Densitatis huius et firmitatis pennarum argumentum praebent, in auium rapacium saltem genere, colores varii, floridi et velut incisuris inuicem separati, quibus cultelli ab initio ad finem vsque pinguntur. Contra mollitiem laxam color vniformis veluti dilutus nigrescens cultellorum a margine deciso vsque ad apicem, albidus vero partis decisaë retro vsque ad initium fere vniformis arguit.

Porro aues rapaces, quae alis remigant in aëre, nigra oculorum iride rostroque in latere denticulato distinguuntur. Contra velificantium oculi lucidiores sunt, rostrumque dente laterali versus apicem caret. Vnguium discrimen non adeo manifestum et constans est; caudae etiam diuersitas in utroque genere magna atque incerta forma, si iudicium generis illi permittere velis. Gubernaculi vires gerere caudam eiusque flexibus auem in volatu regi, vetus est opinio, sed falsa. Vfus eius est in adscensu descensuque auis, quem adiuuat, ita tamen, ut aues multae visae fuerint, quae absque eo adminiculo acque bene adscendere, descendere, regere et flectere corpus poterant. Sequitur hic auium rapacium diuisio in classes, adiectis singularum specierum characteribus; quam capitis partem hic omitto. Poterunt eam lectores curiosi ex ipso libro cognoscere; quamuis equidem iudicium de opera cl. auctoris differendum putem in illud tempus, quo liber copiosior, quem auctor doctissimus de re accipitraria aut de volatu auium rapacium promittit, in usum doctorum virorum perfectus venerit. Vniuerse tamen monendum puto, aues rapaces

rapaces remigantes appellari ab artis falconariae magistris Gallicis aues sublimi venationi (*oiseaux de haute volerie*), velificantes contra humili venationi aptas (*de basse volerie*).

Caput II. Grauitas non solum propria corporis, sed ea etiam, quae ex ratione corporis cum alarum mensura comparata nascitur, auem contra ventum debet impellere. Remigum grauitas in aëre maior, quam velificantium auium, propter vtramque causam. Solae ideo contrario vento subuolare et ferri valent. Grauitas enim corporis ipsa fulcrum praebet iis, aut locum saburrae velut in nauigiis tenet, quo fortius crebriusque remos impellere possint. Eidem etiam grauitati velocitatem debent, quibusdam tamen cum conditionibus, quae commodorum eorum, quibus remiges velificantes aues vincere solent, magnitudinem et multitudinem imminuunt. Leuitas corporis velificantium aut propria aut pro ratione corporis minor adscensum earum facilem efficit; nihil enim aliud, nisi alas veluti vela, vento dant, et ad summam altitudinem euehuntur, dum interdum pro tempore quasi pedem faciunt, seu alas velorum instar huc aut illuc flectunt et regunt. Sed nec contra ventum recta eniti in sublime, nec aërem tanta cum celeritate diuerberatum perlabi possunt, ut auium remigantium genus. Cum igitur remex curriculum suum ingreditur, ut praedam assequatur petitam, haec fere requiruntur. Si meta, ad quam auis eniti in aëre conatur, ad perpendicularum super ea posita est, tum remex cursum contra ventum dirigit atque eo usque continuat, dum ad aequalem cum meta altitudinem fuerit enisa; tum vero reuertitur et recto meatu ad metam fertur. Potest quidem remex breue aliquod stadium vento secundo percurrere ascendendo, verum cito in tali nisu et labore vires eam deficiunt. Quo igitur longius curriculum percurrere debent, ut praedam attingant, eo etiam minus a regula posita recedunt; et si qua ab initio auis facilitatis specie decepta contra morem et regulam eam fecerit, statim tamen illuc reuertitur, ubi nisu longinquo opus esse videt.

Quodsi praeda pro meta extra lineam perpendicularem in montis alicuius cacumine fuerit posita, remex recto ad illam cursu enititur. Hunc auis volatum pingit Fig. 2. Tabulae secundae. Galli conatum quemcumque auis rapacis, quo praedam volando aggreditur, appellant *entreprise*, et curriculum ipsum, quo ascendit vento contrario, *carriere*.

Quodsi metam mobilem, hoc est, auem velificantem aliquam, attingere cupit, haec quidem vento secundo iter suum accelerat; quae antequam supra verticem remigis volando peruenerit, remex curriculum contrario vento eo usque facit, dum non solum ad aequalem altitudinem cum praeda, sed paulum etiam superius, fuerit euecta. Natura videlicet docta, descensum vento secundo factum satis compensare

penfare moram, quam contrarius adscensus fecerat, dum praeda secundo vento et diuerso itinere pergebat. Hoc curriculum sistit Fig. 3. Tabulae 2. Si licet oculis iudicare in hac re, velocitas volatus plani seu horizontalis, quem vento secundo facit remex, triplo maior est ea, quam in adscensu auis contra ventum, aequali tamen distantia, conspiciamus. Quodsi volatus secundo vento paululum modo inclinatus fuerit, duplicem fere eius velocitatem cum plano comparati ponere licet. Atque ita facile esset plures velocitatis gradus assignare volatui a plana seu horizontali linea vsque ad verticalem. Descensus verticalis centesima fere parte temporis eius, quod ascendendo contra ventum impenditur, videtur perfici.

Et si curriculum minus magisue praeceptis esse reperimus, vix tamen vnquam vltra 45 gradus inclinatur, nisi si breue aliquod stadium percurrere vult auis. In curriculo longinquo plerumque intra trigessimum adscendit gradum; nec tamen curriculum eiusmodi facile sine magno laterum robore, vento satis vehemente magnoque spiritu perficere potest. Praeterea venti etiam aequalis atque vniformis tractus requiri videtur. Vulgare igitur curriculum intra decimum quintum et vigesimum consistit gradum. Tractus venti varios aërem turbantes etsi oculis saepe percipere non licet, auium tamen remigantium iter varias in regiones directum satis manifesto arguit.

Quodsi remex absoluere curriculum vno conatu non potest, atque interrupto eo quiescit, vt denuo adscendat, gradum facere dicitur Gallicis artis falconariae magistris. Dum hoc facit, breue aliquod tempus secundo auis vento labitur meatu plano, et quasi reuertitur, deinde vero, si res postulat, de nouo adscendit, atque ita per gradus plures eam consequitur altitudinem, quam oculi humani vel artificiosis vitris adiuti nec distinguere nec iudicare valent. Eiusmodi adscensum per gradus pingit Fig. 4. Tab. 2. Peritissimae quaeque et fortissimae remiges vno curriculo praedam attingunt.

Nunc volatum auium velificantium videamus cap. III. explicatum. Hae si metam aliquam vento contrario assequi cupiunt, non recto meatu, vt remiges, adscendere illuc per aërem iclibus alarum diuerberatum valent, sed per plures ambages tandem illuc attingunt. Grauitas enim corporis et propria et alarum mensurae proportionata impedit, quo minus ventum vincant contrarium. Quoties alarum vela pandit auis, ventus eam retropulsam simul subleuat; ne tamen a meta magis vsque aberraret, conclusis alis in ventum contrarium quasi immergendo auis pondere corporis se praecipitat. Dum igitur alternis vicibus alarum vela pandit contrahitque, tandem metam assequitur, sed multo lentius, quam remex breuissimo curriculo facere solet. Hunc per ambages meatu fere serpentium auis adscen-



scensum vocabulo nautico *par bordées* appellat auctor et Tab. 3. Fig. 1. pingit. Alia praeterea via metam assequitur, dum vento dat vela alarum atque ita primum quidem a meta aberrat, sed tantam in altitudinem euehitur, vnde immergendo se in ventum contrarium recta via descendere et metam assequi possit. Descensum eiusmodi *plongée* appellat et Tab. 3. Fig. 2. pingit.

Cap. IV. Dum avis velificans vento secundo facile subleuatur, magno contra cum conatu remex contrario vento curriculum facit recto meatu. Eiusmodi curriculo remex multo magis subleuatur, quam via obliqua; nec facile, nisi coacta necessitate aliqua, vento laterali, quem nautici dimidium quartum et sic porro appellant, in adscendendo vitur. Dum igitur remex contrario vento subleuata a meta longius vsque aberrare videtur, praeda velificans contraria via et vento secundo properat; sed remex facile spatium intermedium celeritate contractum percurrit, quam primum vento secundo permittere se et descendere incipit. Fit tamen interdum, vt praeda velificans, cum hostem infra se ascendentem videt, altius semper ascendat, atque ita vires simul et spiritus remigem in ipso conatu deficient. Eiusmodi certamen pingit Fig. 3. Tab. 3. Remex in eo certamine vento secundo atque altitudine vincere debet. Primum facile assequitur, cum remex auem aliquam velificantem aggreditur; haec enim, dum vento secundo aufugit, praedatori occasionem offert, vt deinde venti secundi impulsu facile eam consequatur. Sed altitudo magnam habet difficultatem. Commode enim velificans praeda adscendit semper, remex contra magnis viribus multoque spiritu ad eam rem opus habet. Cum igitur remex pluribus curriculis ascendit, vt praedam assequatur, haec velificans, cum praedatorem infra se conspiciatur, ad maiorem vsque altitudinem effertur, atque ita spiritum et vires hostis exhaurit. Vfus tamen atque experientia docere solet remigem, non repetitis adscendere curriculis infra praedam velificantem, sed vno aliquo ad eam altitudinem euehitur, vnde casum quemcunque prouidere atque ita velut imperare fortunae possit. Interim praeda secuta in itinere pergit, nec altius vsque adscendit; hostem enim contraria via abire putat immensoque intervallo satis sibi tuta videtur. Verum remex nihilo minus descensu ex alto facile spatii intermedii longitudinem contractam incredibili cum celeritate percurrit atque ita praedam assequitur. Huiusmodi certamen pingit Fig. 4. Tab. 3.

Cap. V. Huiusmodi adscensu aduerso vento et descensu vento secundo aggreffus ipse et certamen plerumque absoluitur, si praeda secuta pergit. Tum remex auem velificantem comprehensam ad terram deducit ibique deuorat. Sed plerumque avis petita flexo ad latus volatu praedatorem euitat atque eludit praecipitantem in se; facile tum corporis pondere atque ipsa velocitate remex terrae illideretur delata; sed illa subito, cum praeda aberrauit, descensum inhibet et

Frider. Rel. Tom. II.

S

refle-

reflexo volatu iterum ascendit, ut denuo descendere et praecipitare se in praedam possit. Nimirum alas, quas descendendo compresserat, subito iterum apertas pandit atque ita facile non solum descensum inhibet, sed ascendendo etiam denuo ex contraria parte subit altitudinem exortus sui seu stationis. Hanc avis reuersionem artis magistri resurrectionem (*ressource*) appellant, et descensum cum adscensu per eam coniunctum transitum licebit mihi ad imitationem gallici vocabuli (*passade*) appellare. Oculis hic speciem circuli fere dimidii exhibet Fig. 1. Tab. 4. Pluries atque interdum centies cum repetere avis cogitur, donec praedam assequitur. Cui quidem labori avis eam ob causam sufficere videtur, quod alternis vicibus spiritum recolligit semper; adeoque transitum iterat per horae spatium maiore cum facilitate, nec ita lassatur, quam modico curriculo. Sed interim praeda ad maiorem eniti altitudinem conatur, ubi remex resurgens assequi eam non valeat; facile etiam voto potitur suo, nisi remex pluries repetito transitu eam impedierit. Tum igitur nouum remex curriculum facere cogitur, in quo saepe animum despondet praedamque omittit. Incredibilem mirari licet velocitatem, qua velificans avis transitum euitare praedatoris studet, cum alias volatus eius cum remige comparatus lentus pigerque esse videatur. Alio praeda velificans dolo utitur, dum certamen eo usque continuat, donec ad locum aliquem appropinquauerit, quo effugere possit et se tutari. Subito tum bene animaduerso et capto tempore praecipitat se in latebram, atque ita insidias plane eludit.

Cap. VI. Longe diuersum oritur certamen inter aues duas aequae bene remigantes, velut inter columbam et falconem; in quo si columba vento paulum superiore utitur, facile effugere hostem potest. Sequitur nimirum aduerso vento eundem semper tramitem, nec opus habet ascendere altius; falco contra, dum ad primam columbae stationem eniti vult, longo spatio antecepisse iter columbam videt et spe frustratur sua. Fig. 2. Tab. 4. Genus omne columbarum egregie alis remigat in aëre, quibusdam etiam reliquas remiges vincit rationibus, nisi tam facile animum desponderet. Igitur timor eas prodit hosti. Nec ignorant falcones columbarum naturam; quam ob rem ubi videt praedator columbam ad latebram aliquam trepidare, expectat, dum illa se conicere ex aëre in arboris tutelam velit. Vsa illa vento superiore, quo hostem antecellit, plano itinere pergit; falco contra nec altitudine ascensus quidem aequari cupit columbae, sed eam tantum stationem tenet, unde obliquo itinere et gemina cum celeritate columbam recto et plano meatu pergentem eo ipso temporis momento, cum se in arborem praecipitat, intercipere possit. Fig. 3. Tab. 4. Fit tamen interdum, ut columba versuta tum demum in latebram se deiiciat, cum falconem iam ultra latebram obliquo descensu euectum videt. Tum vero falco alio utitur dolo, simulatque consilium aliam praedam ultra latebram petendi. Columba interim se-  
cura

cura versus arborem descendit, at falco transitum (*passade*) facit, atque ex ea altitudine, ad quam refurgens ascenderat, ictum dat, atque ita columbam intercipit a contraria parte inuolans.

Quodsi praedo stationem tam altam forte tenet, ut tenfarum (*toiser*) sexaginta aut centum spatio columbam inferius transuolantem superet, potest ille quidem ictum dare feliciter, sed, si aberrauerit, raro iterare ictum potest. Aliter tamen accidit, si praedo anates infra tenfarum 50 aut 60 intervallo volantes impetit. Has enim quamvis egregie remigantes in aëre ipsa velocitas impedit, quo minus volatum ad latus flectant; quodsi igitur ictu eas falco leuiter modo perstrinxerit, statim a recto meatu anates deiicit; praeterea ipse deflectendi conatus hosti conturbatas eas prodit.

Cap. VII. Genus aliquod accipitrum velificantium saltatorum (*saillans*) nomine distinguit auctor. Hae reliquas aues suae classis superant fabrica corporis et facilitate ea, qua breue stadium incredibili cum celeritate saltando absoluere solent. Talis est altur cum sparuerio; qui ad humile aucupium (*basse volerie*) adhiberi solent. Formam alarum habent illi quidem communem cum reliquis auibus velificantibus; verum et musculorum robur et cultellorum firmitas maiorem illis fortitudinem addit; color etiam cultellorum contra morem varius apparet. Statura ipsa et facies auium dexteritatem praedicat. Gracili enim sunt corpore, sed artuum robore magno. Caput paruum, collum longum et angustum, humeri lumbique lati, alae breues, cauda mediocris, crura longa et carnosae, metatarsi alti et nervosi, digiti patentes, fortes, etsi graciles, sunt. Corporis pondere et robore ut reliquas congeneres vincunt, ita a remigibus tamen ipsi vincuntur. Motus edunt alacres, celeres et fortes; et dextre insident pugno aut perticae reuerfi ex volatu; contra vero reliquum auium velificantium genus in pertica potius pendet et madefactarum auium instar alis flagellat aut diuerberat se. Saltu emicant fulminis instar, dum subito fortiterque alas contrahunt et quodam velut elatere plantae sursum se immittunt. Vis omnis pendere videtur ex corporis positione aliqua et statu. Saltum vero faciunt deorsum, sursum et ad directionem horizontis. Saltus sursum datus plurimum virium requirit, nec ultra 6 aut 7 tenfarum spatium tendit; neque ulterius fert auem aut minoribus viribus antrorsum perficitur saltus horizontalis. Omnium vero facillimus saltus, qui fit veluti mergendo deorsum; auis enim pondere delata corporis facile ab aëre repulsa refurgit. Saltus a transitu (*passade*) cum consilio, tum effectu distinguitur. Transeundo enim auis subire conatur in altitudinem exortus seu descensus sui, postquam praeda aberrauit; contra saltus transeundo auem ad praedam effert, quam ab inferiore loco surripit. Galli actum hunc *trouffer* appellant. Saltum dat auis sursum aut antrorsum, cum praedam superuolantem aut praeteruolantem attingere cupit. Saltus, qui

fit quasi mergendo, quatenus a maiore exoritur altitudine, longius etiam auem ferre potest. Lineae fere eandem efficit curuitatem, sed longitudinem diuersam. Itaque minor lineae longitudo in volatu fit, cum auis ex pugno, quam si ex arboris cacumine defultat. A montis alti cacumine saltus datus facile miliarii germanici dimidiam longitudinem conficit. Quicumque vero saltum secutus fuerit euentus, alae postea ad priorem velorum formam compositae velocitatem nullam praestare valent, sed auem fere immobilem suspendunt.

Interdum feras quasdam debiles aggrediuntur recto volatu aut deuexo, omnium celerrimo, dum alas crebris ictibus quatunt et vires omnes continent (*à tire-d'ailes*). Volatum tamen recta in linea semper auis continuat. Quodsi praeda in ascendendo paululum a recta linea deflexerit, a conatu statim desistit praedator. Hac gemina ratione venationis exclusa auis rapax more generis sui iterum ascendit, ut praedam effugientem ex alto speculetur. Secuta deinde appropinquare conatur eo usque, ut iterum assultare praedam possit. Plurumque stationem in vicina aliqua arbore aut fruticetorum apicibus aut denique in colle aliquo humili capit; verum hic postremus casus exigit, ut auis tam vicina sit praedatori, ut, antequam alas pandere possit, breui ex saltu corripiatur.

Cap. VIII. Aues velificantes eosdem quodammodo motus edere possunt illae quidem, quos in remigibus miramur; ut videmus in lusibus pullorum, quibus se in aëre exercent. Vincere enim inuicem vento superiore atque altitudinis mensura student; descensum etiam subitum alter in alterum faciunt, ascensuque eodem, ut remiges, reuertuntur in aërem. Verum in suo tantum genere his artificii pollent; sed facile a remigibus iis, quas proprie dicimus, vincuntur. Natura etiam atque usu docti vix ultra iuuenilium lusu experimenta progrediuntur. Atque ita volatum, quem diximus, remigibus proprium vindicare licet.

Cap. IX. Aues rapaces remigantes ex alto semper aues volantes insecutae attingunt, et correptas deiiciunt. Sorte tamen rara etiam accidit, ut quadrupedes et aues in terra depraedentur. Contra saltatores, quas diximus, aues praedam, quaecunque humili et recto volatu fertur, aut in frutices fugit, quaedam etiam ex quadrupedum ordine animalia consecantur. Fortuna tamen interdum fauente auibz eiusmodi potiuntur per insidias, quarum capturae nec vires nec aptum habent ingenium.

Auium velificantium vulgarium classis, quas artis magistri ignobiliorum nomine comprehensas appellant, eiusmodi fere animalcula rapere solet, quae nunquam a terra aquisue attolluntur. Pertinent eo species aliquae quadrupedum, repti-

reptilium animalium et piscium. Quaedam cadaueribus iacentibus solum inhiant. Fit tamen interdum, vt aues volantes praedentur; sed hae aut sunt tirones, aut pastu immoderato oneratae, aut vulnere aliquo accepto, pluuii humore, aut longa feruitute debiles, aut denique cibo nimis intentae delabuntur in insidias. Praeterea etsi in eandem altitudinem exiuntur, quam remiges, praedam tamen longe diuersa capiunt ratione.

Cap. X. Altitudinis, ad quam auis resurgens reuertitur, mensura pendet a descensu et vi, quacum auis in ipso motu impellitur. Tab. 5. Fig. 2. Male gallicos artis magistros quosdam resurrectionem auis punctum (*pointe*) appellasse censet auctor, rectius contra eo nomine appellari impetum eum, quo auis in fine curriculi, aut post volatum horizontalem seu planum et simplicem sursum impellitur. Curriculum ipsum, etsi raro, desinit in punctum, cum breue est et auis omnes in eo vires adhibet. Cum nimirum motus volanti aui datus subito inhibetur, punctum existit, eoque altius, quo maiore cum vi auis impulsu ferebatur. Verum in curriculo longo auis vires et spiritum ita dispensat, vt impetu tam ingenti in punctum proferri non possit. Hoc autem volandi modo, quem Galli *par élans* aut *saccades* appellant, vtitur remex, dum auem plano itinere labentem breui interuallo occupare, nec supra verticem adscendere aut velificantium modo eniti cupit. Vide Tab. 5. Fig. 3.

Cap. XI. Instrumenta vero, quibus aues rapaces praedam comprehensam deiiciunt, tenent et dilacerant, etsi in vniuerso genere eadem fere esse videmus, diuersa tamen a multis ratione adhibentur. Aues remiges praedam leuem magis, quam celerem, vnguibus colligant (*lient*); contra celeriore ferunt, debilitant et demum occidunt. Vngues huius generis graciles et tenues tenent quidem aues quamuis magnas, verum compressas suffocare atque occidere non valent. Igitur dentibus rostri incurui infixis vertebrae praedae, quam diutius retinere non valet, facile et cito elidit, auemque vita priuat. Nucham auium seu occipitis depressam partem apprehendit; animalium vero quadrupedum regionem eam, quae est inter scapulas et costas, letalibus rostri dentibus occupat. Omnium celerime minutae remiges praedam occidunt; causam putat esse auctor hanc, quod diu retinere eam non valent. Vix enim Smerilio nucham perstrinxit, cum auis moritur. Idem forte etiam reliquae aues rapaces libertate sua fruenter faciunt. Remex igitur praedam et nimis celerem et fortem ferit atque ita occidit. Dum hoc facit, vngues ita positos gerit, vt ipsa corporis directione et pondere ictum exsequantur, vt curuum bellicorum falces. Digiti autem postici vnguis, quem talum appellant magistri, in locum letalem directus falcis vicem gerit, et, quamcunque corporis partem attigerit, dilacerat, diffringit atque elidit. Quodsi forte praedo leporis pelli vngue postico implicatus haeserit in descensu, abrupto transitu (*passade*) resupinus cadit, vulnus-

que graue accipit aut de vita ipsa periclitatur. Casu eiusmodi cognouerunt primum homines instrumentum, quo ferire solent aues rapaces; eique periculo ita solent occurrere, vt vngues posticos auium, quae leporibus immitti debent, decisos obtundant. Cognito semel instrumento eo, quo ferit auis, facile etiam animaduertere licet in descensu quamuis rapido, vt auis digitis vnguibusque apertis pectorique carnoso oppositis in praedam tam dextre se praecipitat, vt, quam planissimo fieri potest et proximo, terram transitu praeterlabatur. Quodsi vero transitus lineam efficit nimis rotundam, aut si nimium se demergit auis, cum vitae periculo terrae illiditur saepe, cum praeda aberrat.

Cap. XII. Aues velificantes, quas saltatores appellauimus, memorabili gaudent dexteritate praedae, comprehendendae, quam raro feriunt. Plerumque comprehensam corporis pondere elidunt et suffocant. Leporis capti statim occupant collum vnguibus ad suffocationem vsque. Rostro enim non possunt, vt alterum genus, vertebrae atque ossa effringere atque elidere; caret illud dentibus; igitur cutem modo carnesque dilaniant. Per fruticeta densissima dexteritate cum admirabili consequuntur praedam; eamque ob causam natura illis crura metatarsumque tam longum tribuisse videtur. De oculorum colore visusque acie in vniuersum definire aliquid non licet.

Remigum nomine, quae ad sublime aucupium adhibentur, auctor comprehendit species septem: 1. Gerofalconem Islandicum et Noruegicum. 2. Sacrum. Huc refert etiam praeter Sacrum proprie dictum Lanarium falconem et Alphantum seu Tuncetanum Lanarium. 3. Falconem nobilem cum multis varietatibus. 4. Alethen Africa septentrionali oriundum. 5. Dendrofalconem, Gallorum *Hobereau*. 6. Smerilionem, cuius duae varietates noscuntur. 7. Tinnunculum (*Cresserelle*), qui auium ignobiliorum ex classe solus ad remiges pertinet.

Iudicium meum interponere non audeo; potius auctoris patientiam et sagacitatem admiror. Vtinam disciplinam omnem falconariam eodem ordine eademque cum diligentia explicare, vt promittere videtur, ~~mox~~ pergat. Magna enim, vt mihi quidem persuasi, inde utilitas ad historiam naturalem auium redundabit; nec facile ab alio talem operam expectare licet, nisi qui diu artem falconariam exercuit, ad eiusque exercitationem ingenium sagax vsuque aliquo doctrinae physicae eruditum attulerit et simul auium opiumque copia abundauerit. Coronidis loco ponam **PLINII** locum, quem ex variis scriptorum locis de volatu auium confarcinatum lectores nunc demum facile intelligent. Insunt tamen quaedam, quae mihi dubitationis aliquid habere adhuc videntur; cuius causam aut in lectionis aliquo vitio, aut in scriptoris errore et festinatione, aut denique in mea ipsius ignorantia sitam esse puto. Quare opto, vt peritiores locum omnem diligenter

diligenter considerent, ad eumque explicandum pro virili quisque, quod usu, experientia ingenijue sagacitate exquisiverit, liberaliter conferat. Equidem ad primum statim de columbarum plausu comina adhaesi; sed videant alii. Locus est ex libri X. cap. 28.: *Verum columbis inest quidam et gloriae intellectus. Nosse credas suos colores varietatemque dispositam; quin (quae VINCENTIVS XVI. 55. ex h. l. habet) etiam ex volatu quaeritur (creduntur VINC. rectius) plaudere in caelo varieque fulcare. Qua in ostentatione ut vincit praebeantur accipitri, implicitis strepitu pennis, qui non nisi ipsis alarum humeris eliditur; alioquin soluto (VINC. solito) volatu in multum (VINC. multum simpliciter) velociore. Speculatur occultus fronde latro, et gaudentem in ipsa gloria rapit. — Aves solae vario mestu feruntur et in terra et in aëre. — expandunt alas, pendentesque raro intervallo quatiunt, aliae crebrius, sed et primas (i. e. summas) duntaxat pennas, aliae et tota latera pandunt: quaedam vero maiore ex parte compressis volant; percussoque semel, aliquae et gemino ictu aëre feruntur, velut inclusum eum prementes, eiaculantur sese in sublime, in rectum, in primum. Impingi putes aliquas, aut rursus ab alto cadere has, illas salire. Anates solae, quaeque sunt eiusdem generis, in sublime protinus sese tollunt atque e vestigio coelum petunt, et hoc etiam ex aqua. Itaque in foueas, quibus feras venamus, delapsae solae euadunt. Vultur et fere grauiore nisi ex procursu aut altiore cumulo (tumulo VINC. XVI. c. 12.) inmissae non euolant: (aliae inferit VINC.) cauda reguntur. Aliae circumspiciunt, aliae flectunt colla. Nonnullae vestuntur ea, quae rapere pedibus. Sine voce non volant multae: aut e contrario semper in volatu silent (aliae in volatu silent VINC.). Subrectae, pronae, obliquae, in latera, in ora, quaedam et resupinae feruntur: ut, si pariter cernantur plura genera, non in eadem natura meare videantur.*

---

## DE

## DIFFERENTIIS AVIVM.

**N**on alienum a consilio operis huius puto, collectas ex ARISTOTELE ponere notas omnes ac singulas, quibus uniuersum auium genus a quadrupedibus atque inuicem differunt. Multa ex doctrina hac delibauit iam Imperatoris FRIDERICI diligentia, verum is, cum rapacium auium genus praecipue spectaret suisque curis imprimis enarrare vellet, in plurimis partibus explicandis nimiam breuitatem, alibi contra obscuram philosophiam adhibuit. Cum igitur magnam obseruationum praeclararum copiam in libris graeci philosophi de Partibus et aliis, qui in nostrorum hominum notitiam non tam frequenti vsu venire solent, quam de Animalium historia volumen nunc gallicum etiam in sermonem conuersum, latere viderem, operae pretium facturus esse mihi videor, si collectas inde notas omnes ante oculos lectoribus vno in loco posuero. Quod quidem eo lubentius facio, quod nuperrime vidi laudes eas, quae soli ARISTOTELIS ingenio debentur, a Cl. MERREM transferri in VOLCHERVVM COITERVM, cuius in libro GABR. FALLOPII lectionibus addito caput 2. de differentiis auium totum ex ARISTOTELE transcriptum est, si a paucis auium nominibus in exemplo positis discedas. Verum is vsus est sola GAZAE versione saepenumero obscura atque inepta, nec omnes philosophi annotationes excerptis, quae ad hanc doctrinam pertinent. Quare uniuersas ex variis locis collectas sermone clariore hic proponam, contractis, si quae nimia prolixitate abundant.

Totum huc pertinet libri de Partibus animalium IV. cap. 12. Aues, inquit, discrimine inter se discrepant eo, quod in proportionem, excessu defectuque partium versatur. Sunt enim earum aliquae longis cruribus, aliae breuibus. Linguam aliae latam, aliae angustam habent. Eadem etiam reliquarum est partium differentia. Atque inter se quidem aues paulum ratione membrorum, a quadrupedibus vero forma ipsa membrorum differunt. Pennis igitur omnes teguntur, eaque nota ab omnibus reliquis animalibus separantur. Cum enim alia pilo, aut squama, aut cortice tegantur, aut annulis diuisa sint, aues solae pennis operiuntur. Pennae vero auium natura fissilis est, caulemque habet seu cannam, cum, quae insectorum dicuntur pennae, non sint fissiles et caule careant. Praeterea  
in



in capite rostri naturam singularem habent; elephantus enim naribus pro manibus vitur; infectis vero quibusdam lingua vicem oris praestat; aibus rostrum ossae naturae pro dentibus et manibus est. (Videtur *χειλῶν* pro *χειρῶν* legendum et labiis vertendum.) Collum habent porrectum, ut alia animalia, sed quaedam longum, aliae breue. Colli ratio ut plurimum pedes sequitur. Pedibus enim longis instructae longum, breuibus breue habent, exceptis tamen aquaticis et palmipedibus; his enim pedes longi cum collo longo ad victum in aquis quaerendum, ut terrestribus collum longum cum pedibus longis ad victum in terra quaerendum, inutiles forent. Carniuoris etiam volucris longitudo colli incommoda est; imbecille enim, quod prolixum est collum. Hae autem viribus victum comparant. Igitur vncungui seu rapaci aui nulli longum est collum. Palmipedes aues eae, quae diuisos quidem digitos, sed lobis auctos habent, utpote in eodem cum palmipedibus genere militantes, collo longo in victu aquatico vtuntur, et pedibus ad natandum breuibus. Rostri etiam victus ratio differentiam affert; aliis enim rectum, aliis vncinatum est rostrum. Rectum iis, quae cibum in terra quaerunt, vncinatum iis, quae carne cruda animalium raptorum victitant. Contra mites in victu et herbiuorae latum habent rostrum; eoque facile cibum effodiunt aut attingunt (graece *ῥεξις* et *ῥυξις* legitur dubia lectione) herbasque attrahunt et carpunt. Aliquae ex similibus rostrum longum et collum habent, quoniam ex alto cibum petere solent. Atque in vniuersum et hae et palmipedes aut simpliciter aut parte eadem bestiolas quasdam in aqua degentes capiunt, et collo quidem quasi arundine piscatoria, rostro autem veluti linea et hamo vtuntur. Pars corporis prona et supina cum pectore in vnum quasi coaluerunt (*ὁλοφύης ὁ τόπος*); atque hinc dependent loco brachiorum et pedum anteriorum alae, aibus propriae; quapropter pro scapula pars extrema alarum dorso adhaeret. Crura, ut in homine, duo introrsum flectuntur, ut in quadrupedibus, nec extra, ut in homine; alae vero, quae vicem pedum anteriorum gerunt, in orbem flectuntur. Pectus omnibus acutum carnosumque est; acutum enim ad volatum requiritur. Corpora enim lata multum aëris impellunt; ideo difficilius mouentur. Carnositas vero partis acutae debilitatem defendit. Sub pectore venter vsque ad anum et crurum flexuram excurrit, ut in homine et quadrupedibus. Umbilicum recens natae omnes habent, verum is aetate obliteratur. Volatu quae excellunt, alas magnas et fortes habent, ut rapaces et carniuorae; iis enim volatus ad victum necessarius est; ideo pennas multas et magnas alarum habent. (*πλήθος πτερύγων*. Sunt igitur *πτέρυγες* ARISTOTELEI alarum pennae etiam). Verum aliae etiam volatu excellunt, quaecunque in celeritate volandi salutem quaerunt, aut regiones mutant. Contra quae humilem agunt vitam fructibusque victitant, aut in aquis natant, aut denique circa aquas morantur, graues volatu sunt. Corpora rapacium pennis alisque nuda sunt parua; omne enim nutrimentum in pennas atque arma eorum conuertitur. Contra iis, quae volatu

Frider. Rel. Tom. II.

T

non

non valent, corpora sunt ponderosiora; eamque ipsam ob causam difficulter volant. Harum aliquae pro pennarum auxilio calcaria pedum nactae sunt, quae nulli avium rapacium contigerunt; quoniam in praeliis terrestribus grauitur volatibus vsu praestant calcaria. Igitur rapaces iis non habent vsu, ut contra humiles aues ungues recurui in gressu impedirent. Quae causa est, quod rapaces et vungues aues omnes difficulter incedunt, nec petris insident; utrique enim rei inepti sunt ungues recurui. Palustres aues longis pedibus insistant, pedesque earum longos digitos, et saepe plures digitorum articulos habent, quoniam in molli et subsidente luto gradiuntur. Cum volatu non excellant, nutrimentum, quod alias in vropygium, quo carent, consumitur, his in pedum longitudinem conuertitur. Pedibus igitur protensis loco vropygii utuntur volantes. Quae contra pedes breues habent, retractis iis et apposis ad ventrem volant, atque ita rapacibus in raptu utiles sunt. Collum quae habent longum et latius seu crassius, extenso volant eo, contracto contra et inflexo, quae longum et gracile; ita enim non tam facile frangitur. Clunis omnibus avibus est, sed paulum obscurus; videntur enim potius femora bina habere propter clunis longitudinem. Causa est, quod genus hoc animalium bipes, sed non erectum, est. Nam si modo hominum et quadrupedum clunem breuem a sede procedentem et crus continue subditum et directum haberent, stare omnino non possent. Homo enim a natura erectus est; quadrupedum vero pondus pedes priores subleuant. Aves contra, cum ad nanorum naturam accedant, erectae non stant; et loco pedum priorum alas nactae sunt; igitur natura clunem seu coxendicem productum et longum mediae corporis compagi imposuit, atque hinc crura subdidit, ut aequato corporis libramento hinc atque illinc stare aues atque incedere possent. Quatuor pedum digitos et fissipedes et palmipedes habent, excepto dubiae naturae struthione. Horum terni anteriores sunt, quartus pro calce est, et in longipedibus, veluti crece, minor reliquis. Torquilla binos antrorsum binosque retrorsum versos habet digitos; causa est, quod eius corpus minus, quam caeterarum, propendet antrorsum.

Alter locus est de P. A. III. 1. Avibus pro ore rostrum est, quod dentium labrorumque vicem praestat. Hoc pro vsu et auxilio differt. Rapaces enim aues, quia carne, non fructibus, vescuntur, reduncum omnes habent rostrum; eo enim praedam vi capere et retinere possunt. Omnis enim earum virtus in rostro et unguibus recuruis sita est. Reliquarum avium rostrum ad victum accommodatur. Ita robora quae pertundunt, forte et valde durum habent, uti etiam corui iisque similes. Auiculis gracile (*γλαυφρόν*), quo et fructus colligant et vermiculos accipiant. Quae herbis vescuntur et quae iuxta paludes degunt, ut palmipedes et natatiles, partim alio quodam modo rostrum habent victu accommodatum, partim lato sunt rostro. Tali enim facile terram et lutum fodicare valent,

lent, vt in quadrupedum genere fues. Quin etiam aues, quae lato sunt rostro et radicibus velcuntur, et aliae, quae similem illis victum habent, extremum rostrum ferratum (*καταγμῆνον*) habent. Ita enim facilius herbas decerpunt. Hoc in loco vox graeca, quam apposui, corrupta videtur; neque enim, si denticulos rostri anatini et anserini dicere voluit, extrema tantum pars illis armatur, sed latera duo vtrinque; quare *CORTERI* interpretationem nescio vnde ductam praefero, qui ex hoc loco, latum, inquit, rostrum iis, quibus victus ratio placida et ex herbis comparanda. Tale enim rostrum ad effodiendum pabulum et ad tondendum commodius est. Harum auium plurimarum rostrorum extremo corneus quasi angulus (vnguem voluit dicere) adhaeret, quo cibos apprehendunt. Dentium loco circa rostrum striae asperiusculae inueniuntur, praecipue in anatibus, his enim ferratum rostri extremum est: ita enim herbarum carptus, quo viuunt, facilius agitur. — Forte exciderit vnguis mentio et verbum graecum incisuras rostri laterales solas significat.

Tertius est locus de Incessu cap. 10. Aues etiam quaternis mouentur instrumentis motuum; nec enim volare possent, detractis cruribus, nec incedere, alis ablatis, vt etiam homo inter incedendum humeros mouet. Vropygium in alatis regit volatum, vt nauem gubernaculum; sed vtraque pars, ala et vropygium, vt, qua corpori adhaerent, flecti possint necesse est. Ideo insecta, alis continuis, et aues, alis quidem discretis instructae, sed quibus vropygium inutile est ad motum, veluti pauones, galinacei, et omni volatu graues quaecunque, rectum tenere volatum non possunt. Insecta enim vropygio plane carent; hinc, vt naues gubernaculo destitutae, temere feruntur. Quae volatu non valent aues, et vropygium inutile habent, veluti porphyrio, ardea atque omnes natatiles, protensis retro pedibus volatum pro vropygio regunt. Pauoni vropygium aliquando propter magnitudinem nulli est vsui, interdum vero, quoniam excidit, nihil potest iuuare. Contrario autem se habent modo aues in alarum natura ad insecta, quae alis non diuisis volant, maxime aues praepetes, veluti rapaces. His enim pernecitas ad victum confert. Aptae igitur ad eam rem et reliqua corporis membra nactae sunt, caput paruum, collum angustum et gracile, pectus validum, et acutum quidem, vt veluti lembi prora aërem melius incidat, validum vero carnis tegumento, quo aërem incurstantem facilius et sine molestia possit propellere. Partes contra posteriores corporis leues et in angustum iterum coeuntes habent, quo facilius anteriores sequantur, nec aërem latitudine morentur.

Quartus locus ibidem cap. 15. exstat. Aues quadrupedum more crura inflectunt sua; illarum namque natura fere similis est. Auibus enim alae priorum vicem gerunt pedum; quam ob rem eodem inflexae sunt modo, vt illis priora sunt crura; namque iis motus principium in incessu auibus proprio, qui volatus dicitur, ab alis procedit. Quare, his ablatis, aues nec stare nec progredi possunt. Praeterea

cum bipes auium sit genus, neque erectum, et anteriores corporis partes leuiores habeat, aut necessarium, aut melius certe est, vt stare possint, subiectum sic habere femur, eo scilicet modo, vt retrorsum vertatur. (*εις τὸ ὀπισθεν πεφυκότα*. GAZA: retrouersus connatum.) At enim si hoc oportebat modo se habere, crurum etiam inflexum ad concavam partem fieri necesse erat, sicuti fit in posterioribus quadrupedum cruribus. In vniuersum autem aues et insecta volantia et pisces pinnis natantes, melius est, vt facile animaduertere licet, instrumenta motus in latere ex obliquo apposita habere; ita enim et celerrime et fortissime aërem et aquam findunt et mouentur. Corpus enim ita sequi facile potest antrosum et retrorsum contra mollem et cedentem aërem aquamque impulsam.

Quintus locus est de Generatione III. cap. I. Oua subuentanea intus consistunt in auibus quibusdam, quae volatu non valent, nec rapacibus, sed quae multa pariunt. Rapacibus enim eadem pars nutrimenti in pennas plumasque excernitur; corporis vero naturam habent ipsam parua, siccā et calidā. Hanc igitur ob causam rapaces nec salaces sunt, nec oua multa pariunt, vt graues volatu, et eae, quae volatu quidem excellunt, sed corpore sunt ponderosae, vt columbae et similes. Ex hoc vero genere grauib. volatu, vt gallinis, perdicibus et similibus, abundat nutrimenti pars ea. Quare mares earum salaces sunt, et feminae materia ouorum abundant. Ex hoc igitur et simili genere pars multa simul oua parit, pars saepe parit; multa quidem simul gallina, perdix et struthio; columbaceum autem genus non multa, sed saepe, parit. Est enim medium inter rapaces et graues volatu aues. Volatu quidem excellit, vt rapaces, pondere vero corporis grauib. accedit alitibus. Minutae etiam aues multiparae sunt; quare etiam Adriaticae gallinae omnium foecundissimae sunt, vt pote paruae, et gallinae minus animosae generosis excellunt in foecunditate. Quin et tenuitas et debilitas crurum facit, vt earum natura sit salacior et foecundior, vt in hominum etiam genere fieri videmus. Aues rapaces planta pedis sunt forti et cruribus crassis propter victum; has igitur ob causas omnes minus sunt salaces et foecundae, excepta cenchride, quae sola plura et quidem quatuor parit oua et sola fere bibit. — Calidioribus auibus pars oui candida et lutea magis distincta est, et candida semper maior; contra minus calidis et humidioribus, vt palustribus auibus, pars lutea copiosior et aquosa magis est, apparetque colore pallidiore, vt in piscium ouis, quia non tam accurate a candida secreta est. — Postremam sententiam etiam in Hist. anim. VI. 2. et oua auium, quae in aquis et circa paludes degunt, multo plus lutei habere ait, quam earum, quae in sicco viuunt. Quam quidem obseruationem equidem nullo recentiorum testimonio confirmatam adhuc reperi; contra adeo MARSILIUS in Danubii Vol. V. p. 124. plus albuminis habere oua aquaticarum auium nutrimenti causa affirmat. BUFFONYS ex BELLONIO repetit, luteam oui partem in aquaticis auibus, vt anatibus, magis rubram esse.

Postre-

Postremus nunc accedat locus ex Historia animalium II. 12. Pro pedibus et manibus aues usum alarum peculiarem sibi habent. Clunis seu ancha similis est femori longo et ad medium vsque ventrem adhaeret adnatus, ita vt, nisi separaretur (*ὥστε* inserta negatione *μὴ διαίρεμενον* legendum cenſeo), femoris speciem praebeat; sed femur ipsum inter clunem et tibiam separatum est et diuersum. Aues rapaces omnium maxima femora habent et pectus fortissimum. Vngues plures habet vniuersum auium genus, et digitos separatos fere omnes quodam modo. Plurimarum enim digiti distincti sunt, aquaticarum autem membrana connexi; digitos tamen ipsos eae bene expressos atque separatos habent. Quae volatu se efferunt in altum, quatuor digitos habent, ternos antica in parte, quartum in postica pro calce positum; paucae quaedam binos ante et post positos habent, vt torquilla. Os aues omnes habent quidem, sed peculiaris formae; carent enim labiis et dentibus. Pro auribus et naribus meatus tantum habent, oculorum palpebras sine ciliis; et graues quidem volatu inferiori palpebra oculos claudunt; nictantur vero membrana ex angulo obducta oculis omnes. Contra noctuarum genus superiore etiam palpebra conniuit. Porro aues non squama aut cortice, sed plumis teguntur. Plumae autem caulem seu cannam habent omnes. Cauda quidem carent, sed iis vropygium pro cauda est, longipedibus et palmipedibus breue, reliquis longius. Atque hae quidem attractis ad ventrem pedibus, illae contra retro protensis volant. Linguam omnes habent, sed diuersam; aliis enim longa, aliis breuis est. Post hominem aues maxime, eaeque inprimis, quae latam habent linguam, litteras proferre discunt. Epiglottide omnes carent; meatus autem arteriae asperae diducunt et contrahunt, ne quid graue in pulmonem descendere possit. Quaedam aues in pedibus calcaria gerunt, sed his rapaces omnes carent. Hae enim volatu excellunt, illae contra graues. Denique aues quaedam cristam gerunt, plumis ipsis surrectis; gallinaceus solus peculiarem habet, vtpote inter carnem cartilaginemque mediam natura.

De plumarum pennarumque natura breuiter Philosophus H. A. III. 12., pili, inquit, praecisi a radicibus augmentum capiunt, superne non possunt augeri; plumae contra a neutra parte recreſcunt, sed radix excidit. Ex hoc loco PLINIVS XI. sect. 94.: Pennarum caules omnium caui (auium VINCENTIVS); praecisae non crescunt, euulsae renascuntur. Videtur igitur olim in ARISTOTELIS libris pro verbis *ἀλλ' ἐκπίπτει ἢ ἀναφύεται δὲ ἐκτιλθὲν ἢ τῶν μελιττῶν τὸ πτερόν, ἢ δ' ὅσα ἄλλα ἄσχιον ἔχει τὸ πτερόν* alia lectio fuisse, haec fere: *ἀλλ' ἐκπίπτει, καὶ ἐκτιλθέντα ἀναφύεται. ἢ ἀναφύεται* etc.

Auium pulmonem iu duas partes fissum et separatum vtrinque esse annotauit H. A. II. 17. Quae nec prolobum nec gulam ipsam latam, sed valde longam habent cum collo longo, fere omnes excrementa liquidiora reddunt, vt

porphyrio. Ita tradit H. A. II. 17. Color excrementorum in auibus ad albedinem vergit, vt in quadrupedibus et reliquis animalibus ouiparis, quae vesica urinaria carent. De Partibus IV. 1. Aues omnium animalium maxime pituitae morbo infestari legimus in Problem. Sect. X. probl. 53.

Partus differentiam etiam annotauit de Generatione IV. 6. Aues etiam, inquit, nonnullae imperfectos et caecos pariunt pullos, videlicet, quae, corpore quanquam paruae, multa tamen edunt oua, veluti cornix, pica (glandaria), passer, hirundines, et quae praeterea pauca quidem oua, sed alimento copioso non aucta edunt, vt palumbes, turtur, columba. Quam ob rem si quis hirundinum nouellarum adhuc oculos nondum perfectos expungat, iterum incolumes redduntur. Exempla partus auium caeci plura iam in annotationibus ex ZORNIO nostro attuli. Nunc alia quaedam addere iuuat. Laniorum pulli ad quintum vsque diem atque vltra nudi, et ad octauum vsque caeci reperiuntur; deinde lanulis vestitur corpus griseis. Die decimo et quinto nidum quidem relinquunt, sed alis volatum exercere nondum possunt; igitur de ramo in ramum saliant, ventre vario, reliquo corpore colore griseo lucidiore induti. Mense demum exacto, postquam nidum reliquerant, alis confisi euolant, auctore Cl. TENGMALM in Actis Nouis Stockholm. anni 1781. p. 101. seqq. Strix aluco mense Aprili oua quinque alba edit et mensis vnus spatio incubat; pulli exclusi vltra diem nonum caeci, postea oculos aperiunt rubeis et tumentibus palpebris; altero a natiuitate die lanulis niueis toti teguntur, eamque vestem vix post tres septimanas plumis pennisque permutant, postremo demum Iulio perfecti volatum exercent, similes parentibus, sed grisei, vbi parentes colore brunneo nitent. Cauda tamen adhuc parua conspicitur, vt tradit idem TENGMALM ibidem anni 1782. p. 133. Contra auium aquaticarum morem vriae gryllae pulli ad postremum diem Augusti mensis nido innutrientur; quo deinde egressi et perfecti a parentibus seiuncti piscantur et viuunt in mari, auctore Cl. OEDMANN Actor. nou. Stockholm. anni 1781. p. 230.

Has omnes ARISTOTELIS observationes qui cum capite laudato COITERI comparauerit, multa reperiet ab eo omissa esse, quae disciplinam hanc absoluunt, et simul egregium philosophi ingenium admirabitur, quocum pauca admodum nostrae aetatis licet comparare. Adnotationes his adiacere superfluum videtur mihi, quoniam rerum argumenta ipsa recte explicata video esse; de rationibus additis nimis longa esset disputatio.

---

DE

---

D E

MUTATIONE PLUMARVM  
ET PENNARVM AVIVM AQUATICARVM  
ET TERRESTRIVM.

AD FRIDERICI II. CAPITA 45. 46. 47. 57. LIBRI I.

**A**nseres domestici alarum pennas remiges fere omnes simul, saepe vna nocte, amittunt, nuditatem suam pudore et timiditate aliquo modo testati; verum post quadraginta dies succedunt novae pennae, quarum usum per plures dies volitando experiuntur, ut tradit *BUFFONVS* T. XVII. p. 63. Feros anseres foetificatione peracta pennas mutare vna cum sobole ipsa tumque inter arundines absconditos latere, tradit *ZORN* *Petinotheol.* II. p. 406. Subita etiam in anate boscade fit pennarum alae remigum mutatio; eandemque in tadorna, penelope, fusca (*Cravant*) observavit *BAILLON* apud *BUFFONVM* p. 227. Mares quidem post coitum, foeminae demum exclusis ovis pennas mutant, eiusque rei causam a viribus coitu et partu exhaustis repetit ill. *BUFFON*. Paucis ante mutationem diebus veluti scabie mordicante agitantur et varie vexantur, tristes tenebras sequuntur latebrarum per triginta fere dies, anseres vero et fusca anas per quadraginta dies pudibundi latitant; renascentes deinde pennas laetitia comitatur, statimque aqua saepe se lavare alasque experiri novas gestiunt. Saepe tum accidere solet, ut fugam alis novis confisae anates capiant noctu. Anas moschata Cayennae aestate omnes alarum amittit pennas tumque in aquis inter herbas abscondita latet, auctore *DE LA BORDE* *ibid.* p. 228. Anas penelops, acuta, strepera, platyrhynchos, griseae nascuntur, quem colorem mense demum Martio mutant, ita ut mares a femina non possint distingui. Deinde plumarum color variatur sub coitus tempora, cum in regiones septentrionales per coniugia migrant; sed iterum sub finem Iulii ornatum amittunt mares fere omnem, quo discerni possint, plumaeque griseae pulcrioribus succedunt. Vocem etiam ipsam per sex anni menses amisisse subito videtur uterque sexus post coitum. Mense denique Nouembri migrant ex Gallia; et quae in itinere capiuntur anates, imprimis acutae, fere totae griseae a sobole iuniori, secerni nulla nota possunt. Ita quidem tradit *BAILLON* apud *BUFFONVM* p. 251.

p. 251. Diutissime omnium anas platyrynchos plumarum colorem nuptialem retinet, eodem auctore ibid. p. 271. Soboles primum in ventre et dorso plumis vestitur, et postquam ultra dimidiam partem corporis incremento perfecit, sex fere septimanis a natiuitate alarum pennae ortae tribus demum mensibus ita perficiuntur, ut confusa auis alis suis volatum tentare possit. Eo usque apud Gallos *Hallebrans* audiunt (BUFFON p. 202.). Anas clypeata, uti etiam platyrynchos, senes saepe colorem plumarum nuptialem griseo permixtum gerunt, feminae etiam admodum senes quaedam speculo alarum, uti mares, insignes conspiciuntur. Anatis tadornae soboles recens nata dorsum nigro alboque variegatum habet, ventrem candidum, mox autem griseo colore induitur, rostro pedibusque caeruleis; Septembri demum mense plumas pulciores monstrare incipiunt, quae anno denique secundo perficiuntur. Mares etiam altero demum anno perfici et ad coitum idonei fieri videntur; tunc enim tuberculum sanguineum ad radices rostri in fronte ortum post coitum iterum oblitteratur; reliquam plumarum pulcritudinem per totum annum anatum solae seruant. Ita tradit BAILLON apud BUFFONVM p. 304. Tuberculum igitur simile fuerit carunculis in tringae pugnacis fronte nuptiarum tempore nascentibus, et cornibus phasianorum eodem tempore erumpentibus. Sed tringae carunculas vere et autumnno conspicuas vidi ipse saepiuscule. Anatis fuscae pullos mense Septembri iam sexum rostri colore flauo et tubere arguere, ceterum fere nigros, postquam ovis exclusi sunt, testatur diligentissimus OEDMANN Actor. Nouor. Stockholm. ann. 1785. p. 191. Anates circiae (Sarcelle d'été, Criquard) mares mense Martio plumarum pulcritudine superbiunt nuptiarum tempore, deinde vero plumarum colorem nouo eoque griseo cum ipsis plumis mutant, eoque colore conspiciuntur usque ad mensem Ianuarium; post mensem deinceps plumarum color iterum variatur et paulatim pristina redit iis pulcritudo, auctore BAILLON ibid. p. 392.

Mergorum genus, anatibus proximum, variis etiam a prima iuuentute coloribus variatur usque eo, dum in aetate matura proprius cuique sexui color conspicerit. Hinc mira specierum sexuumque confusio naturalem eorum historiam perturbauerat; quam egregiis obseruationibus illustratam in ordinem redegit aetatumque colores varios distinxit coniunctissimus collega B. CHR. OTTO. in *Oeconom. Nachrichten der schlesischen patriotischen Gesellschaft*, anni 1779. No. 12. et 13. pag. 89. seqq., idem, cui illustris BUFFONI historiam auium et quadrupedum vernaculo sermone redditam, sed multo veraciorem, debemus. Vriam Gryllen quinto demum anno nigrum viridi specie splendentem colorem pedumque cinnabarinum induere, auctor est CL. OEDMANN Actor. nou. Stockholm. anni 1781. p. 229.

Genus



Genus larorum pro aetate et mutationum numero vario colore plumarum ludere, obseruauit post alios OLAFSEN in Itinerario Islandico; deinde eam varietatem in laro marino griseo (Grifard) aliaque specie, tertia illustris BVFFONI, accuratius persecutus est BAILLON apud BVFFONVM XVI. p. 203. et 225. Pulli prioris speciei colore sunt griseo obscuro; post primam mutationem color fit lucidior, collumque cum ventre primum albescere incipit; post tertiam mutationem plumagium omne griseo alboque colore variatur, a senectute totum fere corpus album colorem trahit. Secunda species lari primo aetatis anno alarum pennas habet nigrescentes, a secunda mutatione color nigrior albo variatur; cauda pullorum extrema grisea aut nigra; caput cum colli superiore parte maculatum est; verum paulatim maculae hae candido colore mutantur; color rostri pedumque coerulescens secundo demum anno prodit. Denique totius generis naturam mutationemque inprimis colorum cum plumis diligentissime nuper explicuit OEDMANN in Actis Nouis Societ. Stockholm. anni 1783. N. 1.

Scolopacem auocettam in prima aetate griseam esse, ex eo suspicatur BAILLON apud BVFFONVM XVI. p. 286., quod, dum mense Nouembri migrant, plures conspiciuntur plumis scapularibus vropygiiue griseis; has enim plumas cum illis, quae alas tegunt, diutissime iuuentutis primae colorem retinere asserit. Marium praeterea caput rotundius paulo esse ait, et tuberculum carneum sub cute iuxta oculos magis veluti inflatum eminere. Verum quam rostri seu capitis partem hoc tuberculi nomine voluerit ille intelligi, equidem ignoro. Videtur tamen pars ea pertinere ad foueam membrana tectam inter oculos rostrique basin, de qua in annotationibus dixi. Latent in hac fouea glandulae lacrymales cum ductibus, saepe etiam cartilagineae spongiosae narium.

Vannorum pulli dumis nigrescentibus vestiuntur, e quibus pili longi albique eminent; mense Iulio mutant, coloremque pulcriorem induunt, vt annotauit etiam BVFFON XV. p. 85.

Charadrius pluuiialis prima aetate griseus, prima in mutatione mense Augusto et Septembri luteis maculis variari incipit, post annum demum alterum aureo splendore induitur. Femina griseum colorem diutissime retinet, et senex lutei aliquid coloris plumis immistum gerit, vt tradit BAILLON apud BVFFONVM XV. p. 130.

Scolopacis rusticulae LINN. pulli ouis exclusi statim deferunt nidum, per totum corpus pilis tecti, quos Galli *poil folet* appellant, adeoque volatum experiuntur nullis aliis, nisi alarum pennis, induti, vti tradit BVFFONVS XIV. p. 242.

Frider. Rel. Tom. II.

V

Haec

Haec in auibus aquaticis et mediis seu palustribus, quae aquarum ripas et prata cibi causa frequentant, accidere solent. In terrestribus autem, inprimis iis, qui cantus causa seruitutem pati caueis inclusae coguntur, mutatio pennarum manifestior est, et multo plures certioresque de ea exstant virorum doctorum et curiosorum observationes, quarum partem iam in annotationibus attuli. Duas in his mutationes plumarum pennarumque distinguere licet. Altera quidem mares plurimos pulcriore plumarum pennarumque colore nuptiarum tempore a feminis distinguit; altera vero perfecta nidificatione pullisque exclusis sexum utrumque similem magis sibi facit, adeo ut plurimis in generibus mares agnoscere usque ad nuptiarum tempora non possimus. Haec ita accidere in sturnis, fringilla linaria aliisque, annotauit diligentissimus ZORNIVS noster Petinotheolog. II. p. 323. et p. 340. In loxiis capeasi, oryge et cassra eandem coloris mutationem obseruauit Cl. THVNBERG Actor. Nouor. Stockholm. Ann. 1784. p. 288.

Tringae pugnaces mares papillas faciei et collare longum variumque pennaecum, quibus sub nuptiarum tempus superbiunt et praelia inuicem faciunt, post exclusam educatamque sobolem cum reliquis plumis collare deponunt sub finem Iunii; papillae sensim obliterantur, earumque in locum plumae succedunt. Ita quidem tradit illustris BVRRO T. XIV. p. 311. Ipse tamen mares papillis collarique egregie pictos non solum vere, sed autumnio etiam saepe vidi. manibusque tractavi, adeo ut, si vera tradidit vir doctissimus, credere necesse sit, aues istas multo serius apud nos plumas mutare, quam in Gallia et alibi. Quod si haec omnia et quae praeterea de phasianorum cornibus alibi retuli, bene consideramus, non adeo a vero alienam existimabimus esse eam narrationem, quae tetraonum genus in terris septentrionalibus frigidissimis altera mutatione plumas duplices induere ait. Videmus enim, quadrupedes etiam bestias sub hiemem pilis et densioribus et longioribus indui et contra frigora defendi. Ardeis bisis maribus sub nuptiarum tempus florem puluerulentum plumarum aspergi, tradit Imperator FRIDERICVS; eamque observationem in ardearum genere nullibi repetitam reperi; sed de speruerio ex auium rapacium genere eadem tradit CARCANVS, artis falconariae magister Italus, ut in Notitia litteraria Scriptorum artis falconariae tradidi. Ordinem mutationis plumarum pennarumque de vniuerso auium genere nullibi accurate distincteque traditum reperi; atque in auibus cauea inclusis multa non solum ordine diuerso, sed serius etiam nec tam subito, quam in agrestibus liberisque, accidant oportet, quoniam victum saepe alienum et insalubrem capere, et aëre libero motuque corporis et volatu carere coguntur. Plurimae aues in tam violenta corporis commotione et calore crescente aquis refrigerare corpus solent, rapaces aequae atque cantatrices. In libro Italico: Ammaestra-menti per allevare, pascere e curare gli uccelli li quali s'ingabbiano ad uso di cantare. Opera novamente composta per Cesare Manzini, Romano. In Brescia, 1607.

1607. in 12mo., annotari video eardules atque omnes similes auiculas post mensem a natiuitate plumas mutare, cauea vero inclusas mense Iunio, Iulio et Augusto, prouti aut viribus aut calore interno corporis valent. (cap. 12.) Idem repetit cap. 30., vbi aues eam inutationem subire incipientes, quod ex plumis per caueam sparsis agnoscere licet, vino irrorare suadet. Contra OLINA p. 72. accidere plumarum mutationem passerum ordini ait a medio Iulio per totum Septembrem, tumque inclusas cauea auiculas vino irrorare et soli opponere siccandas iubet. Lusciniae, Ficedulae et Atricapillae similibusque apponendum tum monet in cauea vas aqua repletum, in quo lauentur. Easdem vero auiculas liberas in aëre mense vno aut altero a natiuitate plumas mutare.

In vniuersum licet ex obseruatione Imperatoris primam hanc ponere distinctionem auium, vt rapaces primi anni plumas pennasque serius perfectas habeant semelque deponant, reliquae vero omnes easdem bis exuant. Reliquis deinde annis succedentibus semel vtrumque genus mutare plumas pennasque tradit Imperator; quod mihi quidem improbabile esse videtur. Neque enim video, vnde subito mira colorum varietas nuptiarum tempore possit existere, quae nidificatione peracta oblitatur cum multis aliis marium argumentis, nisi plumae iterum post nuptias mutantur. Potest nempe hoc fieri, dum absunt a regionibus nostris; ideoque vnicam tantum inutationem obseruare licet in iis, quae per ver aestatemque nobiscum degunt. Suadere hoc etiam analogia quadrupedum videtur, etsi certi aliquid ea de re traditum nondum reperi. Sed ex allatis mutationum exemplis patet, quam serio diligentique studio sit opus ad auium habitum coloremque bene dignoscendum, ne varia aetatis tempora mutatusque plumarum color decipiant eos, qui genus vniuersum auium ex specie corporis externa iudicant; quod quidem ineptissimum mihi semper visum est et plane alienum a consilio auium genera recte et naturae conuenienter ordinandi atque explicandi. In peregrinis veniam facile reperiet factum; in vernaculis et domesticis, nisi ignorantia ignauiaque, non potest excusari. Denique ex collectis hic virorum doctorum Imperatorisque FRIDERICI II. obseruationibus manifestum fit, regulam a Cl. PENNANTO positam in Zoologia britannica: primum iridis oculorum, remigum rectricumque pennarum colorem in omnibus auibus eundem semper manere, in paucissimis, nedum in omnibus auium generibus locum habere, quod iam annotasse video Cl. OEDMANNVM in larorum historia supra laudata.

# INDEX

## LECTIONVM VARIANTIVM.

**P**unctualem in praefatione diligentiam in reddenda primi exempli scriptura etsi sponderam, aliter tamen accidit consilio bono quidem et laudabili, sed a meo plane alieno iuuenis doctissimi, Medicinae Candidati, cui librarius plagellas a prelo madidas emendandas tradidit. Quod quamvis factum nollem, video tamen, omnes fere correctiones, quas ille huic editioni intulit, in vitiis exempli primi apertis esse factas; de paucis dubitari potest. Ne igitur, qui per nimium otium muscas sectantur, negligentiae me accuset, hunc breuem lectionum indiculum subiunxi, quas vitiosis primi exempli permistavit GOTTFR. HENR. SCHAEFER. His delectari puto posse homines, quibus minutiae placent in litteris.

- |   |  |
|---|--|
| P. 2. prooemialis. Primum exemplum habet proaemialis. | P. 20. sassiani. Primum exemplum habet sassiani. |
| P. 3. artis venandi — venandae.                       | P. 23. septentrionales — septrionales.           |
| P. 5. locorum ad calorem — colorem.                   | P. 25. scribitur — scibitur.                     |
| P. 7. aquas — aquias.<br>— tractandis — tractandus.   | P. 31. et in extremitate — ex in extremitate.    |
| P. 8. identitates — idenditates.                      | P. 32. obrotundum — obrutundum.                  |
| P. 9. contingeret — contigeret.                       | P. 33. venas, arterias — renas, arterias.        |
| P. 14. praeparandum — praeperandum.                   | P. 35. et caeteris ligamentis — et et caet.      |
| P. 17. subito insequuntur — in insequuntur.           | — descendit ab humeris — d. a. humerius.         |

P. 36.

- P. 36. densius pectus. Primum exemplum habet densus p.
- P. 39. respectu sui — respectui f.
- P. 41. et coxae — ex coxae.
- quanto plus sunt coriales — quando p. f. c.
- P. 46. vuulae — vululae.
- inter costas — costam.
- P. 47. ab inuicem — ad inuicem.
- isophagus ab ore — ab ab ore.
- P. 49. indiuidua — in diuidio.
- P. 50. tum quoniam — tam quoniam.
- P. 53. contiguari — continguari.
- contiguatae — continguatae.
- P. 54. hos duodecim vanos — has d. v.
- et expositum — ex exp.
- P. 55. curtellos — curtellas. Italis cultelli etiam *cortelli* dicuntur.
- impeditur — impediditur.
- P. 57. mansio earum non est — m. eorum n. e.
- P. 59. tanto erunt illae aues — tonto e. i. a.
- P. 62. refrigerandum. Primum exemplum habet refrigerandum.
- P. 70. *et plumas*. Haec verba Corrector statim post *pennas* collocanda suspicatur; non male.
- P. 74. sunt istae — iste.
- P. 78. pascunt eos — p. eas.
- P. 83. distantes ab inuicem — ad inuicem.
- P. 91. de lanulis et plumis — d. l. ex pl.
- quanto enim diutius — quando e. d.
- laesione perpetua — l. perpetuae.
- P. 93. miscent cum ouo — m. e. oue.
- P. 96. ministrabatur — ministrabantur.
- P. 93. in nutriendo tam paruos — in n. t. paruas.
- P. 98. ceperit — caeperit.
- praedam socii — p. forii.
- cum vnguibus hebetatis — e. v. habetatis.
- P. 97. acum rotundam — a. rotundum.
- P. 106. ceperit — coeperit.
- V 3 P. 114.

- P. 114. secundum proportionem — secundam p.      sed. In exemplo primo deest vocabulum *pertica*.
- P. 115. potest dari maius — p. duri m. — ad quem deducendum — ad quam d.      P. 133. portando ipsum — portano ipsum.
- P. 124. tangi ab aliquibus insuetis — t. ab aliequibus in.      P. 136. propter motus manuum — p. m. manum.
- P. 126. per aliquot dies — per aliquos dies.      P. 143. si cum becco ceperit — si c. b. caeperit.
- P. 130. falconarius furgat — falconaris furgat.      P. 144. tanta erit auditas — t. e. auditas.
- P. 133. statuenda est ergo pertica vel      P. 149. non autem erit balneandus — non nutem e. b.

AVCTA.

---

# AVCTARIVM EMENDATIONVM

## A T Q V E

### ANNOTATIONVM AD AELIANVM

#### DE NATVRA ANIMALIVM.

**A**d libri I. caput 1. Diomedearum auium historiam rectius forte iudicare ipsasque aues facilius agnoscere liceret, si antiquiores fabulae auctores graeci hodie exstarent. Hodie ignotum libri de mirabilibus narrationibus auctorem, **OVIDIVM** serioresque eo scriptores sequi cogimur, qui pro vario consilio rerumque naturae cognitione vetustiores notitias amplificarunt, ornarunt variisque erroribus obscurarunt. Ex **OVIDIO** Metamorph. XIV. 271. nihil, nisi rostrorum corneum durum acumine terminari, digitos magnam pedis partem occupare et vocem lacrimosam discimus; formam reliquam cynis proximam esse canit. In comparatione cyni, ardeae et fulicae colorem aut victum aquaticum spectasse videntur auctores diuersi. Sed maiorem auctoritatem habere videtur locus ignoti quidem, sed antiquioris, vti videtur, auctoris libri de mirabilibus narrationibus, **ARISTOTELI** male vulgo adscripti, qui cap. 80. aues Diomedaeas in insula maris Adriatici circum fanum Diomedis degere (sedere) narrat, magnas corpore, rostro magno et duro, quo hospites barbaros intrantes dicuntur impetere subuolantes et praecipites in eorum capita deferri (*καταπίσσειν*). Secunda est auctoritas Iuba regis, Iulii Caesaris ex aeuo, quem **PLINIVS** X. cap. 44. exscripsit. Is igitur catarractas vocauit; ex voce graeca, qua in narratione de his auibus vitur auctor libri graeci supra laudati. Est praeterea auis alia ab **OPPIANO** seu auctore Ixeuticorum dicta eodem nomine, quam eandem cum Pelecano Bassano **LINNAEI** esse, egregie nuper docuit **Cl. OEDMANN**. Haec simili modo praeceps ex alto defertur, vt pisces e mari rapiat. Praeterea Iuba iis dentes esse igneosque oculos, reliquum corpus candidum ait. Duos semper esse eorum duces; alterum agmen ducere, alterum cogere, (i. e. postremum incedere, impellere reliquos); scrobes excavare rostro, inde crate consternere (i. e. furculis in versum superpositis, vt recte interpretatur **SOLINVS** cap. 2.) et operire terra, quae antea fuerit egesta: in his foetificare. Fores binas omnium scrobibus esse: orientem spectare eas, quibus exeant in pascua, occasum, quibus redeant. Aluum ex-  
onera.

oneraturas subuolare semper et contrario flatu. Quae deinceps sequuntur, à PLINIO interfecta fuisse videntur. Mutata enim verborum structura, vno, inquit, hae in loco totius orbis visuntur — fulicarum similes. — aduenas barbaros clangore infestant — aedem Diomedis quotidie pleno gutture madentibus pennis perluunt atque purificant; vnde origo fabulae. Ex Iubae narratione colligere licet, aues esse gregatiles et in scrobibus iuxta mare excavatis rostro nidificare, colore candido, igneis oculis. Dentes rostri ad quam partem referantur, dubitari potest; si sunt in margine appositi, vt in anate, mergo, ansere et similibus, ad genus diuersum pertinent ab eo, quod marginem rostri durum et incisum seu dentatum habet, vt ardeae et aliae aues aquaticae. Quodsi dens in postremo rostro additus seu rostri acumen intelligitur, aut dens in extremi rostri latere vtrinque excisus, vt in falconum genere, de longe alia specie cogitandum est. Graecus scriptor supra laudatus rostrum magnum et durum (σκληρόν) nominat; quodsi voluisset dentibus asperum intelligi, sine dubio τραχύ scripsisset. Animus igitur mihi inclinatur in eam opinionem, vt putem, acumen rostri dentatum significari a Iuba. AVGVSTINVS de Ciuitate dei XVIII. cap. 16. ex antiquo aliquo scriptore tradit, Diomedae aues rostrum aqua implere eaque templum aspergere — si autem alienigenas viderint, subuolare ad capita tamque grauibus ictibus vulnerare, vt etiam perimant. Perhiberi enim duris et grandibus rostris ad haec praelia armatas esse. Qui locus plane cum graeco supra allato conuenit, atque adeo ex eo traductus esse videtur. ALBERTVS XXIII. p. 234. ex PLINIO sine dubio sua duxit, attamen interseruit aliunde quaedam. Rostreis, inquit, acutis cauunt molliora rupium, in quibus nidificant, et tecta desuper ex tegulis et puluere componunt ad modum magni cippi — sed quum querulas emittunt voces, significare dicunt augures aut ipsarum aut regis patriae aut utrorumque excidium. In fine addit, impugnare barbararum nationum hospites, qui ad nidos suos accedant; quod veri speciem maiorem habet, quam reliquae narrationes. Pannum de augurio ex querula (lacrymosa ISIDORO) voce assuit ex ISIDORO, qui rostrum durum et grande memorat. Aues quotidie ex mari se recepisse in terram congregatae in vicinia templi Diomedis videntur, vbi cum plaudentes alas excuterent aquarumque aspergine templum madefacerent, purificare velle id visae sunt ineptis et superstitiosis fabularum factoribus. Ex notis iis, quas posui explicuique, iam olim LACHMVND de Aue Diomedea, Amstelod. 1675, genus procellariae intelligi collegerat; quam eandem opinionem secuti sunt Cl. BECMANN ad ARISTOTELEM de Mirabil. p. 158. et illustris BVEFFON T. XVII. p. 465. Vterque procellariam puffinum interpretantur. Cui equidem opinioni assentiri non dubito; etsi magnitudo satis conuenire in eam non videtur. Hoc genus auium insulas desertas frequentat; vbi cuniculorum foueas occupant, primo habitatore eiecto, ne ipsae operam nido effodiendo dare cogantur; quod idem facere anatum sola amat tadorna. Hoc equidem argumento praecipue confido;



fido; rostrum magnum et durum est, et ad aquilinam formam accedit; coloris similitudinem habet cum ardeis et cynis communem; sed ex eo arguere nihil possumus. Procellariae speciem diuersam, pelagicam puto, ARISTOTELES Κέπ-Φον nominauit, vt alibi demonstrare conatus sum. Video tamen nunc demum, illustri BUFFONO eam arrisisse opinionem, quae larum canum interpretatur a sono vocis, quae in syllabam keph (*kutgekef*) desinere solet. Tom. XVI. p. 219. ed. octauae formae.

I. c. 18. αἰσήμεν μὲν, ἥ δὲ δύναται σύνθημα recte emendauit Cl. WYTTENBACH ad PLVTARCHVM de Sera numinis Vindicta p. 102.

II. c. 11. p. 49. ad notam. Locutionem tamen eandem frequentat GALENVS. Sic enim ille initio Administ. Anatomic. I. p. 119. ed. Basil.: γράφειν δὲ αὐτοῖς ἄλλας εἰκα ταύτας, διὰ διττὴν αἰτίαν.

II. c. 17. ad notam de echeneide. Vbi male iudicaui de loco OPPIANI. Maxilla enim inferior acuta, multum prominens et paululum reflexa arguit, OPPIANVM de echeneide loqui, qualem hodie nouimus. In pinnis tamen pedum similitudinem nullam agnoscere potui, cum nuper ipsum piscem cultro anatomico indagarem structuramque scuti capitalis explicarem pingeremque.

II. c. 21. p. 56. Pro αἶρσι recte αἰρεῖσι emendat WYTTENBACH l. c. p. 8.

III. c. 3. Ex eodem sine dubio CTESIA refert PALLADIVS de Bragm. p. 5.: ἔτι δὲ τὰ πρόβατα τετραχωμένα ἀνευ ἐρέας γαλακτοφόρα λίαν πλατείας ἔχοντα ἔρας — χοῖρος ἀπὸ Θηβαΐδος ἐκ ἔτι εὐρίσκεται ἐν τοῖς μέρεσιν Ἰνδίας ἢ Αἰθιοπίας δι' ὑπερβολὴν καυμάτων.

III. c. 6. De lupis eandem narrationem habet ARTEMIDORVS Oneirocrit. II. 12. et SVIDAS in voce Λυκάβας. Eandem etiam hoc loco AELIANI laudato refert EUSTATHIVS ad Odyssaeam p. 538. ed. Basil., vbi in verbis, sed alieni auctoris, melius legi videtur ἐνδακόντες τὰς ἔρας.

III. c. 19. cum capite 17. iungendum esse, recte admonuit WYTTENBACH ad PLVTARCHVM l. c. p. 43.

III. c. 26. Lectionem ἀπηνέστατον GYLLIVS expressit auium inimicissimam interpretatus, vt admonuit GESNER de Auibus, p. 745.

III. c. 28. ad notam. Dentes magni et frequentes (πικνοὶ) potius Sparum arguunt.

III. c. 32. ANTIGONVS Carystius c. 14. de Zazyntho: ὑπὸ γὰρ τὰς ἐτησίας χαίνοντες ἐσέκασιν οἱ τράγοι πρὸς τὸν βορέαν, καὶ τῆτο πρᾶττοντες ἢ πρὸς δέοντα ὕδατος ἐδὲ πίνουσιν. Ex VALERIO MAXIMO Libro I. de gestis et dictis memorabilibus refert VINCENTIVS Bellouacensis Speculi naturalis libro 18. c. 2. et 71.: in Cephalenia insula cum omnia vbique pecora vsu aquae quotidie recreantur, in ea pecudes maiore ex parte anni ore aperto ex alto ventos recipientes sitim suam extinguunt. Idem infra de capris montis Mimantis refert ALEXANDER Myndius V. c. 27.

III. c. 35. Contra emendationem a GRONOVIO receptam pugnat locus PLINII XI. sect. 112.: mutae in Macedonia traduntur ranae, muti et apri. Ceterum capras Illyricas solipedes commemorat AELIANVS infra V. 27., si locus est sanus. Camelos solipedes AVICENNA apud ALBERTVM M. de Anim. II. p. 36. b.

III. c. 42. ad notam de quino digitorum Porphyriionis (fulicae) numero. Potuit tamen fieri, vt porphyriones, postquam diu inter aues domesticas cum gallinis cortalibus vixerant, eodem signo distinguerentur, quo gallinae generosiores a Scriptoribus rei rusticae distinguuntur. COLUMELLA enim VIII. c. 2. gallinas imparibus vnguibus probat et generosissimas haberi ait, quae quinos habeant digitos. Ita et VARRO III. 9. impares digitos postulat, et GEOPONICA XIV. 4. περιπτοδακτύλης. PLINIVS X. sect. 77.: gallinarum generositas spectatur digitis imparibus aliquando et super quatuor digitos transverso vno. Gallinarum speciem pentadactylam hodieque nouimus; hexadactylam commemorat adeo illustris BUFFON. Picas glandarias illas, quibus quini sunt digiti in pedibus, facilius sermonem humanum imitari, tradit PLINIVS X. sect. 59., quod ad psittacum male transtulit cum SOLINO c. 52. APVLEIVS Libro 2. Floridorum. Ipse in gallo castrato reperi in altero pede digitum posticum duplicem, quorum unus duos, alter vnicum articulum habebat; in eodem calcarium vestigia non dubia eminebant. Plura olim in Commentariis ad Scriptores rei rusticae, quos innumeris mendis purgatos dabo.

IV. c. 5. Differentiam κίρκης a κίρκω ex hoc loco repetiit EUSTATHIVS ad Odysseam p. 333.

IV. c. 34. ad notam. Loca OPPIANI, AELIANI cum PLINIO et ARISTOTELE in consensum reduxi de generibus leonum in Censura nuperae OPPIANI editio-

editionis inserta Commentariis Lipsiensibus de rebus in scientia naturali et medica gestis Volum. XXVIII. Part. III. p. 477.

IV. c. 40. *δραμῶν* et cet. Idem de cane Laconico tradit ARISTOTELES H. A. VI. 20., qui etiam III. 7. canis cranium *μονόσεον* carere futuris ossium male tradit.

IV. c. 42. Easdem Melagrides etiam Garamantidas dictas suspicor a PHILOSTORGIO Histor. eccles. III. c. 11.: καὶ τὰς ποικίλους δὲ καὶ καταπιγῆς ὄρνεις, ὅς Γαραμάντας ἐπικαλῶσιν τινες ἀπὸ τῆ ἔθνους, ἃ μάλιστα πλεῖστοι κομίζονται, τὴν ἐπωνυμίαν θέμενοι. ISIDORVS Origin. XII. c. 7.: Aliae aues ad manum se subiiciunt, vt accipiter, aliae reformidant, vt garaimantes. CONR. noster GESNERVS Garamantidas ex solo NICEPHORO, PHILOSTORGII compilatore, commemorauit. Apud ANTIGONVM Carysium c. 11.: ἐδὲ μελίσσας ἔδαμψ ἄλλη ὄρεται legitur; sed locus mancus desiderium magnum integrae narrationis facit, unde poteramus cognoscere, in quibus Graeciae locis meleagrides primum cultae fuerunt.

IV. c. 43. Narratio de formicis ducta, pannis tamen alienis adsutis, est ex ARISTOTELE H. A. IX. 38.

IV. c. 46. ad notam de cantharo tinctorio. De coccinella tinctoria cogitauerat iam olim EDW. TYSON in Dissert. philologica de Pygmaeis post Anatomiam Pygmaei p. 42., ubi ait: These *κάνθαροι* are that sort of Scarabaeus, whe call a Lady cow, and i have formerly given a figure of in Philosph. Transact. n. 176. p. 1202., from the worm or chrysalis of which come the cochinel for dying scarlet, of which there is a good account here in Aelian out of Ctesias. Nec Coccus Laccae a Britanno KERR descriptus intelligitur; is enim ex arboribus succum rubrum trahit atque inde cellas format, quae laccam praebent tinctoribus aliisque artificibus.

IV. c. 50. HIEROCLES in Hippiatricis p. 173.: τὰ τριᾶντα ἡγενοῦντο ὡς περ Μήκωνι τῷ παλαιῷ, ὅς ᾤετο ἵππον καὶ τὸ κάτω βλέφαρον ἔχειν τρίχας, ὅς καλῶσιν Ἕλληνες βλεφαρίδας. καθάπτεται γὰρ αὐτῷ Σίμων τὴν ἄνοιαν ταύτην αἰτιώμενος. Recte igitur MEVRIVS in AELIANO-corrigebat Μήκωνα pro Νίκωνα. Error pictori primum a Simone Atheniensi hippocomo obiectus esse videtur. Simias, elephantum atque inter aues vulturem gryphum et struthiocamelum in vtraque palpebra cilia habere, monuit FERRALTUS in anatomia elephantī T. II. p. 290. vers. germanicae.

IV. c. 55. Scriptor anonymus apud SVIDAM sub voce *καπρίαί*, capreae, inquit, sunt carnes eminentes infra pterygomata pudendi, quas excindunt, cum ad bellum parantur cameli, ne amplius coire possint. Vocem *καπρίαί* in sue castranda adhibet etiam ARISTOTELES. *πτερυγώματα* in pudendo muliebri explicat GABR. FALLOPIVS Obseruat. anatomic. p. 193.

V. c. 1. Initio versio GYLLII habet: *Terram Mariandyneam*. Sed GESNERVS de Auibus p. 575. ex suo Codice laudat *γῆν τὴν Παρίαν*. Memnones aues forte intelligebat PLINIVS libro 19., cum aues ultra Phasidem peti, alias in Numidiam atque in Aethiopiae sepulcra sequi luxuriam querebatur.

V. c. 27. Verba *ἐπὶ τῶν ὤμων ἔχειν τὰ κέρατα* manca esse suspicor et legendum: *ἐπὶ τῶν ὤμων ἔχειν ὕβρον καὶ κινεῖν τὰ κέρατα*. Idem de Caricis bobus tradit PLINIVS VIII. sect. 70. Cf. AELIANVS XVI. 33. et II. 20., vbi boues mobilibus cornibus armati memorantur.

V. c. 39. EVSTATHIVS ad Iliadem p. 806. de leone ignem timente: *τῷ δὲ τοιάτῃ φόβῳ φατὶν αἴτιον τὸ ἐνθερμον αὐτῷ καὶ ὅλον πυρῶδες. διὸ καὶ δέδωκε τὸ πῦρ. διὰ τῷτο δὲ, φασὶν, ἐδὲ μύει κοιμώμενος. ὡς δὲ Δημόκριτός φησιν, ἐδὲ τιπτόμενος. μόνος γὰρ, φησὶ, γεννᾶται ἐρῶν. Causa timoris eadem infra traditur XII. 7. De catulis contrarium supra IV. 34. EVSTATHIVS l. c. p. 800. in etymologia vocis *λῆς*. ὡς ὀξυδερκῆς, καὶ ὅτι, ὡς φησι Μανέθων ἐν τοῖς πρὸς Ἡρόδοτον, ἔκασθεύδει ὁ λέων, ὅπερ ἀπίθανον. ἔκ γὰρ αὖν αἰεὶ ἐγρηγορεῖ, ἀλλὰ κατὰ δορκάδα τὴν ἐκ τῷ δέρκεν παρεγμένην καὶ κατὰ τὸν λαγὼν τὸν ἐκ τῷ λαῷ, ἀνεωγότας καθεύδων ἔχει τὰς ὀφθαλμούς, ὡς οἱ παλαιοὶ φασι. De leone Berenicae TERTVLLIANVS de anima cap. 24.: plane obliuiscetur feritatis leo, — delictum fiet Berenices alicuius reginae, lingua genas eius emaculans.*

V. c. 42. Mel idem furiosum commemorat PEYSSONEL *Traité sur le Commerce de la mer noire* T. I. p. 285.: *On debite à Taman du miel d' Abaza — il est d'une très mauvaise qualité, il cause une ivresse affreuse à ceux qui en mangent, et c'est pour cela qu' on l' appelle deli-bal, du miel fol. On en compose une boisson avec le nardenk; on le mele aussi avec la boisson de millet fermentée appelée boza, pour lui donner plus de force.*

VI. c. 64. Vrina caudae floccosae aspersa vulpes etiam vulgo canes insequentes absterre dicitur, quo respexisse puto MARTIALEM IV. epigr. 49.: quod vulpis fuga, viperae cubile olet.

VII.

VII. c. 4. Κατώβλιψ nominatur iam ab ARCHELAO Cherronesite apud ATHENAEVM IX. p. 409. Ad vri genus seu bifontis referebat illustris BVR-FONVS.

VII. c. 11. Versum non HESIODI, sed exinde expressum esse, ait WYT-TENBACH ad PLVTARCH. l. c. p. 49.

VII. c. 47. LOCUS HIPPONACTIS laudatur etiam ab EYSTATHIO ad Odyss. p. 627.: τῶν ἀγρίων ὕων τὰ νέα εἰ μὲν κολόβρια, οἱ δὲ μολόβρια λέγουσιν· ἐπά-γει ὡς καὶ Ἰππῶναξ τὸν ἴδιον υἱὸν μολοβρίτην πε λέγει ἐν τῷ κρείας ἐκ μολοβρίτη συός. De ἀρκήλοις locus ARISTOPHANIS integrior exstat apud EYSTATHIVM p. 350. et p. 633. ad Odyssaeam. Ἀρκηλοι cum lyncibus et camelopardalibus no-minantur a CALLIXENO Rhodio apud ATHENAEVM V. p. 201.

IX. c. 6. De echinis et ostracodermis idem pronunciat ARISTOTELES de Partib. IV. c. 5., de testaceis omnibus ex relatione piscatorum SWINBURNE Itine-rarii Siculi I. p. 299. verf. germ.

IX. c. 30. ad notam. Omne felium genus Linnaeanum eodem modo recon-ditos gerit ungues, quem accurate pinxit et descripsit FERRALTVS Oeuvres de Phy-sique Vol. II. p. 372. PLVTARCHVS de Curiositate p. 520.: ὥς περ οἱ αἰετοὶ καὶ οἱ λέοντες ἐν τῷ περιπατεῖν συστρέφουσι τὰς ὀνυχας, ἵνα μὴ τὴν ἀκμὴν αὐτῶν καὶ τὴν ὀξύτητα κατατρίβωσιν. In aquila tamen alia est ratio.

IX. c. 35. CLEOMEDES de Mundo p. 56. asseuerat, montium altitudinem ad perpendicularum nullam superare quindecim stadiorum mensuram, vti nec ma-ris profunditatem. Apud PLVTARCHVM in Aemilio Paulo est, Geometras con-tendere, nec montium nec maris altitudinem ultra 10. stadia ascendere.

IX. c. 36. Exocoetum lubenter etiamnum ad blennios referrem; hoc enim genus in siccum amphibiorum instar interdum exire, pinnis pectoralibus la-certarum instar saltare, ex Cl. FORSTERI Itinerario docui. Eandem rem iam olim obseruauit THEOPHRASTVS in quibusdam Indiae fluuiorum pisciculis, vt refert ATHENAEVS VIII. cap. 2. p. 332.: quidam, inquit, Indici pisces e fluuiis in siccum egrediuntur saltu, veluti ranae, specie similes piscibus maxinis (μα-ξεινοῖς) dictis. Sed in editis libris THEOPHRASTI legitur μαζίναις. Vtrumque vocabulum de myxino ARISTOTELIS intelligendum et piscis Indicus ad blennios referendus esse videtur. Eandem ex THEOPHRASTO rem breuius narrat PLINIVS IX. cap. 19. Ex recentioribus neminem reperi de pisciculo Indico tradentem, nisi medicinae doctorem HYNH, qui ex India orientali redux in Gange fluuio repe-

riri narrat pisciculum, spithamam longum, colore bruneo-nigrum, squamis paruis, sed fortibus, qui duabus iuxta caput vtrinque pinnis caudaeque motu adiutus super coenum ipsamque terram exiliat, vitamque extra aquam per duos dies sustineat. Hunc velut in esu saluberrimum omnium et gratissimum commendat, et ab incolis *Porko* vocari ait in libro germanico: *Neueste Mannigfaltigkeiten, zweyter Jahrgang, Berlin, 1779. pag. 778.*

IX. c. 44. Viperarum foetor ex glandulis duabus iuxta anum in cauda positus prodit, quae liquorem foetidissimum effundunt, auctore EDW. TYSONO. Idem ad hunc ipsum AELIANI locum monuit FR. REDI Obseru. de viperis p. 81. vers. latin. Hinc MARTIALIS: quod vulpis fuga (cauda fugientis vrina adpersa), viperae cubile olet.

IX. c. 64. Experimento ex ARISTOTELE commemorato ad aquae marinae dulcedinem mixtam demonstrandam simile, sed mirabilius, est cum ampulla vitrea factum, quod commemorant Acta Societ. Parisin. 1725. in Historia p. 6.

X. c. 12. PLINIUS VIII. c. 10. de elephanto: inuenit et luxuria commendationem et aliam: expetit in callo manus vim saporis.

X. c. 16. Fabulae de pullorum vpupae pietate in parentes originem indagui in notis ad FRIDERICI II. librum.

X. c. 42. Telephus grammaticus idem videtur, quem GALENVS *ὁ γλωσσῶν* V. c. 4. §. 6. aetatem ad annos fere centum produxisse narrat. Telephus Pergamenus inter grammaticos laudatur ab EVSTATHIO ad Odyseam p. 641.

XI. c. 10. De Apidis oraculo Memphitico conferatur DIO Chrysoft. T. I. p. 660. ed. Reisk. HEMSTERHVS. in Obseru. Miscell. Amstelod. T. VI. p. 341. VALESIVS ad AMMIANVM p. 333.

XI. c. 37. ad notam de talpa. Omnino ARISTOTELES H. A. IV. 8. talpae τὰς ἀνω χαυλιόδοντας memorat, quibus cum apro conuenit ei. Recte igitur AELIANVS.

XI. c. 38. Suspicionem a viris doctis receptam, anatem tadornam esse, quam veteres dixerunt vulpanferem, egregie confirmant mores iidem plane in sobole tuenda obseruati a curiosis, ut refert illustris BUFFONVS T. XVII. p. 303. Hoc genus cortale olim apud Graecos fuisse, recte idem arguit ex loco ARISTOTELIS H. A. VI. 2., ubi nominatur cum reliquis corticalibus, quae oua subuenta nea edere solent.

XII.

XII. c. 16. Cum DEMOCRITO facit Problema inter Aristotelica X. 16.: διὰ τί τὰ μὲν πολύτεκνα τῶν ζώων, οἷον ὄες, κύων καὶ λαγῶς — ἢ ὅτι τὰ μὲν πολλὰς μήτρας καὶ τόπους ἔχει ἴσας καὶ πίμπλασθαι ἐπιθυμῇ καὶ εἰς ἃ σχίζεται ἡ γονή. Cornua vterina horum animalium omnino maiora, longiora et capaciora sunt, quam ruminantium et aliorum pauciparorum.

XII. c. 20. τὸ τετραγώνιον ἐπὶ τῷ βρέγματι est pars cranii spongiosa propter sinuum frontalem cellas ab ossibus frontis ad cornuum mediam partem atque hinc ad condylos occipitis excurrentes, quas in cranio vri multo maiores quam in vulgari tauro vidi. Has cavitates in mutilo armento deesse voluit DEMOCRITVS. De re ipsa alibi accuratius tradam, vbi cornuum varietatem deciduorum et perennium indagabo.

XII. c. 33. Festum, sed canibus perniciosum, diem ad Augustum mensem refert Scriptor anonymus apud SVIDAM sub voce Μαῖεύμας.

XII. c. 40. Apud ANTONINVM Liberalem c. 4. Phalaecus Ambraciotarum hic tyrannus appellatur, et historia integrior exstat.

XIII. c. 25. κεγχρηίδας. Alias κεγχρῆς, κεγχρηῆς, est tinnunculus. κεγχρεῖται OPIANO seu DIONYSIO in Ixeuticis genus anserum. Sed h. l. parua avis intelligitur, forte miliaria avis Romanis dicta. GESNERVS, quem hic locus fugit, laudat tamen p. 55. et 585. EUBVLII locum apud ATHENAEVM II. p. 65., vbi inter paruas esculentas auiculas ἀκανθυλλίδας, βιττάκας, σπίνια, κερχνήδας nominat, vbi legendum censeo κερχρηίδας.

XIV. c. 7. Quae de sensu vocis ἐχίνος disputavi ad h. l., firma et vera puto. Atque iste echinus vt auibus granioris, gallinis anatibusque peculiaris est, ita raro exemplo reperitur etiam in quadrupede animali, quod LINNAEVS Castorem zibethicum, primus vero notitiae omnium accuratissimae auctor, *Rattum moschatum* appellauit. Haec vero prorsus singularis muris species non solum echini seu interioris stomachi cuticulae separabilis, sed glandularum etiam ante auium ventriculorum per densas series collocatarum similitudinem reddit, vt docuit egregius auctor notitiae SARRAZIN in Mémoires de l' Acad. des Sciences de Paris, 1725. pag. 332. Idem denique animal dum intento animo contempletur, partiumque eius genitalium structuram situmque pro anni tempore varium considero; descendunt enim illa membra instante coitu ex abdomine, postea vero retracta gracilescent, vt in auium testiculis et pene fieri nouimus; dum igitur haec cogito, tandem mihi reperisse videor vsum canalium istorum in echino seu herinaceo nostro, qui ad testiculos pertusi ducunt, a solo, quod

quod sciam, BORRICHIO annotati in Actorum Hafniens. Vol. II. p. 175., quorumque usum cum illo aequè ignorabam, cum in Promptuario Lipsienfi anni 1787. interiores herinacei partes describerem. Igitur hos canales inuertos tempore coitus puto testiculos detractos ex abdomine propius ad vesiculas seminales adducere, post coitum vero reuertentes et cauos factos cum ipsis testiculis reduci in abdomen, vt in mure seu castore zibethico fieri docuit SARRAZIN. Quodsi herinaceus in ipso venerei aestus tempore anatomico examini subiicitur, opinionis meae vanitatem aut veritatem approbari viris doctis aut reprobari posse spero.

XIV. c. 13. HIERONYMVS contra Iouianum libro II.: in Ponto et Phrygia vermes albos et obesos, qui nigello capite sunt et nascuntur in lignorum carie, pro magnis redditibus paterfamilias exigit.

XIV. c. 20. Canis iecur in medicamento contra hydrophobiam est. Similiter VEGETIVS Mulomed. III. 84.: quodsi canem ipsum occidere potueris, iecur eius decoctum dabis ad manducandum vel tritum faucibus degeres.

XVI. c. 2. PENNANTVS loco in nota laudato contra GESNERVM asserit, h. l. intelligi Pauonem bicalcaratum. *It has, inquit, a crest, but not so conspicuous, as that described by Aelian; but it has those striking colours in form of eyes, neither does it erect its tail like the peacock, but trails it like the pheasant.* Eundem deinde putat esse Catreā STRABONI et AELIANO XVII. 23. dictum; de cantu vero fabulam aut hyperbolam esse putat.

XVI. c. 13. Haec eadem fere ex eodem, vt puto, auctore exscripsit STRABO p. 1033.: τῶν δὲ καρίδων τὰς μὲν μικρὰς μέχρι ὄρεος ἀναθῆναι, τὰς δὲ μεγάλαις μέχρι τῶν συμβολῶν τῇ τε ἰνδῇ καὶ τῇ Ἀκείνῃ: vbi Cl. TYRHWITT p. 39. in voce ὄρεος mendum latere suspicabatur; sed locus pluribus vitiis laborat.

XVI. c. 33. Boum retro pascentium exemplum forte aliquo modo firmari possit auctoritate Cl. PALLAS, qui in Spicileg. XII. p. 81. capram Saiga, STRABONI Colon dictam, interdum retro pasci tradit. Liber de natura rerum apud VINCENTIVM XIX. cap. 113.: Tragodita sola inter bestias deiectis cornibus obliqua ceruice pascitur, vt magis videatur herbam sic ore attractam secare, quam aliorum animalium more carpere. Habet enim cornua per declinum capitis et maxillarum ad terram vsque dependentia, quae prohibent eam in terra iuxta morem pascere. Nomen forte corruptum ex PLINIO XI. sect. 45.: Troglodytarum (armentis) in terram directa cornua: qua de causa obliqua ceruice pascuntur. Quod deinde sub auctoritate ARISTOTELIS tradit AELIANVS, capras Libycas quasdam manimas in pectore dependentes gerere, in eo fere est, vt suspicer,



suspicer, AELIANVM ambiguo vocabulo aliquo falsum fuisse, quod contra morem ruminantium situs hic mammarum est, etsi capram bene barbatam et cornutam vberibus inter pedes priores dependentibus descriptam et pictam adeo a PAVLINO in Ephemerid. Natur. Curios. Dec. II. Ann. V. p. 55. in Appendice non ignoro. Forte enim in graeco fuit vocabulum, quod mammulas, seu verruculas, etiam noneolas dictas, significabat; quae vulgo caprarum, interdum etiam suum, in faucibus sub mento dependent, et vernaculum nomen apud nos etiam cum mammis habent commune.

XVI. c. 41. De serpentibus alatis eadem ex eodem MEGASTHENE paulo accuratius STRABO excerpfit XV. p. 1029., vbi ὄφεις διπῆχεις ὑμένόπτεροι ὥς περ αἱ νυκτερίδες memorantur.

XVI. c. 42. APOLLONIVS Mirabil. c. 39. ex ARISTOTELIS Anatomicis Eclogis refert: ὄφεις ὠφθη ἐν Πάφῳ πέδας ἔχων δύο ὁμοίας χειραῖς προκοδείλῳ.

XVII. c. 19. Locis iam laudatis adde egregium ZOSIMI Histor. I. 57. §. 6. Nigram auem columba paulo minorem, in mari et in terra viuentem, praesertim ad Tigrin frequentem praedicat Seleucidem nescio vnde NORBERG in Epistolis adiectis Itinerariis Epistolis BIÖRNSTAHLII T. VI. p. 366.

XVII. c. 20. De hirundine Samia etiam ANTIGONVS Caryst. c. 132.: ἐδὲ τὰς Σαμιακὰς ὄρεας συγγεγραφὼς ἐπὶ τῶν πρώτων κληθέντων μαθητῶν τῶν περὶ Ἡρόστράτον φησι χειλιδόνα λευκὴν φανῆναι. Miraculum vetusto auctori fecerat et color et magnitudo extraordinaria.

XVII. c. 25. WESSELINGII emendationem ἄμματα confirmat etiam, quod simili modo in PSEVDOPHOCYLIDE versu 199. scriptum habent Codices duo regii a Cl. BRVNKIO collati ἔρματα pro ἄμματα.

XVII. c. 34. In insulis beatis prope Arabiam omnia pecora alba et feminas sine cornibus esse, tradit Scriptor anonymus apud DIODORVM Sicul. Tom. I. p. 215. Quae vero in nota de pilis camelinis ad texturam ineptis dixi, plane aliena et falsa deinde comperi.

XVII. c. 45. Quae de cornibus taurorum Aethiopicorum hic narrat AGATHARCHIDES, tam similia sunt iis, quae de bicorni Aethiopum rhinocerote narrat COSMAS Indopleusta, vt suspicio non levis animum subire possit, eundem etiam hic intelligi; taurum enim PAVSANIAS etiam appellauit rhinocerotem.

Quae in Addendis p. 580. de antris inguinalibus disputavi, etsi recte habent se, postea tamen cognoui, leporis genus haec antra inguinalia, etiam sinus et cauitates inguinales dicta, glandulis obsita, depila, et oleosa graueolenti materie oblita communia habere cum animalibus plerisque ruminantibus, si lbicem et congeneres capras exceperis, vt post FERRALTVM et DAVBENTONVM docuit Cl. PALLAS in Spicileg. Zoolog. I. p. 26. XI. p. 22. 38. XII. p. 53. Cum marsupio Didelphidum vterino male comparauit ea DAVBENTONVS in anatomia Antilopes Dorcadis T. VI. Parte II. p. 146. vers. germ. An cum aetate demum incremente appareant, nondum obseruatum legi.

Ad notam spectantem IV. c. 31. p. 581. Quaecunque hodie vulgo de elephanto traduntur, falsa pleraque arguere videntur Excerpta ex libro AYIN AKBARY in India orientali typis expresso, quae sermone vernaculo nobis promulgauit Cl. SPRENGEL in Appendice Manualis historici anni 1786. p. XXX. separatim excusa, quae eadem inserta legitur Manuali anni 1787., quam lectores curiosi consulunt.

Haec fere sunt, quae et mea et lectorum AELIANI mei interesse putavi, vt supplementi instar adderem iis, quae ante hos quinque annos in scriptorem ex alieno merito laudabilem commentatus sum. Morbus tuum grauissimus limam mihi in ipsa opera cohibuit; a quo postquam conualui, omnem dedi operam, vt, quicquid omissum aut male traditum reperissem, corrigerem et supplerem. Reliqua leuioris fere momenti supplementa commodiori loco seruata repono.

---

TABV.

---

# TABVLARVM IN AERE

## EXPRESSARVM INTERPRETATIO.

**F**ig. 1. monstrat fauces vrogalli apertas, in quibus profunde abdita latet lingua. Palatum vero totum, vti etiam cutis inter maxillae inferioris iuga duo extensa, exasperatur aculeis cartilagineis plerumque triangularibus, quales in faucibus atque ore ruminantium animalium, praeterea in faucibus testudinum marinarum et sturionis videre solemus. In superna oculorum regione vestigia callosae, rubrae et punctatae cuticulae apparent.

Fig. 2. cranium vrogalli a latere exhibet conspiciendum. In quo apparet primum quidem forma rostri incuruati aquilino similis; in qua quidem similitudine viri quidam docti gallinacei generis affinitatem et aquilini reperisse sibi visi sunt. Rostris superioris mobilitas in hac aue plane nulla est, si eam ex iunctura frontaliū nasaliumque ossium cum rostro seu maxilla superiore iudices. Ossia nasalia angusta cordiforme initium habent. Omnium maxime memorabiles in hoc cranio sinus bullares in anteriore parte ossis sphenoidalis, quod orbitam oculi fingit, protuberantes. Quorum usum vt indagarem, cum meminissem in auium craniis os cuneiforme in posteriore parte totum esse spongiosum et cauum, ita vt auris alterius cum altera communio per has cauitates fit aperta, quibus etiam tubae Eustachianae inferuntur, vt docuit MOVLEN in Transact. philosophic. No. 199., totum cranium diligentissime comparatum cum aquilae albicillae senis cranio ad perpendicularum dissectui ferra acutissima. Primum igitur cranium ipsum paululum aquilino breuius, aquilinum vero multum altius apparuit. Cranium vrogalli occiput fere quadratum, sinciput vero cum orbitis admodum protuberans habet. In aquila vero occiput ab orbitalum fine fit admodum latum, rotundum adeoque conuexum. Dissecto ad perpendicularum cranio medio cum osse sphenoidaleo diploë crassissima apparuit, quae efficit, vt receptaculum cerebri ipsum multo angustius sit, quam pro mole cranii credere licet; ipsae etiam orbitae hac diploë crassitie mirum in modum angustantur. Textura spongiosa superne ad initium nasaliū ossium excurrit, nec vlla cum narium cauitate communio conspici potest. In basi cranii textura ea spongiosa per ipsum occipitis condylum omnem ossis sphenoidalis partem, quae orbitas separat et anteriùs gemino mucrone, superiore

Y 2

riore paulum ultra nasalium ossium initium, procurrat, peruagatur ita, ut sinus diploë frontalis in vnum cum sphenoidali coëat. Nulla nec in osse sphenoidali communionis vestigia cum naribus apparent, sed neruus nasalis in fossa sua supra bullam sphenoidalem separatus ad nares excurrit. Manifestum igitur est, totum hunc cavitatum spongiosarum apparatus nihil odoratum, contra vero vel auditum vel corporis leuitatem et volatum adiuuare. In cranio Tetricis ultra dimidium minore diploë multo densior, sed iisdem in partibus, conspicitur, nisi quod sphenoidale os inter orbitas non intumescit in bullam, sed inferiorem tantum marginem crassum et rotundum, cui ossa palatina applicantur, textura spongiosa repletum habet. Aquilae albicillae cranium os sphenoidale interorbitale totum spongiosum habet, sed marginem inferiorem palatinum multo crassiorum cum cavitatibus multo pluribus, quae posterius vsque ad condyli initium, anterieus vero ipsa pterygomata ante nares transuerse posita peruagantur. Sinus frontales satis magni a sphenoidalibus pariete tenui osseo horizontali, ipsi vero inuicem perpendiculari separati, triplici ductu, medio vno, duobusque lateralibus supra orbitalium margines cum occipitalibus in vnum coëunt. Rostris superioris cavitatis magna et longa tota reticularibus maculis osseis laxis repleta. In cycno muto sinus frontales tubere magno eminentes, ante quos globus niger glandularis collocatus est, pariete perpendiculari minute perforato separantur et triplice ductu, ut in aquila, ad occiput auresque peruagantur. Os sphenoidale totum spongiosum, inter orbitas tenue, margine inferiore tantum spongioso, anterieus cavitatem magnam triangularem sinus frontalibus subiungit, pariete horizontali ab iis separatam. Cavitatis anterior sphenoidalis in nares ipsas etiam patet, adeoque odoratum etiam adiuuat. Contra sinus frontales in latere vsque in extremum os lacrymale seu appendicem orbitae anteriorem, longissimam et latissimam continuantur. In anseris vulgari sinus frontales parui (quoniam frons aequalis descendit) liberam cum sphenoidalibus et per ductum triplicem cum occipite, nullam vero cum naribus communionem habent; contra vero bulla pellucida ingressum Eustachianae tubae desuper tegit, eius fere magnitudinis, ut pisum recipere possit. Obiter in ardea minuta, cinerea, stellari, ciconia alba et nigra dum tubam Eustachianam rimor, apertum eius et liberum ingressum in auris cavitatem sub tympano video sub margine eminentiae triangularis ossis sphenoidalis, cum in plurimis auibus os ipsum intret adeoque visum effugiat. In coruo cornice LINN. cranium omne spongiosum, ut in strige alucone, nisi quod diploë in strige crassior, liberam cum triangulari anteriore cavitatis ossis sphenoidalis, quae per marginem inferiorem interorbitalem seu palatinum ad condylum continuatur, et cum osse lacrymali et pterygomatibus ossis sphenoidalis, quae in strige etiam et aliis quibusdam auibus cum lacrymali osse fere tota coaluerunt in vnum corpus, habet communionem. In gallopauonis cranio si-

nus

nus frontales minores triplice ductu cum occipite, inferius vero, vt in cornice, cum sphenoidalibus coniuncti sunt; sed rete spongiosum vbique multo densius apparet. Condylus occipitis totus spongiosus. In pico vario maiore cranium tenue pellucidum sinus frontales per vnum ductum cum occipite et cum sphenoidalibus cavitatibus habet communes. Alas orbitales ossis sphenoidalis ab osse lacrynali distinguere non licet, sed vtrumque coniunctum orbitale cauum anterius claudit. In scolopace gallinagine sinus frontales triplice ductu in occiput, inferius vero in sphenoidales excurrunt, in antica vero sphenoidalium frontaliumque coniunctione cavitatis ovalis nasalis cum minutulis ossibus spongiosis inclusa latet. Haec omnia reuocant mihi in animum cavitates immensas sinuum frontalium elephanti cranium superne et ipsos condylos peruagantes, quibus similes in cranio vri nuper vidi, quae tamen ipsos condylos non ingressae ad cornuum duas tertias partes, vt in plurimis cornutis animalibus, excurrerant. Videant nunc alii, num sinus hi frontales tam immanenti praeter odoratum alias etiam capitis functiones adiuuent. Reliquam varietatem texturae spongiosae in craniis auium cum membrana duplici tympani annotauit MOVLEN l.c., quem in paucis quibusdam a vero aberrantem reperi. Recentiores GALVANI et VICQ D'AZYR de auditu auium instrumentis annotationes nondum legere mihi licuit; nec auditum hoc tempore mihi in aubis diligentius scrutari animus erat. Talpae aures auium structurae simillimas esse, asseruit CLAYTON in Philosoph. Transact. No. 206.; quam quidem similitudinem non ad ossicula auditus, sed potius ad os sphenoidale spongiosum ab aure vna ad alteram vsque et situm formamque ductuum semicircularium, quae eadem in pico, scolopace etc. est, pertinere video in talpae cranio dissecto. — Praeterea ossis communis maxillaris capiti superiori interiori adhaeret stylus osseus longus, qualem etiam in cranio phasianii reperi. Differentiam, quae cranium vrogalli et tetricis intercedit, ne lectorem diutius morer, alibi enarrabo satis insignem.

Fig. 3. Idem cranium a postica parte conspiciendum cum longis maxillae inferioris processibus ad occiput applicatis. In occipitis ea parte, quae cavitatem auris pro ratione capitis et reliquo auium more maximam fugit et tegit, vides sinum magnum curuum et fere cochleatum, in cuius interiore parte quatuor minora foramina in cerebrum pertusa patent, dextrum vero et maius, quod solum in pictura apparet, in magnam auris cavitatem ducit, atque hinc suspicor, canalem membranaceum aërem ex capite spongioso deriuare in maxillam inferiorem, cuius posticus processus, qui occipiti vtrinque applicatur in posteriore parte in ipso initio, quod cum processu maxillae transuerso introrsum verso habet commune, minutum gerit foramen insculptum.

Y 3

Fig. 4.

Fig. 4. Maxilla inferior vrogalli, quae post foramina lateralia in angulo altioris partis additum habet os paruum rotundum, oblongum, quo maxilla ipsa cum processu longo orbitali postico ligata cohaeret.

F. 5. asperam arteriam vrogalli cum lingua et parte antica thoracis sistit. Pinxit quidem arteriam hanc asperam cum lingua Cl. BLOCHIVS in *Beschäftigungen der Berlinischen Naturf. Freunde*, T. IV. tab. XVIII. fig. 2., verum pictor eius in quibusdam partibus aberravit, atque ipse descriptionis auctor plura aliter vidisse videtur, quam equidem comparata eius descriptione in aue mea reperire potui. Quas quidem differentias singulas enarraui in Promtuarium Lipsiensi anni 1787. Vides igitur hic in antica thoracis parte finem musculorum coeuntium in carina sterni firmatum; ipsi vero muscoli iuxta latera tracheae tela cellulosa laxa circumdati ad laryngem decurrunt, vbi bifurcati portionem inferiori thyroideae cartilaginis faciei, alteram vero arytaenoideae inferunt. Rima laryngis in anteriore parte valde dilatari potest, nec tam angusto patet foramine, quam in reliquis plerisque auibus. Musculi hi duo tracheam contractam inuoluunt, ita ut pars circumuoluta pectoris cavitati et sterni anticae parti incumbat. Lingua in faucibus profundissime recondita, quas cum cultro aperirem, reperi cornua ossis hyoidei antrorsum versa, quo in situ ea hic picta conspicias; lineae vero punctatae situm naturalem eorum in plerisque auibus retrorsum verforum significant. Deinde cum os hyoideum ipsum depurgarem, facile animaduerti, cornua in utramque partem, hoc est, antrorsum et retrorsum, commode verti posse. Videtur igitur haec fabrica facta esse eo consilio, ut, cum tracheam et linguam cum eo connexam musculi longi laterales in sterno firmati retrahunt, cornua antrorsum versa hunc linguae descensum adiuuent.

Fig. 6. os hyoideum sistit, cuius media pars et tertia, vbi iunguntur, addita vtrique habent cornua. Sed in plerisque auibus media et tertia pars vnum efficiunt continuum os, quod ante cornuum additorum initium triangulum facit; praeterea pars haec media multo breuior esse solet in reliquis auibus. Pars postrema intorta tota est cartilaginea.

Fig. \* in latere tracheae addita sistit priores duas caudae vertebrae, quarum fabricam tradunt annotationes ad Fridericum.

Fig. 7. particulam cutis thoracicae pingit, in qua non solum pori, quibus plumae in quincuncem collocatae inhaerent, sed et musculi parui inuicem transeuntes, qui plumas poris infixas tenent et regunt, per epidermidem translucens conspiciuntur. Praeterea in inferiore parte translucente particulae musculorum pecto-

pectoralium tenues, qui ad minutos illos inuicem se decussantes musculos cutis non abeunt, sed cuticulae interiori tantum adhaerent. Macerata cutis aqua monstrabat duas cellulosa tela distinctas tenuissimas membranas, quam telam transibant seque inuicem decussabant muscoli parui et angusti, quorum in angulis infixae haerent plumae. Tela ipsa cum musculis et epidermide cellas seu poros plumarum in angulis format.

Fig. 8. peruncti glandulas duas iuxta sibi appositas, cute tectas, sed sub cute separatas, sistit magnitudine naturali paululum maiores, quarum in media et summa facie apparent vesiculae a. a. duae, oleo limpidissimo fluído repletae, quarum canum auellanam recipit. Oleum per penicillum plumaceum maiorem infra appositum exprimitur. Glandulae ipsae dissectae flauam cellulosam et oleo repletam substantiam ostendunt pluresque transversas foveas, quae oleum ad appositos in margine glandulae exteriori penicillos per poros apertos secernunt.

Fig. 9. glandulam dextram peruncti cum penicillis plumaceis lateralibus;

Fig. 10. eandem dissectam, ibique foveas seu canales secretorios transversos cum ductuum orificiis apertis monstrat.

Tabulae IV. Fig. 11. sistit truncum corporis osseum accuratius per partes singulas expressum, quam apud MEYERVM I. tab. XVI. Dorsi vertebrae processibus inuicem connatis spinosis columnam vnam continuam et lateralibus similiter connatis tectum aliquod efficiunt, quatuor foraminibus ouatis pertusum, cui infra appositae haerent quatuor primae costae verae. Vna adest spuria antica, altera postica. Verae sunt omnes 5 manifestis epiphysibus obliquis inuicem colligatae. In aquila tamen albicilla manifestos reperio processus costarum obliquos. Caudae vertebrarum formam totam expressam habes iuxta Fig. 6. Omoplate dextram retractam hic vides ad columnam spinosam magis, quae depressa et costis potius imposita, longior etiam ad peluis initium vsque pertingit. Forma furculae, sterni laterum varios in ramos diuisorum, processusque interclauicularis eadem est in Tetrice et in Meleagride, sed a plurimarum avium structura aliena. Ramos sterni laterales vt singulares in vrogalli sceletto annotavit etiam MEYER.

Fig. 12. humeri cubiti cum radio carporum duorum, metacarpi in medio diuisi, pollicis ossa, cum duobus digiti indicis articulis et minimi digiti infra primum indicis articulum apppositi rudimentum sistit conspicienda.

F. 13.

Fig. 13. humeri ossis caput in facie interiore visum cum foramine magno aliquo et paruo. Ad latus magni foraminis fouea os magna excauatur, quam in tabula foramini similiorem factam esse video.

Fig. 14. cubiti cum carpo exteriori, metacarpo et pollice coniunctionem docet.

Fig. 15. clauiculae dextrae faciem interiorem cum foramine magno monstrat ex parte inferiore.

Tabulae V. Fig. 16. dorsi partem seu tectum planum, quod processus laterales vertebrarum dorsi efficiunt, cum costis quatuor illi appositis, peluem, foveas renales, spinae partem cum medulla ipsa dilatata in media fere peluis longitudine, cum cauda et ossibus pubis in orbem fere dimidium coeuntibus, a facie interna conspicienda sistit.

Fig. 17. os femoris dextri a latere externo, magnitudine naturali, F. 18. a latere interno visum cum aperturis variis minutis in capite contra trochanterem positis;

F. 19. colli vertebra primas 3 cum atlante desuper conspiciendas;

F. 20. easdem in inferiore facie sistit magnitudine naturali. Secunda cum tertia vertebra foramen vtrinque laterale habent, omnes 4 primae pro spina supra infraque carinam habent mediam manifestam.

Tabulae VI. Fig. 1. sistit scolopacis gallinaginis cranium. a. notat situm auris fere sub orbita media. b. os commune maxillare, quod contra morem reliquarum auium non in postica parte cranio super auris cauitate iungitur, sed ad anticam partem retractum maxillae inferiori breuissimae iungitur. Hanc maxillam sistit Figura 2. Foramen magnum non in occipite, sed in basi cranii sub media fere orbita collocatum admirationem etiam facit in hoc auium genere, quod structuram hanc cranii cum rusticola et tertia specie communem habet; in reliquis enim scolopacum tringarumque speciebus, quas vidi, nihil tale reperitur. Foramen magnum occipitis in cranii baseos postrema atque inferiore parte situm, ut in cranio hominis, annotatione dignum censuit in vlulae anatomia PETITVS (Mémoires de l'Acad. de Paris, 1736. p. 127.). Eundem huius foraminis situm in cranio pici martii cum vlula comparato reperio; verum in nullo plane cranio earum auium, quae satis multa ex regionibus nostris collecta coram habeo,



beo, tam longe diffitum ab occipite antrorsumque retractum inuenio. Quare singularem eius usum ex reliquarum partium structura mirabili pendentem suspicari licet. Plura de hac re disputaui in Promptuario Lipsiensi histor. naturalis et oeconomiae anni 1787.

Fig. 3. tracheam Tetraonis tetricis LINNAEI sistit in facie inferiore a latere conspiciendam. a. a. initium bronchiorum cum ponte intermedio osseo. b. b. musculi lateralis alterius pars abscissa. Musculus hic inferius in crassam satis vaginam expanditur, qua trachea ad bronchia usque includitur.

Fig. 4. Facies tracheae superior, monstrat ante bronchiorum initium carinam sulco seu linea excavatam media. Ampliorem descriptionem qui desiderat, petat ex Promptuario Lipsiensi anni 1787.

F. 5. cranium sistit Colubri natricis desuper visum. a. a. maxilla superior extima et breuior per os commune b. b. cum interiori c. c. maxilla superiori coniuncta. Haec interior acclinatur inferiori in loco seu centro articulationis. Inferior d. d. coniuncta per os e. e., quod cohaeret cum altero f., articulatur cum occipite iuxta triangulum cranii paululum exstantem. Maxilla superior et extima in loco g. g. cum processu orbitali articulatur. Tres omnes maxillae dentibus in fauces versis armantur.

Fig. 6. sistit idem cranium in inferiore facie conspiciendum cum duplici maxilla superiore atque inferiore vnica.

F. 7. exhibet duplicem maxillam superiorem ab inferiore facie visam, ut clarius eius ortus et iunctura appareat.

F. 8. maxillam inferiorem separatam. Fig. 8. eandem in latere visam, ut ossiculorum iunctura duorum, quibus componitur, appareat.

Vides igitur, colubrum adiuuante hac ossium structura non solum maxillam superiorem duplicem mouere, sed miro etiam modo cum inferiore dilatare faucesque adeo ampliare ad praedam multo maiorem deglutiendam posse. Inferior enim maxilla in utroque latere duobus ossibus componitur, quae in antica parte membrana iunguntur media. Eandem maxillae inferioris structuram in auiibus quibusdam aquaticis gulosis descripsit et pinxit HERRISANT in Mémoires de l'Acad. de Paris, 1748. Praeterea mobilitate maxillae superioris et structura ossis communis maxillaris, quod maxillarum dilatatorem in viperae caudis.

nae anatomia appellauit EDW. TYSON, mire serpentes cum auibus conueniunt; cuius similitudinis demonstrandae causa has icones addidi. Ceterum plures exstant colubrorum species maxillis duplicibus cranio iunctis praeter inferiorem instructae. Talem enim memorat HASSELQVIST Itinerar. Palaestin. p. 365., colubrum indicum Vlar Sawa L. Baro DE WVRMB in Scriptis Societ. Batau. orientalis. In colubro Diane Cl. PALLAS Itiner. Russici T. II. p. 717. memorat pectinem quadruplicem palati; in scutato colubro idem T. I. p. 459. palatum pectine gemino dentium vtrique reclinatorum instructum refert. Plura dixi in Promptuario Lipsiensi 1787.

---

DE

---

D E

## AVIVM RAPACIVM GENERE ET DIFFERENTIIS.

**A**quilas ab accipitribus milisque iam olim veteres et corporis specie et moribus separarunt; deinde artis falconariae scriptores genus vniuersum rapacium auium in quatuor familias digestum descripserunt, aquilasque a falconibus, asturibus et accipitribus, vti etiam a vulturibus, pluribus notis separarunt. Nostra demum aetate familiae hae in vnum aliquod genus confusae et permixtae a LINNAEO variis virorum doctorum erroribus et reprehensionibus occasionem praebuere. Numero specierum crescente maior etiam difficultas apparuit, singulas recte et bene notandi atque inuicem distinguendi, seruato generis charactere, temere assumto. Itaque exemplo BRISSONI disiungere iterum male iunctas a LINNAEO generis falconum species coeperunt, et differentiae notas plures annotare, quibus aquilae a falconibus diuersae abeunt. BRISSONVS igitur aquilas rostro ab initio recto et deinde subito deorsum inflexo, contra falcones rostro a cera statim paulatim inflexo atque vncinato distinguit. Post eum Cl. BLASIVS MERREM rostri etiam ab initio recti, deinde subito incurui, longioris generatim et fortioris forma, collo longiori, pedibus brevioribus et fortioribus aquilas a falconibus separauit in Dissert. miscell. zoologicis Gottingae 1781. editis, p. 77. Deinde in charactere generis aquilarum posuit caput crassum, pilosum, falconum contra magnum et pluinosum; linguam aquilarum integram, canaliculatam, falconum diuisam antice et leuiter tantum canaliculatam; plumas aquilarum copiosiores, sub iisque lanulis densissimis opertum corpus, quae falconibus plane desint. Denique in singulis vtriusque generis speciebus separandis et denotandis denticuli in latere rostri vtrinque ab antica parte appositi, longitudinis alarum, caudae pedumque rationem habuit, omninoque bene de vtriusque generis charactere rectius constituendo meritis est. Postea Cl. IO. HERMANN in Commentario Tabulae Affinitatum p. 171. de genere falconum Linnaeano multa praeclare tradidit, illudque statim ab initio posuit, nihil in distinguendis speciebus tribui posse plumarum, pennarum, pedum et cerae colori, vtpote cum varia aetate mutabili. Hinc igitur alias notas excogitandas et seligendas esse recte monet, in quarum numero denticulum rostri lateralem; oculorum ambitum vndique aut plumulis rotundius-

eulis imbricatim positis aut setaceis cinctum; vibrissas in fronte aliis surrectas, aliis patentes, aut absentes; denique alarum longitudinis cum cauda comparatae, pedum, plumarum tibialium et inprimis squamarum, quibus anterior tibiatarum pars tegitur, formae rationem habendam esse censet. Plumas capitis longiores, angustiores et acuminatas, quas aquilarum generi tribuit, ligulatas vocans, CL. PALLAS Spicileg. Zoolog. VI. p. 18. adesse etiam in miluis monet.

In ipsa etiam LINNAEI patria tandem senserunt methodi Linnaeanae affectae, aquilarum familiam a falconibus esse separandam, eiusque rei necessitatem exemplo illustri confirmavit diligentissimus Ornithologus SAMUEL OEDMANN in novis Actis Stockholm. anni 1784. p. 303. seqq. Is igitur BRISSONVM secutus rostri forma aquilas a falconibus segregat atque in exemplo ponit falconem haliaietum, quem cum aquila haliaieto magnitudine et colore plane convenire, rostro vero valde differre asserit, obiterque etiam vulturem albicillam aquilarum familiae vindicat. Falconem haliaietum diuersum statuit ab aquila leucocorypha Cl. PALLAS Itiner. Russici II. Append. no. 5. et Cl. GMELINI, iunioris, Itinerar. II. p. 163, quam eandem BRISSONI aquilam haliaietum esse putat. Falconem haliaietum inter arundines iuxta aquas nidificare, tradunt SALERNE, BUFFON, PENNANT, alii, idemque de sua leucocorypha aquila tradit GMELINVS. Contra, cuius doctissimus OEDMANN diutius obseruavit vitam moresque, falco haliaietus, ad mare et lacus piscosos habitat, et in vicinia lacuum in arbore aliqua alta, vnde prospicere quaquaversus possit, nidum firmissimum artificiose construit ramis pinorum siccis, femina adiuuante; oua tria femina parit, gallinaceis paululum maiora, rubiginosa. Venatur meridiano tantum tempore, ex alto pisces speculatus, quos magna cum celeritate praecipitatus desuper ex alto rapit. Terrae aut saxi nunquam insidet, sed arboribus; nec aues alias terrestres aut marinas praedatur; pullis in cibo etiam serpentes affert. Falconem haliaeton et albicillam LINNAEI in arboribus altissimis iuxta ripas nidificare et digitum anticum extimum retrorsum bubonum instar flectere, annotavit Cl. TENGMALM Actor. Nou. Stockholm. 1782. p. 44. Pisces in victu praeferebat, alias muribus contentus auiculisque, quas deplumabat albicilla, foetentia omnia corpora exosa. Vulturem albicillam eundem cum LINNAEI falcone leucocephalo esse, asserit etiam OTHO FABRICIUS Faunae Groenl. p. 53, qui albicillae vulturis seu potius aquilae vitam, victum, nidum et coloris mutationem cum aetate egregie persecutus est. Quam aquilam piscatricem, aquilis minorem, et meliore membrorum forma aptioreque plumagio ad victum aquaticum intelligi voluerit Imperator p. 6. et 74, illis definiendum relinquo, qui species complures inuicem comparare potuerunt.

Aquilam

Aquilam seu falconem melanaëtum LINN. eundem plane specie, sed colore diuersum esse a fuluo, post illustrem BUFFONVM suae obseruationi confisus affirmat ill. B. DE LA PEIROUSE Act. Nou. Stockholm. 1782. p. 101. coloremque nigrum mira variatione demum in igneum perducere monet.

Falconem montanum a LINNAEO omissum, seu aquilam paruam BUFFONI a FRISCHIO nostro pictam in tab. 71., magnitudine vrogalli, corpore nigricante, maculis fulvis, praesertim in collo, notato, pectore macula alba notato, cera, digitis et palpebris citrinis, pedibus lanatis distinguit, in Alpium regione humiliore degere, et cum clamore gallinas, vulpes et catos praedari annotat. Sed montanarium ALBERTI in eo agnoscere non licet, quanquam ad aquilarum proprie dictarum familiam pertinere videtur.

Vulturum etiam generosus Gallus plures species l. c. suis notis distinxit, in quibus tamen difficile est galeros omnes ab Imperatore dictos agnoscere. Primus vultur barbatus corporis forma et audacia inter aquilas et vultures medius barba nigra facile distinguitur, capitis aut colli parte nulla calua. Alter percnopterus iunior in utroque sexu albidus, adultus in dorso colore flauo et fusco variatus, ventre lutescente, abdomine et femore intus niueis discrepat, remige altera multo breuiore, rectricibus praerosis. Hic collum cum capite ad humeros usque tomento albo tectum habet. Clauiculae quo sensu prominentes memorentur, nescio, nec satis intelligo, qua ratione caput caeruleum dici possit simul et tomento albo tectum. Sed video nunc, easdem viri docti obseruationes gallico sermone esse relatas in Encyclopaediam Methodicam a Cl. MAURVET, ibique sub nomine Percnopteri magis distincte legitur: *le jabot forme une grande proéminence couverte d'un duvet brun encadré de blanc*. Tertius, Pyrenaeorum montium incola, Arrian vocatus, percnoptero paulo maior, fuscus, seu, ut deinceps dicitur, niger totus, capite breuissimis plumis tecto, dimidio collo caluo et caeruleo cum pedibus nudis et cera, iride oculorum aurea est. Pectus praeterea gibbosum habere dicitur; quam equidem notam non satis intelligo. Sed in gallica descriptione inserta Encyclopaediae p. 499. legitur: *P oesophage est proéminent*: quod etsi verius dici non videtur, indicat tamen clarius, cavitatem gularem inter clauiculas intelligi. Quartus monachus a Gallo vocatus, montium eorundem incola, corpore nigro, vertice gibbo, pedibus et cera rubicundis, collo omni plumis vestito distinguitur. Itaque gibbum cranii non solum in meleagride et numenio caluo illustris BUFFONI XV. p. 49., sed adeo in vulturum genere reperimus. Denique quintum stercorearium appellat, montium Pyrenaeorum incolae Alimoch, mole corporis fere gallopauoni aequalem, in grege cum congeneribus degentem, cadaueribus, sed imprimis stercore humano, victitantem. Hic caput nudum, croceum, villis raris albis adpersum, ceram et guttur item croceum,

ceum, corpus albo-fuscum, iridem caeruleam, pedes cinerascens habet. Quod vero vir doctus in charactere posuit ceram et gibbum nudum et croceum, videtur potius verticem aut totum caput intelligi voluisse. De gibbo enim proprie dicto descriptio tacet. Ventriculus nudus, croceus prominere dicitur; quod nullo modo verum esse potest. Potius spatium inter furcam depressum, in quod gula seu gularis saccus plenus cibo regurgitare solet, intelligo; doleo tamen, verborum proprietatem non ubique adhibitam erroribus facile ansam praebere posse. Postremum hunc vulturem BRISSONVS leucocephalum, BUFFONVS paruum appellat. — Dubitanti nunc iterum succurrit gallica descriptio a Cl. MAUDVYT inserta Encyclop., vbi de vulture *Alimoche* est: *lorsque l'estomac est plein, il forme une protuberance nue de couleur de safran.* Idem in descriptione vulturis barbati posuit: *il y a un enfoncement profond au dessous des clavicules, il est tapissé d'un duvet long, épais et soieux, dirigé en avant.* Denique idem PEYRONSE generatim de toto vulturum genere posuit: *ils ont tous au bas de l'oesophage ou un enfoncement considerable ou une grosse proéminence.* Quae si loca omnia collecta considero, aperte mihi animaduertere videor notam toti vulturum generi communem, quam in vulture grypho iam olim annotavit PERRALTVS, cavitatem scilicet inter claviculas gularem, vt in ardeis, depressam, lanulis tectam, aut nudam, in qua gula cibus plena recepta quiescere videtur. Cautas haec ipsa sua depressione facit, vt claviculae, pectus et oesophagus eminere videantur. Fortasse notam hanc magis constantem et propriam toti generi reperient viri docti, quam caput collumque calua aut tomentosa. Qui nuperrime Linnaeanum Systema recoxit, IO. FRID. GMELIN, in vulture bengalensi ingluuiem supra pectus pendentem; in fuluo foueam in medio pectoris lanugine alba vestitam et pennas longis angustis rufescentibus cinctam; denique in totius generis charactere collum retractile posuit; quae quidem argumenta (si vera sunt; verborum enim improprietatem nunc non spectro) maiorem etiam cum ardeis affinitatem demonstrare videntur.

Peregrinos falcones Imperator cap. 26. mutatos corpore grandiores effici et pennas alarum caudaeque breuiiores recipere, denique pellem circa oculos et pedes illorum effici croceos annotat. Vbi pellem circa oculos interpretor palpebras; nec enim ceram aut cutem inter rostrum et oculos in latere cavitati lacrimali superstratam intelligere licet, vt puto; has enim auctor augustus partes aliter nominare solet. Ex hoc palpebrarum indicio suspicor intelligi falconem rusticulum LINNAEI, galli maioris magnitudine, cera, palpebris pedibusque luteis, quem accuratius descripsit OTHO FABRICIVS Faunae Groenl. p. 55., licet multae ibi corporis notae ad speciem rite definiendam necessariae sint omissae. Eundem esse putat, aetate tamen iuniorem et colore paulum diuersum, quem deinceps sub nomine falconis fusci descripsit, corpore minorem paulo, quoniam dorso sub-

subnascentes veteribus plumas colore cum plumis rusticuli conuenire vidit. Atque in vniuersum annotat, in accipitribus pullis colorem obscuriorem sensim cum aetate mutari in lucidiorem. Magnitudinis differentia ne moretur nos, facit obseruatio FRIDERICI; colorum varietas in vtroque annotata satis conuenit cum varietate ab Imperatore in diuersa aetate tradita; sed partes corporis singulae non satis accurate traditae et cum reliquorum falconum forma comparatae sunt. Denique quem FABRICIVS falcionem fuscum descripsit et a rusticulo tantum aetate et colore differre censet, eundem plane asserit esse, quem sub nomine peregrini pinxit ill. BUFFON T. II. p. 96. tab. 40. et alibi sub nomine falconis nigri, p. 126. versionis germanicae. Palpebras tamen luteas in montanario etiam CARCANVS et in vespertino falcone commemorat LINNAEVS. Peregrinus ALBERTO dictus cap. 8. an idem sit, definiri non potest. Notas saltim easdem cum Imperatore non posuit. Idem deinde ALBERTVS cap. 10. falconem nigrum paulo breuiorem quidem peregrino, et colore dissimilem obscuriore, sed figura plane similem esse ait, vnde recte simul arguit, non specie, sed varietate coloris diuersum esse. Laudat denique FRIDERICI Imperatoris locum hodie non exstantem, vbi is falconem nigrum ex Indiae montibus per Graeciae, Siciliae Italiaeque montana sensim etiam in Germaniam generatione continuata deriuatum esse dixerat ex opinione Guilelmi falconarii. Cognitus igitur et dictus etiam FRIDERICO fuit falco niger; sed ignoramus, num is eandem cum ALBERTO sententiam de eo dixerit, eundemque cum peregrino habuerit.

BELISARIVS duo peregrinorum genera facit, alterum colore aereo, singulis pennarum capitibus ad coronae modum albedine distinctis; alterum colore nigrius, ita vt fere gentilis priuatim dictus appareat. Inter omnia falconum genera hoc dociliorem aut magistro obsequentiorem vllum reperiri negat.

CARCANVS, Vicentinus, quadruplex genus facit, flauos, rubeos, turtureo colore et fuscus (*bruno*); his quintum genus, totum album, addit. Quo melius lector de disciplina eius iudicet, ponam verba eius Italica, sed ex libro EVGENII RAIMVNDI repetita, quia altera CARCANI editione careo. Ex CARCANO sua mutuatum esse RAIMVNDVM, puto non solum iis rationibus adductus, quas in Notitia litteraria Scriptorum artis falconariae posui, sed video etiam, plane eadem ex CARCANI libro laudari ab ALDROVANDO, latine tamen conuersa. Generatim peregrinum a montanario etiam ex longinquo internosci ait, quoniam celeriter adscendens alas raro quatit, quas habet maiores, ideoque etiam maiorem in aëre apparere, quamquam corpore sit minor. Contra montanarium crebrius quaterere alas minores, veluti hirundinem. Deinde sic pergit:

„I mu-

„I mutati peregrini si conoscon' assai meglio: percioc' hanno la testa per lo più non molto nera, in cima piana, segnata di nere linee: la coperta di color turchino (alibi le spalle, i. e. humeri, explicantur per verbum la coperta): la gorga bianca senz' alcun segno o pochi; altri l'hanno di color di bragia, che ten di alquanto al rosetto; la maglia hanno dalla gorgia in giù rara et grossa con alcune traversate sù le coscie; altri hanno le gambe et i piedi di pallida giallezza et altri di color bianco pallido. Quando si ved' alcun falcone mutato con li suddetti segni, si può dire et è chiaro'nditio, che quando era sorò, havea'l più maggio ò biondo ò rosso; et quante più volte se mutano i falconi, tanto maggiormente fanno la gorgia bianca, et la coperta turchina.“

„I falconi bruni peregrini (fuscus interpretatur ALDROVANDVS) che prima erano fori, mutati poi fanno la testa più bruna delli sudetti biondi ò rossi. Hanno la coperta turchina, mà non tanto come le predetti; la gorga bianca di alcune linee nere et lunghe macchiata. I piedi di pallida bianchezza et altri di colore verso l'azzurro. Hor vedendo questi segni, se può prender chiaro'nditio che'l falcone dianzi sia stato prima di piuma bruno.“

Ex hoc loco simul apparet, peregrinum magnam habere cum montanario similitudinem, sed volatu facile internosci. Vnde nata est mihi suspicio, gentilem Imperatoris esse eum, quem CARCANVS montanarium appellat. ALDROVANDVS libro VII. cap. 1. falconem nigrum in montibus agri Bononienſis captum descripsit et pinxit pag. 464., quem eundem cum genere peregrini nigro BELISARII et brunno seu fusco CARCANI, sed mutatum, esse censet. Hunc igitur ita denotavit. A capite summo ad extremam caudam longus erat dodrantem et duos palmos; vertex capitis planus ac compressus; rostrum pollicem crassum, pulcre caeruleum, breue, robustum, cera crocea, oculus caeruleus, palpebris luteis cinctus. Caput, ceruix, dorsum, alae fuscae et pene nigrae, per singulas plumas et pennas alarum maiores maculis atris transversim sparsis. Gula ex albo flauescens, infima sui parte maculis veluti guttis in longum ductis distincta. A freno seu rictu linea nigra ad latera deorsum ad gutturis fere medium porrigebatur. Pectus, venter, femora alba, lineis latiusculis nigris transversis distincta. Ala extrema ad eandem extremam pertingebat; cauda minus fusca, lineis etiam nigris transversis insignis. Crura et pedes lutei. Coxae longae, tibiae breues, digiti tenues, longi, squamis, vti crura, tecti, ungues acutissimi, nigri.

ALDROVANDVS ipse deinde non dubitat ALBERTI falconem nigrum et Germanorum carbonarium de fusco BELISARII peregrino interpretari; in quo me quidem habet consentientem. Quod si quis hanc ALDROVANDI descriptionem cum falcone fusco et rusticulo OTH. FABRICII comparauerit, vix, vt equidem, diu



diu, dubius haerebit, sed potius vtrumque cum peregrino nigro ALDROVANDI specie congregabit. Quanquam enim ALBERTI niger falco breuior paulo sit peregrino, eam tamen difficultatem aetatis mutatione facile tolli memorata ex Imperatoris loco supra iam monui. Figura ab ALDROVANDO apposita mihi quidem, vt in opere ligno inciso, egregia videtur; rostrum enim breue, non dentatum, barbam vtrinque nigram, gulam albam guttis in longum ductis notatam, pectus cum abdomine cruribusque lineis transuersis pictum, et caudam alis aequalem bene lectoris oculis exponit. Mirum mihi accidit, FRIDERICI nullam ab ALDROVANDO hic fieri mentionem, quem tamen alibi, forte ex aliena commemoratione, laudauit. Is vero hoc ipsum genus intelligere videtur nomine peregrini bruni seu fusci, quem ab aliis diuersum a peregrini genere reputatum fuisse annotat p. 86.

Sacrum falconem Imperator girofalconi proximum magnitudine ait, capite magno, rotundo, rostro breviori, corpore subtiliore et longiore propatione, alis et cauda longioribus, pectore minus carnosio et denso, digitis brevioribus. Sauros a mutatis parum colore differre, asserit. ALBERTVS cap. 5. magnitudine fere aquilae esse ait; quem locum vbi laudat CONR. GESNERVS p. 64., parenthesi inclusa addit verba nescio vnde traducta: *vel paulo maior*. Magnitudinis haec nota sola potest lectorem morari, quin eundem ALBERTI et FRIDERICI sacrum existimet; reliquae vero notae aut plane aliae sunt, aut eadem; et quae ALDROVANDVS putabat a sacro FRIDERICI esse aliena verba, pertinent ea ad comparisonem cum girofalcone institutam. ALBERTVS vocem ei *certificam* tribuit; sed rectius ALDROVANDVS p. 469. *terrificam* posuit, nescio, an ex sua emendatione. Ex omnibus vetustiorum falconariorum notitiis iam olim colligebat CONR. GESNERVS, et post eum ALDROVANDVS, sacrum non esse falconem, sed potius ad aquilarum genus referendum; veram ARISTOTELIS aquilam nominat GESNERVS.

Nunc audi CARCANI de sacro locum italico sermone expressum ex RAIMONDO, quem latine vertit ALDROVANDVS: „I sacri sono maggiori di un peregrino, „che sia grosso. Questi hanno la testa grigia molto, in cima piana, si affomiglia alla testa del nibbio over milione dalla coda forcellata — hanno l'occhio „nero et grosso, la becciera turchina (rostrum caeruleum ALDR.), le narici „per la maggior parte picciole; sono di persona lungi 'l più; hanno le maglie „del petto brune, la coperta (dorsum et alae superiores ALDROV.) bruna per lo più „et altri tortorata, le coscie bianche nella parte di dentro, la coda 'n alcuni come s'usa qui à dire fasolata e lunga (ALDROV. vertit: maculis semicircularibus „phaeolorum figuram aut renum fere exprimentibus varia cauda), l'ala grande e „lunga, la gamba e mano quasi tutti di color azzuro, che azulina fra' Struccieri si

*Frider. Rel. Tom. II.* Aa „dice

„dice in questo paese, ma non tanto grande à rispetto del resto della persona.  
 „Vi e poca differenza dal loro al mutato; percioche 'l mutato ha solamente la  
 „maglia un poco più bruna, e tonda del loro, ed i piedi s'imbianchiscono' alquan-  
 „to, e si macchiano 'n alcuni di giallo, e sono quasi tutti di coperta tortorata  
 „rossa; ed altri hanno la coperta nera, così i mutati come 'lori, di modo che  
 „solo 'l pratico nell' arte conoscerà 'l mutato dal loro. I terzuoli loro son' ap-  
 „prezzati al pari de' falconi ò poco meno: di questi tali falconi ne vengono  
 „portati assaiissimi di Candia 'n Venetia, ove sono Mercanti provisionati dalla  
 „Maestà del Ré Christianissimo, che gliene mandano infiniti ogn' Anno.“

Quae quidem omnia cum loco FRIDERICI bene convenire videntur. Speciem tamen ipsam allatis recentiorum scriptorum testimoniis definire nondum audeo. Illustri BÜFFON Sacrum, etiam britannicum dictum, e falconum familia etiam vult eximi et lanariis iungi, leuissima tamen ratione, colore nempe pedum et rostri caeruleo motus. BRISSONVS varietatem putat esse falconis. Certius multo est, Sacrum Aegyptiacum a BELLONIO dictum esse eundem cum vulture paruo seu Noruegico, quem Tabula illuminata Buffoniana 449. sistit; quod manifesto vidit in Sacro sibi ex Aegypto allato CL. MAVDVYT in Encyclopaedia sub hac voce.

Girofalco FRIDERICI et ALBERTI quin idem sit, nihil impedit; verum quem auctor de natura rerum dicit Girofalconem siue Herodium, colore caeruleo in pectore et alis, plane alienum et diuersum esse, statuit ALDROVANDVS. Cum ALBERTO consentit BELISARIVS, non solum rariores sed pulchriores etiam ceteris accipitribus scribens. Nam etiam, inquit, praeter corporis formam eo stanti modo erecti permanent, eaque membrorum compositione hominum oculos ita delectant, vt quandam aucupandi maiestatem praese ferant. — Sint praeterea vnguibz validis, posterioribus maxime, planis cruribus, nodosis nec longis, cauda ad sui corporis formam decenti. Alarum vero summitates ita sint fortes, vt facile iudicari, vt animaduerti inde possit, in volatu eas quam diutissime perseuerare posse. In quibus verbis *cruribus non nodosis* legendum censebat ALDROVANDVS, vt consensus ALBERTI BELISARIIQUE seruetur saluus. BELLONIUS Girofalconem vulgaribus falconibus fere duplo maiorem esse ait. SIGISM. BARO DE HERBERSTEIN girofalconem in reliquis aues ferocem, in suos mitem esse asserit, et praeter reliquarum avium rapacium morem non aqua sed arena corpus abluere et pediculos purgare. Ex quo SCALIGER diuersam a vulgari speciem intelligi arguebat. Frigore tantopere gaudere, vt perpetuo aut super glacie aut lapide aut marmore algido stare gestiant. CARCANVS quatuor colorum varietate distinctas species commemorat, flauos, rubeos, brunneos (fuscus vertit ALDROVANDVS) et albos. Sed nec ille, nec ALBERTVS, BELISARIVS BELLONIUSVE totum

totum Girofalconem depingunt; hinc primus ALDROVANDVS pleniorē descriptionem auis in aula Ducis Ferrariae visae et e Noruegia allatae cum pictura p. 473. apposita dedit. Vertex illi erat complanatus ac sessilis colore cinereo; rostrum crassum, validum, breue, caeruleum, vnco modico, sed acutissimo ac robusto, subcaeruleo, deorsum incuruatum. In oculis nigerrima pupilla, iris caerulea, caeruleo quoque circulo ambiente, conspiciebatur. Dorsum, alae, venter, cauda alba erant, verum tergi alarumque plumae pene singulae nigra macula notatae, quae cordis quodammodo figuram aemulabatur, instar oculorum in cauda pauonis. Alarum remiges prope extremum apicem nota maiori ac longiori nigra ornantur, quae tamen margine seu limbo albo clauditur. Alae admodum longae paene ad extremam caudam pertingunt. Gula, pectus et venter pura tangebantur albedine; cauda non admodum longa, imo respectu corporis et reliquorum falconum breuiuscula potius, notis nigris transuersim variegata; tibiae et pedes colore caeruleo diluto, tibiae crassae, robustae; pedum digiti oblongi, validi, late expansi, tabellarum continua serie per totum tecti. ALDROVANDI hanc descriptionem ad LINNAEI Gyrfalconem et BUFFONO in Hist. Nat. tab. 13. et in Tabulis illuminatis No. 210. et 462. pictas aues refert CL. MERREM; verum notae a LINNAEO appositae auem vix distinguunt. Denticulum rostri lateralem deesse volunt. CARCANVS I. c. 11. ex insula Cypro, Creta et Aegypto afferri et Gallorum regi vendi tradit, quod merito mirum videbatur ALDROVANDO. Tres Girofalconis varietates, an species, dubius recenset CL. MAVDVYT in Encyclop. method. p. 60.: primam Islandicam, quam tabula illuminata Buffoniana 210, alteram albam, quam tabula 446, tertiam denique Noruegicam, quam tab. 462. sistit. Sed hac distinctione nihil proficitur admodum.

Montanum seu montanarium non memorauit FRIDERICVS, sed ex AQUILA et THEODOTIONE ALBERTVS cap. 7, cui in eo TARDIVVS non consentit, quod rarius manu tenendum tradit; contra enim frequentius et diutius, quam caeteros falcones, gestandum esse scribit. Formam et colorem ita depingit CARCANVS I. cap. 7.:

„I falconi montanari fori sono di molti et varii piumaggi, altri rossi biondi, altri tutti bruni come 'l corvo, altri cineritii, altri occadi, cosi chiamati da' „Struccieri di questo paese, perche le penne loro della coperta s'affomigliano a „sai à quelle dell' Oca Baleta. Sono per la maggior parte di persona mezzani et „pochi grandi, e molti di loro piccioli, alcuni tondi, altri lunghi. Tutti que „li falconi montanari hanno la testa tonda, colma 'n cima e nera, con un poco „di corona grigia attorno 'l capo e su 'l fronte appresso la becchiera hanno alcune „poche piumette bianche sottili, le quali sono pochissime ne' bruni, ed alcuni „ne sono 'n tutto privi: la becchiera hanno corta e grossa co'l corno nero, le

A a 2

„narici

„narici per lo più picciole et parimente gli occhi, e le palpebre picciole per la maggior parte; la gorga alquanto bianca fin all'osso, che la divide dal petto, e macchiata di grosse macchie, e dal petto 'n giù son' ornati di alcune piume, le quali tirano alla ruggine, altri al rosso, ed altri al nero con certe macchie non molto grosse. Altri hanno la gorga ed il petto tutto di nero coperti: le coscie di dentro nere; la coperta per lo più bruna, e di minute piume. Hanno alcuni dal mezzo 'n giù della sudetta coperta alcune tratte bianche, altri rosse sottilmente tottorate. Altri l'hanno cineritia semplicemente. Alcuni l'hanno (come sogliono dir 'i Struccieri) bicoccata sopra li mantelli e vanni ed altri no. (haec omisit ALDROV.) Alcuni hanno la coperta occata come le penne c'ha sopra la schiena l'oca baleta, come di sopra. Hanno le ale non come 'l peregrino lunghe, ed anco la coda più corta de' sudetti: e la maggior parte smerlata, à guisa di quella del Smerlo ò del Smeriglio, come più ve piace di dire. Se ne trovan' alcuni che l'hanno sacrata, ma pochi: la mano e la gamba hanno per lo più di color giallo, alcuni mescolata di giallo fistichino, così chiamato da' Struccieri. (flavo paleari ALDROV.) La qual mano non è grande come quella del peregrino: le dita grosse et grasse: l'unghie loro sono negrissime.“

„I mutati montanari si conoscon' assai meglio, percioc' hanno la testa nera come cornacchia, il collo e spalle brune, la coperta dal mezzo 'n giù turchina, la coda alquanto corta e nera, le narici gialle, e giallo anche d'intorno à gli occhi; la gorga hanno bianca, la qual però non passa l'osso, che dal petto lo divide. In alcuni si vede questa gorga di color rosso affocato, ed altri di nero; mà l'una e l'altra d'alcune macchie tonde ornata. Hanno piumaggi sopra le coscie assai bruni, li piedi gialli per lo più con le unghie nerissime. Et è d'avvertire, che quante più volte si sono mutati, tanto maggiormente fanno la gorga bianca et più picciole le macchie, e la coperta divien' assai più turchina. Queste sono le conditioni, che dev' avere 'l falcone montanaro, il quale non si debbe sprezzare, quand' ha bella e gran persona: e tanto più, quando 'n lui si trova nobiltà o somiglianza 'n qualche parte del peregrino cioè ò in testa, ò in mano, ò in piuma. Et in particolare 'l loro di piuma bruna; percioc' è d'animo mirabile, mordente, ardito et honorato alla riviera: et di questi tali se ne sono visto molti, non sono solamente buoni alla riviera, mà ancora, se ben rari, ad oche et aeroni eccellentissimi. —“

Hunc CARCANI locum cum falcone montano WILLUGHBEII, RAY, KLEINII et BRISSONI l. p. 352. tanquam varietatem speciei suae No. 27. sub nomine Lithofalci propositae retulit Cl. MERREM p. 105. Sed nimium is varietatum numerum accumulare in ea specie mihi videtur. Denique ALDROVANDVS subiunxit descriptionem falconis cinerei seu leucophaei p. 479, quem eundem cum CARCANI

CARCANI montanario cinereo, sed saepius mutatum, esse censebat. Etiam is pedes, ceram et palpebras luteas habet, pedes et crura pro ratione corporis non magna neque crassa, alae principium superne latum et minus, quam caeteri, acutum, alas ad mediam caudam pertingentes, caput crassum, vertice tereti, nonnihil cliuo ac eleuato leniter assurgens, rostrum crassum, breue, nigrum, pollicari crassitudine, vnco haud ita acuto, sed validissimo. Figuram p. 480. appositam Cl. MERREM ad falconem torquatum suum No. 28. cum falcone cinereo BRISSONI I. p. 355. tanquam sexus varietatem retulit p. 108. Sed figura ALDROVANDI dentem rostri lateralem prae se fert.

Gentiles falcones mutatos colore plumarum et pennarum plane similes peregrinis fieri, sed in dorso et cauda plus guttatos, asserit Imperator cap. 27. Itaque difficulter nec nisi longo usu vtrumque genus internosci; actu tamen atque operationibus facillime distingui. Verum ea pars libri, vbi Imperator hanc differentiam explicuerat, hodie non exstat. Sed defectum supplebit BELISARIUS, qui, gentiles, inquit, paulo minores forma peregrinis, et dubitant quandoque venatores, iudicentne, peregrinos esse, cum eiusdem fere formae sint, et eodem pennarum colore distincti. Sed volatu discernuntur; nam motus alarum inter volandum spissior crebriorque gentiles esse demonstrat, cum peregrinorum alae quasi trirremium remorum motus esse videatur. Animosiores tamen adeo sunt, vt ad omnia auium magnarum genera audacissimi iudicentur. Sed differunt a peregrinis plurimum, quod nec adeo veloces sint, nec animi generositate aliqua, sed fame potius, praedam infectari consuecunt. Denique e nido exemptum et gruum aliarumque auium maiorum praedae assuefactum audacia praestare. Quod postremum de nobili suo falcone tradit etiam TARDIVVS. Verum ecce Imperator II. cap. 4. p. 76. aperte asserit, nullam aliam nisi patriae differentiam esse inter peregrinum et gentilem falconem, etsi sint peregrini maiores et pulchriores et tardius mutantur. Tardius enim mutari ait, quia tardius nascuntur; et reliquam magnitudinis et pulcritudinis diuersitatem a patriae frigore intensiore pendere. Denique sapienter addit, diuersitatem regionum, colorum et morum non facere homines aut animalia diuersae speciei esse. Ita numerus falconum ab Imperatore descriptorum vno minor fit, et girofalconem, sacrum, peregrinum, eundemque gentilem, et laynerium quaternarius complectitur. ALBERTVS gentilem non nominauit; credo igitur, eum sub alio nomine latere, vti etiam ALDROVANDVS censuit, Germanicum CARCANI eundem esse ac gentilem. De hoc ita CARCANVS:

„Sono quasi tutti di gran persona; e la maggior parte di figura lunghi, ed alcuni pochi rotondi, assomiglianti molto al peregrino nella persona, nella testa, nella becciera e nella mano. Hanno le coscie bianche di dentro; l'ala

Aa 3

„gran-

»grande, la coda lunga, e sono tutti di piuma bruna, ed hanno somiglianza as-  
 »sai con li bruni falconi peregrini, fuor che nella testa e nelle spalle, perc' han-  
 »no quella e quest' alquanto più brune. Hanno una corona bianca, la quale  
 »circonda 'l capo appresso 'l collo. Le maglie del petto sono 'n loro per lo  
 »più brune e grosse, in alcuni ruffinose e lunghe. Sono questi falconi morden-  
 »ti molto e riescono per la maggior parte buoni ed all' aerone divengon' ottimi,  
 »e sono 'n pregio poco meno de' peregrini, ne potrà 'l falconiero (s' egli non è  
 »pratico molto nell' arte ed avveduto) discernere 'l falcone Tedesco dal peregri-  
 »no. I mutati hanno la testa, il collo e le spalle brune, la coperta turchina  
 »mescolata con alcune traverse più brune, la gorga bianca macchiata di linee  
 »grossette, il petto medesimamente più de' bruni peregrini, mà la mano di lo-  
 »ro è come quella de' peregrini. I terzuoli loro non si discernono da quelli de'  
 »peregrini per esser' eglino 'n tutto simili.»

Hanc CARCANI notitiam ad falconis gentilis LINNAEI varietatem primam germanicam refert Cl. MERREM p. 95. cum icone pag. 433. posita; sed haec ex CONR. GESNERO p. 58. translata nomen adpositum peculiare non habet; et alae in ea ad caudam extremam pertingunt, quas tamen mediocres esse vult V. C.

Huc referri meretur descriptio accurata falcionis gallici, quem circa Parisios captum per trium annorum variationem in colore plumagii persecutus est Cl. MAUVY in Encyclopaedia Methodica sub vocabulo *Falcon*. Vtar ipsis eius verbis, vt in CARCANI locis coepi facere, ne in artis propriis quibusdam vocabulis aberrem interpretando, aliosque ipse in errorem inducam.

Saurum falconem tabula Buffoniana illuminata coloribus 470, biennem vero tabula 421. recte pingere dicitur; ipse vero vir doctus verbis eum his pingit:

»Tout le dessus du corps est brun, les pennes des ailes sont de la même  
 »couleur, mais elles sont bordées de roussâtre, ainsi que les plumes, dont le  
 »dessus du corps est couvert; la gorge, le devant du col, et tout le dessous du  
 »corps est d' un blanc sale, varié de taches brunes oblongues sur la gorge, le  
 »col et la poitrine, et de barres transversales sur le reste du corps. Ce plumage  
 »est celui de la première année. A la seconde le brun du dessus du corps devi-  
 »ent plus foncé, il prend une teinte de gris et le roux, qui bordoit les plumes,  
 »est remplacé par un brun noir; en dessous du corps les taches brunes diminuent  
 »de nombre, le blanc devient plus net, mais il reste encore quelques taches  
 »roussâtres par places.»

Trien-

**Triennem tabula illum. 430. bene exhibere pictum dicitur; verbis eum ita pingit vir doctissimus:**

«La base du bec est entourée à sa partie supérieure de petites plumes étroites blanchâtres, inclinées en arrière, la tête, le dessus du col et de tout le corps sont d'un brun noirâtre, les couvertures des ailes, et les plumes scapulaires sont d'un gris brun, chaque plume étant rayée transversalement à son extrémité de brun noirâtre. Il y a de chaque côté de la portion inférieure du bec une raie brune, qui descend le long de la gorge, et qui forme une sorte de moustache; la gorge est blanche, le devant du col, la poitrine, le haut du ventre le sont aussi, avec quelques traits dans la direction des plumes d'un brun noir, clairsemés et fort étroits; le bas ventre et les jambes sont rayées en travers de brun sur fond blanc. La couleur blanche de la gorge remonte de chaque côté vers la joue, derrière la moustache brune, et forme une tache blanche au bas de la joue, dont le haut est d'un brun noir, les pennes des ailes et celles de la queue sont d'un brun noirâtre; celles de la queue sont de plus rayées transversalement d'un brun noir sur un brun plus clair, quoique foncé.»

**Haec cum notis mutationum a FRIDERICO in peregrinis falconibus libro 2. cap. 26. annotatarum apprime conveniunt; verum ulterius progredi in iudicando vix audeo, et lubens iudicium omne viris intelligentibus permitto.**

Tunetanum falconem **TARDIVVS** naturam lanarii referre ait, paulo minorem, similibus pennis sed magis decussatis et longioribus, capite rotundo et crasso, satis in sublime volantem, ad aues tum aquaticas tum caeteras vtilem. Idem tradit **BELLONIVS**, nescio, sua an **TARDIVI** auctoritate. Quare **ALDROVANDVS** dubitabat, num eundem voluerit intelligi **CARCANVS**, cum diversum plane colore pinxerit. Ita vero is tradit: «Sono tutti di persona piccioli, mà di spiumaggio gentili e nobili quasi come 'l peregrino; hanno per lo più la testa bionda et alcuni un poco nera à guisa de' falconi bruni e parimente nel resto, così fori come mutati. Somigliano tanto al peregrino, massime nella mano, che molti ve s'ingannano tenendoli per falconi peregrini. Mà per esser' essi tutti piccioli et quasi come terzuoli de' peregrini, può 'l saggio falconiero agevolmente discernere l'uno dall' altro, ancorche di questi hò veduto alcuni à riviera buoni et honorati. Li terzuoli delli predetti sono di poco prezzo, ne riescono.»

**BELISARII** de Tunetano locum **ALDROVANDVS** memorat, sed non attulit, nec **GESNERVS** **BELISARIVM** in Tunetano laudavit. Quare de eius auctoritate dubito.

Gibbo-

Gibbosum falconem solus et primus ALBERTVS nominavit cap. 9. eumque tanquam varietatem germanicam ad gentilem LINN. retulit CL. MERREM p. 95.

Album falconem ALBERTI cap. 11. eundem putat esse ALDROVANDVS; quem sibi transmissum verbis alienis describit, et satis male pingit p. 487. Corpore toto erat lactei coloris, maculis tamen flavis aspersis, quae albae apparebant et ipsae. Alae sine maculis, quibus cauda conspersa erat; media tamen vtrique caudae penna tota candida erat. Rostrum album magis, quam caeruleum, pedes cum vnguibus lutei, oculi flavi et nigri. Statura erat alta, magnus et superbus, nec nisi clausis oculis comedeat. Atque hunc falconem ALBERTI et ALDROVANDI tanquam torquati sui falconis no. 28. varietatem posuit CL. MERREM p. 107.

Lanarios, seu, vt FRIDERICVS cap. 28. appellat, lanerios gemini esse generis longe diuersi, primus recte obseruauit ALDROVANDVS. Is enim cum Gallicorum scriptorum, TARDIVI et BELLONII, descriptiones cum ALBERTI atque Italicorum lanariis comparasset, immani quadam diuersitate distare vtrumque genus, alterumque ab ALBERTO Italisque dictum ad accipitrum ordinem relegandum, alterum falconibus generosis inferendum vidit, hocque posterius genus gallicum lanarium dixit. TARDIVVS igitur Gallus de suo lanario ita tradit: Lanarius satis communis est per omnes regiones, minor falcone nobili, pulcris pennis praeditus, pedibus breuioribus, quam caeteri falcones. Praefertur, cui caput grandius et pedes magis ad caeruleum colorem inclinantes, siue is nido exemptus, siue iam adultior captus sit. Non opus habet delicato victu. Vtilis est ad aucupium tam in terra quam super aquas. Idem alibi lanarium gruum ad venationem quomodo sit instruendus docet. Vtilem inprimis esse ait a medio mense Iulio vsque ad Octobrem medium; postquam pennas mutarit, praestantiorum esse; tempore frigido aut hieme inutilem esse. BELLONIVS Galliae montes et siluas per totum annum habitare ait lanarium, reliquis falconibus mitiorem et dociliorem frequentissime omnium in usum venationis adhiberi, gentili minorem, pulcrioribus pennis ornatum, quam sacrum, praecipue postquam mutauerit plumas. Praeferri eos, qui caput crassum pedesque caeruleos aut flauos habeant. Venari aequae in aquis et in terra. Omnium optime cibo etiam minus delicato nutriri. Agnosci deinde ait facile rostro pedibusque caeruleis. Plumae anteriores nigro ac albo variae, maculis quidem non, vt in reliquis falconibus, transversis, sed longis. Plumae dorsi non admodum variegatae sunt, vti neque alarum et caudae, parte superna et externa; et si forte in his maculae quaedam conspiciantur, eae exiguae sunt, teretes et albae. Verum alarum extensarum partem inferiorem seu pronam contemplanti notae apparebunt, figura ab reliquorum volucrum rapacium notis differenti. Sunt enim rotundae atque instar numulo-



mulorum exiguorum per superficiem disseminatae, licet pennae pectoris et partis corporis anticae varietates in longitudinem protensas ac super marginibus dispositas ostendent. Collo est breui et crassiusculo, ac rostro simili. Lanarius mas corpore quidem est minore, caeterum eodem fere pennarum plumarumque colore. Patientissimum perticae esse addit, facile ad gruum venationem instrui, post mutationem optimum, a medio Iulio vsque ad extremum Octobrem in venatione adhiberi, hieme inutilem.

Lanarios CARCANVS ita describit: „I Lainieri nascono nell' Alpe Vicentine — alcuni di loro sono di gran persona, altri di mezzana, altri di minore; la testa hanno tutta bionda ed in cima piana: gli occhi neri e grossi, e per la maggior parte hanno le narici picciole, la becchiera corta e grossa e più picciola del falcon peregrino e del montanaro, di color turchino; il petto biondo, di rare e rugginose maglie macchiate, la coperta come 'l falcone peregrino e su l'ultimo delli bannazzi e mantelli paiono di pinti di bianchi e tondi occhi, l'ala e la coda longa, le gambe corte, la mano picciola, assai più del peregrino e del montanaro, di color turchino. Li mutati poi hanno la testa fin' alle spalle bionda, rosseggiante, con alcune linee sottili; la loro coperta è turchina con alcune traverse nere, in altri dorate tutta ombreggiata, il petto hanno biondissimo senz' alcun segno, mà i piumaggi delle coscie sono traversati di poche e rare macchie; mutano la mano di turchina, che prima era 'n color giallo e si conoscono malagevolmente i fori da' mutati. Questi hanno su l'ale assai; (alarum aequilibrio in aëre sese suspendunt diu admodum et frequenter ALDROV.) e veggendo essi 'n campagna alcuno, che vadi à sparaviero, lo seguitano di continuo volando sopra 'cani, di modo, che gettato lo sparaviero dietr' all' uccello, il lainiero discende con prestezza grande, e s'avviene che lo sparaviero non pigli subito la quaglia, egli la segue fin tanto, che ne fa preda ò la fa dare, e se dà in terra ò macchia ò altra simil cosa. Questi falconi di sua natura non ricozzano, ma fanno la colónnata 'n aere, ed attendon' à volar' al suo solito. (ALDROV. minime impetunt, iciuntque denuo, verum in aëre sustinentes se veluti stant ac tanquam immoti pendent et suo more volare pergunt.) Hor volendoli liberar lo Strucciero da quest' impaccio e fare sì che 'l detto lainiero non gli dia noia, è mestiere che se sforzi di fargli pigliar' una quaglia; che così 'l falcone anderà à pascersi e non impedirà più l' uccellatore. Se per avventura i cani boreno qualche compagnia di pernici, scende come folgore 'l laniero e ne prende una, ovvero la fa metter 'n una macchia ò altra fortezza, di maniera, che alle volte 'nterviene, che l' uccellatore la piglia poi con lo sparaviero. Questi lainieri si fanno volare sopra 'cani da rete, à fine di far star ferme le pernici, i coturni ò fagiani ò altro uccello c' habbia fermato 'l cane, e se qualch' uccello soampa dalla rete, scende 'l lainiero e ne fa preda. S'uccellano anche questi

Frider. Rel. Tom. II.

Bb

„falco.

„falconi di getto à pernici, a' coturni, ed à fagiani, e non potendo pigliar di „primo volo, segnando l'uccello, come fanno gli astori, mà rarissimi l'affonda- „no, ma fatto dar l'uccello, farà una colonnata e se mettr' à volar sopra. Que- „sti falconi lainieri amano molto la compagnia e vi sono li terzuoli di questi, co- „me di tutte le altre forti di falconi.“

Hucusque CARCANVS apud RAIMVNDVM; reliqua latino sermone ex AL-  
DROVANDO tradam. Equidem, inquit, nunquam eos ita instituere potui, vt fru-  
gem aliquam facerept, aut ad volaticum venatum idonei euaderent. In Gallia  
vero magni aestimantur, relatumque mihi est, in ea regione eos instrui ad lacu-  
strem venatum, ac ternos vel quaternos pluresue falcones emitti, qui super aquis  
seu eo loco, vbi anates sunt, volitent, eaque ratione anates capi, verum in no-  
stra Italia nullius sunt vsus aut pretii.

Haec quidem omnia accipitris speciem a lanario gallico diuersam arguere,  
recte annotauit ALDROVANDVS; atque hinc explicat locum BELISARII de villa-  
nis seu ignobilibus falconibus, quos cum GESNERO lanarios interpretatur. Ita  
vero BELISARIVS: Villanos audiuius in Gallia optimos reperiri: quod an ve-  
natorum arte industriae aut ipsarum auium natura eueniat, non comperimus —  
cum in regione nostra nec animo viribusque nec volatu valeant.

FRIDERICI lanarios eosdem cum Italicis CARCANI facere velle videtur AL-  
DROVANDVS; postquam enim CARCANI locum posuerat, subdit, easdem fere  
notas lanariis suis assignare FRIDERICVM. Verum de FRIDERICI lanariis affir-  
mare aliquid vetat mentio volatus omissa; deinde in aucupem tam solertem, exer-  
citatum et doctum vix cadit error tam grauis, vt accipitris genus pro falcone ven-  
ditaret. Gallicum lanarium, quoniam hodie in Gallia paucis visus esse dicitur,  
ex BELLONIO descripsit illustris BVFFONVS, et ex ALBINI exemplo pinxit. LIN-  
NAEVS eundem in syluis Sueciae migrantem reperiri, et diuersum ab Italico la-  
nario annotauit. BRISSONVS l. p. 363. BELLONII verba repetiit.

Lanarii ALBERTI c. 15. manifesto ad accipitres pertinent. Sed ALBERTVS  
facit nomen genericum. Falconum, inquit, ignobilium genera sunt tria, quae,  
antiqui aucupes vt Ptolemaeo tradunt, Aquila, Symmachus et Theodotion, la-  
narii potius quam falcones vocantur, (vbi editio Veneta Ptolomaei habet), et sunt  
butherii quidem mures in campis insequentes per colores differentes, quia sunt al-  
bus et niger, in quantitate falconum, et rubeus, qui minor est, qui mirle imi-  
tatur. — Cum mutauerint se bis vel ter, et pusillanimitas naturalis per artem me-  
dicamen acceperit, efficiuntur columbas et anates accipientes. Duo igitur priora  
genera, maiora, coloribus, tertium magnitudine merularii accipitris seu Smerilio-

nis

nis distinguit; hos omnes tres lanarios ad naturam buteonis accedere ait. Buteones enim butherios appellat. Praeterea legendum puto: *butherii quidam*. Idem cap. 11. falconem album comparat cum lanario albo, qui volat in campo infidiando muribus. Lanarium nigrum vulgarem buteonem, Italis *Poiana* dictum, sine dubio esse asserit ALDROVANDVS; rubeum interpretatur tinnunculum, omnes tres ex communi victu murium nomen sortitos esse suspicatus. Si nominis originem quaeris, equidem lanarium album proprie isto nomine et primum appellatum fuisse suspicor ab albo lanae colore; deinde eodem nomine fuisse comprehensos alios accipitres, qui similem volatum habent. Ita enim ALBERTVS cap. 3.: stans autem falco in alto suspensus alis, degenerat in naturam auium, quae lanarii a philosophis, a vulgo autem germanice *Sweimere* dicuntur. Reperio tamen apud CANGIVM, veteres Gallos degeneres et ignavos viros *laniers* nominasse; quae quidem notitia Gallicum etiam lanarium degenerem et ignavum arguit.

Quem ALDROVANDVS sub lanarii albi nomine pinxit, accipitri palumbario fere par, a summo capite ad extremitatem caudam dodrantis et sesquipalmae longitudinem explet. Vertice est lato, capite et collo crasso, omnibus e cinereo albicantibus, vti et ventre et tota parte prona, nec non femoribus, vropygio et cauda inferna. Oculi pupillam nigram iris flava includit. Inter huius canthum maiorem et rostrum macula est nigra. Rostrum nigrum, acuto et prolixo unco, cera lutea. Alae sunt admodum acutae, oblongae, intra pollicem a cauda extrema subsistunt compositae. Femora non tota plumis tecta, tibiae luteae, valde graciles, a poplite ad ungues usque paulo plus palmo longae sunt, et culmo triticeo vix crassiores. Digniti similiter lutei, imbecilles, unguiculi nigri, tenues et debiles, licet adunci. Hunc ALDROVANDI lanarium cum aue S. Martini et subbutone BVFFONI et cum vulture cinereo-albicante FRISCHII tab. 79. ad primam suam falconis torquati No. 28. varietatem refert Cl. MERREM p. 106. BELLONII lanarium falconis alicuius varietatem potius esse suspicatur Cl. MAVDVYT Encyclop. p. 155.

Falconem rubeum ab antiquis appellari aliquem ait ALBERTVS cap. 12, quia guttae, quae in aliis albae sunt, in hoc genere sunt rubeae et nigrae guttae sicut in aliis (*non* inserit GESNERVS) sunt interpositae; nec in dorso vel exteriori alarum hic falco rubeus apparet, nisi quando alas exserit, tunc fusca in eis apparet rubedo. — Est autem non magnus, paululum minor peregrino, sed unguibus et pedibus et rostro fortis, et valde in volatu agilis, sed non satis diu perseverans, et domesticatur multum, et efficitur melior per mutas duas vel tres. Ita ALBERTVS. PETRO Crescent. X. 9. falco rubeus ex numero maiorum falconum est, et fere cum macilentus est, melius aucupari dicitur. TARDIVVS ru-

Bb 2

beum

beum falconem in locis planis et palustribus inueniri ait; esse audacem, sed difficulter regi. Dubium est, eundemne an diuersum hi falconem rubei nomine intelligi voluerint; ex loco natali a TARDIVO addito liceret suspicari, aeruginosum LINN. intelligi. Sed Cl. MERREM omnia haec de rubeo falcone loca ad gentilem pro varietate traduxit p. 96.

Cyanopodem falconem priuatim solus ALBERTVS nominauit et descripsit cap. 184. Varietatem aliquam noti generis alicuius esse, satis est probabile; ex indicio tamen ab ALBERTO posito, vbi natura sua suspensum alis in aëre stare nec ictum dare prae timore tradit, degenerem et accipitrum naturae propiorem suspicari licet. Sed Cl. MERREM ad peregrinum veluti varietatem retulit p. 97.

De reliquo asturum, accipitrum et sperueriorum genere quia parum aut nihil separatim tradunt FRIDERICVS et ALBERTVS, nihil addo, nisi locum ALBERTI p. 228. a. Buteus, inquit, vocatur auis rapax subnigra, quam germanice *Brobuxen* vocamus, et est pigri volatus et vncorum vnguium et curui rostri, fere quantitatis milui. Venatur autem ranas et mures et auiculas pigras aut infirmas, volare non valentes, et rapit pullos auium aliquando et est ad comedendum dulcissima et saporosa, si decoctione opthesis. CONR. GESNERVS p. 46. legendum censet *Braekbusen*, i. e. miluum paludum aut noualium. *Busen* enim et *Busant* in vetere dialecto occurrit etiam coniunctum in nomine *Busaar* aut *Bushart* pro Buteone. Ex gallico *Busse* reperies factum *Busio* apud CANGIVM. Sed ALBERTVS sua debet auctori de rerum natura apud VINCENTIVM XVI. cap. 43, qui simpliciter: haec, inquit, auis sapore dulcissima est. PLINIVS X. c. 49. buteonem accipitrum generis in Balearibus insulis esse in honore mensarum refert. Falconem apiuorum in cibo expeti a Gallis, annotat illustris BUFFON.

Explicatis falconum speciebus, quantum ab homine disciplinae falconariae ignaro, et qui plurimas ex hoc genere aues nisi ex aliena relatione cognitae non habet, fieri potest, videamus nunc proprias totius generis notas, quales a scriptoribus vetustis artis falconariae traditae sunt. Recentiorum enim observationes in Notitia literaria excerptas posui, quas huc iterum referre, non opus est. Ex recentissimis vero historiae naturalis scriptoribus nullum noui, qui scriptorum rei falconariae observationibus vsus genus auium rapacium bene digestum explicauerit. Facile etiam lectores intelligentes mecum sentient, ordinem hunc vniuersum auium rapacium ab illustri BUFFONO facta specierum plurium permutatione et confusione magis esse perturbatum atque obscuratum, quam ab vilo alio scriptore, ita vt initium emendandae eius disciplinae vnde sumi possit, vix reperire liceat. Quare omnis spes pristini ordinis restituendi et recte explicandi reponenda mihi videtur in viro doctissimo, HYBERO, cuius specimen de volatu  
auium

auium rapacium saepius iam a me laudatum fuit. Interim, quod in me est, efficiam, vt naturali methodo redintegrandae materiem vnde quaque diligenter colligam et peritioribus vsu elaborandam commendem.

Primum igitur praecepta ponam ALBERTI Magni ex tribus prioribus capitibus collecta, simulque quaedam eius loca accuratius explicabo, quam a me fieri potuit tum, cum verbis ipsis magis animum attenderem, quam auium naturae, antequam collectas plurimum virorum doctorum observationes de toto hoc auium ordine animo complexus singulas notas distinguere didiceram. ALBERTVS igitur quatuor notis genericis falcones a reliquis auibus rapacibus separat, figura corporis, colore, actu et moribus, ac denique voce.

Ad figuram et formam corporis quod attinet, caput est rotundum et grandius seu crassius, collum breuius et rostrum, pectus maius cum sterno acuto, alae longiores, cauda contractior, crura breuiora et fortiora. Caput quidem grande et rotundum ita est intelligendum, vt non sit enorme aut nimis rotundum, vt in noctuis et bubonibus. In asture, vt in aquila, pars antica capitis longior est et paulatim in rostrum stringitur; hinc accipitres *ὄφιοκέφαλοι*, i. e. serpentino capite, dicti DEMETRIO; quod non item in capite falconum accidit, sed frons eius ex rotunditate dilatatur, et superior cranii pars plana a figura rotunda deficit.

Collum breuius est, quam aquilae, asturis et nifi, sed non immodice, vt in noctuis. Crura quidem breuia sunt, sed coxae longae et bene plumatae, pes patulus, digiti fortes, praecipue in nodis articulorum, quos matriculas alibi appellare videtur ALBERTVS; ungues fortes et magis ad interiorum pedis partem paulum curuati. Cauda breuior est, quam in asturibus et nifis, ita tamen, vt alarum compositarum pennae anteriores et longiores se super extremam fere caudam aut plane aut prope attingant; eadem non dependet, vt in asturibus et nifis. Nimiā caudae longitudinem timiditatis signum esse ait, ratione hac edita: quia longitudo caudae super humorem nuchae descendens attestatur, et timiditatem arguit. Ita editur vulgo; sed CONR. GESNER de Auibus p. 59. laudat h. l. *nam cauda longa spinæ dorsī medullam nimis humidam indicat et timiditatem arguit*. Videtur igitur *superantem* legi voluisse in ALBERTO, quod probo. — Denique MICHAEL SCOTVS de Phisionomia cap. 21. omne, inquit, animal volatile habens ungues curuos et rostrum viuunt de rapina, coxas habet pulposas et pectus grossum ac forte.

Color corporis proprius est hic, vt adsint maculae nigrae in facie in maxillis, albae circa orbitas oculorum vtrinque ex vtraque parte rostri; cilia, id est su-

Bb 3

per-

percilia, sunt nigra; color cranii, dorfi et superioris partis colli, et exterioris alarum et exterioris caudae cinereus siue subniger; in alis plenus est falco varietate virgulatim quasi descendente, interruptis quinque virgulis. Haec varietas pro colore vno habet semper nigredinem, sed in primo anno secundus color est rufus remissae rubedinis, et quo saepius mutatur avis, eo magis magisque albescit. In hoc loco praetuli lectionem VINCENTII, vbi vulgatae ALBERTI editiones habent: *et in aliis esse plenum varietate quasi virgulatim descendente*; neque enim puto omissam fuisse ab ALBERTO notam, quam posuit etiam Cl. HUBER, virgarum in singulis alarum pennis, inprimis forinsecis, coloris quasi incisura aliqua distinctarum. Numerus an ubique adsit quinquarius, nunc non succurrit, nec annotatum est aliquid de numero a Cl. HUBERO. Vulgarem tamen lectionem ALBERTI vel sic praefero alteri, quam nescio vnde duxit GESNER de Avibus p. 57., vbi ex h. l. laudat: *interruptis quandoque*. Forte compendium scripturae *quinque* ita festinans interpretabatur vir praeclarus.

Color oculorum est croceus, rufo vicinus, pupilla nigra. Pedum color optimus croceus, ad albedinem vergens; nam quo minus albescunt pedes, eo falco est ignobilior; et si vergunt ad caeruleum aut hyacinthinum colorem, ignobilitatem et timiditatem significant.

Mores falconum proprii sunt, cum impetu in praedam statim irruere manu emissum. Celeri igitur volatu adscendit et compositis ad pectus vnguibus cum impetu et magno alarum motarum sonitu in aem descendit itinere obliquo, quo longius efficiat vulnus vngue postico impresso, quem talum artifices appellant. Contra accipitres diu in aëre suspensi alis haerent, antequam praedam aggrediuntur. Venatur falco solus et cum socio, cum quo praedam non inuitus communicat, quod non facit astur aut nifus.

Denique propria falconum vox grossior et proluxior ab acuto in grauiorem sonum procedit, quam asturum et niforum; et cum reclamantur a faleonario, non sibilo, sed voce magna ad modum reclamationis canum reclamantur; nec reuocantur ad modum canum, sed potius circumducitur in chorda quiddam ex quatuor alis vel pluribus ad modum avis colligatum, cui caro recens superligatur. In hoc loco vitium inesse aliquod suspicor. Videtur enim ALBERTVS voluisse distinguere modum, quo falcones et astures reuocantur a pugna; falcones quidem voce inelamati redeunt ad pugnum; contra astures ad tiratorium carnosum ostensum retro properant. Hinc distinctio orta est auium, quae ad pugnum et ad tiratorium redeunt; Italis dicuntur *uccelli da pugno* et *da logoro*.

Sequan-

Sequantur nunc falconum argumenta ex FRIDERICO collecta. Is igitur I. cap. 24. p. 30. falcones oculos penitus nigros habere ait, nigredine tamen pupillae intensiore, quam albuginei humoris seu iridis potius. Contra genera accipitrum et niforum habere glaucam iridem et pupillam nigram. Cilia autem rapacium multum prominent super oculos defendendos, uti putat Imperator, seu potius ad visum oculorum cautorum adiuuandum; sunt praeterea detecta, plumis carentia, dura et tenuia, ita ut fere incidant. Cilia hic Imperator dicere videtur os superciliarum aibus rapacibus, non tamen omnibus, proprium; contra ALBERTVS cilia pro superciliis posuit eo sensu, ut intelligeret locum, quem supercilia in homine obtinent. In colore oculorum falconis designando diuersus abit ALBERTVS; quem dissensum in re tam manifesta, ubi Imperatori assentitur etiam Cl. HUBER, ut tollerem, eam tandem ineundam viam putavi, ut colorem oculorum croceum in ALBERTO ad palpebras croceas traherem, quales in aliquot speciebus conspici supra iam ex idoneis auctoribus retuli; sed incertum mihi est, propriumne omnes eum colorem habeant species.

Caruncula porro narium foras prominet in falconibus; contra intus deprimatur in accipitribus. Cap. 26. p. 31. Sternum falconum magis rotundum et crassius est, quam in accipitribus et nifis. Cap. 32. p. 39. Pennarum numerum, formam, positionem et mutationem in alis, empinionibus et cauda alibi iam copiose explicui. Igitur ad volatum transeo. Falconum igitur plures species mediocriter mouent alas volando. Aues rapaces, quae habent interualla pennarum, hoc est, pennas decisas alarum, sicut accipitres et nifi, postquam frequentius mouerunt alas ad praedandum, si contingit, ut praeda non potiantur, statim extentis alis, et non motis neque frequenter nec cito per spatium coguntur euolare, dum ab illa defatigatione, quam sustinuerant in frequenti alarum motu in praedando, requieuerint sic extentis alis suspensi. Quando etiam adscendere quaerunt, circumuolando ad altum mutant modum mouendi alas, sicut accipitres et nifi; postquam per aliquod spatium frequentius mouerunt alas, postea ipsis extensis et non motis, ut requiescant, in circuitum circumferuntur, statimque cum volunt plus adscendere, iterum frequentius coguntur mouere alas, deinde circumferuntur extendentes alas, et non mouentes eas per spatium, sic vicissim permutantes motum alarum, ut quiescant a labore, quem habent ex frequentiori motu alarum. Cap. 54. p. 59. Falconum species quinque talo feriunt praedam; accipitres, quo nomine non solum asturem, uti alii, sed speruerium etiam comprehendit Imperator, capiunt, seu unguibus colligatam corripiunt. Libro II. cap. 2. p. 75. Pupillam falconum maiorem videtur facere, quam asturis et speruerii. Cap. 29. p. 90. Plumam denique falco, quam deglutiit, sine excussione capitis euomit, et ante se cadere dimittit, non cum excussione capitis, ut astur et nifus; egerit prope, non longe plumatam. Hae sunt praecipuae a FRIDERICO positaе falconum notae; fed

sed cum maior pars libri secundi de falconibus interciderit cum tertio de accipitribus, manifestum est, magnam etiam notarum copiam, quibus vterque ordo invicem differt, vna intercidiſſe.

Generatim Imperator II. cap. 5. de omni falconum genere annotavit, qui nascantur in septimo climate et ultra versus polum arcticum, esse maiores, fortiores, audaciores, pulchriores, meliores et velociores in sua quemlibet specie, propter frigoris vim maiorem. Praeterea in aibus frigidioris caeli indigenis colorem plumagii rubeum dominari. Hanc veram esse, patriae scilicet, non speciei, differentiam inter falconem peregrinum et gentilem, admonet idem Imperator cap. 4. De colore rubeo credere fas est diligenti Imperatoris observationi; cui etsi obſtare videntur annotationes aliquot recentiorum de colore plumagii albo falconibus frigidissimarum regionum proprio, cogitare tamen debemus, non eandem frigoris vim esse posse in aues propter naturae suae caliditatem frigidum aërem caelumque amantes, quam in aues frigidiores calorem aëris caelique amantes annuaque peregrinatione sectantes. Etsi vera sunt, quae de plumagio albo falconum Islandiae aliarumque frigidissimarum regionum narrantur passim, interpretari tamen illa ita licet, ut de plumagio hiberno ita recte pronuntiari posse dicamus. Eadem igitur ratione explicabo egregiam observationem **KRAMER** in *Elencho Animal. Austriacorum*, p. 326., de falcone haliaeto **LINNAEI**. Capitis, inquit, remigum primarum et subinde rectricum totiusque corporis colorem album a climate frigidiore et solis defectu dependere, non tantum ex aibus septentrionem habitantibus et autumnno vel hieme Austriam petentibus constat, verum etiam sequenti experimento confirmatur. Dum aucupes nostri aues per aestatem in cellis subterraneis aliisque locis frigidioribus et obscuris custodiunt, atque illis, ne canant, remigum et rectricum aliquas extrahunt, quae in his locis sole carentibus iterum crescentes alben, praesertim in emberiza flava, utpote quae hac ratione, dum autumnno eximitur et radiis solaribus, ut canat atque ad alias alliciendas aptior fiat, exponitur, saepe semialbescit.

Quod denique Imperator falcones frigidarum regionum saepe corda maiora, inferiusque corios duos appositos habere ait, puto corios intelligi minora corcula infra appensa. Quod vero in falconibus interdum accidere testatur Imperator, idem fere aut simile aliquid observavit in genere perdicum Americano **D'ABOVILLE** in Vol. II. *Transactions of the American Philos. Society held at Philadelphia*, p. 330. seqq. Is enim in perdicibus quadraginta octo, quas simul inspexit, corda gemina reperisse vult; sed dolendum, ipsam structuram mirabilem pictura non fuisse adumbratam, verbis, quanquam obscure, descriptam.

Postre-



Postremus et recentissimus scriptor historiam naturalem falconum artemque ipsam falconariam pertractandam adgressus est Cl. MAVDVYT in Encyclopaedia methodica, adiutus opera viri artis falconariae inprimis periti, Cl. LE ROY, cui caput de arte falconaria insertum antiquiori Encyclopaediae debetur, quo deinde usus etiam est illustris BUFFONVS. Praeterea communicatum habuit Cl. MAVDVYT a Cl. HVBERO opus egregium, cuius prodromum deinde publicavit ciuis Geneuensis, atque inde excerptis multas easque egregias obseruationes, quibus disciplina artis falconariae et historia naturalis falconum illustratur. Quidquid igitur in capite de falconibus et arte falconaria noui traditum reperi in Encyclopaedia methodica, huc relatum facile consensum lectorum meorum merebitur. Plurima quidem de alarum, pedum digitorumque forma praecepta ex prodromo typis publicato iam nota esse possunt lectoribus; verum eadem hic oratione et rotundiore et elegantiore traduntur; quaedam etiam annotationes intertexuntur, quas in prodromo, quem nunc ante oculos habere mihi non licet, antea legisse non memini.

Remiges igitur aues altius volare dicuntur, quam aues velificantes appellatae a Cl. HVBERO. Habent alas tenues, graciles (*mince, deliée*), parum conuexas et fortiter tensas, dum explicantur; contra in velificantibus alae sunt crassiores, carnosiores (*plus épaisse, massive*), arcuatae et minus inter volandum tensae. Remigum penna secunda, velificantium quarta penna alarum longissima est omnium. Vt remiges omnes altum, ita velificantes aues humilem volatum exercent; haeque ad pugnum, illae ad escam redire dicuntur. (*Oiseaux de haut vol ou de leurre, oiseaux de bas vol ou de poing.*) Ex digitorum forma habentur vel nobiles vel ignobiles. Nobiles digitos omnes longos et graciles (*deliés*), ignobiles contra breues et crassos habent. Aues velificantes maturius adolescunt et perficiuntur, tribus fere hebdomadibus postquam area pulli sunt egressi, quam remiges. Tres falconum capiendorum modi docentur (p. 19.); in quorum prioribus duobus adhibetur lanius, cuius timor clamorque excubantis falconem vel altissime volantem prodit aucupi. Tertius vititur bubone ad hanc venationem educato, atque humili volatu a stipite in terra defixo ad stipitem properante et falconem in rete alliciente.

Manufectio omnis falconum atque educatio exemplo Gyrofalconis, Sacri, Gentilis, Smerilionis, Asturis et Speruerii plane et copiose traditur a pag. 22. ad pag. 26. Ex qua tractatione illud modo ponam praeceptum, quod mense Martio, quo venerea copula inuicem coniungi solent, utriusque falconum sexui siles magnitudine auellandarum induntur, quibus desiderium coitus suffocari creditur, etsi remedio hoc, utpote periculoso, non utendum esse saepius recte censet vir doctissimus.

Frider. Rel. Tom. II.

Cc

Sequi-

Sequitur catalogus scriptorum artis falconariae, in quibus Imperatorem FRIDERICVM II. et Gallum D'ESPARRON desidero. Ex IOANNE DES FRANCHIERES et GVIL. TARDIVO annotatur, vtrumque auctorem in eo consentire, vt carnes animalium venereo stimulo prurientium in cibo falconum defendant; TARDIVVM praeterea quatuor vermium intestinalium species (*filander*) distinguere. Tertius, qui nominatur, ARTELOVCHE DE ALAGONA ciborum salubritatem et bonitatem accuratius distinguit, carnesque corui, cornicis, noctuae (*chouette*), corui marini et querquedulae (*sarcelle*) plane defendit.

Falconem Indicum a doctissimo SONNERAT descriptum (*faucon à collier*), superius nigrum, inferius album, sexum femininum masculo minorem habere non agnoscit Cl. MAVDVYT, et contra ex eo, quod colores feminae splendiores et natura cum statura (*taille*) minus robusta esse dicuntur, arguit, errore marem fuisse pro femina habitum.

Qui denique nuperrime Linnaeanum Systema auxit et emendavit, IOH. FRID. GMELIN, contrariam in partem atque alio modo, quam illustris BUFFONVS, peccasse mihi videtur. Immensum enim in numerum auxit familiam aquilarum et falconum, nullis finibus separatam; nec vllam mutationum aetatis sexusue rationem habuit in digerendis speciebus, etsi in adiecta notula de eo discrimine recte admonuit. Verum etiam hoc exemplo constabit, vanos esse virorum doctorum conatus, qui rapaces aues aut ex libris peregrinatorum aut subito visu auis vivae aut mortuae in ordinem redigere satagunt.

ADDI.

---

# ADDITAMENTA.

DE

## MVTATIONE PENNARVM PLVMARVMQVE.

**E**gregie etiam hanc physiologiae partem tractauit Cl. MAVDVYT in Encyclopaedia methodica, p. 235. seqq. Satis magnum auium numerum bis in anno mutare plumagium, is necum asserit, eodem plane modo eam mutationem fieri narrat in auibus aquaticis et auibus peregrinis, viduas (*veuves*) quas Galli appellant, quo suspicatus antea fueram. Quaedam adeo aues ter anno plumagium mutare dicuntur; verum eius rei exemplum desiderasse videtur doctissimus Gallus. Mutationem ipsam a viribus partu et cubatione exhaustis cum illustri BVFFONO repetit; vbi succus nutritius aliam in viam deriuatur, interimque canales veterum plumarum pennarumque exsiccantur. Pulli auium in prima mutatione plumas solas nec ipsas pennas amittere dicuntur; in hac vero aetate succi nutritii abundantia mutationis causa est. Contra in iis, quae bis anno plumagium mutant, primae quidem mutationis causam repetit ab humorum succique nutritii abundantia, alterius vero, quae fit autumno, et qua pennae plumaeque renascuntur minus pulchrae et pallidiores colore, a virium succique alio deriuati defectu. Recte. Poterat praeterea vir doctissimus vti comparatione reliquarum classium animalium, vbi venereae voluptatis sensus et stimulus colores viuiores et pulciores efficit, nouasque adeo partes velut in nuptiale decus protrudit postea delendas, vt in tringa pugnaci papillas carneas frontis et iubam collarem, in phasianio cornicula pennacea; in piscium genere eadem colorum mutatio locum obtinet, et in cyprinis squamae sub nuptias clauatae apparent. Anatem cristatam (*Canard hupé, branchú*) singulis annis mense Iunio plumagium decorum amittere, feminae similiorem tunc fieri, mense vero Nouembri pristinum decorem iterum assumere, vidit Cl. MAVDVYT p. 565. Eandem mutationem geminam in aue Africana *Capmore* obseruauit p. 569. Multae aues fere simul omne plumagium, imprimis tamen pennas, amittunt, vt anatum species plures atque aues rapaces. Praeter picam variam aliae etiam multae aues plumas capitis simul amittunt et subito caluae apparent. (Sub voce *Pie.*) Post lanulas in pullis paulatim cadentes plumagium hoc ordine nascitur. Primum igitur germinant plumae capitis, pen-

Cc 2

nae

nae deinde caudae, alarum, postea tectrices magnae et parvae alarum (*couvertures*) et caudae superiores et inferiores (bracae Imperatori), postremae plumae gulae et reliquarum corporis partium. (p. 364.) Aves *Bengali* dictae pluries in anno colorem, non plumagium ipsum, mutare dicuntur; quod quidem fieri posse negat Cl. MAUDVYT (p. 525.) et narrationem de colore viuidiore facto interpretatur, quem etiam quavis aestate in aue *Troupiale* dicta et in cauea alta ex pallidiori accendi viuidumque magis fieri vidit. Loxiam Africanam nigram (*Bouveron noir*) per 18. menses domi altam plumas supinarum partium crispas prima mutatione exuere atque altera mutatione non resumere vidit. (p. 535.) Eandem aue in Guiana Americana plumis rectis, non crispis, reperiri testatur. Psittaci speciem aliquam (*Perroquet tapiré*) nondum adultam plumis dorso et scapularibus spoliata inungunt sanguine ranae minutae caeruleae, per longitudinem corporis virgatae; quo factae plumae viridium loco flavae, rubrae aut mixto colore nascuntur, et quavis mutatione redeunt. Caussam repetit doctissimus Gallus a mutatione telae cellulosa cutis et germinibus plumarum tam alte impressa, ut inunctionem repetere non sit opus. Aves *viduas* dictas domi altas bis in anno plumagium mutare vidit Cl. Gallus; vernalis quidem mutatio maribus colorem plumarum pulcriorem et pennas caudae longas addit, quas autumnalis mutatio pallidas reddit et prorsus adimit. Feminae senescentes maribus magis magisque similes efficiuntur; quod item accidere feminis phasianorum, cum ouare aut desierunt, aut pauca modo oua edunt, annotauit Cl. MAUDVYT p. 3. sub voce *Faisan*. Plumarum colorem tunc induunt eundem cum maribus, sed pallidiorum, et a venatoribus *Faisans coquars* appellantur. Eandem rem obseruare licet in feminis senescentibus phasiani aurei. Prioris speciei feminae cultro anatomico subiectae oviductus manifestos, ouaria vero aut plane nulla aut fere oblitterata monstrabant. In gallinis vulgaribus et pauonibus eandem ARISTOTELIS obseruationem et AVSONII, pluribus veterum et recentiorum, imprimis ION. HUNTERI, testimonio confirmatam illustrare atque explicare conatus sum in Promptuario Lipsiensi Anni 1786, quibus exemplis nunc phasianorum seminarum, anatum quarundam et viduarum exempla accedunt. Denique in pelecano Americano CATESBY I. tab. 81. senectute caput et colli duae tertiae partes caluae membrana crassa teguntur, in iuuentute vero plumis vestiuntur. (Sub voce *Cou-ricata*.)

DE

## D E

PASTV AVIVM AQTATICARVM ET EGRESSV  
IN TERRAM.

Anferes feri vesperi ex pastu fatorum pratorumque redeunt congregati ad aquas fluuiorum lacuumque vicinorum, vnde sub diluculum exeunt. Contra anatum genera vesperi demum aquis egressa sata et prata vicina depascuntur, per diem in aquis altis delitescunt, vt auctor est BUFFON T. XVII. p. 85. Idem deinde in anate boscade p. 191. repetit; quas capite inter alas abscondito aquis lacuum altis innatantes interdum vidisse ex longinquo testatur HEBERTVS. Eadem quoque noctu tantum migrant. Anas clangula, ferina et glauca (*Morillon*) victum in terra non capiunt, et, si quando mari egrediuntur, quod fit interdum, balneo arenarum litoris recreant et refocillant corpus plumasque humidas, vt auctor est BAILLON ibidem p. 323. Difficulus etiam anas nigra (*Macreuse*) in terra ambulat, pedesque in arena cum dolore excoriat. Eadem male volat; cuius rei rationem inde repetit BAILLON p. 340., quod ossa alarum contra anatum morem magis retro flexa, et femorum acetabula iuncturasque nimis propinquas habeat. Ex quo argumento suspicari licet, peluim in hoc genere angustam et femora in acetabulis propinqua sibi inuicem posita esse, vt in colymborum fulicarumque genere. Anferes feros noctu cum pullis in sata aquis vicina egredi, auctore TAENTZERO tradit ZORN Petinotheol. II. p. 406.

## D E

ALARVM STRVCTVRA ET PENNIS, CVM CAVDÆ  
PENNIS ET PLVMIS.

Legi nuperrime, quae de natura et historia auium post illustrem BUFFONVM scripsit vir egregius, Cl. MAVDVYT, in libro gallico, *Encyclopédie Méthodique*; et cum plura in eo repererim annotatione digna et ab aliis omissa praecepta, operae mihi pretium facturum esse videor, si obseruationes viri doctissimi eas, quibus aut disciplina Imperatoris emendari atque illustrari, aut obseruationes a me collectae et posita augeri, corrigi et confirmari possint, fideliter excerptas cum lectoribus communicauero. In Introductione igitur p. 347. ed. Paris. (exstat enim idem liber Patauii repetitus typis) suspicatur, canalem pennarum cartilagineum expandi posse, aërem receptum per valorum lymphaticorum oscula bar-

bae seu pilositati pennarum insita emittere, atque ita respirationem auium adiuuare simul. Rationem suspicionis repetit ab insertione canalium maiorum pennarum, quarum radicem in ipsum periostium penetrare asserit. Sed in hac insertionem nihil viro doctissimo praesidii paratum esse videtur ad opinionem hanc tuendam; contra vero omnis aer ingredi debet eadem plane via, qua succus nutritius cum sanguine infertur. Radix pennarum maiorum in latere nodulis ossis cubiti tendinibus fortissimis adstringitur.

Ala pollicaris Gallice *aile batarde*, aucupibus vero et venatoribus *fouet de l'aile* audit. (p. 355.) Hanc alulam cum ipso osse pollicari, cui adhaeret, sine periculo vitae et absque magno aui dolore aucupes abscindunt, ut libertatis ei adimant usum; posthaec enim breues tantum grauesque saltus edere, nullo vero modo ascendere aut aufugere possunt. Hunc effectum non ab alae superficie imminuta deriuat Gallus, sed ita explicat, ut dicat, alam tunc, cum eleuatur, aerem non amplius findere, sed remouere, et paulo post, cum deprimitur aërique inniti vult, vacuum pulsare spacium, quod ala antea eleuata fecerat, igitur frustra auiem volatum conari.

De ala notha subaxillari, quam WILLUGHBY etiam, sed breuiter, annotauit, egregie tradit p. 386. Lorsque les ailes sont pliées, ces plumes sont couchées le long du corps, mais pendant le vol elles sont attirées vers l'aile par l'expansion de la peau, et elles forment une voile, qui prend le vent arriere. Car quand les oiseaux volent contre le vent, ces plumes cedent et se couchent aisément sans faire obstacle; au lieu que quand le vent souffle arriere, elles sont tellement attachées qu'elles résistent. Eadem in Introductione p. 351. ponit, ibidemque recte addit, plumas has easdem in auiibus paradisi dictis longissimas omnium et pulcherrimas apparere; in ardea Gallis *aigrette* dicta easdem cum scapularibus ad mundum muliebrem quaeri. Denique in ardeis ciconiisque haec subaxillaris ala una cum scapularibus pennis longis et pedibus retro protensis usum caudae breuissimae et fere nullius redimunt. (p. 353.)

Tectrices caudae superiores in auiibus viduis dictis a Gallis tam longae crescunt, ut ipsam caudam contegant; in gallis vulgaribus iubarum instar recuruae eriguntur; in pauonibus longissimae gemmas inscriptas gerunt et in rotae modum expanduntur. (p. 351.)

DE

## DE PERVNCTO.

In anate moschata, si glandulae peruncti statim post mortem auis excindantur, nullum inde malum odorem in reliquam carnem diffundi, ipsamque auem lautissimas etiam epulas instruere posse, testatur Cl. MAVDVYT Encyclop. method. Ita reperimus, veram esse opinionem, quam de causa odoris moschati in hac aue posuit iam olim BARRERE, simulque videmus, quam similes sint effectus saltim glandulae hae peruncti suis Americanae glandulis dorsalibus, cum quibus olim etiam comparauit EDW. TYSON. Morbum peruncti, quem nos *Darre* appellamus, Galli *ciron* vocant. Eius naturam accurate explicuit, atque ex ea nouam melioremque vulgari medicinam deriuatam docuit Cl. MAVDVYT p. 426.

## DE

## MVSCVLIS ALARVM ET CAVDAE.

Quoniam de musculis quibusdam alae, inprimis illis, qui pollicem seu alam spuri-  
riam, empiniones FRIDERICO dictam, membranam anteriorem alae et pennas corales regunt, et caudae, praecipue eo, qui a femore oritur, et de numero etiam caudalium dubitari adhuc posse videbatur; et cum ortus eorum et finis alius mihi in auibus quibusdam occurreret, quam duumuiris clarissimis, qui myologiam auium exsecuti sunt: nolui omittere occasionem, quae tamen praeter expectationem rara se mihi per hoc ver et initium aestatis obtulit, accuratius eosdem musculos in aliis auium generibus inuestigandi. Quaecunque igitur diligenti inuestigatione alarum caudaeque musculorum in tringa vanello et columba gyratrice reperi, breuiter annotata huc referam.

Musculum eum, qui cutem cum coralibus insertis retrahit, dum ala extenditur, ad pectus, reperi ortum in processibus transuersis costae quartae et quintae (sunt autem omnino octo in tringa) infra musculum eum, qui scapulam deprimat, in eodem loco ortus, sed latior et extremae scapulae insertus. Hunc scapulae depressorem nominat Cl. MERREM p. 154. No. 12, sed processibus quartae costae (voluit sine dubio quintam etiam addere) adfigit. Retractor coralium etsi basin fere communem cum eo habere videtur, longitudine tamen et angusta forma facile ab eo distinguitur, et cuti coralibus subiecta manifesto inseritur ibique per omnem superficiem expanditur.

Mem-

Membranae alarum expansor magnus portionibus duabus magnis carnosiss conflat in margine superiore furculae ortis; deinde in tres tendines distinguitur eodem in loco, quorum medius latior bifurcatur, atque altera extremitate inferiore vna cum tendine tertio interiore partem tendinosam radialis longi, attractoris manus (apud Cl. MERREM p. 157. No. 5.) et tertii iuxta eum interius siti musculi portione tendinosam atque adeo ipsum cubitum amplectitur. Accedit in latere alae interno portio musculosa anconaei externi (quem bicipitem dicere videtur Cl. VICQ D'AZYR) et porrigit tendinem quartum, qui inter externum et medium latiore decurrit, et deinde cum altera medii et bifurci tendinis extremitate radialem longum paulo antius amplectitur. Primus et externus tendo paulo supra finem crassiore inferitur lateri interno pollicis, itaque empiniones explicat et sursum vel ad pectus retro trahit.

Musculum crurococcygeum reperi in facie posteriore femoris ortum et inferiori caudae extremitati insertum. Sub mucrone ossis, quo os sacrum tegitur, et quod iuxta caudam longo procurrit acumine, in sinu ossis iliaci velut in trochlea suspensus caudam deprimit.

In columba gyralrice mare plumas omnes simplices, nullis dumis subtus latentibus, reperi; in iis, quae caudales pennas supra infraque proximae accedunt, cannulam a radice statim crassiore supra infraque conuexam, nullo in inferiore facie sulci vestigio exstante, aut leuissimo. Tertia cannulae pars superior iusto gracilior fit. Pennas caudae duodecim, forinfecas alae decem integras, non excisas in alterutro margine, sed in fine ad angulum acutum decisas, vnnos quindecim numeravi; corales debiles et nullo ordine positas numerare vix licet; alae spuriae pennae sunt ternae. Ala notha subaxillaris transuersa paucioribus constabat pennis, quam in reliquis, quas eo consilio inspexi, auibus, ternis fere aut quaternis longioribus. Tibiales dictae longae et densae in latere postico femoris appositae supra tibiam dependent. Perunctum nudum absque penicillo conulo bifido eminet.

Tracheae et laryngis inferioris formam cum musculis paulo supra descripsi de vocis instrumentis. A parte inferiore et infima oesophagi fibram muscularem vtrinque ad latera ingluuiei excurrentem et cutem colli alligantem vidi. Musculus scapulae depressor tertiae, quartae et quintae costae processus amplectitur, paulo latior et multum crassior eo musculo, qui in eodem loco, sed inferius, insertus cutem cum coralibus retrahit ad corpus. Dum vero musculum attractorem posticum brachii (MERREM p. 153. No. 7.) in vertebrae dorsalis secundae spina ortum rimor, aperte video, fibrillas quasdam eiusdem transuersas in cutem porrigi paulo supra finem musculi eius, qui corales magis retro ad corpus trahit,  
cum



cum fibrillae hae eandem cutem cum corallibus sursum magis retrahant. Praeterea video infra musculum hunc corallium pennarum in eodem loco costis inferi fibras carneas multas a pectorali magno, ubi scilicet super sterni marginem eminet et ipsarum costarum fines tegit, quas a margine sterni ortas nullo modo dicere possis, ut qui infra oritur abdominis musculus oblique descendens. (MERREM p. 151. No. 2.) Eandem sine dubio musculi pectoralis magni structuram in aue eadem aut simili viderat V. C. VICQ D'AZYR; ille enim musculum hunc fibris suis costas etiam amplecti posuit; quod negabat in aquila sua fieri MERREM p. 152.

Humeri retractorem, quem in extrema dorsi vertebra oriri ait Cl. MERREM p. 153. No. 8., reperire non potui; videtur adeo cum musculo magno scapulae (MERREM p. 154. No. 13.) in vnum coaluisse et latissimi dorsi vicem gerere. Contra musculum rotundiusculum primae costae (spuriae) et secundae processui transverso adhaerentem reperi, qui scapulae inferiores musculos transuersos perforans adfigitur margini inferiori scapulae non longe ab eius articulatione cum humero et clauicula.

Quae varietas cum animum meum pungeret, meque dubium faceret, num oculis recte usus essem, an aberrassem parte aliqua; coepi musculum eum, qui humerum attollit, quaerere. Hunc a iunctura clauiculae et scapulae ortum lateri anteriori humeri in medio inferi, humerum cum ala attollere et deltoidis vicem gerere, docet Cl. MERREM p. 154. No. 14. Verum in columba locum eius occupat tendo fortissimus capiti clauiculae et capiti minori recuruo humeri versus interiora insertus. Praeterea musculus pectorali magno subiectus in sterno tendinem fortissimum per cauitatem seu foramen in iunctura clauiculae et scapulae relictum inserit, extrorsum ad caput humeri reflectit et in latere superiori inserit. Tendo hic supergressus tendinem eum, quem paulo antea commemorauimus, humerum cum ala fortissime attollit atque altissime. Post hunc et infra scapulae caput inseritur anconaeus magnus, qui in itinere humerum etiam amplexus et deum cubito adhaerescens simul etiam humerum cum cubito attollit.

Hanc columbae aut similis auis structuram contemplatus esse videtur FABRICIUS ab Aquap., cum de volatu p. 376. ista scriberet: „Musculus ille latissimus et maximus, qui in hominibus et caeteris ad humeri extensionem exterius in dorso positus est, interius in volatili fuit collocatus, et est illi subiectus, qui ad pectus brachium adducit, (*pectoralem magnum* intelligit), qui a me glossocormii musculus appellatur, quod, cum intus sit, ut alii flectentes, extendit tamen et humerum strenue, quia magnus est, attollit. Reflectitur enim ad humeri articulum eius tendo ab exterioribus ad anteriores partes, et ita praeter morem

Frider. Rel. Tom. II.

Dd

et

„et consuetudinem caeterorum intus existens, extendit, sicut perpulchre anatome  
„commonstrat.“

Vides igitur, quam mira musculorum varietas in variis auium generibus plurimas atque accuratas anatomici obseruationes postulet, quo melius musculorum auium analogiam cum humanis indagare et volatus etiam diuersitatem explicare inde possimus. Nec statim, vbi quid in quibusdam auibus a vulgari more et scriptorum annotatione alienum reperimus, errorem arguere licet scriptoris; sed potius, vt eiusmodi dubitatio locum habere non possit, auium genus diligentius in posterum annotandum erit. Quis enim latissimum dorsi in pectore quaesiuerat? Atque ipse de fide FABRICII dubitaueram, donec in columba asseritam eam vidi et miratus sum.

Qui membranam alae extendit in columba, partim a magno pectorali, partim sui generis portione in iuxta pectoralem magnum insertam habet, capiti humeri et claviculae. Tendines hinc duo membranam percurrunt; alter in extremo margine decurrens iungitur deum cum tendine tertio a portione magna anconaei externi adscendente et distincta orto, et protuberantiae pollicari in facie interna adhaeret, partim vero musculus minutum carnosum amplectitur, qui a tendine radialis longi ortus pollicem regit.

Caudae musculos eodem numero, vt in reliquis, vidi, et crurococcygeum apertissime. Praeterea sub peruncto ad latus ossis terminalis vtrinque suis, vt videtur, musculis tectum, et inter superiores interiores caudae musculos latentia duo corpora fere cartilagineae aut tendinosae naturae reperi, oblonga, crassissima, quae dissecta flaua pinguedine plena apparebant, et vaginas pennarum caudae duodecim manifesto monstrabant. Sed harum partium accuratior inuestigatio alio pertinet.

Corneae marginem lamellis osseis compositum alii iam annotarunt. Membranam nictitantem, cum pro palpebra superiore datam auibus existimaret, columbis deesse asseruit ALDROVANDVS Ornithol. II. p. 116. Columbas enim vtraque palpebra oculum claudere ait. Nihilo tamen minus in columba mea et omnibus aliis, vt puto, adest manifesta. Nares mirum in modum tumidae protuberant in basi rostri propriumque generis totius signum exhibent. Sed male LINNAEVS eumque secuti alii nares oblongas membrana molli tumida semitectas, alii rostri carunculam tumidam appellarunt, cum sit membrana pituitaria varie conuoluta et angusto rostro protuberans; in latere tantum inferiore angusta rima aditum aëri dat.

Cogna-

Cognitionem columbaei generis cum gallinaceo multis argumentis docere conatus est Cl. HERMANN Comment. Tabul. Affinit. p. 208. 209. In sceletis etiam signa eius quaedam occurrunt, veluti rami laterales sterni, quos habet cum gallinis, tetraonibus et meleagride communes; sed alia a structura gallinaceorum plane aliena sunt, nec huc pertinent.

---

D E

## LARYNGE ET VOCIS INSTRUMENTIS IN AVIBVS.

**T**andem nactus legi egregii zootomi VICQ D'AZYR dissertationem de vocis instrumentis in variis animalium classibus, insertam Actis Academiae Parisinae anni 1779. p. 191. seqq. Vnde capita praecipua excerpta huc transferam, ut lectoribus constet, num me atque alios ciues meos operae poenitere debeat, quam in indagandis avium instrumentis vocalibus hucusque posuimus. De diversitate sexus in vocis instrumentis avium inprimis aquaticarum eminente nihil hucdum suspicatus esse aut inaudivisse videtur vir egregius; quod inuentum nunc vindicandum esse video ingenio et solertiae coniunctissimi collegae BERNHARDI CHRISTIANI OTTO, qui vna cum fratribus vita iam defunctis genus omne avium aquaticarum diligenter scrutatus ante plus quam viginti annos hanc sexus differentiam reperit, eaque adiutus plurimas species accuratius distinxit, atque inuentum etiam egregium ex parte scripto publicavit, ante quam reliqui viri docti suspicati aliquid de eo erant, aut publice de eo admonuerant. Doctissimus igitur Gallus vniuersum avium genus in tres classes describit ex structura et forma vocis instrumentorum. Prima nodum laryngis in bifurcatione nudum absque ullo musculo; altera nodum musculo forti et plano tectum, vtraque ceterum tracheam rectam habet; tertia tracheam varie flexam et singulari structura auctam et variatam exhibet. Vulgarem nunc distinctionem in laryngem superiorem atque inferiorem avium recte reprobare videtur; eo igitur auctore potius dicendum, glottidem suam obtinere locum in superiore laryngis parte, contra reliquas partes, veluti ventriculos et ligamenta inferiora, esse ad inferiorem partem translocatas.

In auibus altifonis et raucis larynx inferior musculis caret. In auibus cantatricibus inferior larynx obtegatur muscoli alicuius fibris fortissimis et densissimis (très ferrées), cuius in medio sulcus per longitudinem decurrit, et qui retrorsum in papillas duas terminatur minutas, veluti in luscinia, linaria (*linot*), cardueli (*chardonneret*), alauda, chloride (*verdier*), acanthide (*serin*). Contra in columba muscoli duo laterales inter postremos annulos tracheae inferunt se membranarum mobilibus, quae annulorum istorum interslitium explent. Partes singulas laryngis cum musculis pinxit etiam vir doctissimus, atque in explicatione Figurae 22. monet, ligamentum bronchiarum transversum in auibus quibusdam magnis, veluti in stellari ardea (*butor*), plane deesse. Huic observationi subiunxit aliam de vocis instrumentis ranae vulgaris et bufonis magni Americani ex vicinia fluminis Mississipi translatis. Vtriusque laryngem cum chordis vocalibus pictum dedit Fig. 40—44., mirumque merito accidit lectori, tam artificiosa laryngis structura quem usum in bufone fere muto habere possit. Vides igitur, nondum exhaustam ingenio doctissimi Anatomici Parisiensis esse omnem laudis materiam, et multa superesse structurae miracula indaganda in larynge auium. Praeter enim aues illas, quas recensuit Cl. Gallus, multae aliae tribus quatuorque musculis inferiorem laryngem firmatum et mobilem habent, quarum nomina et exempla antea posui. Vellem etiam communionem tracheae cum gula columbarum et ardae virginis accurata viri anatomiae periti observatione confirmatam videre, quam in columba obiter memorat illustris *BUFFONVS*, clarius vero nuper Cl. *MAUDVYT* in *Encyclop. Methodica*, p. 329. Introductionis in *Historiam Auium*. Canalem ipsum, quo ingreditur aer, nondum quidem esse repertum ait; ipse tamen in pluribus etiam auium generibus eandem tracheae cum gula communionem locum habere suspicatur, cuius ope aer alimentis exsolutus digestionem exeat, idemque deinde tracheam ingressus corporis superficiem leuitatemque augeat in volando. Analogia vesicae pneumaticae piscium confidere videtur vir doctissimus; verum equidem nihil vspiam de hac communiione traditum reperi, nec a *PERRALTO* annotatur tale quid in anatomia ardae virginis; itaque intra suspensionem consistendum erit, dum anatomia certiora docuerit.

*ARISTOTELES* etsi in libris vulgatis de animalibus nihil de vocis instrumentis animalium auiumque priuatim tradidit, non ignorauit tamen miram tracheae laryngisque varietatem in auibus, ut apparet ex libro de Audibilibus, ubi accurate conatum gestumque auium vocem per longum et angustum canalem tracheae (bombycem ipse vocat) exprimentium obseruauit; atque idem auium quarundam tortuosas et varie inflexas sinubusque auctas tracheas videri videtur, quoniam arteriam asperam in quibusdam auibus diuersae latitudinis et sinubus auctam esse refert.

In

In columbo gyratore mare reperio basin laryngis inferioris, quae bifurcationi originem praebet, duobus annulis maioribus constantem, qui magno inter se relicto spatio vtrinque membrana crassissima teguntur, cui inferitur vtrinque musculus ultra duos suspensorios, quibus trachea sterno alligatur, paulum excurrans in latere tracheae. Cum pons in basi bifurcationis desit, solennis alias in plurimis auibus, videtur membrana ista crassa interstitium internum tracheae ad bifurcationem claudere sibi vtrinque applicata, atque aperire musculo sursum tracta. Denique musculus, qui ut plurimum latera vtrinque tracheae legit et ad laryngem ab imo usque pertingit, in columba plane deest, eiusque locum brevis iste inferior membranae insertus tenere videtur.

## OBSERVATIONES OSTEOLÓGICAE.

In sceleto strigis bubonis, quod Berolini nuper inspexi, duo mihi memorabilia occurrerunt. Radius vbi iungitur carpo et metacarpo, in latere interiore appositum habet ossiculum satis forte, introrsum et retrorsum reflexum, veluti vncum. Praeterea radius in inferiore sui tertia parte finditur in fenestram angustam, uti solet metacarpus auium, in latere interiore virgula tenui ossea circumscriptam. Domum reuersus eandem radii fenestram in strigis aluconis sceleto agnoui, non item vncum osseum radio prope iuncturam in anteriore parte appositum.

In cranio falconis caerulei seu eius, quem St. Martini nomine vocauit illustris BVPFONVS, video, ossis lacrymalis parti superiori in orbita anterieus eminenti iunctum haerere os fere ouatum, tenue, a margine superiore orbitae remotum, nec cum ea, nisi media membrana aliqua, quae orbitam cingit, cohaerens, quale etiam nuper Berolini in sceleto aquilae alicuius vidi, ossi lacrymali arcte iunctum, orbitae vero margini ope membranae adhaerens, quanquam satis longe remotum. Hoc ossiculum superciliare esse puto, quod in aquila mea albicilla propius marginem superiorem orbitae positum nec cum osse lacrymali iunctum reperi.

In sceleto lari nostratis magni albi supra caput inferius humeri in latere eo, quod radium respicit, eminet dens magnus osseus super radium infra decurrentem deflexus, quem in situ suo tutari et reprimere videtur. Radius ipse sub dente paulum introrsum flexus conspicitur. In scolopace arquata maximum omni-

Dd 3.

um

um dentem istum vidi. In reliquis auibus aut leue aut plane nullum eius vestigium exstat. In tringa vanello satis eminet, illique soli inferitur musculus tensor manus, externus simul et posticus Cl. MERREM p. 156. No. 2. dictus, qui ad metacarpi protuberantiam pollicarem pertingit. In aliis etiam auibus idem musculus eidem denti inferi videtur.

---

Pag. 124. post sermonem de CARCANI libro haec attexenda sunt. Posterior etiam huius libri editio exstare debet falconum designatione accurata aucta, quam in suum librum traduxit RAIMVNDVS, latinam vero fecit ALDROVANDVS. Comparationem horum locorum reperies, vbi de auium rapacium genere et differentiis dictum est.

---

CORRI-

## CORRIGENDA.

**H**orum indicium debeo humanissimo SCHAEFERO, qui paginarum a prelo madi-  
darum emendandarum curam et taedium tam patienter tulit, precibus libra-  
rii et amore litterarum motus. Meus quidem animus post exantlatam hanc  
operam commentariorum et indicis ita abhorrebat a repetita paginarum singula-  
rum et curiosa lectione, ut maximas nunc iuueni doctissimo pro cura tam sedulo  
et solerter in alieno libro collocata gratias agam, propitiamque ingenio eius for-  
tem Aesculapiique gratiam apprecer. Si quid praeterea peccatum fuerit, lectoris  
intelligentis attentionem non morabitur illud, uti spero. Praeposterum disser-  
tationum quarundam ordinem excusabit absentia auctoris; cui si currente calamo  
saepe animus a recto verborum ordine aberrauerat, aut memoria vocabulum ali-  
quod exciderat, id omne quicquid fuit vitii humanitas SCHAEFERI vel emenda-  
uit, vel suppleuit. Illorum, de quibus dubitauerat, omnem mihi correctionem  
permisit; quam ita habe L. B.

In Praefatione Tomi I. p. XII. linea 5. pro vocabulo cultum scribe notitiam.

In Commentariis T. II. p. 15. lin. 7. quouis fere, lege vere.

Pag. 23. lin. 24. excauato, l. excauata.

P. 33. lin. 4. ab infima pagina, verba *ut in psittacis* dele.

P. 36. lin. 15. pars, scribe paris.

P. 45. lin. 5. scribe: super ipsa metacarpi iunctura.

P. 46. lin. 15. ab infima pag. scribe: cellulofam telam.

P. 52. lin. 9. scribe: vereor ne.

P. 56. lin. 5. ab infim. pag. scribe: iisque caudam.

P. 64. lin. 20. pro cui scribe cur.

P. 67. lin. 1. scribe: scriptorum istorum.

P. 77. lin. 5. scribe: adhibeant.

P. 81. lin. 16. post interpretatus est adde THOMAS Cantimpratensis.

P. 83. lin. antepenult. scribe: testatur vidisse.

P. 84. lin. 7. pro velli scribe: velle.

P. 99.

- P. 99. lin. 3. scribe: vt quadrupedum carnes.  
 P. 109. lin. 15. scribe plurima pro plurimum.  
 P. 112. lin. 10. post prolobum videor omisisse *oesophagum*.  
 P. 119. lin. 1. pro quinque scribe octo.  
 P. 177. lin. 10. legendum Fig. 9.  
 P. 183 lin. 10. verba: Palpebras vsque ad nomen LINNAEVS, retrahenda ad  
     p. 182. et lin. 37. post vocem omissae inferenda sunt.  
 P. 204. lin. 13. pro factae scribe facto.  
 P. 208. lin. 6. portionem tendinosam dele, vt superfluum.



INDEX



**I N D E X**  
**R E R V M   E T   V E R B O R V M**  
**Q V A E**  
**I N   C O M M E N T A R I I S   H I S**  
**E X P L I C A N T V R**  
**C V M   N O T V L I S   I N T E R S E R T I S.**

*Frider. Rel. Tom. II.*

**Ee**



# I N D E X

## RERV M ET VERBORVM.

**A**bacistarum ars. 76. In notis non recte dixeram, eam numerandi artem per digitorum inflexionem inprimis intra monachorum claustra excultam fuisse. Verus enim est ars, Graecis etiam et Romanis vetustis nota et in foro etiam ab oratoribus adhibita. Numeri ad centesimum sinistrae manus conformatione et inflexione digitorum indicantur, reliqui dextra. Artem ipsam solus tradidit BEDA de Indigitatione, seu loquela per gestum digitorum, T. II. p. 164. seqq. editionis Basil. 1563., vbi virorum doctorum annotationes antiquitatem artis ex scriptoribus graecis et latinis tradiderunt. Ex BEDA addam, quae ad locum Imperatoris p. 102. intelligendum faciunt. Modum, secundum quem abacistae tenent 70. cum manu, alium, quo ternarium numerum tenent, denique quo 73. tenent, commemorat augustus auctor; ii vero ex doctrina BEDAE tales fuerunt. Quum dicis tria, inquit BEDA, tertium digitum, id est impudicum seu medium, inflectens in medium palmae artum affle-ctes. Quum dicis 70., indicem circumflexum pollice immisso superimplebis, vngue duntaxat illius erecto trans medium indicis artum. Atque his duobus modis coniunctis efficitur numerus 73. Haec verbo indicasse sufficit; plura qui de arte hodie incognita desiderat, adeat librum BEDAE.

Aëris raritas in monte Olympo. 82.

Aëriphilus falco. 89. 90. IOANNES Sarisberiensis l. p. 41. alarionem aquilarum speciem potentissimam appellat.

Aëtites lapis in aquilis ortus. 115.

Airones, Ayrones, id est Ardeae. 4. mares cristam habent 16. rostrum 22. digitus posticus 27. marium in ardea bifa color tempore coitus 40. quomodo se defendunt? 61. 118. species 61. coitus ibid.

Αἰσάλων. 66.

Αἰτῶλιος, αἰγῶλιος. 68.

Alarum ossa 24. structura omnis enarrata cum pennis plumisque. 42—52. 113. ala spuria quot pennis composita, vsus 54. 55. 206. ala subaxillaris seu notha 48. 49. 51. 206. differentia in falconibus et asturibus 113. 132. seqq.

Alauda. Ab Italico *Lodola* dicitur *laudola* apud MICHAELEM SCOTVM de Phis- sion. cap. 20. et cristam habet.

Albanus quae auis? 58.

Albus falco 192.

Aletes, Alethes, falcones americani 110. mores 118. ex Africa septentrionali ori- undus. 142.

Alphanet, seu barbaricus falco 109.

Anabula, animal. 80.

Anates campestres, *canards des prés*. Otis tetrax 8. Anates de Pharaone. 15. Anas nigra quomodo pedes positos habet? 205.

Anchae, *anches*. 25.

Anonymi liber de naturis rerum, quem VINCENTIUS excerpfit, exstat manu- scriptus in bibliotheca Parisiensi. 103.

Anserum genera, victus, mores, migratio 5. 13. species 12. rostrum 22. anserum species cadaueribus victitans. 64. MI- CHAEL SCOTVS de Phisnomia cap. 20.: quaedam habent dentes in ore — quaedam scripaturam et non dentes, vt anser.

E e 2

Ante

- Antenere, Antannaire, Antenido, Antevere**, falco quando audit? 109.  
**Apodes** hirundines. 6.  
**Aprones** aues quae? 12.  
**Aquilae** piscatrices, earum pedes 29. 65. albicillae descriptio et dissectio 48. aquila germana **ARISTOTELIS** definitur 69. melius volant aëre ventoso 116. serpentes impetit 118. a falconibus quomodo differant 179.  
**Aquilae** epistola ad **PTOL.** 103.  
**Ardea**. Vide **Airones**.  
**Aristotelis** versiones veteres. 81.  
**Armus**, os humeri. 23.  
**Arteria aspera** auium. 36.  
**Artus inferiores** aquaticarum auium citius perficiuntur. 28.  
**A'sepia** aquila, 92.  
**Astur, Austur, an ex graeco ἀστυρις?** 66. sauri et mutati colores 72. mores. 116.  
**Atricapilla muscicapa** eadem cum motacilla ficedula. 40.  
**Auditus** instrumenta in auibus. 172. 173.  
**Aues aquaticae** palmipedes breues pedes et collum longum habent; palustres longis sunt pedibus 3. migrant 13. oua albuminis an vitelli plus habeant? 71. egressus ex aquis ad cibum 122. 205. quibus notis a quadrupedibus atque a se inuicem generatim differant? 144. seqq.  
**Aues de paradiso** geminae. 60.  
**Auium rapacium** feminae cur maiores? 64. quo diei tempore venari soleant? 68. 111. potus 77. adulteria 96. 110. septentrionales piscibus et aquatilibus vivere magis putantur 96. 99. victus, vomitus, ventriculus, succi gastrici natura. 97. 98. cor auium an edant? 99. coitus, pullificatio, educatio. 114. differentia ex forma alarum et volatu. 132. seqq. totius familiae differentiae et characteres 179. seqq. 201. mansuetudo et educatio ibidem.  
**Auriphrygius** auis quae? 29.  

**B.**

**Baburni, Babuyni, Baboyni, Babewyni**, simiae genus. 87.  
**Balarin, falco**. 117. 118.  
**Barbates, Barthlathes, Baumgans, Bomgans**. 4.  
**Bernecelae, Bernechae, Bernichae, Bernacae, Barnaces, Berniclae, Bernestae, anseres**. 4. **Barnetae, fabulae** de iis origo 86.  
**Bernardi Syluestris Microcosmus**. 83.  
**Beuer, castor**. 83.  
**Bibio, genus insecti alarum**. 82. **MICHAELI SCOTO** de Phisionomia cap. 21. musca, bubio.  
**Bifi airones, bifus color**. 40. 124.  
**Bistarda, Otis**. 8.  
**Bittorfus**. 131. De colore pedum simili pedibus ardeae stellaris (*butor* Gallis) suspicatus sum; quam coniecturam video confirmari loco **ALDROVANDI** VII. libro p. 462., ubi ex falconariis refert, peragrini falconis pedes habere colorem eundem, quem pedes ardeae stellaris seu botauri, nempe inter flauum et plumbeum ambigentem, seu pallide virescentem, et ad caeruleum non nihil vergentem.  
**Blausus**. 95.  
**Bleneetae, anseres**. 4.  
**Bracalae, i. e. vropygii plumae inferiores**. 55.  
**Brobuxen, auis**. 196.  
**Bruchus, IOH. Sarisber. VI. p. 332.**: quod ex locusta nascitur bruchus, qui ita vocatur, quousque alas habeat. Exinde succrescentibus alis cum coeperit volitare, vocatur athelebus (attelabus), cum enim plenissime volare poterit, efficitur locusta.  
**Brumestae, vnae**. 86.  
**Bubonum pedes** 42. quomodo a falcone capiuntur. 116.  
**Bucerotis** duae species 17. cornu eiusque vsus. 36.  
**Buse, Busio, Busaar de buteone**. 196.  
**Butorius ALBERTO** pro buteone; et *butorius*. 94. 95. Alibi pro ardea stellari dicitur 99. et supra in Bittorfus. Forte de hac aue est locus **IOANNIS Sarisberienfis** I. p. 43.: regulus quoque ipse, qui et bitriscus dicitur, vera quandoque portendere non dedignatur. Nam de trochilo

chilo regulo sermo ibi non est. Forte est bitriscus vetus britannicum vocabulum.

## C.

- C**alandra. 32.  
 Cameli solipedes. 162.  
 Camufius, Camoccia, Camuzzum, Chamois. 84.  
 Canna, Cannula, Canalis, cartilagineus pennarum plumarumque. 52.  
 Cantalenae, pro cantharidihus. 87.  
 Canthari tinctorii Indici AELIANI qui? 163.  
 Cantharidum vsus in canis rabidi morfu antiqus. 87.  
 Canthus oculorum. 18.  
 Caprae solipedes. 162. Caprarum mammae in pectore. 169.  
 Capus, pro falcone. 122.  
 Carbonerae anseres. 12.  
 Cardilli, Carduelli i. e. Cardueles. 12.  
 Carpi ossa in ala auium. 44.  
 Catalanica versio epistolae AUVILAE, SYMMACHI et THEODOTIONIS ad PTOLEMAEVM qua aetate facta? 103.  
 Catreus, auis quae? 169.  
 Caudae pennae quot, quo ordine posita? 55. musculi enarrati 55. 56. 57. tredecim et quatuordecim quibus? 116. 119. cauda an gubernet volatum? 134. caudae testices. 206.  
 Caulia. 77. MICHAEL SCOTVS de Phisio. c. 92. cauculae pedum.  
 Cautas gularis ardearum et vulturum dumis testis. 41.  
 Celsa, seu ficus fatua. 102.  
 Cera in rostro auium. 71.  
 Cercean, penna. 53.  
 Charadrius oedienemus quomodo currit? 3.  
 Cibi falconum salubres et noxii. 98. 99. 109. 120. 202.  
 Ciconia alba et nigra 3. nigrae cibandi modus 4. media ciconia 11. pudicitia 86.  
 Ciconia aquis extracta. 83. Alia exempla posuit BVFFON XIII. p. 385.  
 Cilia in palpebris auium 19. 163. saepe pro superciliis.

- Cinni i. e. cycni 2. cibus et rostrum 4. duplex species. 15. 16. Nuperrime demum comparato vtroque cycno intellexi, rostro etiam non solum minore sed etiam aliter figurato differre. De qua re alibi tradam.  
 Circellae, *Cercelles*, anates. 4.  
 Cifmus, Sifmus, Citillus. 83.  
 Ciucta, Ciuetator. 89.  
 Clauiculae auium. 23.  
 Coccygis ossa in auibus. 57.  
 Cochalis, Conchilis. Vide infra in *grotto*.  
 Cofani Apulis Onocrotali. 2.  
 Coloris mutatio in auibus 40. tempore coitus in sparuerio 120. 123. in aliis. 154.  
 Color iridis, remigum et reetricum etiam variat cum aetate 155. rubeus et albus falconum vnde? 200.  
 Colubri natricis cranium et maxillae duplices superiores picta. 177. 178. Qui nuper serpentum notas definire voluit WEXGEL in scriptis societ. Hallensis T. I. p. 29., annotauit, natricis huius cranium a MEYERO tab. 90. pictum ostendere acutas palati carinas geminas, serpentibus omnibus communes. Sed maxillas duplices denticulatas, si vnquam is vidit in sceletto, carinas inepte admodum dixit.  
 Columborum genus, rostro croceo 12. de Syria cum aliis 59. columba ciliata 116. volatus 138. anatomia. 208. seqq.  
 Cooperculae, coopertoriae, caudae pennae quae? 55.  
 Cor duplex falconum et perdicum. 200.  
 Corales pennae quae, quot? 42. 53.  
 Coriens, rana. 84.  
 Corlini, *Corlicus*. 11. 23. Scolopax aquata, phaeopus. 84.  
 Cornelli, i. e. Cornices. 23.  
 Cornicis variae migratio. 13.  
 Corui marini, *cormorans* 2. mansueti ad piscandum 118.  
 Costa pennarum, alias rhachis. 38.  
 Coturnicum inter volandum vox vnde? 12. alia fabula de volatu 84. mores et venatio. 121.  
 Coyardi. 32.  
 Cozardi, cuzardi. 32.  
 E e 3

Cranii

Cranii auium forma, futurae, ossa. 15. In explicatione tabularum. p. 171. 172. Cranium cornigerorum cavitatibus spongiosis plenum. 167. Tetricis, aquilae albicillae aliorumque crania. 172. 173.

Craffantius, rubeta. 84.

Cruppon, *croupion*. 32.

Cruris positio. 28.

Cuconiones, cucuriones, ranae. 84.

Cutelli, *couteaux*, cutelli, pennae quae, quot? 42.

Curelius, curlegius, Corlinus. 84.

Cyanopus falco. 196.

Cyenus. Vide Cinni.

## D.

Dendrofalconis mores. 118.

Dens rostri falconibus quibus? 134. vsus in praedando. 141.

Diaphragma auium. 37.

Digiti in ala auium tres. 24. indicis prima phalanx qua forma? 27. digitorum pedis forma, positio, vsus 29. versatiles quarundam auium ibid. phalanges earumque numerus 31. digitus minimus eiusque musculi 47. digiti indicis phalanges quot? 53. digitorum differentia in rapacibus 141. quini auium quarundam. 162.

Diomedae aues quae? 159. 160.

*Δρυπαις* hirundo quae? 6. ALBERTO MAGNO p. 234. a. audit dryacha.

Dumae, *duvet* 38. falconibus defunt, aquilis densissimae. earum vsus 39. 111. 116. varietas 41. dumis ala interna tegitur in rapacibus, 42. 49.

## E.

*Ἐχίος*, pellicula in ventriculo auium et ratti moschati. 167.

Educatio pullorum auium rapacium. 73.

*Ἐλαῖον* in naribus falconum, hinc *ἐλαμοφόρος* falco. 71.

Elephanti sinus frontales immensi in cranio cum auium sinibus comparati. 173.

Empiniones, *empennes*, id est, ala spuria, quot pennis composita, vsus. 54. 55.

Engelbertus de naturis rerum. 81.

*Ἐταργμος* ossifraga. 93.

Epiglottis auibis nulla. 33.

Epistola SYMMACHI, AQVILAE et THEODOTIONIS ad PTOLEMAEVUM, quo sermone et qua aetate scripta? 103. Exocoetus piscis quis? 165.

## F.

Facha, Facheta, Fakecha, Fatga, Fassa, columba. 8.

Fagiani, Italis Fagiano, Fasiani, aures seu cornicula. 16. Fasiani feminae senes maribus similes fiunt. 204.

Falco torquatus SONNERATII. 202.

Falconum in rostro dens 22. 141. quomodo ab aquilis differant. 179. 180. generis totius notae 197. seqq.

Falconariae artis scriptores recensentur 106. seqq. 201. seqq. antiquitas 122. artis vocabula germanica, gallica, italica. 126-131.

Falquet, eius mores. 118.

Famis signa in pennis, Hungermal. 72.

Feminae auium rapacium cur maiores et fortiores? 64. Ita IOHANNES Sarisburiensis de Nugis Curialium I. p. 13., deterior, inquit, sexus in auium venatione potior est. Feminae multarum auium senescentes maribus fiunt similes 204.

Femoris positio. 23.

Fibula auium. 27.

Ficedula eadem cum atricapilla. 40.

*Filandres*. Vide Vermes.

Foraminis magni occipitalis situs in auibis. 176.

Franquillini, *Francolini*. 7. 8.

Fridericus II. multa peregrina animalia publice monstravit 80.

Frogellus, fragellus, falco qui? 73.

Frontales sinus auium. 172.

Fulica, quomodo currunt in terra? 3.

Furcula, os auium 23. varietas 27. aquilarum 50. utilitas. 112.

Fureti, Gallice, *Furets*. I. Furones, Furunculi, pro felibus. ibid.

## G.

Gaia, Gaius, pica et picus. 59.

Galeranus, vulturum nomen 14.

Gallandia an Groenlandia? 67. 88. Clarissimus vir, FORSTER, in secundis literis admo-

- admonuit me, in BARTHOLOMAEO Galaciam esse Holfatiam, contra Winlandiam factam esse ex nomine Wendenland, Wendland, eoque intelligi Pomeraniam et Ducatum Meckelnburgensem. Gallina de India. 17.  
Ganta, anser. 12.  
Garamantides aues, forte Meleagrides. 163.  
Gemse. 84.  
Genitales partes auium. 37.  
Gentilis falconis notae. 189. 190. 191. Vide etiam Peregrinus.  
Genuasii otia imperialia excerpta, cum iudicio. 82. seqq.  
Gibbosus falco. 94. 192.  
Gimus, gimetta, bubo. 89.  
Gosturdi 32.  
Gragans, Graugans. 5.  
Grancus cum cimice post piscem et cancrum nominatur apud MICHAELEM SCOTVM de Phisio. cap. 21. Videtur cancri vel astaci species intelligi, et nomen Italicum esse.  
Grotto, Grotto molinare, idem Volimarus, Volmarus. 21. Apud MICHAELEM SCOTVM de Phisio. cap. 20.: quanto plus auis est volatrix et eadem maioris volatus in altum, tanto plus est aëreae naturae et propinquans aui (aui?) ex aqua, ut patet de aquila, falcone, grotto et de conchili. Vbi quae *conchilis* dicitur, cap. 21. *cochalis* est. Omne, inquit, animal longorum crurum est longi colli, ut grues, ciconiae, *cochales*. GESNER p. 761. Italicum nomen *Cochalli* aliunde allatum de larorum genere interpretatur.  
Gruum genera 3. duces. 13. In grue americana tres tracheae anfractus obseruauit DV VERNEY in DV HAMEL Historia Acad. Paris. p. 253. ed. secund.  
*Γυρναστός*, quae vulturum species? 15.  
Gyrfalco, quis, vnde dictus? 91. an ad falcones pertineat? 109. notae 110. descriptio. 186. 187.  
H.  
Hagard qui falco? 109.  
Halietus aquila et falco quomodo differant? 180.  
Herinacei testiculi an coitus tempore ex abdomine descendant? 168.  
Herodius, aquila. 91. 92.  
Hirundo apus, riparia, rupestris. 6. 7.  
Huanus, auis quae? 19. 58.  
Hungermal, signa famis in pennis. 72. 101.  
Hut, Huter, serpens. 101.  
I.  
Iancae, Iantabes, anseres. 12.  
Iayus auis. 59.  
*Ἰερᾶνων* genera Aristotelica illustrata. 66. 67.  
Inguinales sinus sebacei plerisque animalibus ruminantibus communes. 170.  
Intestinis caecis an mares auium rapacium careant? 64.  
K.  
*Κατάρρακτης* auis quae? 159.  
*Κατάβληψ* animal quadrupes. 165.  
*Κεγχρίς*, *κεγχρηῖς* 70. miliaria etiam est. 167.  
*Κίτφος* auis quae? 161.  
Kyche, Kyke, Kikes, Kytes pro *νεσση*. 59.  
L.  
Lacrimalia puncta et ductus 35. sinus quadrupedum. 36.  
Lacus Iohannis circa Neapolin. 83.  
Lagopus aurita pro noctua 28. lagopodis tetraonis pedes lanati. 42.  
Lanarii, Laynerii, falcones 95. an ad falcones pertineant? 109. duplex genus. 192. seqq.  
Laniorum nomina et mores. 124.  
Lanulae, alias dumae, *duvet*. 38.  
Larynx auium superior et inferior; eius musculi. 33. 34. forma varia. 211. 212.  
Lauzani, quadrupes 2. idem animal ab Alemannis et Gallis *Leunzam*, ab Arabibus *Alphec* appellari, ait ALBERTVS p. 213. a.  
Leopardi. 1.  
Ligorius cum leone, vrfo, dracone et cane inter animalia fortia et audacia nominatur apud MICHAELEM SCOTVM cap. 20., vbi CANGIVS *Licorne* interpretatur, CHARPENTIER *Ligornis* legendum censet.  
Linci, Lincae, quadrupedes. 1.  
Lingua auium quarundam brevis. 34.  
Liuercini, aues. 2.  
Loni,

Loni, Lofs, Lozzi, fera Bohemica. 85.  
 Loxia africana plumas crispas rectis mutat  
 extra patriam. 204.  
 Lumbrici falconum, filandres. 110. 119.  
 Vide Vermes.

## M.

**M**adrinus, madré. 109.  
 Maimo, Mammo, simiae genus. 87.  
 Mammoneus. ibid.  
 Maleculum pro malleolum. 63.  
 Maluitii, *Mauvis*, i. e. turdi. 12.  
 Marcolf auis. 59.  
 Maris profunditas veteribus explorata. 163.  
 Maxilla superior auium mobilis 20. serpen-  
 tum duplex, auium inferior composita. 177.  
*Μαζνολ, μαζνολ* pilices, iidem, qui *μυζνολ*.  
 165.  
 Medulla spinalis auium 32. in ossibus quibus-  
 dam deesse, monuit iam MICHAEL SCO-  
 TVS Phisio. c. 21.: omne animal vola-  
 tile et natans caret medulla multa in ossi-  
 bus et habet corium in ossibus, vt anser  
 respectu gallinae.  
 Meleagridis cornu et cranium. 15. 17. no-  
 mina et patria. 163.  
 Membrana nictitans auium. 19. Columbibus  
 an desit? 210.  
 Mergorum modi. 2. 16. 17.  
 Meruli, i. e. merulae. 12.  
 Metatarsus auium. 27. 28. 31.  
 Michael Scotus, eius versio librorum ART-  
 STOTELIS 80. liber de animalibus. 81.  
 Miliones, Gallis Milans. 79.  
 Montanus, montanarius falco. 93. 183.  
 187. 188.  
 Morfex, i. e. pelecus carbo. 22.  
 Muscerus, Muscherus, Muscardus, Mouchet,  
 Nisus mas. 72. 73.  
 Muscicapa pro caprimulgo. 59.  
 Musculi laryngis 33. 34. alarum omnes  
 enarrati et descripti 44. seqq. 207. caudae  
 similiter. 55. 56. 207. Musculi epidermi-  
 dis plumarumque insertarum. 175. Vi-  
 de Plumae.  
 Mutatio pennarum quae, qualis, quo tem-  
 pore? 62. Muta etiam dicitur, *Mue* Gal-  
 lis, *μυτιών, μυτιός* Graecobarbaris. Mu-  
 ta etiam domuncula mutatoria 63. muta-

tione maculae oblongae fiunt transuersae  
 in falconibus 72. mutati colores 109. mu-  
 tationum variarum nomina. ibid. mu-  
 tandi tempora varia vnde? 110. mutan-  
 tes interim venantur, et quidam fere nul-  
 las pennas mutant 117. mutationis ordo  
 explicatur in aquaticis et terrestribus 151.  
 seqq. duplex multarum auium, eiusque  
 causa. 203. seqq.

## N.

**N**ares vulturum 11. reliquarum auium 19.  
 20. columbarum quales. 210.  
 Nervi dorsales auium 33. optici caui. 112.  
 Nigri falcones. 94. 183.  
 Nilus mas et femina 72. 73. quomodo pul-  
 los educat? 73.  
 Noctuarum pedes 42. qua in re a buboni-  
 bus differant. ibid.  
*Noxapic*, hirundo quae? 6.

## O.

**O**culorum color in falconibus diuersus  
 18. 19. 134. 142. propria structura 19.  
 nubecula in aquilis duabus. 93. Bursam  
 PERRALTI accuratius deinde pinxit et  
 descripsit DE LA HIRE in DV HAMEL  
 Histor. Acad. Paris. p. 507.  
 Oesophagus auium 37. rapacium. 78.  
 Omoplatae auium. 23.  
 Onager in Polonia. 85.  
 Orastus, Orastus, camelopardalis. 80.  
 Osina, i. e. Pelicanus. 21.  
 Ossa iliaca, pubis 25. superciliare aquilarum  
 27. os hyoides 35. 174. lacrimale 36. sesa-  
 moidea duo in auibus 45. ossium pubis  
 vsus. 113. Os maxillare commune, sin-  
 gularis situs eius in scolopace. 176. Oste-  
 ologicae obseruationes auium. 213.  
 Ossifraga aquila 3. *επαρρημος*. 93.  
 Oridum genera 8. 9. mores et victus ibid.  
 et 16. quomodo a falcone occiditur? 111.  
 Otidis tetricis mores. 116.  
 Qua rapaces aues quot pariant? 68. 109.  
 aquaticarum an plus vitelli habeant? 71.  
 148. subuentanea nisi. 73. Quorum ra-  
 tione quomodo aues differant? 148.

P. Pa.



## P:

**P**alatium eiusque foramina. 35.

Palleol, de auro. 85.

Palpebrarum motus in auiibus. 17.

Papagabio, i. e. psittacus, unde? 34.

Papilio ex aqua natus. 82.

Paradiso, de, aues quae? 60.

Passer indicus seu solitarius. 101.

Pauonis vertebrae caudae. 57.

Pediculi falconibus infesti quot? 111.

Pedum differentia in aquaticis et palustribus auiibus 3. color caeruleus unde in falconibus? 111.

Pellicani. 21. Carbonis cranium 22. digiti 29.

Peluis auium. 25.

Pennae alarum, quot, quales, quo ordine positae. 42. seqq. nomina graeca 51. incrementum et nutrimentum 54. caudae pennae quot, quo ordine positae? 55. alarum et caudae pennarum natura et usus. 205. seqq.

Perdix rubra, cinerea, rustica 7. 8. perdium genera et mores. 115. 121.

Peregrinus falco quando audit? 109. 119. 120. quis sit? 183. seqq.

Peruncti forma, usus et morbi 25. 26. 113. 207. penicillus quibus additus est auiibus? 58. 79. Vrogalli perunctum pictum 175.

Pes blauns, falco. 95.

Πετροχαλιδόνες, hirundines quae? 6.

Picae aquaticae. 4.

Picorum caudales vertebrae 57. pennae. 58. Lingua. Cum auctores a me laudati in linguae structura describenda tam longe a se inuicem abeant, suspicor, in vnaquaque specie naturam paulum variasse musculorum reliquarumque partium structuram, atque hinc ortum virorum doctorum dissensum esse. Trochilorum linguam eodem modo ut in picis constructam esse et retractilem, uti suspicatus erat illustris AVFFON, ex scheleti inspectione confirmat Cl. MAVDVYT in Encyclop., sub vocabulo *Oiseau mouche*, p. 265.

Frider. Rel. Tom. II.

Pili iuniorum auium inter pilos lanulasque medii, *poil foles*. 38.

Pisciculus Indicus, *Porko*, in siccum egrediens. 166.

Platalea cuius generis? 61.

Pluerii, *Pluviers*. 2.

Plumae inter squamas pedum falconum 28.

earum differentia a pennis dumisque, et forma 38. duplices 39. 49. in quincuncem positae 39. costa qualis? 49.

Plumae quomodo in cute per quincuncem positae haerent? 175. Eandem structuram auctore MERY ita descriptam reperio a DV HAMEL in Historia Academ. Paris. p. 302. ex Pelicano Onocrotalo: In Actis copiose exponuntur, quae anno 1692. sunt observata circa plumarum radices et fibras earum motrices in formam hexagonam sic dispositas, ut in centro tubus ipse aut calami basis collocetur ac fibrae ipsae in membranam sub pelle positam desinant, atque omnes cellululae hexagonae per foraminula in membranis conspicua inter se communicent, adeo ut hi parui muscoli seu fibrae in varias partes pellem ipsam inflectant. Cum autem molles plumulae in ea membrana, quae inter pellem et eos musculos est interiecta, seu in ipsa pelle suas habeant fibrillas motrices, ab iis quoque pellem moueri satis est verisimile. Membranam hanc (seu telam cellulosam) subit aer ex thorace sub axilla in Pelicano Onocrotalo, ut ibidem MERY docet. — Quo ordine in pullis crescant? 203. Plumae colore tinctae vario crescunt artificio 204. crispae loxiae africanae ibid.

Pluvialium mores et venatio. 121.

Pollex in ala auium. 24.

Porfirae auium nares. 19.

Prouinciae gallicae aues multae vernaculis nominibus designatae. 117.

Psittacus albus 16. maxillam superiorem mouent. 20. viridis, albus, galgulus. 34.

Πραπίς, auium rapax. 66.

Pulli auium caeci qui? 41. 150. lanulis seu floccis tecti. 41.

Ff

Pul-

Pulmones auium diuifi, 37.  
Pupillae contractio et dilatatio in auibus 17.  
differentia in auibus rapacibus. 73. 112

## Q.

**Q**uistula, Quisquilla, Quiscula, Quaqui-  
lia, Qualia, *caille*, coturnix. 84.

## R.

**R**alli terrestres et aquatici. 3. 8.  
Recocta 70. Ex lactis ouilli sero cocto  
faciunt Galli caseum vilem, *recuise* di-  
ctum. Mémoires d' Agriculture, année  
1787. Semestre de Printems, p. 102.  
Reas auium 37. aquilae albicillae. 50.  
Respiratio auium ita fit, vt inspirato aëre  
sternum a vertebribus recedat, pectus dila-  
teretur, et costae sursum eleuatae a se in-  
uicem recedant; expiratione autem ab-  
domen extrorsum intumescit, costae sibi  
propiores et sternum vicinius fit verte-  
bris, sternum deprimitur, et in Pelicano  
Onocrotalo tum aër sub axilla intrat te-  
lam cellulosam inter pellem et musculos  
sitam totumque corpus miro modo inflat.  
Haec in anseres et Pelecano docuit ME-  
RY. Cf. DV HAMMEL Histor. Acad. Pa-  
ris. p. 271. et 303.  
Roserae, anseres. 12.  
Rubeus falco. 195.  
Rupes mobilis. 83.  
Rustica, Rusticula, perdix quae? 7. 8.  
Ruxa, Apud MICHAELEM SCOTVM de  
Phision. cap. 21. serpens, ruxa, lumbricus  
et vermis terrestris gula et pedibus care-  
re dicuntur. Quod animal sit, nescio;  
nec illud nomen in Glossariis reperire an-  
notatum.

## S.

**S**acer falco, vnde dictus? 90. an ad falco-  
nes pertineat? 109. eius notae 109. de-  
scriptio 185. seqq. Aegyptiacus est vultur.  
186.  
Sabins, falcones qui? 70. 94. 118.

Sal et carnes falsae falconibus nocent. 98.  
110.

Saxellus, penna alae quae, vnde? 53.  
Scalvern, Scalucher, Schalucher, Scholu-  
cher, Scholver, Schulver, Schollebaar.  
22.

Skeleton auium rapacium explicatur. 112.  
Scolopacis rusticolae mores. 121.  
Scolopacis rotundum cranium, eiusque for-  
ma et structura singularis explicatur in  
Interpretatione tabulae VI. 176. Scolo-  
pax rubra CATESBY I. tab. 84. in viu-  
ario Ducis Auriaci panis particulas rostro  
acceptas sursum iactabat et faucibus inci-  
dentes excipiebat, teste Cl. MAVDV-  
YT in Encyclopaedia methodica, sub vo-  
ce *Courlis rouge*.

Scriptores artis falconariae recensentur.  
106. seqq.  
Scurulus. Sciurus. 84.  
Seculi XIII. eruditio. 81.  
Seleucis auis. 169.  
Seraph, Scrater, camelopardalis. 80.  
Serpens bipes; alius alatus. 169.  
Sinus inguinales. Vide Inguin. Fronta-  
les, sphenoidales, spongiosi cranii. 172.  
Slige, Schleye. 101.  
Smeriliones, Emerillons, Mirle, Smirlin.  
65.

Spatulae auium. 23.  
Speriolus, asperiolus, sciurus. 84.  
Speruerius, Sparuarius. Epervier, vnde  
dictus? 72.  
Sphenoidales sinus auium. 172.  
Starna, perdix 7. 124.  
Sterni structura et forma 26. varietas in fal-  
cone et accipitre 112. sterni crista  
Gallis *le bréchet* audit, auctore MAV-  
DVYT in Encyclop. p. 326.

Strigis aluconis descriptio et sectio. 50.  
Strigum pennae plumaeque molliores. 52.  
Struthiocameli structura passim annotatur.  
In sclerotica duplicem membranam,  
opacam alteram, alteram pellucidam vi-  
dit MERY. Opacae parti musculus vnus  
membranae nictitantis et tertius palpe-  
brae

brae superioris adhaeret. DV HAMEL  
 Histor. Academ. p. 259.  
 Sturnelli, *Etourneaux*. 7. sturnorum mores  
 et volatus. 10. 11.  
 Subcoxalia 41.  
 Superanicus falco. 73.  
 Supercilia falconum eminentia. 92. os su-  
 perciliare. 93. 112.  
 Symmachi epistola ad PTOLEMAEVM.  
 103.  
 Syrena, avis 7. 8. 117. In Prouincia Gal-  
 lica Merops apiaster *Serene* dicitur. Hic  
 cum infectis videretur, intelligi vbique vi-  
 detur ab Imperatore sub nomine Sy-  
 renae.

## T.

Tagarot, falco. 110.  
 Talus falconum, digitus posticus 28.  
 quomodo feriant talo? 141.  
 Tanir, Thamur, vermiculus Iudaeis dictus.  
 86.  
 Targula, avis. 60.  
 Tauri aethiopici Agatharchidis qui? 169.  
 Telephus Grammaticus. 166.  
 Tertiolus, triciolus, avis. 65.  
 Testudo, limax. 100.  
 Tetraonis tetricis trachea. 177.  
 Theodotionis epistola ad PTOLEM. 103.  
 Thomas Cantimpratensis de naturis re-  
 rum. 81.  
 Tibiales plumae. 41.  
 Tinca, tincha, piscis. 101.  
 Trachea auium arteria 36. vrogalli picta.  
 174.  
 Tuba Eustachiana auium. 36. 172. 173.  
 Tunetanus falco. 191.

## V.

Vanelli, *Vanneaux*. 2.  
 Vanni, *Vanneaux*, remiges secunda-  
 riae, numero plures, et variant. 51.  
 Video, virum doctum, Cl. WALBAVM,  
 in pluribus auium descriptionibus di-  
 xisse *Schwingfedern* pro vannis, et  
*Schlagfedern* pro forinsecis et cultellis;  
 recte quidem is; sed praeterea in laro,

exempli causa, cubiti vannos 6. distin-  
 guit, quas remiges tertianas, et brachii  
 superioris vannos sex, quas remiges  
 quartanas appellat, et velo seu plicae po-  
 steriorem inter cubitum et scapulam vna  
 cum scapularibus infixas esse ait. Verum  
 equidem non approbo nomina pennarum  
 a numero ducta, sed potius partium no-  
 mina illis indenda esse puto. Alam sub-  
 brachialem is *Unserflügel* dixit, eiusque  
 in laro pennas 10, in ansere erythropode  
 mare 8. numeravit. Alam pollicarem  
*Afserflügel* appellat, et in laro quatuor  
 pennas, ut in rapacibus auibus, compo-  
 sitam vidit. Vide scriptorum societates.  
 Berolin. naturae curios. volumen octa-  
 uum.

Vbleti, aues. 66.

Ventriculus auium 37. rapacium 112. 117.  
 Vermes falconum, *Filanderes* dicti, varii ge-  
 neris. 110. 119. 120. 123. 202. Vermes in  
 auibus rapacibus varios reperit et descripsit  
 GOETZE, velut in intestinis ascarides te-  
 retes, cucullanos et gordios simul in eodem  
 intestini tractu habitantes p. 85. echino-  
 rynchos p. 154. planarias p. 173. tae-  
 nias. p. 401. Renales vero vermes nul-  
 los ab eo commemoratos reperio.

Vermiculi cultura. 83.

Vermis sericifici cultura. 83.

Vestitionum Aristotelis librorum historia in  
 praefatione et passim in annotationibus  
 traditur. Seculo etiam XII. in Apulia  
 fuisse interpretes graecorum librorum  
 latinos, intelligitur ex loco IOHANNIS  
 Sarisberiensis in Metalogi I. p. 765.;  
 quod, inquit, a graeco interprete et qui  
 latinam linguam commode inouerat, dum  
 in Apulia morarer, accepi.

Verrebrae colli 23. caudae 33.

Vhan, avis quae? 19.

Viperarum foetor unde? 166.

Vncia, quadrupes, Gallice *P Once*. 2.

Vnguium forma et varietas. 32.

Vocabula falconariae arti propria germa-  
 nica, gallica, italica. 126. 131.

Vocis mutatio in auibus. 40. instrumenta.  
 211. 212. Vide Larynx.

Vf 2

Vola-

- Volatus** varius variarum avium. 61. 62. Volandi celeritas 118. vocabula, quibus volandi modi varii signantur. 131. Volandi artificium, varietas in avibus rapacibus explicatur. 132. seqq.
- Volmarus**, Volinarus, avis quae? 21.
- Vpupa**, MICHAELI SCOTO de Phiscon. cap. 20. *pupa* dicitur. Pullorum in parentes pietas unde? 59.
- Vreteres** ardearum 37.
- Vrogalli** anatomia et descriptio. 171. seqq.
- Vropygii** plumae inferiores, *braccae* 55. glandulae duae. 25. 26.
- Vulpanfer**, anas tadorna est. 166.
- Vulpis** astutia. 85. 164.
- Vulsa** animalia. 101.
- Vulturum** odoratus et character 11. species variae 14. Vultures pro aquilis scriptoribus barbaris 52. species novae generisque totius notae 181. seqq.

Z.

**Zueta**, Ziguetta, bubo. 89.

LIPSIÆ,

EX OFFICINA KLAVBARTHIA.



















Österreichische Nationalbibliothek



+Z1836 . 103



